



6
19-b
58



6-19-b-58







H E R O U M

L I B R I IV.

A D H E R O A S


E P I S T O L Æ

A U C T O R E

EMMANUELE DE AZEVEDO.

Fidelis Deus, per quem vocati estis.

i. ad Cor. i. 9.



L O V A N I I

** ~~~~~ **

SUPERIORUM FACULTATE
ANNO MDGCLXXXIX.



CELSISSIMO AMPLISSIMO CLARISSIMO

PRINCIPI

GREGORIO ALEXANDRO

POTEMKINIO TAURISCHESKIO

SUMMO DUCTORI COPIARUM

CATHARINÆ II. AUGUSTÆ

OPT. MAX.

MAGISTRO EQUITUM

LEGIONARIORUM ET AUXILIARIORUM

PRÆFECTO CLASSIS

AD PONTUM EUXINUM

PRÆFECTO COMPLURIUM ORDINUM

TERRA MARIQUE

PRÆFECTO COLLEGII

CONSILIARIORUM AD BELLICA

PRÆFECTO

CASTRORUM AUGUSTALIIUM

LEGATO PROPÆT.

CATHARINOPOLEOS. TAURIDOS. ET. KARKOVII

PRÆFECTO

EQUITUM PRÆTORIANORUM

LEGATO

LEGIONIS LORICATÆ CATHARINOPOLITANÆ

TRIBUNO MIL.

LEGIONIS PRÆTORIANÆ PRIOBRACHENSKIÆ

CUBICULARIO AUGUSTALI

CAMPIDUCTORI PRIMO

PRÆFECTO

NAVALIUM MOSCHICORUM

ADLECTO

A CATHARINA II. AUGUSTA.

IN OMNES ORDINES EQUESTRES

&c. &c. &c.

A 2

He.

Heroum immortale decus, tutela Meorum;
 Imperii splendor, cui summa negotia mentem
 Semper habent, nunquam impediunt, nec maxima parvis
 Officiunt; miro amplexu simul omnia Prudens
 Discutit, in medio tanquam vacet agmine rerum.
 Sic Te selegit bello, sic pace Ministrum
 Maxima Regnantum, seu iustas condere leges
 Mente gerat, seu mille modis acquirere genti
 Commoda, seu magnis nova regna adjungere regnis.

Russia consilium mirata, & mentis acumen
 Nomine plena tuo, dum plausibus addere plausus
 Gestit, ab Euxino superatis arcibus audit
 Te vinci ignarum, & bello insuperabile fulmen
 Martis ad invidiam terra, pelagoque vocari.

Littora prospiciunt circum fœdata cruore
 Hostili pavida frangentem cornua Lune
 Sape renascenti præcingere tempora lauro:

Non animi timeo placidam turbare quietem,
 Non quas magnanimo versas sub pectore curas,
 Nec dextram invictam, semperque ad bella paratam,
 Si supplex parvo exponam mea vincta libello.
 Qui segetes, populosque beat, qui viscera terre
 Fœcundat, procerumque domos illustrat & urbes,
 Non minus in miseros fundit sua lumina Titan.

Sic nostra aspicias facili quæ lusimus astro
 Carmina; si spreta canimus merita alta cohortis,
 Est summo dilecta viro, mihi sufficit unus,

Cui

Cui placuisse sat est: hinc carmina jure benignos
 Exposcunt radios, tanto sub sidere clara
 Accipient lucem, & cum laude superba ferentur
 Digna legi, magnum ostentent si fronte Potemkin.
 Si nimium, tamen æqua rogo; nam semper amasti
 Jesuadas: gens illa semel tibi cognita, morte
 Erepta, & summis viguit tranquilla periclis..
 Hoc jactet meruisse decus, serique nepotes,
 Quam sapienter ames, ex nostro carmine discent.

Consilio Catharina tuo subscripsit, in illa
 Nobile Jesuadis columen matremque dedisti,
 Matrem conjuratum orbem superare potentem;
 Per te summus honor nobis, & gloria crescit,
 Signa Patrocinii Septem concessa Trioni
 Diffusa exulibus prosint regione remota;
 Quique tuos livor frustra lacerare clientes
 Conatur, torvo aspiciens mea carmina vultu,
 Discedet, tumidosque ausus frænabit & iras.
 Tu mihi clara fores laudum seges: ob mihi felix
 Ingenium, si Castalios penetrare recessus
 Sors daret, & cantus Musis & Apolline dignos
 Ludere; sed tenni luctor velut anser arena.
 Et ne vilescant laudum decora ampla tuarum,
 Audaces animi frænât reverentia nifus.
 Ascipe nostra tamen ceu parvum carmina donum,
 In quibus exhibeo Fratrum ornamenta meorum
 Perpetuis mansura annis: tibi pertinet uni
 Quidquid laudis habent, omnis tibi gloria cedit.

*Deficiet cultura operi: deducta sereno
 Carmina proveniunt animo, quod tempora nobis
 Sæpius excusso perculsis fulmine pectus
 Dura negant: animo jactet placuisse benigno
 Non mentis, sed amoris opus; Gens nescia fraudum
 Candida sinceri gaudet penetralia cordis
 Noscere: sæva docet plures infamia dextras,
 Me pietas; movet illa manus, & carmina dictat.
 Ne tibi displiceant, satis est: Sic Numen in omnes
 Flexibile orantes inopum pia vota secundat,
 Nec reputat donum, sed cor donantis honorat.*

Carmina a me edita Tristium libri appellari possunt. Siquidem ab anno 1731. usque ad præsentem plurima opera typis dedi, neque unquam mihi in mentem venit, versus a me scriptos publici juris facere, nisi postquam oppressum mœrose animum aliqua medela sublevare enitor. Hæc enim studia jure merito amœniora vocantur; nam quovis tempore & loco intra nos ipsos mentem exercere & recreare possunt. Venetæ Urbis descriptio a me excogitata fuit, ut animum a dolore diverterent, cum audiivi Fratres meos Lusitanos a patria expullos. Illud enim vulnus corde inflatum me noctu diuque penitus dilacerabat. Inde occasione exilii Hispanis indicti celebriorum Italorum parva poemata in latinum versa eadem de causa concinnavi, ut in illius operis præfatione professus sum. Artem poeticam ab antiquis, quæ juvenis lusi, & casu supererant, fragmentis collegi, & duo illa volumina Magnæ Mœschorum Imperatrici consecravi, dedicatione, prout potui, elaborata, ut Augusto ejus Filio Venetias adventanti cum aliquot versibus in ejusdem laudem scriptis coram offerre possem, miratus eximiam humanitatem, qua ipse, & Augusta Sponsa me dignari sunt excipere, & mihi gratulans, quod ira animum meum erga meorum Fratrum Patronam gratissimum contestabar. Amicis Patavinis innotuit Fastos Antonianos me duorum mensium spatio absolvisse; unde facile deduces, quo conatu fastidiosas curas utilioribus sopire studeam. Hoc vero præsens opus vel exulem Scriptorem, vel, ad quos scribo, exules Lector spectet, peculiari titulo de Tristibus dicendum est.

Canenda quidem ad animum sublevandum carmina, sed non evulganda objicies; sed æger animus cum omnes, quæ illum consolari queant, rationes excogitet, non illos respicit, qui irridendi, sed illos tantum, qui commiserandi occasionem arripient; quare si quædam dicendi formæ vehementiores tibi, quam par est, identidem videbuntur, excusa in amantissimo Filio tenerissimum erga dulcissimam Matrem amorem.

Consulto inferui aliquot versus ex Virgilio præsertim, & Ovidio, eo quod eadem res melius exprimi nequit: mihi videntur scintillæ, quæ obscuriora quæque illustrant; & ut lectori pateat, quos mihi duces ad imitandum proposui.

Tractatarum rerum perspicuitas notis non indiget; eas tamen in calce operis adjunxi loco indicis in gratiam illorum, qui legenda prævenire solent, & vel minimam hærendi causam fastidiunt.



CARMINIS EPICI

A R G U M E N T U M.

UNica actio omnium virtutum genere illustris, nempe mira constantia, qua Tyrones Societatis Jesu in America a suis per vim avulsi, suis iterum in Italia se conjunxerunt, dignam Epico carmini materiam suppeditat. Eorum gesta in primo libro exordimur a Portu S. Mariae, quo, ablata omnibus veste, conveniunt. Cum Superioris partes plerumque egisset Vincentius a Castro, hic erit praecipuus Poematis Heros; sed cum insignis constantiae laus sit reliquis etiam communis, omnes Heroum nomine appellamus. Inter plures, a quibus munificentiae, & amoris signa susceperunt, primo memoramus D. Annam Mariam Borgiam, ut Proavi sui mentio opportuna inducatur. Huic Matronae narrat Castrius in secundo libro quae sibi, & sociis evenere ab indicto Jesuitis exilio. In tertio Juvenes ab eadem Matrona convivio excepti suarum Provinciarum historias in aulaeis observant: quam opportunam ad poeticum ornatum digressionem judicavimus: in iis vero, quae inter Tyrones evenere, verosimilia ex circumstantiis deducimus; reliqua omnia veritati Historiae omnino coherent, licet poetico pennicillo depicta. Borgiae, & aliis de se benemerentibus Tyrones valedicunt, & navem conscendunt. In quarto libro, & ultimo iter a Portu Gaditano in Italiam describitur.

HEROUM

LIBER PRIMUS.

GESTA, virosque cano, per quos juvenilibus annis
Crevit honos, crevere sacræ decora alta cohortis,
Cui nuper nomen dederant, non fraudibus ullis
Decepti, qua jussa vocant cælestia, pergunt.
Injectos superant obices felicibus ausis.
Nec potuere minæ, aut series diuturna malorum
Frangere constantes animos, & nescia vinci
Pectora; multum illi & terra jactantur & alto
Vi Procerum. Tantæ ne animis illustribus iræ?
Nec Regum minuetur honor, queis firma voluntas 10
Reddere felices populos; tamen anxia veri
Nescia mens fraudum non raro fallitur ausu
Sacrilogo, &, qui cuncta nequit discernere visu,
Cogitur heu! Princeps alieno fidere testi.

Divæ, mihi causas memora, quid crimine ficto
Sæva lues inimica probi tot adire labores
Insignes pietate animos, tot volvere casus
Impulerit; cur tanta Erebo concessa potestas?
Cur tantum in Juvenes ausus sævire nocendi
Ardor, & ingenuas Procerum corrumpere mentes? 20
Non calcata prius terret via: dirige gressus
Provida, solve metu trepidantem, & adire timentem;
Bellaque dum miror priscis ignota Camœnis,
Da celebrare tuos, nam Te celebramus in illis,
Virgo Parens; tua res agitur, Tibi militat agmen
Heroum; promptum auxilium, viresque dedisti;
Te mira adjutrice ausus ad magna paratos
Induit, atque Tui semper victricia Nati
Fida cohors certo sequitur vexilla triumpho
Læta animis, ignara metus, & prodiga vitæ. 30
Magnum opus aggredior; tanto sub sidere vatem
Dedeceat tenui modulari carmen avena;

Quia

Quin etiam indignor conchas inflare marinas.
 Nunc Superum licet ore loqui; Tu Numinis altrix
 Affer opem, succede animo, me subtrahe vulgo;
 Divinos infunde sonos, facilisque precari
 Vultu, quo cælum tempestatelque serenas,
 Prospice conantem, & felicibus annue cæptis.

Urbs antiqua fuit, Trojæ tenuere coloni
 Exilio pulsi, & fatis maria omnia circum 40
 Jactati, postquam cessit constantia fraudi,
 Et celsa ultrices rapuerunt mænia flammæ.
 Huc extra Herculeis vada circumscripta columnis,
 Roscida purpurei fugiens cunabula Solis,
 Advectus tuta requievit sede Menestheus.
 Tum falsa observans sinuoso cærulea flexu
 Securum fecisse sinum, & contermina pingui
 Arva solo lætos facile invitare colonos,
 Fundamenta locat venturæ sedulus urbi.
 Dum mare, dum tellus, dum visitur arduus æther 50
 Spargere lætitiâ, festis per inane choreis
 Dulce melos dederat, vocisque plicatile murmur
 Aligerum pennata cohors, cælumque sinistra
 Intonuit, dum cymba auris dat vela secundis,
 Et circum obsequitur festo revolubile saltu
 Delphinorum agmen. Comites felicia mulcent
 Omina, nec veteres amor est memorare labores;
 Quin etiam hæc medias vox est audita per auras:
 Tempus erit, quando intrepidus Europa Columbos
 Mittet, & Hesperias ultra quærentibus undas 60
 Ignotum nautis audacia detegat orbem;
 Terque novem excurrent revoluto sæcula gyro,
 Cum non reliquæ Danaum, non missa remotis
 Numina falsa plagis, cælo sed lapsa sereno
 Relligio incultis diffundet germina terris.
 Quæ prope conspicitur statio bene fida carinis
 Tecum una excipiet venientes æquore classes,
 Lætæque ditabit seros fortuna nepotes.

Tali-

Talibus auspiciis clarescere vidimus urbem,
Quæ, postquam exercet medio commercia mundo 70
Navibus innumeris, majori crevit honore.

Huc se contulerat nuper generosa Juventus,
Quæ se Jesuadum castris devoverat ultro
Perpetuis mansura annis; sed rapta furenti
Turbine & a reliquis divisa sodalibus urbes
Longinquas, plenosque minarum visere vultus
Cogitur, & sævas pelagi tolerare procellas.
Nec tantum abstulerat teneram violentia pubem
Vestibulum ante ipsum, primoque in limine templi,
Quo vix insistens jam vota parabat ad aras; 80
Sed belli ignaros varia tentaverat arte,
Ne quæsitæ prius rursus vexilla sequantur.
Abstulerat vestes, pretiosa insignia Regis
Ætherei, quamquam attritas, lacerasque, rudesque;
Queis tamen interea casus solantur acerbos,
Dulcia queis madido juvat oscula figere vultu,
Et tenero sæpe amplexu ad confinia cordis
Stringere; at exterior quamquam scindatur amictus,
Idem omnes vigor intus agit; violentia mortem.
Ferre potest, animo sed non imponere legem. 90

Ut miles ductore carens, & remige puppis,
Fluctuat hæc vasto oceano, timet ille potenti
Armatam conferre hosti in certamine dextram;
Languida non aliter Tyronum corda putares
Afflicto cecidisse animo: sed rupis ad instar,
Quæ tuta erigitur mediis immota procellis,
Intrepidus servant animos, cognoscere fraudes
Edocti, ridere minas; sævoque malorum
Turbine quisque novas artes, nova pectore versat
Consilia in melius. Manet alta mente repostum 100
Ire viam semel arreptam, nec flectere retro,
Multæ licet cursum impedian; invisa profanis
Castra sequi, metuenda Erebo documenta tenere
Fixa animo; quamquam præsens in tempus omittat
Sub

Sub duce quisque suo, charaque in sede mereri.

Castrius ante alios mœstus pervenit in urbem
Nescius ipse sui, sociosque in corde gerebat.

Nunc illos animo volvit, nunc pronus ad aras
Auxilium a superis forti poscebat amaræ.

Heu quid aget! neque enim misero spes ulla manebat, 110
Dilectos socios sub eodem visere tecto.

Ut tamen in superos suspiria saepe volarent

Libera, & ut lacrimis faciles laxaret habenas,

Indutus non veste sua rura obvia quærit,

Qua patet in templum convexi machina cæli,

Sollicitus modo vota pio renovare dolore,

Et dulces (nam cogit amor) modo fundere questus .

Ah! si qua est pietas (auras sic ille fluentes
Interdum alloquitur) mea vos suspiria ferte,

Ferte meos gemitus; qui me dolor opprimit ingens, 120

Curaque, & undantes lacerato in corde tumultus,

Omnia dispersis sint nota sodalibus, oro .

Nec pigeat Latias alis pernicibus oras

Quærere, supremoque Duci, quem singula norunt

Agmina, testari firmum Tyronis amorem .

Jamque Apenninum transversis quærite pennis,

Et socios quondam veteri procul orbe remotos

Visite. Dux sacrae (quam nunc regit ille) cohortis,

Dux mihi primus erat: natum si forte dolebit

Amisisse suum, diroque in gurgitemersum, 130

(Quamlibet amisi, quo me decoravit amictum)

Dicite me semper mentem servasse fidelem.

Vos pelagi fluctus, qui me duxistis ab orbe

Occiduo, in terras me ducite rursus eoas.

Vos etiam pulchros, silvestria munera, flores

Alloquor, illapso seu vos succidat aratro

Rusticus, aut avido, dum pascitur agna per agros;

Dente metat, seu scæmineis servata corollis

Gloria, nativum paulatim frondis honorem

Perditis avulsi trunco; vigor insitus olim

140

Nunc

Nunc quamquam mihi restat adhuc, me vulnus acerbum,
Meme idem timor excruciat; vos Numina rorem
Mittite, languenti vos vitam affundite ramo;
Donec sit vestro defixus in arbore dono.

Talia jactabat mœrens, & mixta querelis
Verba iterans nunc rura notat, nunc cœrula vultu,
Nunc defigit humi, nunc cœlo lumina torquet.

At Zephyrus circum placidis obmurmurat alis,
Et furta hortorum roseos inspergit odores.
Tum virides frondes pluviz labentis ad instar 150
Cernit, & ignotos volitare per aera flores.
Elevat attonitos mira ad spectacula visus
Castrius: ecce autem duplex Matrona decoro
Incessu Juvenem circumdare visa, sinistram
Spes tenet, alma Fides dextram occupat: ut decor oris
Regius! ut vestis rutilanti luce coruscat!

Hanc tenui ex lino (nisi lux prohiberet) amictum
Inflexum varie sibi confecisse putares;
Et tegat obscuro quamquam velamine vultus,
Cuncta videt; superat penetrabile mentis acumen 160
Intuitus, nec tanta oculis concessa potestas.
Gemmatum calicem dextra tenet; eminet orbis
Candidus, & niveo decorat labra aurea gyro.
Læva crucem ostendit, nostræ instrumenta salutis
Nexa simul, fixos nodoso stipite clavos,
Sertaque conspiceres pungentibus aspera dumis;
Lancea sanguineas maculas in cuspide servat,
Transversam pariter levis ornat sponsa cannam.

Altera, ut oblatum lætetur prendere munus,
Læta genas, intenta oculos, attollit in altum 170
Brachia, & inspecto nutrit sua gaudia cœlo.
Vestis obit pretiosa humeros, quasi textile gemma
Fingat opus, radios late spargente smaragdo:
Perque habitum sparsim rutilant in imagine flores
Quos tamen in fructus transmutat fertilis arbor;
Pictaque navis acu ventis agitur & undis,

Sed

Sed simul optatum signat tuta anchora portum.

Obstupuit Juvenis; nam quamvis providus optet
Contraxisse oculos, nunc hanc, nunc aspiciit illam,
Cælestique frui sensit dulcedine pectus. 180

Solve metus trepidante animo (sic utraque fatur)

Adsumus in magnis solamina certa periclis

Affiduae comites semper mortalibus ægris,

Corde metus, tenebrasque infirma e mente fugamus;

Perque iter obscurum & ruptis anfractibus arctum

Ducimus in superos, nisi nos expellere curent,

Et propria malint fera damna subire ruina;

Ducimus in superos, felices ducimus umbras;

His tamen ingressis, cæli penetralia nobis

Interdicta latent; sic dum comitatur orantes, 190

Sistimus ante fores, sed earum sorte potimur.

At nobis dilecta soror per sæcula perstat

Indivisa comes; nam post confinia vitæ

Numinis ante thronum mentes sine corpore sistit:

Et cum membra iterum primas rediviva figuras

Affument, membra æterno comitabitur ævo.

Hanc tu corde etiam, Castrî dulcissime, servas;

Nec socios unquam illa tuos quacumque ferantur

Desertura ultro; nobis est insita virtus

In variis simul esse locis; procul aspice, Castrî, 200

En socios præit illa tuos. Nec plura locutæ,

Adversa ostendunt venientem in nube sororem.

Aurea vestis erat, vivacisque æmula flammæ

Undique spargebat radios, vultuque reflexam

Evibrare procul lucem nitida astra putares.

Dextra tenet faculam; jaculatur fulgura pectus,

Sed nullum factura metum: tota uritur intus,

Hi tamen ardores nequeunt inferre dolorem;

Non oculos jubar offendit, quamquam ipsa nitores

Phæbeos late exuperet, nec pulchrior ulla est, 210

Seu terrarum orbem, aut cæli spatia ampla requiras.

Vix ubi pervenit, ceu prægnans lumine vitrum,

Cun-

Cuncta nitent, decus inde novum accepere sorores,
Namque solet reliquis non tantum affundere lucem,
Sed, si forte adsint, maculas abstergere Diva.

I nunc, & Charites fallax modo Græcia prome
Delicias afferre animo, placidosque lepores,
Lætæque virgineo diffundere gaudia vultu.

Aspice delapsas cælesti a sede sorores,
Nam quod secum una divinæ particulam auræ 220
Contineant, ut corda hominum felicia reddant,
Non opus est fictis mendacia quærere factis.

Castrius optatos, qua semita lucis oberrat,
Agnoscit socios, pendetque immotus & anceps,
An Divam primumve petat de more sodales?
Attamen ancipitem monuit Dea; currite, dulces
Currite in amplexus, atque obvia stringite, clamat,
Brachia: tunc alios alii læto ore salutant,
Mutuaque alternis concrescunt gaudia signis.

Non ultra videre Deas, perque aera tantum 230
Nescio quid fulgoris erat; sed plurima corde
Signa inerant, socias ibi clam mansisse sorores.

Tum genibus flexis tollunt ad sidera palmas
Unanimi pietate hilares: tibi sistere grates
Nunc opus est, ajunt, superi moderator olympi,
Ut decet, & manuum poscunt opera alta tuarum.
Tu nos dispersos, sine victu, & veste relictos,
Junxisti tandem; reliquos subiisse labores
Nobis dulce fuit; sed vulnus acerbius arces
Providus auxilio: dum spiritus hos reget artus, 240
Da firmum servare animum, da vincere sævos
Assultus, sacris da numquam excedere castris.
Nec petimus diras numquam sævire procellas,
Quando ita constituas tibi pectora fide probare,
Mitte Euros, rabidosque Notos; sed dirige clavum
Navis inexpertæ, ut mediis bene sarta procellis
Rideat iratas, ventis agitantibus, undas.

Hæc ubi dicta, urbem accedunt, & læta vicissim
Si-

Signa iterant, jam multa rogant, quam multa reponunt,
 Dum seriem memorant alterna voce malorum: 250
 Quam sit dulce pati, verbis dignoscitur ipsis;
 Delicias animi potius narrare videntur:
 Felices rerum eventus, felicia noscunt
 Exilia, horrores, cruciatus, vincla, procellas,
 Incussa que minas; sed tensa illudere miro
 Retia consilio, laqueos vitare paratos,
 Irridere dolos, & tectum noscere crimen,
 Occultasque artes, cælo, ceu dona, benigno
 Attribuunt; & magna licet pro Numine passi,
 Nil fecisse putant; nam si majora recurrant, 260
 Intrepidi cuncta expectant, ad cuncta parati
 Corde avido, oblique sui, oblique suorum,
 At cælo intenti. Mira est in pectore virtus,
 Et stabiles animos lateri comes addita semper
 Obfirmat, recreatque novis Constantia donis.

Longa via est, sed læta brevem consortia reddunt:
 Jamque humiles patuere fores: nec qualia nuper
 Sors felix habitare dedit, penetralia monstrant.
 Castrius invitat socios, cogitque negantes
 Ire prius; rosasque offert ærugine sedes. 270
 Lignea nam variis patuere sedilia formis,
 Atque aliquis quamquam officio pes deficit impar,
 Testa parem subiecta facit: non culcitra molles
 Includit plumas; nec saltem textile junco
 Apparet faciles concessum munus ad usus.

Quas epulas etiam potuit pia cura parare
 Tempore difficili, promit venientibus hospes.
 Discubuere omnes; quem non habuere saporem
 Pabula, fecit amor; neque tot jejunia passis
 Nunc audet violenta fames inferre dolorem. 280

Tum senior gravis eloquio, quem Mexica Tellus
 Tres hyemes post lustra novem decurrere vidit,
 Hæc ait, indicens nutu se velle profari.

Post mille ambages, post mille pericula, portu
 Jun-

Jungimur Hesperio: non hoc sine numine Divum
Evenisse reor; passu graviora sodales
Exultate animis: hæc visere littora primum
Contigit, e patriis postquam discessimus oris.
Nunc nobis mare monstrat iter, qua sidere fausto
Præcessere duces, qua præcessere cohortes. 290
Non Erebo incutimus propria virtute timorem,
Sed simul uniti: vivendi norma vigorem
Corde fovet, magnosque animum disponit ad ausus.
Sic illam observant furia quasi signa ruinæ
Certa suæ, at superis ideo est gratissima Divis.
Interdum qui jungit amor, sacra dividit idem
Agmina Jeluadum; sed si divisa ferantur,
Dux nutu regat illa suo; sit victima nostræ
Plena voluntatis; cælo mage nulla probatur,
Offertur nulla ante sacras pretiosior aras. 300
Hactenus esse simul, præscriptam attendere normam,
Et Ducibus parere modis violentia duris
Impediit: spoliata suo quasi cymbula clavo
Et ductore carens mediis jactamur in uadis.
Divum cura loco jam nos collegit in uno:
Quos tamen illa duces nobis dedit, abstulit atrox
Exilium, & proprio cogit nos vivere ductu.
Cogat: in angustis præscripta est optima rebus
Regula, & huic morbo facilis medicina paratur.
Parendi nobis meritum, & sincera voluntas 310
Restat adhuc, nostrisque aspirant numina votis.
Eligere ex cunctis, qui nos regat arbiter, unum
Est opus: hunc delapsa astris prudentia cautum
Reddet, ut imperii faciles moderetur habenas.
Dixerat: interea pubes dicentis ab ore
Pendebat madida imbre genas; immobilis hæret
Plurimus, at læto promit sua gaudia vultu.
Altera voce probat, certis pars altera signis
Annuit, & medio fulget concordia cætu.
Te, Castri, signant oculis nil tale timentem, 320
Dum

Dum mentem intentus per nomina singula versas,
Jamque animo sceptram natu majoribus offers.

Ut suspensa diu tenuere silentia cunctos,
Consensu unanimi vox est audita per omnem
Sparsa domum: nos te, Castrî, dulcissime Castrî,
Ductorem eligimus, nostram rege navita puppim,
Donec ad optatos det cælum appellere portus.
Norma domi metuenda Erebo fervetur, ut omnes
Loyolæ documenta monent: servabimus ultro,
Sed juvat interea sub te servare magistro. 330

Talia dicta dabant; tremuloque expalluit ore
Castrîus, & propriam culpans incredulus aurem,
Num voces audire putet, numne audiat, anceps
Secum una vario mentis deliberat æstu;
Donec anhelanti similis suspiria primum
Edidit, & tales vultu dat supplice voces.

Tantane vos fallit meriti experientia vestri,
Ut juvenem imberbem mens sit præponere bello,
Prælia dum parvam cingunt graviora cohortem?
Nunc opus est nauta experto; nam sævior urget 340
Tempestas, & cymba feris agitur ab euris;
Crudelesque nigro minitantur in æthere nimbi:
Nam mundo cum terga dedi vix lustra volarunt
Quatuor, inque nova potui didicisse palæstra
Multa quidem, at duplicem visdira absolvere menssem
Impediit, jussitque novos perferre labores.
Dicite inexpertus (socii) quid tempore miles
Exiguo didicisse potest! Norma optima rerum
Vix mihi nota fuit; quam me didicisse putatis,
Exilio & mæstis potui dediscere curis. 350

Vos inter, qui veste sacra se sistat ad aras,
Cuique viam stravit venerando indutus amictu
Præsul, ut ad similes paulatim ascendat honores;
Vos inter, doctos usu, virtute probatos,
Maturis annis, meritos illustribus actis
Conspicio: mea si possem suffragia ferre,

Di.

Dixissem Jam dicturo quem mente gerebat
 Unanimes obstant focii: comes optime, clamant,
 Cede Deo; parere aliis discamus oportet:
 Tu præbe exemplum, & nostris tandem annue votis. 360

Interea placidis ales circum obstreptit alis
 Nescio quid cæleste ferens, radiosque nitentes
 Fundit, & ambrosiæ divinum spargit odorem.
 Castrius oblatum quamvis invitus honorem
 Excipit; in socios curas & munia prudens
 Dividit, huic precibus signare fideliter horas
 Et certo socios signo conjungere, & illi
 Ante preces mentem lecto disponere libro
 Creditur; ille rudes vestes & lintea servat
 Ordine texta suo, viles hic præparat escas; 370
 Ille stipem quærit, quæ sponte oblata sodales
 Exuat a curis vacuosque intendere cælo
 Excitet; ille fores aperit pulsantibus; illum
 Mundities interna domus, illum occupat ægros
 Visere, siqua lues ausit turbare quietem.

Forſitan in teneram diverſo ex orbe juventam
 Afflictam, abjectam, atque odiis crudelibus ætam,
 Poſtquam amplas contempſit opes, contempſit honores,
 Triftitiam irrepreſſiſſe putes facilesque querelas.
 Falleris: haud plures habitant ſub paupere tecto; 380
 Nec dubites: nam fecit amor de pluribus unum.
 Et cum plus habeat cupiat quam quiſquis habere,
 Quamquam aliis videatur inops, ſe divite gaudet.
 Nec mirere Deas illapſaque Numina cælo
 Hic ſtabilem poſuiſſe domum; quibus illa probantur
 Tecta magis, quo plus nobis deſpecta videntur.

Integritas ſedet ante fores; circumvolat ædes
 Ingenuus Lepor, atque intus Pax aurea regnat;
 Componit placidos rubicunda Modestia vultus.
 Omnia Paupertas ſuffert, munda omnia reddit 390
 Virginitas, perquam reverenter quiſquis obedit
 Dat rebus normam, atque decus Vigilantia jungit;

Abfcondit longa Constantia vefte laborem:
 Lata fibi comites addit Patientia rifus,
 Fasque Decorque domum luſtrant, queis dulcis Honeſtas
 Et demiffa oculos Pietas & candida Virtus
 Additur; in dubiis vigilat Prudentia rebus,
 Et medio incedit mitis Concordia cætu.

Tempus erat quo frigus iners per membra per artus
 Serpebat, vulgusque ultro invitabat ad ignes. 400
 At ſenior quamquam miti ſub fidere natus,
 Corda Deo plenus diverſa incendia nutrit.
 Gaudet ovans monitusque ſuos curasque probari;
 Quodque ducem lecti dignum elegiſſe ſodales
 Agnoſcant: ſed jam duplici pugnavimus anno,
 Oh dulcis mihi præful, ait; ſi præmia confers
 Immerito, ſi caſtra ſenem dignantur honore;
 Me me adſum, da vota ſacras emittere ad aras:
 Nam jurata fides ſociis me ſtriſtius addet.

Erubuit præful: factis illuſtribus, inquit, 410
 Dignus ades, teneramque inter lætum eſſe juventam,
 Et ſimiles nobis priſcos effingere mores
 Miramur. Qui ferre ultro, qui ſcripta referre
 Occultus valuit, tua nunc ſolatia fecit;
 Quamque optas lætam majori a præſule ſortem
 Obtinui, nec tanta mihi conceſſa poteſtas.
 Nunc opus ut ſacro purgetur viſtima ritu,
 Perque dies octo ſtudeas ſenſa intima cordis
 Reddere digna Deo, & latitans tibi cognitus uni
 Interiore domo confortia quærere Divum. 420

Quid referam exultantem animum, quid gaudia vultus,
 Quas humiles grates, quæ ſigna expreſſit Joſeph!
 Nam ſic nomen erat: ſed nomine, clamat, in ipſo
 Omen ineſt; tu ſancte ſenex, qui numinis almi
 Diceris orbe Parens, dici permitte ſodalem.

Sed poſtquam abſolvit bis quartum Cynthia gyrum,
 Splendidius ſolito radiorum furta retorquet;
 Luce ſua tacito labuntur ſidera cælo;

Dis-

Diffugiunt nubes, ventorum turba refedit,
 Frigora mitescunt, piētæ siluere volucres, 430
 Vixque unus violat nocturna silentia gallus,
 Cætera dum capiunt animalia fessa soporem:
 Nox felix labente anno nox alma recurrit,
 Qua Deus, ipse Deus mortalem indutus amictum
 Dura ruinosæ quærit præsepia rupis.
 Dilectam superis noctem & mortalibus ægris
 Commemoro, qua virgo simul fœcundaque Mater
 In lucem spectante polo spectantibus astris
 Dat Patris sobolem, vatumque oracula complet.
 Oh felix, qui vota sacras modo fundis ad aras, 440
 Nasceris & cælo, quando Infans nascitur orbi
 Victima sponte oblata simul, simul ipse Sacerdos.

At tu purpureo meditaris singula vultu,
 Xavier, insignis tibi mente revolvitur heros
 Indorum cultor; simili regione profectum
 Nomen & exemplum stimulant, ut nobile calcar.
 Tyronum immortale decus præponere menti
 Sæpe iuvat; neque enim Kostkæ pervenit ad annos
 Nunc tua, qua comitum non ulla recentior ætas,
 Sed matura polo jam, quod tyronibus olim 450
 Præscripsit Loyola suis, confecerat ævum.
 Augustinus adest, cælo quem viderat Arcus
 Oblatum, tredecimque alii, pars magna cohortis,
 Astæ qui nuper, cum non sua tecta tenerent,
 Offerri potuere aris, deludere curas
 Custodum, & dulci superis se jungere vinclo.
 Restat adhuc præsul, fociis comitantibus octo
 Qui sacra signabunt decreto in tempore vota.
 Hos socii expectant veteres; quinque Umbria tellus,
 Quatuor Æmilia, ut demum ter mensibus octo 460
 Exactis firma incipiant statione mereri.

At jam majores crescunt de montibus umbræ;
 Jam cadit a summo paulatim Lucifer axe,
 Decrescitque dies albo signanda lapillo:

Expectata dies qua non felicior unquam
 Illuxit, quæ prima Deum sine voce puellum
 Vidit, ut afflictis ferret solatia rebus.

Afferet illa tuis forsan solatia votis,
 Xavier, & teneri geminabit gaudia cætus;
 Neu frustra indoleas, summi quod præsulis absunt 470
 Qui valeant supplere vices, pia Numina vobis
 Invigilant; uno expulso non deficit alter
 Providus, & simili mittetur epistola ductu.
 Jam, ni fallor, adest dexteræ commissa fideli.

Sume animos, superum vigiles elusimus hostes,
 Incipe in æthereas emittere, Xavier, oras
 Majori pietate preces, disponere mentem;
 Pelle moras; lucas tantum bis quatuor instant,
 Et jam noster eris: clamant læto ore sodales.
 Tu quoque (præsul ait) veterem quem misit in orbem 480
 Sancta Fides, nomenque Deus memorabile donat;
 Quemque suis jussit servire sodalibus, octo
 Bisque decem meditare annos; inglorius albo
 Forsan adhuc clypeo plures fluxisse dolebis.
 Sed sua, nec fallor, clypeo jam signa relucet.
 Utque animo erectus factis illustribus addas
 Plurima, Xaverium ante sacras comitaberis aras.

Cætera quid referam? fortunæ plaudite vestræ
 Egregii Juvenes; seu vos sapientia cælo
 Lapsa regat tenerumque inflamment Numina pectus. 490
 Vix ego crediderim mediis tranquilla procellis
 Vela dari, & cursu nautas properare secundo.
 Tota in te, Castri, juvenum transfusa voluntas
 Usibus edoctam rerumque indagine mentem
 Exigeret; quid enim studio incubuisse severo
 Profuit, atque novem sudare audaciter annos?
 Nam tribus occultas naturæ inquirere leges,
 Astrorum placuit motus Lunæque labores,
 Et varios rerum effectus causasque latentes.
 Inde annos totidem per Numen amabile, & altum 500

Ar-

Arcanum Triadis Superumque oracula verfas,
 Et Romana sibi totidem sacra jura reservant.
 Hæc satis instructum vivacis acumine mentis
 Testantur Juvenem; claro se jactat alumno
 Sancta Fides: supra humanam nunc exigit artem
 Per breviam & fyrtes fragilem deducere navem.

Viderat infernus tetri Moderator Averni
 Exitium fatale sibi, furiisque minari
 Tartareis, nisi parva cohors divisa futuros
 Amittat quos mente prius conceperat ausus: 310
 Tum rauco stridore fremit, stagna atra tremiscunt
 Cocyti & stygiæ longum insonuere cavernæ:
 Conciliumque vocat rabie succensus & ira;
 Ac misere errantes nigris in faucibus Orci
 Acciri jubet & sparsos toto orbe ministros.

Est in secessu nemorum spatiosa vorago
 Lurida tetra horrenda minax, cui lumen ademptum,
 Plena metu, servatque fidem & commercia nocti.
 Opportuna domus colubrum, atque impervia soli,
 Quamvis deturpet nigro loca pervia fumo 520
 Flamma vorax fætore gravis, sed nescia lucis.
 Nec minus extensum ruptis anfractibus antrum
 Igne tremit clauso & ferventibus æstuat undis.
 Omne latus furor & sævi incoluere timores:
 Somnia terrificis circum deformia larvis
 Bacchantur, tonitru nutare caverna videtur
 Continuo tetramque exhalat opaca mephytim,
 Dum furiosa gerunt reboantes prælia venti.
 Exterius montes spelæa obscura ferarum
 Incurvant sese pendentibus undique saxis. 530
 Tum sylvæ implicitos per mutua vincula ramos
 Agglomerant: tristes possem appellare cupressus,
 Ni folia objicerent pungentibus aspera dumis.

Non hic quas lætis quærit venator in agris
 Aut lepores timidi, aut longis animalia fetis,
 Aut celeres capræ, aut cervi sua pascua quærunt.

Forte lupos ululare audis, sævosque leones
 Mugitum stimulante fame, stimulante furore
 Edere, nec tuto vestigia figere gressu.
 Non pennata cohors viridantibus hospita ramis 540
 Ludit & aereas variat festiva choreas
 Dulcia nativi repetens modulamina cantus.
 Carmina vix mæstus rauco dat gutture bubo.
 Saxum immane ingens piceoque bitumine fœdum
 Stat medio, & longis dat scabra sedilia fulcis.
 Huc se contulerat furiarum Rector, & omnes
 Advocat infensas miseris mortalibus umbras.
 Convenere omnes: confusaque murmura primum
 Compressit nutu Rector; dein talia fatur:

Gens nobis infensa fuit quam Cantaber olim 550
 Collegit: primum ille novem, tum deinde sodales
 Sex decies secum accivit; tria millia demum
 Si numeres, nunc est auctæ pars septima gentis.
 Hæc primum bella indixit fatalia bella
 Regna per Europæ; atque ultra Garamantas & Indos
 Erumpens nostrum juravit perdere Regnum.
 Nec quas obliquo perlustrat lumine Titan
 Pertimuerè meis plenas cultoribus aras
 Visere, quaque trahit lentus sua plaustra Bootes,
 Miratur nivibus lætari pene sepultos; 560
 Æthiopes ipsos, quos sol ardentior urit,
 Lustrare audaces, per inhospita gentibus antra
 Ad prius ignotos Nili confidere fontes:
 Sanguine conspersos molles sudore notavi.
 Non sævis spelæa feris, non dira venena,
 Nec juga celsa, nec ardentes timuere calores.
 Quid mirum! sprevere arcus, sprevere catenas:
 Pectora colla artus gaudent submittere ferro:
 Regna immensa Asiæ, seu qua Mahometica nobis
 Jura favent, seu qua detecta fronte tributum 570
 Exigimus, celeri vestigant omnia cursu.
 Quid juvat ignoto dudum requiescere mundo;

De.

Decipere & stolidas rerum caligine mentes?
Vix ubi detegitur, pennis velocibus illuc
Pervolitant, nostramque audent turbare quietem.

Jam vobis, oh fida cohors, hanc perdere gentem
Injunxi: quater illa novem numeravit ab ortu
Exilia; ast iterum magno revocatur honore.

Nunc ego quas vobis placuit renovare procellas
Auguror exiguo mensuras tempore navem: 580

Consiliis perdenda novis pars tertia restat.
Sed tamen interea cruciat me vulnus acerbum,
Quod vix obtentos ausim numerare triumphos.

Nil mihi plus cordi, quam talem evertere gentem
Finibus occiduis, ut quos Hispania dudum
Servavit gavisa sinu, sic orba remotos
Lugeat, ut nunquam se posse revifere credat.
Hæc genti innumeræ cunabula prima fuere,
Et primos dedit illa duces primumque vigorem.

At modo bis tredecim juvenes, qui limina tantum 590

Prima salutarunt, animos servare tenaces
Indoleo, postquam terraque marique vagantes
Distraxi, atque ipsa spoliari veste coegi.

Ah! juvenes, timeo juvenes, & damna ferentes.
Namque aliis accrescit honor, queis libera pubes
Adjungi cupit, atque obices generosa triumpho
Conculcat, vitat laqueos, & retia frangit.

Nescio quam magnos (quasi nunc tellure sepulta)
Semina parva ferent decreto in tempore fructus.

Dixit & inpexam nigra ferrugine barban 600
Commovet, avellit crines, quatit inde superbum
Terque quaterque caput, vestes abscindit, & hastam
Elevat, infrendens oculis minitantibus ignes
Eruetat, rabidoque nigrum vomit ore venenum.

Alloquitur furias furiis agitated & ipse,
Cum propere accedit pungentibus aspera setis
Ira ferox lacera ungue genas & dentibus ora:
Huic soror it propero bifrons Discordia passu,

Fert

Fert dextra Vindicta ensem, lævaque voracem
Fert faculam & torvo meditatur funera vultu. 610

Ceu cum dira tonat præruptis nubibus æther,
Erumpitque suis ventorum turba cavernis
Bella gerens, perque omne latus nemora alta flagellat;
Intonsæ nutant quercus, radicibus imis
Avulsum transfertur acer, diruptaque fagus
Atque annosa ilex per inane volantibus ulmis,
Et vacuum abietibus callem facit ac simul imbres
Incubueret solo, & vires torrentibus addunt.
Jamque armenta ferunt, pecudes pecudumque magistros
Præcipites undæ, diris mugitibus antra 620
Deseruisse feras cogunt, mistasque querelis
Non bene perceptas homines attollere voces.
Haud aliter confusa cohors alterna vicissim
Verba iterant, sed plena minis, sed plena furore.
Sic sese impediunt; neque enim reverentia frænât
Ulla ducis; late reboant latera ampla susurro
Confuso, ipsæque flagellant terga cerasæ.

Forte aliquæ deerant furia, quas major in orbe
Cura tenet, quarum adventu nova rebus in arctis
Concilia & stygiæ crescunt nova munia genti. 630
Nescio quid meditans properante Infamia cursu
Torva supercilio atque oculis in sanguine merfis
Accurrit; nec visa pedes tamen ipsa movere.
Deformis nimium, quamvis formosa videri
Labra genasque ostro depicta & cætera calce
Exigeret, velletque intortum abscondere nasum,
Tabes putrescentes unguis mentumque caducum.
Sola cutis potuit figmentis nigra latere;
Ora movet (vellem obscœnam dixisse cavernam)
Mellifluis usura sonis, sed fellis ad instar 640
Marcida spuma cadit, nocuumque inspergit odorem:
Scripta manu defert, fraudes comitantur euntem,
Invidia, & Livor: gerit hic puer igneus arcum,
Atque venenatas intingit felle sagittas;

Lon-

Longa illi macies vix pellem linquit & ossa.
 Nam quacumque oculos volvit nova vulnera sentit,
 Intortisque accensa oculis cæcoque furore,
 Ut leo fatali transfixus vulnere, rugit.

Larva quidem vix ante thronum se proxima sistit,
 Ut faveant linguis rector jubet: ilicet omnes 650
 Applicuere aures, redeuntem ex orbe sodalem
 Mirantur curis pressam & sudore madentem.

Illa graves mæsto fundens e pectore questus
 Interrupta prius suspiria mittit in auras,
 Atque ait: oh stygio furiarum rector averno,
 Non me, quas animo prudens, quas pectore versas,
 Delituere artes: ut possim evertere nomen
 Jesuadum, sociis opus est: invenimus aptos,
 Quos parvus docuisse labor; nec fingere vultus,
 Nec nigra mentiri niveo curavimus ora 660
 Pigmento; nam sponte manus in nostra dederunt
 Consilia, urgebant potius properare volentem:
 Arripiunt calamos, sexcenta volumina primum
 Me duce conscribunt, & quamvis somnia narrent
 Jesuadum infamem fatis est depingere gentem.
 Non cura est meruisse fidem: cum laude triumphat
 Majora invisis appingens crimina turmis.
 Tum varias intrare domos, perquirere cætus
 Instigo, vulgata typis modo falsa fateri,
 Et titubare modo, & vafram suspendere mentem 670
 Libræ instar dubiæ, quæ demum parte sinistra
 Decidat; hinc placidos paulatim incendere vultus,
 Inque luem scelerum ficto exardescere zelo.

Sic homines queis candor inest, sic nescia fraudum
 Pectora mentita sensim delusimus arte.

Sic ego, sic alii scriptis & voce venenum
 Fundimus; inflictum vix jam medicabile vulnus
 Crescit, & attonitas crebris sermonibus aures
 Allicimus sæpe ingenito novitatis amore.
 Est aliquid sparsisse picem; frustra anxius omnem 680

Absterges: maculæ vel odoris signa supersunt;
 Nec vetitum regumque thronos & tecta subire
 Aurea, magnatumque elata palatia cælo.
 Seu forte eveniat lites agitare forentes,
 Seu belli proceres pacisque negotia tractent.
 Jesuadas sæpe intrudo; tibi, maxime Rector
 Umbrarum, nostri fructus patuere laboris.

At modo disjunctam sociorum ex agmine turmam
 Inveni juvenum, qui vix sua nomina castris
 Invisis dederant, quin nulla insignia vestis 690
 Jam retinent, sub qua paucis meruere diebus.
 Ergo rudem confila manum ductore carentem
 Aggredior; seniorum artes & crimina pingo,
 Quæ spatio novisse brevi immaturior ætas
 Vix potuit; facile in laqueos sincera dolosos
 Mens ruit, ut stolidos uncus trahit æquore pisces
 Hamus, & aurato mortem parat offa veneno.
 Ne maculent teneras & adhuc sine crimine mentes,
 Ne præbere ausint blandis firenibus aures,
 Cænosa ne rursus aquam & contagia quærant 700
 Aeris infecti, moneo; nam sæpe juventam
 Decipit incautam fictæ pietatis imago,
 Et lapsu occulto paulatim corruiat ætas
 Flexibilis, serpitque ignotum in corda venenum.

At licet hæc promam specioso texta colore,
 Nil nostræ valere artes; quin regula morum
 Sanctior (heu!) timeo mea ne mendacia culpet.
 Jam mihi fatalis per totam spargitur urbem
 Rumor, & in pueris seniorum exempla notantur.
 Jam nos incipiunt nostrosque horrere ministros, 710
 Qui prius incertis præbebant vocibus aures.
 Ergo age: sola potest nostris violentia curis
 Præbere auxilium: (nec sit mora longa) per auras
 Mitte, precor, celerem; lateri comes addita semper
 Ipsa adero; proceres adeundaque tecta docebo.
 Curemus ne parva cohors unita suorum

Vivendi formam affervet, sed quilibet ædes
 Nativas petat, & veteris nunquam ora sodalis
 Aspiciat: scelus hoc firmetur morte luendum.

Affensere omnes: solio tum Rector ab alto, 720
 Ite, ait: unanimi curas intendite nisu.

Urget opus, res magna agitur. Tum murmura cœtu
 Sparsa volant. Textam spinis Violentia vestem
 Induit atque agiles humeris accomodat alas;
 Accipit & bifidos enses, flammamque voracem,
 Fulmineum saxum, collectos turbine ventos,
 Et petit Hispanas numquam truculentior oras,
 Dum furia se sponte addunt & pone sequuntur:
 Sed frustra insudant celeres æquare volatus.

Interea juvenum mulcebant corda sorores 730
 Quæ media patuere via; quin plurima miris
 Artibus afflictæ quærebant commoda genti.
 Viderat hic stabilem plures Clementia Divas
 Intentas recreare animos, arcere pericla,
 Elegisse domum, commotaque viscera sensit
 In juvenes matrisque libens sibi munia sumpsit.

Borgia prima fuit generoso sanguine ducta,
 Cui Dea dilectam commisit sedula pubem;
 Nam cum forte viam lentis incessibus iret
 Læta genas, paulumque oculos dejecta modestos, 740
 Matronæ admovit propius se Diva, piumque
 Cor tetigit facula & digito monstravit euntes.

At Matrona gravi jamdudum saucia cura
 Ad sese acciri cunctos jubet: ac suus olim
 Regali de stirpe atavus jam mente recurrit,
 Ornamentum aris, decus immortale suorum.
 Regibus hesperiaë clarum, seu sceptrum gerentem,
 Sive rudi lana indutum, secum ipsa tacendo
 Commemorat: tandem in dulces dissolvitur imbres.
 Ter conata loqui, ter lingua implexa palato 750
 Substitit & reflua introrsum vox faucibus hæsit.
 Felices (clamat) juvenes! at cætera fletus

Im-

Impediunt, nec plena sinunt emittere verba.
 Felices dictura iterum: sensa intima dulci
 Exprimit intuitu, & gemitum pro vocibus edit.

Adfuit officio blandæ Clementia dextræ
 Linteolo abstergens vultum, monuitque profari.
 Non tamen illa probat voces, nisi facta sequantur.

Felices juvenes (tandem sic Borgia fatur)
 Borgia, quem veneror, claro mihi sanguine junctus, 760
 Vestræ gentis honos, & tertius ordine præsul,
 Excepit profugum latus tanto exule Kostkam.
 Majore exilio causa vos cernit eadem
 Quærere concessam, sed quam violentia vestem
 Abscidit; abscissam sed non doleatis: ab ipso
 Loyola jussus vestem retinere profanam
 Borgia vester erat; cordis penetralia numen
 Cernit & externi speciem nil curat amictus.
 Vos Loyola suos noscit, vos Borgia natos;
 Cur non mater ero? Quæ dici sanguinis hæres 770
 Glorior ingentum cur non imitabor amorem?
 Longa retro series & avi numerantur avorum
 Jesuadis mire addicti; vel in urbibus amplas
 Construxere domos, summis vel honoribus auctos
 Ornarunt, vel ad usque Indos duxere remotos.
 Proh dolor! hoc procures, hoc ipsi sanguine reges
 Educti non hos servant a sanguine mores!

Sed quid ego mites deduco ab origine sensus,
 Cum genus & proavos & quæ non fecimus ipsi
 Vix ea nostra vocem! Charos ego semper amavi 780
 Jesuadas: decor iste meo tribuendus honori.

Non ignara mali miseris succurrere disco.
 Sic me causa duplex urget; nam tempore duro
 Crescit amor, crescit pietas, certoque probatur
 Indicio. Quid enim fidum jactamus amorem
 Tempore felici, si candida testæ columbas
 Alliciunt, si læta greges ad pascua cusrunt?
 Me (licet experiar varix infortunia sortis)

Felicem, quod vos potui juvisse, fatebor.

Paupere sub tecto famulisque ciboque caretis: 790

Sed tamen hæc vobis domus est, hæc vestra supellex;

Me famulas adhibere manus in vestra juvabit

Obsequia atque epulis mensam servare paratam.

Dum loquitur merito insignem Clementia Petrum

Duxerat. Hic juvenes vix est data copia fandi,

Alloquitur, mirisque modis decora ampla recenset,

Tum centum arridens nummos læto ore profundit

Uncia quos æquat, pretiumque argentea moles

Indidit: atque alios vobis jam quærimus, inquit;

Horum dimidium non magna extraximus arca, 800

Sponte sua numerum charus mihi frater adauxit.

Anna parat totidem, totidem numerare Mathias,

Seque pari cura socium Laurentius addet.

At sexcenta libens argenti pondera mittet,

Nam potis est, miraque alios pietate Joanna

Jam statuit superare & dona adjungere donis.

Sæpe recusarunt juvenes contingere cusum

Argentum; satis est, ajunt, ut crastina victum

Mensa paret. Non hæc hominum, sed munera cæli 810

(Petrus ait); præsens urget penuria victus:

Plus urget quod restat iter; per inhospita ponti

Ibitis arbitrio ventorum & lusus aquarum

Bis tredecim angustæ conclusi navis in alveo

Quo ferat incerti dubiæ inconstantia sortis.

Non eadem semper variis prudentia causis

Observanda monet; præstat confidere cælo,

Sed tentare Deum fraus est temeraria cordis.

Tempus erit, quo spernat opes ut spreverat ante

Sanctus amor, placeatque inopem traducere vitam.

Talia dicta dabat: sed cum responsa pararet 820

Castrius, impediit titubantes Borgia voces,

In quarum subiere vicem data signa latentis

Sed nunc clara animi, & juvenilis purpura vultus

Tum mecum, oh juvenes, (neque vos reverentia tardet)

Acce-

Accelerate gradus: vos heroïna, vetustæ
 Nobilitatis honor, procerum generosa propago
 Advocat, ut fessæ præstet solamina turbæ;
 Sic Petrus; lætoque reponit Borgia vultu:
 Ite animæ fortes, quo vos merita alta reposcunt;
 Utque alii ostendant me vos sapienter amare 830
 Grator; amabilibus nequeunt me vincere curis,
 Ast utinam vincant generosæ munere dextræ.

Oh! nostris miserata malis (tum Castrius infit)
 Solvere quas juveni prohibet facundia grates,
 Quæque tua dignas exornat origine dotes,
 Hæc nos excusat, si sensa ostendere cordis
 Qua vellem, quaque ipsa mereris voce, vetamur.
 Tu potis es factus, nec tantum ostendere verbis
 Quid pietas, quid possit amor, quid larga voluntas
 Pectore magnanimo; at nobis defunt quoque verba; 840
 Non deerit Deus, ille Deus, qui præmia tantis
 Præparat officiis & multo fœnore solvit.

Tum primum juvenes oculos attollere visi,
 Intuituque brevi lætos defigere cælo.

Jamque abeunt: Petrus ante alios in veste Sacerdos
 Oblonga brevior via deducit euntes.
 Augustæ patuere fores; insignia fulgent
 Elato suspensa loco; prope limina custos
 Purpurea stat veste hasta metuendus & ense;
 Ac mille undantes fervent famulantibus aulæ; 850
 Strata pavementum decorant; latera ampla domorum
 Intertexta ornant variis aulæ figuris;
 Sed qua parte cadunt ornata sedilia plumas
 Leniter excussas pretioso tegmine condunt.
 Ne tamen omne latus series circumflua gyro
 Occupet, in medio cernis consurgere mensas
 Arte laboratas, ubi lævia sustinet aurum
 Marmora, quæ rutilis æquat gens indica gemmis.
 Ramosi pendent lychni, laquearibus altis
 Scrinia fecit ebur, fulvoque intexta metallo 860

Sefta

Secta minutatim variis conchilia formis,
Materiem, qua lux crescit duplicata reflexu,
Nobile vincit opus, nihil est ibi vilius auro.

Perveniunt juvenes, quos vix exceperat aula
Tertia, ad internas celeri ducuntur honore:
Quoque Joanna loco (procerum stipante corona)
Excipit obsequia, & sedem venientibus offert,
Excedit, quæritque adscitam sedula pubem.

Gens, inquit, dilecta polo, gens nescia vinci
Sume animos: Deus in vobis Deus ipse triumphat; 870
Bella quidem geritis non viribus apta nec annis,
Et tamen intrepidam sequitur victoria dextram.
Non potuere minæ, non vos potuere furores
Frangere, cumque dolis mendax infamia palmam
Desperat, victusque dolet se iudice livor.
Ultima, ni fallor, duo vos tentamina quærunt,
Torva hominum facies, paupertasque indiga victus;
Hanc tamen optatis, vobis nihil illa timetur.
Despiciant alii, sed vos venerabor, & omnes
Agnoscent magis me vos præferre Dynastis. 880
Nec fluat ulla dies, quin visere nostra frequenter
Tecta juvet; variis aderunt bellaria formis
Salgama pastilli juvenumque salubrior haustus.
Ipsa omnes vestro adventu studiosa relinquam.
Bis centum interea nummos (cur ora rubescunt?)
Primitias nostræ nunc sumite munera dextræ:
Nec deerunt qui sponte parem testentur amorem.

Dixit, & assurgens dimisit læta sedentes.
Quaque datur brevitate loqui, sic Castrius inquit:
Non mihi si centum linguæ facundæque centum 890
Ora forent, digna obstrictum me voce faterer.
Sæpe jubes etenim repetam tua tecta, quod optas,
Explorare avidus, tua jussa capeffere promptus.
Ne tamen incertis agitem rumoribus urbem,
Scis bene quam vigilans damnandi quæritet ansam!
Non simul unitos mittam, tua munera binos

Excipient: sic tanto omnes potentur honore.

Jamque diem clauso componit Vesper olympo,
Et sua testæ petunt. Precibus de more solutis
Quisque suas addit, somnum imminuisse juvaret 900
Communemque cibum, spinas sub veste rigentes
Induere, & lævis corpus lacerare flagellis.
Sed magno licet in superos amor ardeat æstu,
Est modus in rebus, sunt certi denique fines,
Quos ultra citraque vetat divertere præsul.

Tyronum interea quamquam studiosa latendi,
Allicit ipsa oculos virtus pulcherrima virtus,
Quam prodit cælestis odor; quid nubila solem
Abcondunt? Lux ipsa probat transfusa latentem.
Jam nova materies crebris sermonibus urbem 910
Implicat, & vario turbat discrimine cives.
Dumque simul plausu & lacrimis celebrantur obortis,
Impia non desunt stolidæ convicia plebis:
Tantum tartaræ poterant suadere cohortes!

Ceu cum castra simul campo spatiantur aperto,
Adversa stant parte acies, contraria signis
Signa micare vides & pila minantia pilis;
Quisque tamen cautus tuta statione moratur,
Virtutemque dolosque hostis prospectat, ut ipsum
Seu laqueo trahere incautum seu frangere nisu 920
Evaleat, similesque agitat pars utraque curas;
Et quamvis temere se nunquam immisceat hosti,
Emittit vivace oculo, bibula aure probatos,
Ut cuncta observent, quandoque interna sagaces
Castra petant, odisse suos, seu spernere fingant.

Haud aliter juvenes pars una ferebat in astra,
Altera pars urbis vultu damnabat acerbo.
Crevit amor (tantum exemplis & voce disertæ
Matronæ potuere graves, & amica piorum
Cura sacerdotum) teneros pars maxima sensus 930
Induit, & donis procures & laudibus ornant.
Scinditur incertum studia in contraria vulgus:

In

In multis diversa animi sententia pectus
Invadit, sensimque odium implacabile gignit.
Alter in alterius tentat penetralia cordis
Illabi, cupidusque suorum accrescere vires
Quid verlet secum abscondit, quid sentiat intus;
Forſan amare inquit juvenes, quos perfidus odit:
Se forte infensum jactans instillat amorem.
Hic illos odisse timet, timet alter amare; 940
Nam multos res ipsa movet, reverentia multos
Magnatumque timor: plures manifesta latentis
Signa animi voce & facto sine fraudibus edunt.

Borgia sollicito jamdudum in corde gerebat
Singula, quæ fuerant juvenes discrimina passi,
Quas fecere vias, qua sunt regione profecti
Noscere, & acciri rogat officiosa Joannam,
Et claros pietate viros, qui divite dextra
Ultrò signa animi dederant. Dilecta juvenus
Sæpe recusarat longam contexere rerum 950
Iliadem; nunc victa ultrò jam cedere gaudet:
Nempe tot officiis nil computat esse negandum.
Claudere semotos ferrato cardine postes,
Et famulos procul esse jubet: domus ampla sedentes
Excipit, utque brevi resonavit tempore murmur
Dicturo juveni signum dat Borgia vultu.

Finis Libri Primi.



H E R O U M

L I B E R S E C U N D U S .

COnticuere omnes intentique ora tenebant :
 Inde oculos defixus humi pudibundus & anceps
 Substitit, & tandem roseo spectabilis ore
 Castris obsequium pronus testatur in omnes,
 Ultimus admittit sedem, dein talia fatur.
 Infandum matrona jubet renovare dolorem
 Jesuadæ ut sedes & chara habitacula cælo
 Perdiderint, quin templa Deum spoliata ministris.
 Plura (fatebor enim) rerum discrimina diro
 Exilio subiere senes, nec sparsa decoro 10
 Pulvere canities veneranda coercuit ausus.
 Tot lætæ segetes quondam stabula alta ferarum
 Languescunt, cultosque dolent silvescere campos:
 Arva rigent, fœcunda olim sudoribus arva,
 In quibus effusi restant quoque signa cruoris.
 Quid mirum, si forte pari jactata juvenus
 Opprimitur, seu pulsa domo, sive indiga victus,
 Seu sine veste exul; quæque ipse miserrima vidi,
 Et quorum pars magna fui. Quis talia fando
 Emeritum juvenumque aut ipso a limine tyro 20
 Temperet a lacrimis? Sed jam decrescit ab alto
 Prona dies, suadetque strepente Favonius aura
 Otia tranquillo captare salubria gressu.

At si tantus amor casus cognoscere nostros,
 Et breviter longos Tyronum audire labores,
 Quamquam animus meminisse horret luctuque refugit,
 Incipiam. Statuit propriis expellere regnis
 Jesuadas qui sceptrum tenet; quæ causa benignum
 Impulerit fortasse animum indagare vetamur.
 Hos Lysia eiecit, quod crimina sæva patrarunt 30
 Obliti legum, quas Dux præscripserat olim

Quævis

Queis nil laude magis dignum nil sanctius umquam,
 Gallia Jesuadas laudat damnatque Parentem.
 Sic vestem abscindit sic leges tradidit igni;
 Dissolvit socios & testa relinquere cogit.
 Præstanda ignotis deerat reverentia causis;
 Hispanus jubet hanc Rector; præstabimus ultro.

Est tibi nota quidem regio vastissima tractu,
 Quam Mundum dixere Novum, nec mole minorem
 Terrarum cupidus poterit dignoscere mensur. 40
 Ultima sit quamquam & lapsis incognita sæclis,
 Non tantum spatio veteres pars quarta, sed ipsa
 Fertilitate loci superat cælique henigna
 Temperie felix, quæ gaudet veris honore
 Perpetuo, & gemmis ac divite sæta metallo.
 Hæc latum oceanum quasi sine carentibus undis
 Dividit hac illac penitus tellure remota;
 Qua salvas prospectat aquas, latera ampla salutant
 Solis equos sive occiduos, sive alta petentes.
 Tangit utrumque polum qualongè extensa recurrit 50
 Quamlibet extremos abscondat inhospita fines:
 Sed fortasse manet seros ea cura nepotes.

Decrescunt sæta in medio spatia ampla locorum,
 Et diffusa intus sinuoso littore complet
 Labilis unda lacum, gemino commercia ponto
 Hic tellus angusta arcet, postquam Insula reddit
 Plurima difficiles aditus; borealia florent
 Mexiaco regna imperio; si versus ad Austrum
 Elatas lustrare velis Carthaginis arces,
 Perge ultra; regio objicitur, qua mense voluto 60
 Sancta Fides metam optatam se præbet eunti.
 Montibus impositos credas ascendere montes,
 Donec planities circumdat fertilis urbem.
 Tum mare pacificum sævis immune procellis
 Lima videt, solemque procul descendere in undas.
 Hæc caput Imperii quondam fuit; at modo classes
 Hispanas ditant pretiosæ viscera terræ.

Si fugias Boream atque argenti a nomine dictum
 Quærere flumen amas; sed ubi sibi nomen ab ortu
 Servat adhuc, vastum oceanum seu dulce profundum 70
 Forte putes, nec terra ambit spatiosius ullum;
 Interius procul a pelago decurrit utroque
 Terra potens armis, sed non fecunda metallo;
 Divitias tenues tantum levis herba ministrat.
 Quatuor hæc nobis dederant cunabula plagæ;
 Bis octo dat Sancta Fides, Paraquaria septem,
 Mexica terra duos, unum quoque Lima ministrat.

E numero majore tamen deducere rerum
 Eventus juvat; heu simili ratione sodales
 Distracti oppressi, tam quos modo (Borgia) cernis 80
 Quam sex mille alii pariter subiere labores:
 Lex eadem patria detrusit sede cohortes
 Egregias; est norma eadem præscripta ministris.
 Aut eadem aut diversa parum tibi finge per omnem
 Evenisse orbem; seu toto oriente remotos
 Mente geras, seu quos charos America magistros
 Amisit, seu quos inter suspiria plebis
 Hispani videre suis discedere terris;
 Quæque oculis egomet vidi tibi, Borgia, promam.

Forte per ambages nimium differre videbor 90
 Quæ narranda paro; tamen hac dolor utitur arte
 Ne plagam attrectet manus inconsulta recentem.
 Non aliter lenis chirurgus vulnera palpat,
 Blande indulgentem dum per confinia dextram
 Circumagit, foedosque dein medicatur hiatus.

Jam late inspersum tenebras & sidera lumen
 Expulerat, roseisque nitens Aurora capillis
 Nuntia Solis erat; primos ostendere vultus
 Montibus ex altis princeps tentaverat astrum.
 Orta dies mensem Augusti de nomine dictum 100
 Cæperat, ad solitos cuncti rediere labores.
 Prata greges, armenta nemus, sua rura coloni
 Jam repetunt celeres, dum gens pennata volantum

Col.

Colludit patriæ sylvæ solemque salutat.

Mecum una interea teneros servabat alumnos
 Tunca suos: Tunca ante alias mihi charior urbes,
 Quæ mihi Jesuadum primos concessit honores.
 Tunc aliis socius signum dabat ære sonanti,
 Ut simul uniti sacras frueremur ad aras
 Alloquio Divum; nam lex monet optima cunctos 110
 Primitias lucis cælorum solvere Regi.

Fit sonus ante fores, atque importuna vocando
 Signa dedit; forsan (dixi) miserabilis æger
 Auxilium a nostris, animæ medicamina, poscit.
 Fallimur: en Judex oblonga veste cohortem
 Præcedit, dant arma sonum sparguntque nitores,
 Atque domum terrore implent, ubi degere gaudet
 Tuta quies, placidoque habitat pax candida vultu.
 Ceu cum forte lupi clauso inducuntur ovili,
 Immoti trepidant agni, mutoque timore 120
 Nec balare audent, nec mortem evadere tentant.
 Haud aliter teneram circumdant arma juventam;
 Sed dispar animi motus, quisque appetit ultro
 Hostia cælesti moriens se sistere Regi.
 Forte scelestus adest, qui crimina sæva patravit,
 Et latitans se nostra fugax in tecta recepit;
 Nescio quis similes volvebat pectore sensus,
 Dum stricto vigiles cingebant ense cohortes
 Interiora domus, custodit limina ferrum,
 Quaque fugæ locus est, quamvis fuga nulla timetur, 130
 Invigilat miles galea metuendus & armis.

Nec satis est quos prætor habet de more ministros
 Ducere, sed sacris addictos convocat aris:
 Hos inter Præsul Gulmanæ gentis, ut ipsa
 Venturum exilium jam tunc subeamus in urbe;
 Regia collectis decreta sodalibus alta
 Voce patent; suspensa bilanx Tyronibus hæret
 Aut vestem exuere, aut patriis discedere regnis.

Oh Pater, o hominum superumque æterna voluptas!

Scis bene quam læta pro te subiisse labores 140
 Secum una corde unanimi statuere sodales:
 Nos gravius petiit fulmen; divellimur inde,
 Et tenero sublata gregi pia cura magistri;
 Non oculos defigere humi, non verba monemur
 Ad trutinam revocare prius, non ære notantur
 Tempora, nulla precum, non fandi aut certa tacendi,
 Non regit externos præscripta modestia sensus,
 Nullaque inexpertos deducit regula mores.
 Quin etiam nobis se fœmina nocte videndam
 Obtulit invitis, vultu composta doloso 150
 Læta oculos rubicunda genas discincta capillos,
 Non formosa tamen, quamvis formosa videri
 Expeteret, tegetetque inspersos murice nævos.
 Leta nimis verrebat humum, perque aera vestis
 Ludebat vento, motuque agitata citato
 Nescia stare loco partes celer ibat in omnes,
 Nullaque fœmineum servabant signa decorem.
 Et quamquam indoluit nos qua se cumque ferebat
 Avertisse oculos, verbis affatur amicis
 Infidiosa loqui: nihil est mortalibus, inquit, 160
 Dulcius, oh juvenes, quos non satis instruit ætas,
 Nil quoque nobilius quam me servare, nec umquam
 Servili dare colla jugo dum vita manebit.
 Libertas ego sum: pro me temnuntur honores,
 Non bene pro toto libertas venditur auro;
 Nec fatis est: vita dicor pretiosior ipsa.
 Numquam abeo, numquam irascor, sed sæpe repulsa
 Pervigil ante fores vos deseruisse dolebam.
 Ut demum ingrediar mihi jam concessa facultas:
 Arripite hanc vobis (quæ nunc venit obvia) sortem; 170
 Felices ego vos reddam; vos vivite mecum.
 Talia dicentem, sed dicere plura parantem
 Expellunt Juvenes; manibus pars continet aures,
 Pars alia iniecit fugitivæ in colla catenas.
 Atque aliquis: Te Numen (ait) mortalibus ægris.
 In-

Indulſit, reſtos conſeſſum munus in uſus.
 Munus eras pulchrum, at ſenſim dum noſtra fuiſti
 Forma abiit; cum grata tamen ſis viſtima cælo,
 Vinſta jace, teque ad ſacras maſtabimus aras:
 Vinſta jace; tibi (ſine ſciſ) dant vincla decorem; 180
 Munus eras purum innocuum, quin Numine dignum;
 Flumen inexhauiſtum meritorum, & vena perennis,
 Per quam magna homines acquirere præmia poſſent:
 Oh vellent utinam! at vitii maleſana libido
 Tecum una junxit faciles in ſœdera dextras;
 Namque ubi primus homo cæleſtia ſpernere juſſa
 Auſus inoffenſis oculis decerpere pomum
 Vidit, & oblatas uxoriuſ accipit elcas,
 Nec guſtare timet; ſenſus in corde rebelles
 Senſit, & inſtabilem miſera vertigine mentem. 190
 Tum prona in vetitum reſtoque averſa voluntas
 Evaſit vinclis ſeros læſura nepotes.
 Ortus & eſt vermiſ, qui peſtoris intima rodāt;
 Quem facile eſt nobis vita privare, fovemuſ.
 Tot mala ceu Regina potens, atque arbitra rerum
 Sola poteſ cohibere; addiſ tamen improba calcar,
 Unde opus eſt te ſacrilego petulanter abuſu
 Bacchantem frænare jugo, ſeu ducere vinclis.
 Ducere qua reſto revocat noſ tramite numen:
 Hæc ubi diſta, ſacraſ properant reverenter ad aras, 200
 Et genua inſſectunt Divinæ ante ora Parentiſ,
 Atque voluntatem renovato obſtringere voto
 Secum una ſtatuerē, ut dein quocumque ſerantur,
 Dum plureſ ita contigerit ſimul eſſe ſodaleſ,
 Præſuliſ in reliquos parteſ exerceat unuſ;
 Utque etiam præſcripta ſuiſ ſint tempora rebuſ,
 Quæque ſub aſtero foret optima norma magiſtro
 ſervetur, quamquam a charo ſit quiſque ſodali
 Diſjunſtuſ, vitamque obſcuro in carcere degat.
 Forſan carcer erat, ſepſtemque decemque tenebat 210
 Illa duplex non magna domuſ, ſed nulla timentur

Quæ

Quæ mala & ærumnæ tangunt ignobile corpus.
 Quinta dies jam mensis erat, cum turba virorum
 Plurima Gufmanas lentum comitatur in ædes
 Prætores; ut testes adsint, ut sensa ministrent,
 Ut scriptis responsa notent, pondusque monenti
 Et decus officio, & vires rationibus addant.

Ah, Juvenes, inquit, quibus est fortuna parata,
 Accipite hæc animis, neque erit revocabile damnum,
 Quod feret incautis præceps sententia verbis. 220
 Jesuadum soboles numquam reditura paternis
 Sedibus excedet; census sed cuique notatur,
 Ne pereat miser ignota peregrinus in ora.
 Nulla tamen vobis, ut Rex alimenta ministret,
 Jura favent, quos castra probant, qui castra probatis.
 Militiæ nondum adscripti; deponere vestem
 Si placeat (neque enim vestra est) patriosque penates
 Incolere, invisa maculas in veste relictas
 Diluitis, claros laudabit Iberia cives,
 Et vobis servantur opes nativæque jura. 230
 Sed si forte sequi eligitis quacumque ferantur
 Jesuadas, mille impetitur sors vestra periclis.
 Cogitis ut reliqui vobis de paupere victu
 Suppeditent; præscripta uni cur esca duobus
 Quæritur, & certos quis vos modo reddit, ut inter,
 Hanc gentem stabiles longum maneatis in ævum?
 Difficiles aditus, facilis tamen exitus omnes
 Spe dubia exagitant; duplex postquam effluit annus
 Intus adire licet, sed adhuc servantur apertæ
 Per tria lustra fores; quæ nunc exuta decori 240
 Vestis erit, quas heu curas, quæ damna minatur!
 Si patrios fines & dulcia linquitis arva,
 Perditis & dulces fratres charosque parentes,
 Quos nunc diligitis, quos longo noscitis usu,
 Hoc cælum, hanc auram, hos campos, has perditis urbes.
 Heu miseri mundo ejecti sine sede vagantes
 Ibitis exigua Latii vix parte recepti,

Ibitis ipsorum forsan ludibria fratrum.

Dixerat, & Juvenum placuit responsa seorsum
Quærere, sed firmos miratur pectore sensus, 250

Idem omnes simul ardor agit: quid plurima jactas
Damna, ajunt, dubiæ quid mille pericula fortis?

Ibimus, & nobis si tecta & pabula desint,
Aere sub nudo primi vixere parentes.

Non deerit patula quercus, vel populus umbra
Arceat ut solis radios ventosque furentes:

Strata dabunt paleæ, fons suggeret obvius haustum.

Tum qui pascit aves, campos & lilia vestit,
Quidquid opus fuerit (neque enim sua munera differt)
Non renuet nobis larga diffundere dextra. 260

Curat aves, curat terras, nos pluris habemur.

Quid bona dissuades peritura amittere? Numen

Quærimus, & quidquid numen quærentibus obstat

Non reputes damnum, sed magnum amittere lucrum.

Quid durum exilium & patriam minitaris ademptam?

Tu quoque, si nescis, Prætor, modo diceris exul:

Una homini cælum patria est, & nulla viator

Linquere regna dolet, si, quo vult tendere, tendat.

Gens mundo peregrina fumus, sed valle dolorum

Parva mora est; manet æterno seu carcere luctus, 270

Seu chara in patria stabili gaudebimus ævo.

Ast habitus, quos nunc tanto servare periclo

Nitimur, in latius amittere possumus oris?

Sors meliora ferat, nullum sit in omine pondus!

Heu! nobis ea culpa foret tribuenda, supremo

Sed tamen interea Domino placuisse juvaret.

Oh mihi præteritos numen si redderet annos

Queis non cognovi, vel non cognoscere finxi

Fallaces mundi illecebras, fallacia mundi

Gaudia, quam citius foret hæc mihi vestis honori! 280

At tu, sancte Parens, teneram Loyola Juventam

Auxilio dignare tuo; superare procellas

Vix portu egressis præsentī numine donas;

Da quoque venturas nautis evadere lyrtas.

Talia dicta dabant plures nunc unus & alter.
Sed cum posse aliquem spoliari veste sodalem
Sorte infelici memorant, uno ore simulque
Conclamant juvenes (dum vestibus oscula figunt,
Dum madida in teneros erumpunt lumina fletus)
Hæc nobis hæc vestis erit, dum vita manebit 290
Indivisa comes; non hæc post funera corpus
Deseret, hæc sensim consumi membra videbit,
Hæc nuda obscuro comitabitur ossa sepulchro.

Jam satis, oh juvenes, dicit, vel dicere Prætor
Conatur, nutuque addit, sensa omnia novi,
Quæ si visus eram damnare, ut jussa peregi
Conticeo. hinc teneros abscondit pollice fletus,
Disceditque virum tacita stipante corona.

Septima jam roseo surgens Aurora cubili
Lacteolo irrorat lætantia gramina succo, 300
Et solem properare monet, cum testâ jubemur
Hospita deferere, & proprias revocamur in ædes.
Non ego, quæ nostrum mulserunt gaudia pectus,
Quamvis eloquium longas fluxisset in horas,
(Ah crede experto!) potuissem exponere dictis.

Ceu cum forte redux in patria rura viator
Flectit ad ignotos sinuosa ambage recessus,
Itque reditque anceps, tantum spelæa ferarum
Prospicit & spissas densa caligine sylvas;
Inclinata dies languet; jam gratia rebus 310
Et color aufertur, misero jam cuncta timorem
Incutiunt: sed dum optatam contingere metam
Desperat, se nativæ observata repente
Objiciunt latera ampla domus, quo proxima ducit
Semita, jam vultus noscit vocesque suorum:
Gaudet ovans, recreatque animos inopina voluptas.

Haud aliter depicta hilari solatia vultu
Aspiceres, longe cum dulcia testâ videmus;
Oscula jam foribus properamus figere, & intus

Ingressi ad sacrum convertere lumina templum: 320

Lumina, nam gressus alio duxere cohortes.

At te, Virgo Parens, venerari cominus ara

Interiore datur, nostrum renovamus amorem,

Delicias animi; ceu vota emiserat olim

Auspiciis Loyola tuis, emisimus omnes

Ante diem, sed ut æternum sint firma, rogamus.

Hæccine, dicebam (vacuas dum cernimus ædes)

Tantium Heroum sedes fuit! heu quibus illa

Hospitibus turpata horret! dum talia mecum

Evolvi, si ductor abest, abiere sodales, 330

Obvius exclamas nobis, duicissime Thoma,

Ibimus, & sociis alio jungemur in orbe,

Qui socios negat esse viæ, dabit esse laborum.

Quam lætus, Thoma illustris, tua nomina promæ!

Sæpe tuos monitus memoro, tua mente revolve

Consilia exemplo potius quam tradita verbis;

Namque humilis semper, placidus, timidusque loquendi,

Cuncta pati gaudens, & nil tibi fidere miro

Ostendens animo, generosior omnibus idem

Doctus eras laudare alios, tibi sumere curas. 340

Tum medias inter turmas discedere Tunca

Cogimur: ad circum præcinctam montibus Hondam

Longa via est, sed iniqua solo atque asperrima faxis

Longior efficitur, qualem decet exulis esse:

Quadrupedum male testæ cohors dat præpete cursu

Difficiles superare obices; tolluntur in altum

Culmina, & horribiles nemora inter agrestia rupes.

Credidimus super astra vehi, atque ascendere murum

Cum vel saxum ingens, vel sese objecit acervus

Saxorum, hic vastæ decurrunt Magdalis undæ: 350

Nos cymba excepit; nova militis ora tueri

Contigit, atque vices turma subeunte prioris

Cingimur; ast animæ potior pars reddita nobis;

Nam charum dedit Honda patrem, dedit Honda socalem;

Qui nuper virtutis erat morumque magister.

Nau-

Nautarum strepitus, gracilisque angustia cymbæ
 Humida nox, solisve ardor, sive impetus undæ
 Tædia nulla ferunt, totam novus occupat hospes
 Curam animi, nec jam Tuncam amisisse dolemus.
 Nec mirere tamen; juvenes, quos, Borgia, cernis, 360
 Vix duplicem numerant claro sub præside mensem,
 Ille dies octo atque illos Europa recenter
 Miserat, unde novem bis tantum cernere luces
 Tunca dedit, mirumque omnes acquirere robur
 Lætantur: tantum potuit doctrina magistri!
 Heu miseri, quos Sancta Fides ad magna paratos
 Prælia conspexit; quid vos superare viarum
 Tædia, quid pelagi insultus ventosque furentes
 Sustinuisse juvat? parat ultima meta coronam;
 Nec satis est vicisse prius; vos jam prope metam 370
 Dividit a sociis lenti vis improba morbi,
 Hæc documenta ducis, monitusque audire potentes
 Impedit; hinc vestem si reddere cogitur hostis,
 Alter erit, qui palma hostis gaudebit adepta.

Jamque aliam Mompos cymbam, pulcherrima Mompos,
 Fertile qua flumen sinuoso extenditur alveo,
 Præparat, & faldas læti properamus in undas.

Mensis abit, jam mense alio prope noctibus æqui
 Bis tredecim fluxere dies; & divite portu
 Se nova Carthago tandem venientibus offert. 380

Namque ubi per lavam declinat Magdalis oram,
 Densa quidem, non alta videt frondescere circum
 Nauclerus nemora, atque herbas fluitare palustres.
 Huc longe transmissa lacum maris efficit unda,
 Quæ nobis superanda fuit: jamque ostia monstrat
 In latos expansa sinus; facilisque profundo
 Excipere Hispano venientes littore classes.
 Nobilis urbs Libycæ Carthaginis æmula surgit,
 Nomine digna pari, priscosque instaurat honores.
 Urbs regni prima illa novi, qua barbara tellus 390
 Sublime ingenium generosi nescit Iberi.

Pars liquidas prospectat aquas, pars arce superba
Observat pelagi insultus, aditumque tuetur.
Tum mihi (dum placido languentia lumina somno
Composui) visa est Divæ ridentis imago,
Quamquam an Diva foret dudum male credulus hæsi,
Insolita specie admonitus; nam fulminis instar
Ipsa globo insitens agitata volubilis audax
Itque reditque, locum sed non habitura priorem.
In faciem longos vidi fluitare capillos; 400
Forfan erat cæca, aut oculos jocus ille tegebat;
Undabat tremulo vestis circumflua vento
Et tamen a tergo calva & spoliata videtur;
Alæ insunt pedibus, quamvis non utitur illis
Ingenita virtute agilis; rota semper in orbem
Mobilis it læva, ut gaudent affigere ligno
Oblongo pueri ventosque laceffere cursu.
Omnia plena metu, aut nimium puerilia novi:
Dextra favet tantum; hic pleno dat copia cornu
Quidquid amant homines; large effunduntur honores 410
Divitiæ tituli fasces togæ sceptræ coronæ.
Displicuit mihi forma Deæ, neque dona placebant;
At sua dona tamen mihi displicuisse probavit.
Sum Fortuna, inquit: votis exoptor anhelis,
Et mea mortales sine fræno ad munera currunt.
Nec satis agnoscunt mea munera, quæ sibi quisque
Præcipiti quærent animo; quos æquus amavit
His meliora Deus, mansuraque præmia servat,
Ipsa suam Divina adhibet me dextra ministram,
Quamque vides formam, stulti finxere poetæ. 420
Non mihi, sed superis adversa & prospera, Castri,
Attribuas: sic cuncta tibi felicia reddes;
Quæque tuos socios Hispano a littore vexit,
Tecum ipsos ad littus idem vehet; huic ego navi
Auspicium nomenque dedi; digna ipsa locari
Astra inter, falsum jam Thessala pinus honorem
Deponat; pelagus secat hæc melioribus ausis.

Mole

Mole quidem tenuis vix tot capit hospita nautas;
 Nam bis ter septem centumque adjungit sodales,
 Vela dabunt totidem, duplicique in nave ferentur; 430
 Octo tamen vicibus (tot enim fert maxima navis)
 Undecimum numerare juvat; qui deinde supersunt
 Vobiscum angusto dudum clauduntur in alveo.
 Septima post decimam cum lux effulserit axe
 Mense novo, iratis committes carbasa ventis.
 Nec navis, sed carcer erit: passimque subibit
 Angusto gens clausa loco fera damna salutis.
 Heu mortem aspicio, quæ falce minatur adunca
 Immittitque febres, cogit mala pectoris hospes.
 Flare, reflare mora exigua sæpe improba tussis, 440
 Jam macilenta lues graciles depascitur artus,
 Nulla placent alimenta, caput vertigine nutat,
 Membra dolent; procul ecce duos gravioribus annis
 Exhalare animam video: tu dives Avana
 Tu portus longe ante alios pulcherrimus omnes
 Extinctum in liquido tumulari marmore cernes
 Tyronem; nam dum mensis mediusque subinde
 Labetur navem ferro retinebis adunco.

Attamen, o juvenes, quos nomen amabile Jesu
 Condecorat, labente anno lux alma recurret, 450
 Qua Deus ipse olim nostras descendit in oras;
 Tunc etiam in veterem navis vos deferet orbem,
 Vosque duplex mensis pelago obluente videbit
 Immenfas superare vias, rabidoque minarum
 Turbine sese oculis (ubi monstra natantia terrent)
 Objiciet tantum cælum undique & undique pontus;
 Pontus atrox motu, tetra caligine cælum.
 Proh quam terribiles densantur in æthere nimbi!
 Una Euræusque Notusque ruunt tumidusque procellis
 Africus, & rapidos volvunt ad sidera fluctus: 460
 Jam toto reboant metuenda tonitrua cælo,
 Et late obscura crescunt a nocte timores.

Nec satis hæc; vos tanta premet penuria victus,
 Ut

Ut famis una dies ferret superaddita mortem.

Nec tamen Hispano dabitur requiescere portu:

Vos nova bella manent, majora pericula restant.

O fortunati juvenes, quæis talia numen

Præparat, eque sinu vobis ea munera mittit;

Nam sibi pene pares similesque per omnia format.

Præsta animis, Loyolæ acies, generosa juvenus: 470

Longa tibi exilia & vastum maris æquor arandum;

Nam primum te spectat Iber, tum nobile sacri

Imperii caput aspicias, ubi Lydius arva

Inter opima virum leni fluit agmine Tybris.

Inde Apennini quæret pars maxima rupes

Tybridis ad cunas, qua scinditur Umbria lætas

Fertilis in valles; pars altera longius urbes

Æmilæ quæret, comitumque videbitis ora.

Dixerat, in speciemque abiit mutata decoram,

Et vera incessu patuit Dea. tunc ego charos 480

Amplector fratres, juvenesque ex ordine primum;

Namque aderant propius, tum quos venerabilis ætas

Condecorat, summusque addit solatia præsul.

Vix mihi forte datum (præsul dulcissime) tecum

Posse loqui; custodum arcet vigilantia parvis

Gressum efferre locis, quo nos ceu carcere servant.

Sed dolor heu nobis in portu crevit Avanæ;

Nam nave inclusi, nec voce aut indice nutu

Alloquimur socios, nec cernere possumus illos.

Non ego, quos pelagus cogit superare labores, 490

Enumerem: tu vela Notis expansa dedisti,

Borgia, noscis iter; sed te comitantur honores,

Sedulaque in mediis famulantum cura periclis.

Libera per puppim proram & tabulata vagaris,

Transra parant sedes, domus est bene facta cubile.

Quam dispar nobis ratio! nos more reorum

Claudimur in parva ceu pondus inutile navi:

Impedit hic alium, si forte incedere mavult,

Ut caput acclinent comitum fit culcitra pectus.

Tres etiam in medijs focios amissimus undis; 500
 Tertius heu periit Tyronum gloria! palmam
 Si tulit ante diem, felix qui morte decora
 Præcessit, nobisque animos ad prælia poscit
 Numinis ante thronum, & gaudet laudare sodales.
 Oh utinam semper nostrorum quisque ministret
 Materiem laudi, & socii pia vota secundet!

Hanc urbem ingressi qua nos modo, Borgia, cernis,
 Novimus exortas gravius sævire procellas.
 Cernimus heu focios, sed non amplectimur illos,
 Agni bisque novem sævo includuntur ovili; 510
 Namque ita fas sacræ claustrum appellare cohortis.
 Proh quæ sacra cohors, (si tali nomine digna est)
 Bella auxit? crudele jugum generosa juvenus
 Excute, clamabant; Jesu meruere sodales
 Grande decus; toto orbe diu regnastis, & ingens
 Gloria Jesuadum fulsit; sed fraude potentes
 Rerum avidos prudens hominum solertia novit:
 Jam modo decrescunt opibus; gemit Itala tellus
 Illuvie injecta, & pestem regna omnia vitant.
 Millia jam duodena hominum sine sede vagantur 520
 Nec vos militiæ vestræ caput, agmina nutu
 Qui regit, eque suis argentum poscit & aurum,
 Excipiet gremio profugos, aut sumet alendos.
 Si placet obsequium Domino præstare supremo,
 Et suadet mens castra sequi, mutate cohortem:
 Nam si vestra cohors placeat magis omnibus una,
 Infensos Regi, cælo appellare rebelles
 Convenit; in dubiis mens quod sibi tutius optat.
 Talia dicta dabant, sed nec timuere supremi
 Numinis intorto variare oracula sensu: 530
 Multa addunt, miscentque, at præsens ora resolvit
 Numen, & ignaram docuit responsa juvenam.
 Jamque octo juvenes, quos huc Paraquaria tellus
 Miserat, ostendunt; sed proh quæ gaudia nostris
 Profluere oculis! Certatim accurrimus omnes,

Et

Et duplici amplexu vivum testamur amorem.

Hos tam diversa forsan regione profectos

Noscitis? inquirunt: demissa (reponimus) ora

Noscimus, hæc vestis nostros probat esse sodales.

Tyronum nunc aucta cohors decrevit ab alto 540

Auxilium petere & precibus ferventius uti

Queis docuit Loyola modis: nova prælia poscent

Desuetos; juvat inde novas acquirere vires.

Annuit inceptis cælum; nam bella quiescunt

Atque octo fluxere dies; tum veste togata

Prætor adest, Præsulque loci, circum undique testes

Acciti, sed enim primus tria regia præfert

Scripta manu recitanda palam, jamque ordine lector

Hæc ait: hanc vestem siquis retinere tenaci

Consilio statuat, numquam rediturus abibit 550

Finibus Hesperiiis; sed si venientibus annis

Occultus redeat, plectetur morte scelestus.

Quod si non dispar mens est Tyronibus, ipsa

Scindatur vestis, patriaque abscedere curent.

Dixit & amotis aliis, majoreque natu

Ad sese accito, quæ sit sententia Prætor

Inquirit; mea castra sequi, charosque sodales,

Exclamat, diro exilio quacumque ferantur

Aut mortem oppetere, aut duros sufferre labores.

Obstupere omnes: sacra rabido ore cohortis 560

Præsul ait: quæ cæca animum dementia cepit,

Perfidus in superos perges injurius esse?

Heu! misere insanis; vos cælum, & sidera testor!

Sed Tyro (nam Prætor adest) responsa negavit.

Prætori pariter reliqui sua sensa fatentur,

Namque omnes jubet acciri; cum deinde juventam

Alloquitur solus; proh quantum a Præsule dispar

Quamquam veste sacra Præsul Prætorque profana

Indutus: Dum vestra, inquit, responsa notavi,

Gavissus vix non dulces expansa levabam 570

Brachia in amplexus, sed me prudentia iusto

Mixta metu, munusque meum, & reverentia Regis
 Invitum tenuere, eadem prope causa coegit
 Præfulis insultus vultu perferre sereno.
 Glorior ut Regi tam pace fidelis haberi
 Quam bello; sic vos Domino servate supremo
 Constantes animos; duris constantia rebus
 Noscitur; hæc ductor summi Moderator Olympi
 Militibus præclara suis exempla reliquit.
 Non aliam decet ire viam; quaque ipse prævit 580
 Vestro etiam calcare juvat vestigia gressu.

Nempe Ducem eligitis ... sed jam taceamus oportet:
 En nova turba venit; forsan me stulta monere
 Æstimat incassum atque avidas procul applicat aures.

Tum comites adsunt; Prætorque ad seria vultu
 Composito excedit magna comitante corona.
 Aspice quam mediis afflet blanda aura procellis
 Quo minus expectes; sed numen amabile nostris
 Viribus æquat onus, cum frigore temperat æstum.
 Bis luna oblituit, pleno bis orbe recrevit, 590

Et positis siluere armis tentamina belli
 Extera, jamque novem pubes Tyronibus aucta
 (Dum variæ appellunt diverso ex orbe cohortes)

Gaudet ovans; jam ter decies & quinque latenti
 Jungimur exilio, a nostris procul esse jubemur.

Exterus hostis abest; sed bella domestica crescunt
 Majore insultu: vos vos ætate minores

Dicite, quam testis immistas fraudibus artes

Verfarunt cæli osiores! nunc dulce rogantes

Ceu partes miserantis agant; nunc tollere vocem 600

Conantur; falsa enarrant modo nuntia, & acres

Non dubitant jactare minas; adhibetur & ore

Sacrilego in testem Pater Urbis & Arbiter Orbis;

Hinc superum auxilia & cæli decreta negantur

Effluere in juvenes, cæloque resistere clamant

Constantes Tyronum animos: a Præside tandem

Amoti; at similes amat hic sibi sumere curas!

Heu! bello victus, socios videt ipse laboris
Substitui, & diro renovantur praelia nisu.

Finge animo pubem, quam non satis instruit ætas 619
Obsidione gravi pressam: mirabile dictu!
Immatura annis, tuta dum credit in arce
Contra Erebi insultus doctrinæ inquirere fontes,
Læthiferas ibi cernit aquas & toxica tantum,
Lætâ salutifero qua nasci pascua campo
Debuerant; sed qui vires animosque ministrat
Instruxit mentem, & præsens dedit ore loquelas.

Ast hostem laudare juvat de pluribus unum,
Qui victus dat sponte manus, veniamque precatur,
Divinumque animum Tyronibus esse fatetur. 620

Ultimus & lucas tantum qui viderat octo,
Tyrones dum Tunca suos gavisâ fovebat,
Ter dire impetitur, ter post certamina victor
Discedit triplici redimitus tempora lauro.
Forte illa (superi nam sic voluistis) in urbe
Tunc aderant vel amicitia vel sanguine juncti,
Dulcia qui tentant, sed non minus apta triumpho
Praelia; dumque alium monitis & flectibus urget
Frater, & antiqui nativo in rure sodales,
Laurenti, patriis tibi fertur epistola testis 630
Plurima, qua Mater lacrymas testata lituris
Conqueritur; Pater insperis attemperat iras
Blanditiis, fratresque rogant, plorantque sorores.
Littera pondus habet, quod dextra ferentis adauget;
Demulcentque animum voces, dum scripta leguntur.

Ceu medio stat fixa mari fortissima rupes,
Præcipites ridet pluvias & grandinis ictus,
Undarum affultus rabidos ventosque furentes;
Haud aliter juvenis non praelia blanda suorum
Immotus non ille minas non mista querelis 640
Jurgia dignatur tenero perpendere vultu.
Tempus erit quando uniti lætabimur, inquit:
Nam modo sejungi, ut cælo jungamur, oportet.

Alter ait, quem tentat amor non dispare bello:
 Si lucremur opes, socios & gaudia mundi
 Cum jactura animæ, lucrum quid inutile prodest?
 Sic læti pugna excedunt, sic nescia vinci
 Pectora conatus & tela inimica retundunt.

Mensis erat, quo solis equos cum Castore Pollux
 Invitant, quondam majorum a nomine dictus, 650
 Utque locus pateat venientibus æquore vasto,
 Transferri, cum dulce foret mansisse, jubemur.
 Forte tibi lacrymas lacerato in corde moveret
 Cernere tot juvenes non vili stipite natos,
 Arma inter dirosque equites, quasi flebile vulgi
 Opprobrium, dorso impositos gradientis aselli
 Non pigro quæ strata solent accomoda dorso
 Aptari, sed quæ possint augere laborem
 Exulibus, plebemque ad risum accire, parantur.

Sic nos Asta videt, sed primo in limine Prætor 660
 Obvius occurrit, multaque indagine fingit
 Nos potuisse fuga custodum illudere curas.
 Ter, quater enumerat, proh quam diversus ab illo
 Quem primum Tuncæ, quem portu vidimus isto!
 Qui cælum mutastis, ait, mutate tenaces
 Proposito meliore animos. Quacumque jubemur
 (Diximus) ire juvat; sed mens fortissima nobis
 Semper erit; Deus ipse animi sibi jura reservat:
 Vos, inquit, nosco; tot vestra superbia pœnas
 Attulit, hanc lapsis prædixit Borgia sæclis. 670

Nomine prolato dignum reverenter honorem
 Præstamus, subitusque horret mendacia pallor,
 Nec mirerè tamen si dira infamia natos
 Dilacerat: magnos rosit prius ipsa parentes.
 Jamque urbem ingredimur; nos hinc convicia risus
 Et jocus; hinc laudes lacrymæ gemitusque sequuntur
 Forte aderat sacra pietatem in veste professus
 Turbam inter, quæ densa altis effusa fenestris
 Accurrit; Matrona habitat spectabilis ædes;

Hanc

Hanc vocat: infernas furias juvenilibus annis 680
 Tartareos mirare Canes. Matrona loquentem
 Horruit, eque suis subito discedere cœctis
 Jussit, & audacem dictis compressit amaris.

Hic iterum quamvis mecum pars maxima perstat,
 Dividimur; sociolque timens excrefcere Prætor
 Sollicitus sæpe enumerat; si forte timeret
 Imminui, nos forsan adhuc numeraret, & anceps
 Nostra recenseret revolutis nomina chartis.
 Bis tredecim uniti sacras habitavimus ædes:
 Cuique domus parva incolitur, sed nulla supellex 690
 Adjicitur, nec quæ miseris præstatur egenis.
 Sive lucerna tamen, sedes, aut mensa negatur;
 His caruisse parum est: nobis graviora supersunt
 Ancipiti volvenda animo; tu Borgia vires
 Suffice, verba hærent, & mens meminisse recusat.

Jam Deus Omnipotens hominum succensus amore
 Rebus in angustis solamina certa paravit
 Allatura reis veniam, per iniqua locorum
 Dispersis normam & vitam mortalibus ægris.
 Nam quinque expressit proprio de sanguine fontes, 700
 Elegitque viros, qui sola voce flucta
 Dirigere, & tanto auxilio succurrere possint,
 Dumque vices peragunt supremi numinis, aures
 Porrigere, & monitu pietatem urgere tenentur.

Aspice quantum illis numen committat ab alto!
 Ut cælum referare, & claudere Tartara possint!
 Tantus honor, tanta est homini concessa potestas!
 Sed cum præberent bibulas poscentibus aures,
 Supplice dum vultu flexi commissa fatemur,
 Verba interrumpunt: stulti majora tacetis 710
 Crimina, nec sacras permittam accedere ad aras;
 Namque ibi Divinum sub panis imagine Corpus
 Vita salus alimentum animæ, sed corde paratis
 Sincero affertur; scelus est retinere tenaci
 Consilio vestem, quam Rex, quam jura repellunt.

Volve animo (quod nuper idem tibi, Borgia, dixi)
 Volve animo pueros, timida qui mente supremum
 Numen amant, rerum ignaros, formidine quassos
 Interna, quæruntque viros gravioribus annis,
 Quos vitæ ratio & rerum doctrina decoret, 720
 Ut doceant rectam ire viam: qua limpida humor
 Excipiendus erat, prostat lethale venenum:
 Sed tamen auxilio Deus astitit; irrita jactant
 Tela, licet longas bellum protendere in horas
 Insudent, nos alma quies, furor occupat illos.
 Quamquam omnes ferus ardor agit, tamen unus & alter
 Justa monet, reliquosque dolet tam stulta profari.

Tum placet ex nostris quamquam juvenilibus annis
 Elegisse Ducem, cui sensa interna patefcant,
 Nolque per obscuras prudens regat arbiter umbras: 730
 Consilium Deus ipse dabit, quod denegat ætas.

Nos patuit Ductore regi; Prætorque monetur,
 Qui ferus in juvenes Ductorem avellit, & omnes
 Admonet, ut tandem quæ sit sententia mentis
 Constituant nullo posthac revocabilis ævo:
 Tunc fraudes crevere domi, tunc hostis abuti
 Numine, sacrilego pergit violentius ore.

Illuxit præscripta dies, cinctusque ministris
 Prætor adest, alioque vices subeunte prioris.
 Nomine quemque suo vocat, atque abeuntibus aulam 740
 Destinât a reliquis sejunctam, hortumque propinquum.
 Forte ibi conceptos alterna voce labores
 Solamur, sociisque extremo in agone timemus:
 Atque aliquis (ne bella fero in discrimine cessent)
 Quid nova semper, ait, tanto molimina nisu
 Versatis? quid consiliis corrumpere mentes
 Pergitis unanimes in mutua damna vicissim!

Ast heu nostra cohors luxit spoliata duobus
 Luxit sancta Fides, neque eos susceperat umquam
 Tunca sinu; tu chare comes, qui scripta tuorum 750
 Sprevisi, nova scripta manu delata potenti

Exci-

Excipis indignans, urgetque domesticus hostis.
Te Deus officio famulantem, & nomine fratrem
Elegit socios inter; sic unica virtus
Instruxit docilem, sed non sapientia mentem;
Et tamen in doctos victor sapis. Est tibi parvus
Mole liber, sed magna intus documenta recondit:
Kempis nomen habet, nomen suus indidit auctor,
Loyolæ quondam assiduus liber extitit instar
Multorum: hunc clypeum, quo tela retundis & hostes, 760
Objectas, Kempisque sonat tibi multus in ore.

Forſitan in tanto poſitis diſcrimine rerum,
Borgia, quid noſtra excruciet mage pectora neſcis:
Emeritos ætate viros & munere claros,
Orbe novo miris celeberrima nomina geſtis,
Qui noſtram atque alias dudum ornavere cohortes,
Fama loquax caſtris amiſſa veſte ferebat
Diſceſſiſſe ſuis: quid non timeamus amantes?
Parcite: debueram veſtras cognoscere vires
Conſtanteſque animum, ſed tempora plena timoris 770
Imbueraſt miſeras tetra formidine mentes.
Tum juvenis, qui noſtra ſequi vexilla petebat
Numinis influxu, noſtras pervenit in ædes.
Sum fratrem viſurus, ait; divertere cogam,
Dona animum expugnant, donis pro vocibus utar:
Mecum una renuentem in patria teſta reducam:
Ingenium juvenis, quamvis mendacia damnem,
Laudo equidem; dolus, an virtus quis in hoſte requirat?
Huic tamen auritos Prætor cum Præſule teſtes
Adjungunt, gaudentque novo committere pugnam 780
Milite, ſpes addit juvenis, quem Tarraco voces
Teſtibus ignotas docuit, ſed novimus ipſi
Cum patria exierit noſtrum pars major eadem.
Sic partes agit ille duas, ſic fallere doctus,
Ut quandoque aliquid ſubmiſſa voce valeret
Injicere, & dextra chartas afferre latenti:
Sæpe etiam actores ſcenam præbere jocofam

Aspi-

Aspiceres; qua voce etenim Catalaunia sensus
 Exprimit, Hispanis nosis quæ forma loquendi.
 Falsa quidem gravibus vulgabant nuntia dictis, 790
 Qui juvenem observant testes, tum nutibus ille,
 Hispanoque sono firmat, dum patria miscens
 Verba dolum reteggit: sic vocibus impia notis
 Jesuadum vitia enumerat velamine tecta
 Virtutum, vilesque monet rescindere vestes.
 Arte tamen mira non solum dicta retractat,
 Sed quam falsa omnes spargant ibi nuntia, monstrat.
 Seque loqui ignarum simulans, sensuque carentes
 Immiscere sonos, lepido sermone bilinguis
 Non intellectis quandoque illudere verbis 800
 Ostentat, submissa & voce ad Præfulis aures
 Jactat ovans, Præfulque joco lætatur in ipso,
 Ignarus quam grata jocus, quam seria tractet.
 Quin etiam observans Tyronum intenta loquenti
 Lumina, laudavit juvenem suadere potentem:
 Nam nil verba putat non intellecta referre;
 Utque animos addat, suscepto & munere doctum
 Instruat, has alto fundit de pectore voces:
 Macte animis, perge, & fratrem ne desere frater;
 Nam scelus est ingens non ipsa morte piandum 810
 Invisum retinere habitum; pia Numina vitam
 Custodire jubent; vos vitam amittere vultis.
 Sic homini servandus honor; gens vestra per orbem
 Infamis, nec nomen habet, nec servat honorem.
 Adde, quod æthereo ducuntur lumine reges,
 Nec licet indagare ultra, sed jussa libenti
 Excipere obsequio: at dura cervice rebelles
 In regem in patriam persistitis? oh fera mentis
 Barbaries! misere errandi scelerata cupido!
 Sic regem laudare juvat, si forsitan ore 820
 Laudatis, facto audetis confringere laudem.
 Dixerat & nostræ crevit constantia mentis,
 Crevit amor juveni, si qua ratione valeret

Præ-

Præbere auxilium; castrisque ardentius optat
Jeluadum inscribi, & nostri comes esse laboris.

Tartareæ videre acies nil fraudibus ullis
Nil potuisse dolo: Prætoremque agmine facto
Una adeunt, somno excutiunt, ac talia fantur.
Divide Tyrones; nimium consortia reddunt
Audaces: nec sæva omnes, sed quemque seorsim 830
Bella petant; vix qui querulo præbetur egeno
Victus erit; tum finge alios mutasse cohortem
Damnata nuper Romano a Præsule, & omnes
Insula quos ornat, postquam mala germina norunt,
Admonuisse suos; tum scripta legentibus offer
Jam vulgata typo, verisque adjunge sagaci
Ficta manu; juvenes digito monstrabis euntes,
Quos vinces prope, quos finges vicisse notentur
Eminus, ut notos simulet distantia vultus;
Hinc corvos adde in niveas migrasse columbas 840
Nec (velut ante) nigro circumdare corpus amictu.
Hæc ubi dicta, sacras adeunt tota urbe cohortes,
Heu dolor! inveniunt faciles ad jussa ministros.
Sed plures ea jussa horrent, documentaque temnunt
Præcipue quos Virgo Parens in imaginis umbra
Carmelo insistent bicolori splendida veste
Commendat, quos sæpe suos vocat ipsa clientes.
Nos horum præsul verbis affatur amicis,
Et colit officiis, quos custodire tenetur.
Quin etiam postquam victu tectoque caremus 850
Vestibus exuti, victum tectumque parari
Jusserat, & nostros solatur voce dolores.
Quid referam innumeris repetitas fraudibus artes,
Quidve feros vultus, truculentaque verba monentum,
Et curas, queis quisque suo timuisse sodali
Cogitur? heu dirus rupit consortia Præsul!
Quatuor hic socios, aliis quos addere robur
Constantemque animum novit, projecit in Arcum.
Nobilis Urbs memorare potes non dispare cura

Sejunctos corde intrepido subiisse procellas. 860
 Quin etiam dum mille locis, ut sævius instent,
 Sejungunt, ut nos lacerent crudelius hostes,
 Heu miseros sæpe ostendunt, qui turbine rerum
 Seu vi, sive metu, aut decepti fraude sodales
 Abjecto cecidere animo: pars maxima fletus
 Dissimulat, tremuloque premit suspiria vultu;
 Nec desunt qui sensa hominum tam prava monentum
 Confirmant; non ingenio violenter abuti
 Exhorrent, & vestis amor cum veste recessit.

Viderat ærumnis teneram Miseratio pubem 870
 Affligi, rapidoque urbem petit ipsa volatu:
 Nam quas non habuit, celeres dolor addidit alas.
 Læva dulcis adest Fletus, Cura anxia dextram
 Occupat, insequitur properante Industria passu.
 Multa movens animo, atque oculos per singula volvit,
 Ante fores Procerum Diva astitit; at sibi clausos
 Indignata aditus, ferrataque limina novit.
 Interdum facile ingreditur, sed turba timorum,
 Quæ jam sæpe minas tota disperferat urbe,
 Intus adire vetat; sibi jam penetralia servat 880
 Nomine quæ ficto vellet prudentia dici.
 Tum Dea per calles vultu succensa madenti
 Ingemit, atque preces lacerato a pectore fundit:

Oh siqua est pietas, teneræ succurrite pubi,
 Clamat, ut a summo mereatis præmia cælo.
 Forte stipem non inde procul poscebat egenus,
 Tranſit & juvenis Gallorum natus in ora,
 Quin etiam Hispanus juvenis, sed deditus aris,
 Et quem pauperies cogit famulantibus addi.
 Hos Dea, nam certant primi assentire vocanti, 890
 Instruit, & tales edit lætissima voces.
 Vivite felices cælo clarissima quondam
 Nomina, vestra meis describam nomina fastis.
 Sunt mihi dilecti juvenes, pars incolit Aſtam,
 Pars Arcos; sed quemque urget pia cura sodalis:

Nam

Nam modo sejuncti degunt, & ab urbe Menestei
Nuntia certa optant, ubi sunt gravioribus annis
Emeriti, clarique Duces, & norma cohortum.
Nunc opus est, qui scripta ferat, qui scripta reportet:
Ite, redite hilares, & ego pia corda movebo 900
Interea, ut per vos argenti mittat & auri
Subsidium, vestras comitabor prospera curas.

Dixerat, & præsens monstrat loca; cælite pectus
Igne urit, docilemque illustrat lumine mentem.
Forte senem juvenesque humili de stipite natos
Tanta putes non esse habiles ad munia? Numen
Sensa voluntatis, claros non exigit ortus;
Instrumenta adhibet, quæ nos minus apta putamus;
Ad sua nec tantum magnos cunabula reges
Adduxit quondam, sed rustica dona ferentum 910
Natus in orbe Deus pastorum excepit honores.
Nec Diva absistit; sacras petit illa cohortes
Et sensim ad sese plures trahit, en tibi noctu
Scripta cadunt, juvenis, quæ dum vir deditus aris
Mane videt, noscitque tua cecidisse crumena,
Te vocat, & faveas oro Tyronibus, inquit,
Nam pietas hoc ipsa probat: sed cautior esto,
Namque tibi atque illis foret irreparabile damnum.
Hæc Diva audierat, nutuque expressit amorem.

Sic Divæ auxilio vigiles illusimus hostes. 920
Nec mirum si ter decies & quinque fuerunt,
Atque hic bis tredecim tantum modo, Borgia, cernis;
Nam dolus ille quidem fuit arte potentior omni,
Jesuadum cum fama tulit periisse cohortes,
Nec superesse aliquem, nisi ter numeraverit annum
Undecimum, majorque ævi pars acta fuisset
In castris. Gens sacra Deo, gens nescia fraudum
Arte sibi ignota capitur; projecerat ultro
Divitias & opes perituraque gaudia mundi;
Quisque animo abrasit notos & sanguine junctos. 930
Ærumnarum avidus, vitæ contemptor, operis

Vin.

Vincitur infidiis, neque habet victoria laudem.
Decipere ingenuum juvenem, non vincere jactent.

Mexiacam interea qui rexerat ante cohortem
(Jesuadum tunc reliquæ pro Præsule norant
Omnibus amotis) natos solatus amantes
Viscera patris habens, nunc hos, nunc scribit ad illos
Sedulus, & monitis languentia pectora mulcet.

Postquam sorte datum castris inscribere nomen,
Pars comitum major duplicem compleverat annum, 940
Quo nostra ante aras emitte vota solemus.

(Unus abest Arco, tredecim retinentur in Asta)
Vota quidem, per quæ numquam debile castris
Nomen erit, nisi deleri scelera impia cogant.
Hæc venit a Marques pubi concessa facultas.

Ille etiam intentus seriem reparare malorum,
Prætozem scripto admonuit, non posse juventam
Fraudibus obstringi, nec sola veste mereri:
Sed jam sponte Deo firmis in sæcula votis
Obstrinxisse fidem, quam sacris voverat aris. 950

Ac veluti patrio spatiaturs rure viator,
Dum gravidis cæpit densari nubibus aer,
Jamque improvise rutilans cadit impete fulmen
Ante pedes, neque adhuc comitata tonitrua sentit,
Horret inops animi, gelidusque per intima currit
Ossa timor, fugit ore color, crinesque rigescunt,
Et tamen illæsus flammam videt ire trifurcam.

Haud aliter dum scripta legit furibundus & anceps
Hæret in obtutu Prætor, tum scripta revolvit
Lectæ relectæ oculis, sacras petit inde cohortes 960
Nescius ipse sui, dubiusque exponere rerum
Eventus, juvenes quærit, qui voce diserta
Se non esse suos ajunt, & vera fatentur.
Obstupuit Prætor, regalique urbe ministros
Consultit: hi nigra spoliari veste cohortem
Decernunt, & nil cælo promissa valere.

Nos majore tamen cura disjungere Prætor
Con-

Constituit, dum per duplices regalia menses
Decreta expectat; sed jam Misericordia nostrum
Provida in auxilium juvenilem instruxerat ausum. 970

Septima lux tandem mensis, quo clauditur annus,
Orta polo: sacras properare jubemur in ædes.
Forfan in hanc urbem nobis quæ Diva favebat
Præcessit: non Astæ illam conspeximus ultra.
Ædes quisque petit jussus; deponere vestem,
Dilectam nobis vestem (sed dicere plura
Impediunt lacrymæ) potiusque abscindere cogunt.
Tot vultu intrepido juvat superare labores:

(Hic labor expressit lacerato e pectore primos
Singultus, adduntque oculi sua signa doloris) 980

Exuimus vestes, multoque inspersimus imbre;
Oscula in exutas damus, amplexuque tenemus!

Nec fatis est: magnos tandem celebrare triumphos

Ostentat gens sacra Deo, vestemque profanam

Induere ante fores tritoque in calle jubemur

Mordaces inter risus & dira procacis

(Aduimus testes) inter convicia plebis:

Nec proceres aberant, qui nos damnare videntur

Ore gravi, teneraque insultant voce puelli,

Quaque juvat revocare gradus, nos pone sequuntur. 990

Felices jam parte aliqua, quia compede fracta

Possumus esse simul, primasque intendimus isto

In portu traxisse moras; hinc nostra sequemur

Agmina, & amplexu fociis jungemur amico.

Rusticus accitur, (neque enim cognoverat ante
Jesuadum jussu acciri) cui nostra supellex

Tradita, ut ad portum pacta mercede vehatur.

Horruit, hinc duplex in tecta domestica plaustrum

Pellit, & ad stygias secum sua devovet umbras,

Si talem aspiciat venturo in tempore pestem. 1000

Mitior est animo, nec ferre auriga recusat

Exuvias inopum, quamquam ipse haud talia vidi,

Nec populi insultus fociis abeuntibus hausi,

Nam

Nam prius in portum quærens habitacula veni;
 Conduxique domum, qualem deceat exulis esse,
 Non qualem modo iussisti generosa parari.

Sed numerare tamen, bene quæ numeramus amantes
 Tempora, sollicitus colles & rura petebam
 Obvius, atque horas, imo & momenta notabam.
 Tum quoque fama loquax mihi spem crudelis ademit 1010
 Visendi socios; quamvis fallacia vulget
 Nuntia, semper amor res est agitata timore.
 Anxius heu quoties fudi suspiria cælo!
 Heu quoties maduere genæ! dolor ipse coegit
 Impastum transire dies, producere noctes
 Insomnem, & miror superesse in corpore vitam.

At charos tandem (dulce est meminisse) sodales
 Prospiciens celer accurro, jam brachia tollo,
 Inque humeris vultus flexa cervice recumbit;
 Inde brevem unitis placuit captare quietem, 1020
 Indidit ipse labor, quos non fecere calores
 Solis equi; tremulos quatit æger anhelitus artus,
 Et fessis sudor talos descendit ad imos.

Huc tandem ingredimur, magnis ubi Numen ab alto
 Instillat pietatem animis, ubi pectora summo
 Digna polo veteres prohibent meminisse labores.
 Atque ego si mentes tantum ad sublimia natas
 Exiguus tenui factis, vos indice vultu,
 Vos placidis oculis trepidantem & adire timentem
 Cogitis ulterius seriem protendere rerum. 1030
 At vos ipse operum clara instrumenta suorum
 Eligit Omnipotens; per vos Divina cohorti
 Dona favent, sic vos decuit cognoscere belli
 Eventus; vestris committunt numina curis
 Nos procul Hesperia victricibus addere castris.

Finis Libri Secundi.

H E R O U M

LIBER TERTIUS.

Inclyta sic Heros intentis omnibus unus
 Gesta renarrabat comitum, cursusque docebat;
 Conticuit tandem, factoque hic fine quievit.
 At clara astantum signis, ac voce corona
 Applaudit, lætoque obmurmurat aula susurro.
 Tum fixis siluere oculis, mirantur amorem
 In superos, constansque infracto pectore robur:
 Et prole eximia gaudent novisse parentem;
 Multa animo virtus juvenum, multusque recurſat
 Gentis honos; hærent infixi pectore casus 10
 Innumeri, tot signa Dei manifesta juvantis.
 Quæ sedet in placido demissa modestia vultu,
 Et pietas flore ætatis matura notatur.
 Artes secum una versat dum quisque juvandi,
 Borgia ad unanimes loquitur: dimittere claros
 Cogimur Heroas: saltem retinere liceret
 Has modo reſſiquias, superis clarissima regnis
 Nomina, quæ cælum magnos (nec fallor) ad ausus
 Præparat; at tuta peregrini in ſede morentur
 Ut merita exilio cumulent, natuque ſequantur 20
 Majores Italis in finibus; heu quibus illi
 Errarunt acti furiis maria omnia circum!
 Omnibus expulſi, nulla ſtatione recepti!
 Sic Deus interea laxis permittit habenis,
 Mille modis probat ille ſuos; decreta vereri
 Occulta, & placitis opus eſt ſubſcribere Divum.
 Vidi ego Tartareas furias pernicious alis
 Innumeris volitare locis, & ſcripta ferebant
 Neſcio quid teneræ fatale minantia publi,
 Hinc fluctus quatere, & portu divellere naves; 30
 Naucleros terrere dolo, ne forte juventam

E

Re-

Regibus invisam, ne pestem gentis Iberæ
 Excipiant; dispersa brevi gens ista sodalem
 Non iterum aspiciet, clamabant ore trifauci
 Et vultu eructante ignes, patria arva reviset,
 Carcer erit nativa domus, pater ipse subibit
 Injunctum custodis onus; proh quam impia sæva
 Jactabant verba in superos! sed Numina vincent;
 Nostra opera vult cælum uti; jamque ipsa beatam
 Me reor esse, libens cæli si vota secundem; 40
 Quodque opis est nostræ peragam: dulcissima pubes
 Heu fuge crudeles terras, fuge littus avarum;
 Nostrum erit instanti te subtraxisse periclo;
 Exilii pia causa erimus; mora nulla retardet,
 Sollicito stat fixum animo non parcere curis,
 Non opibus; qua cælum urget, qua Numina ducunt,
 Ibitis, & socios terra cernetis Eoa.
 En prope portus adest, properate, ascendite naves,
 Tollite ferrum undis, date vela, impellite remos
 Eja agite, obtentum jam mens præsaga triumphum 50
 Frustra Erebo oblucente canit, jam verrere pontum
 Vos tueor, media instantur jam carbasa, puppem
 Impellunt Genii, placidaque Favonius aura.

Tu mecum interea præclari sanguinis hæres
 Nec minus eximia fulgens pietate Joanna,
 Sume pares curas; tibi Numina sacra dederunt
 Non animis, sed me fulvo superare metallo,
 Et clarum ornarunt ad gesta illustria pectus,
 Vos quoque quos tueor cæli instrumenta benigni,
 Et quibus Oceano errantes cognoscere nautas 60
 Sors dedit, huc celeres, precor, omnem intendite curam:
 Nocte sub hac, cymbam dabitur si forte parari,
 Mittite quos pelago suspiria nostra sequentur.
 Quodque parare nequit tempus, supplebitur auro.
 Sed si forte dies dilectam crastina pubem
 Servet adhuc, quæ rure domus mihi surgit mæno
 Delitiæ sole æstivo, & cum frigora serpunt,

Seclulo latitat non observata recessu.

Opportuna tamen, (falsis neque distat ab undis)

Hospitium extremum sit discedentibus; illinc

70

Optatos latices, & plura alimenta parabo

In plures servanda dies; quæ parva supellex

Exigitur nautis cura jungetur eadem.

Tuque Joanna dabis veniam, si paupere sumptu
Crastina disponam propriis jentacula curis.

Quamquam ignara escas condire, apponere flammis

Hæc propriis manibus sit saltem extrema laboris

Cura mei; tum mensæ adero, ut studiosa ministrem,

Atque haustus, calices, discos, & fercula promam;

Sint quamquam inviti juvenes, ego cedere cogam. 80

Hospite Divino si quondam Martha vocatur

Sedula, par studium Jesu meruere sodales.

Quin etiam ipsa domus, qua discessura juvenus

Extremum accipiet nostri vestigal amoris,

Nomina venturos dudum servabit in annos

Auratis descripta notis. Dum talia fatur

Clam simul ad socium tacito Vincentius ore

Mussitat, atque undis solem notat esse sepultum.

Quamquam aderat tamen adversa statione Joanna

Audiit, & placido subrisit conscia vultu;

90

Atque ait: o decus Heroum, & genuina propago

Borgia, sume animos; multum tua vota valerent,

Ut cito quæ nostris commendas sedula curis

Perficienda forent; sed non cælum urget ab alto,

Increpat usque moras, generosum instillat amorem,

Instantesque ausus, sic dum majora paramus

Officium tu Matris ages; tibi (clara juvenus)

Quærere testæ juvat; neque adhuc sol occidit undis,

Ut forsan domus hæc tenebris obnoxia signat;

Sed tamen interea ut Numen pia vota secundet 100

Sollicitas iterate preces; pugnabimus omnes

Contra Erebi insidias: vos fletu & supplice vultu,

Nos opera & facto; feret optima causa triumphum.

Tum Petrum alloquitur (paucis sententia verbis
 Exprimitur, sed pondus habent) mora nulla retardet;
 Eja age, communes, inquit, tu suscipe curas;
 Quære ratem, nec parce auro, nec parce labori.
 Per te crudeles fugiant mea viscera terras.

Emicat interea toti quæ providet orbi
 Cura Dei, sed sollicito commissa labore 110
 Gaudia dum spargit, dextram tegit arte faventem,
 Augeat ut meritum; sic ipsi adhibere monemur
 Omnem operam, sed nil nostris confidere curis.
 Petrus abit, littusque petit, num vela dattiros
 Nauceros forte inveniat; plura exhibet auri
 Pondera, si celeres impellant brachia remos,
 Nec dubium expectet ventorum cymba favorem.
 Anglus adest, navem ostendit, jamque anchora fundo
 Eripitur; velis erecta antenna ligatur:
 Fervet opus, latices, alimenta parantur, & ipsos 120
 Naucerus juvenes urget conscendere navim,
 Quodque absint, queritur; sed ad ipsos fulminis instar
 Advolat ut Petrus successu lætus amico,
 Voce incompofita (sic Di voluistis) in ipso
 Egressu nauta accurrens promissa retractat.

Ac veluti dum fossor opes per viscera terræ
 Scrutatur, fulvum longo sudore metallum
 Sedulus exquirens, ingenti pondere saxum
 Scintillare videt, glebam excutit inde tenacem,
 Et radios circum observat, pondusque coruscum 130
 Thesauro exultans in patria tecta reportat;
 Sed comes accitus noscendo doctior auro
 Particulas vitro similes, pretioque carentes
 Admonet ex vili massam componere saxo.
 Haud aliter Petrus dum jam felicia desert
 Nuntia, spe nulla solari posse dolebat
 Afflictos juvenes, & damna extrema timentes,
 Quamquam aliis neque adhuc ipsis manifesta paterent.
 Jamque redux lentis incedit passibus, imo

Corde tegens vulnus, quod signo prodit aperto 140
 Triste supercilium: aſt ultro ſeſe obviuſ offert
 Naclerus veſte hiriſuta; ſed vultuſ agreſtiſ
 Neſcio quid probitatiſ habet, gerit ille recurvum
 Ore tubum, & fugens fumum medicabilis herbæ
 Ebibit, inque modum nebulæ cum vocibuſ efflat.
 Siqui forte velint, inquit, Regna Itala & urbeſ
 Viſere, parva quidem, at pelago tutiſſima naviſ
 In promptu eſt, nec vana loquor, ſit libera tantum
 Craſtina lux, nam plura urgent; ſum vela daturuſ
 Quandocumque velint, pretio exorabilis æquo. 150
 Obſtupuit Petruſ, primum taciturnuſ & ancepſ
 Subſtitit, attonitam volvens per ſingula mentem,
 Namque latere dolum, & facili mendacia verbo
 Subſtimuit, ſed poſt diſcuſſa nube timoriſ
 Numiniſ agnovit curam, cælique favorem.
 Biſ tredecim juveneſ, inquit, tibi credere meſ eſt;
 Tu redde incolumeſ (genſ eſt gratiſſima Diviſ)
 Finibuſ Auſoniæ; tecum mea vita, meum cor
 Pariſ mei amabilior longinquuſ ibit in oraſ,
 Tum paſta mercede diem præſcribit, & horam 160
 Quo portu excedant; Matroniſ inde citato
 Felicem eventum properat reſerare volatuſ.

Qua mare proſpectant monteſ, prope littoriſ oraſ
 Planitieſ nemoroſa viret: ſtant ordine longo
 Per latera ampla viæ quercuſ, inſonante cælo
 Attollunt capita, & ſublimi vertice nutant.
 Inde ubi nativo ſemper veſtita colore
 Lauruſ in exceluſum protenditur ardua muruſ,
 Et dociliſ certa natura juvatur ab arte,
 Monte minor collis, campo tamen altior æquo 170
 Leniter aſſurgit, medio viridaria ſervat
 Culta ſinu, atque oculoſ proſpectu paſcit amæno.
 Hic ſpatioſa domuſ, quam cælo proxima turriſ,
 Regaliſ facieſ, camerataque porticuſ ambit,
 Quamvis parte ſui geniali exuta paratuſ

Plura tamen veteris servat vestigia pompæ.
 Huc famulos, qui multa parent accommoda navi
 Borgia præmittit, totisque abscondita quærit
 Ædibus, ut juvenes possit studiosa juvare.
 Vasa quoque, & vestes, nec tantum alimenta requirit 180
 Nocte vigil tota: quid non mortalia cogis
 Pectora Dius amor? Neque solis nuntia primas
 Abstulerat tenebras, cum villam accedit ad ipsam
 Conditura cibos, operoso instabat amanti
 Namque extrema dies; pubem jubet inde moneri,
 Ut tectis tandem excedant, ut parva supellex,
 Et quæ seposuit, cumulo jungantur eodem.
 Adfuit & Petrus, qui sæpe ad littora tendens
 Sæpe redux, juvenum curas & vota levabat.
 Addidit huic Matrona alios qui sacra ministrant, 190
 Addidit & procures, quæis clam committere tantum
 Possit opus, fortisque suæ legit ipsa sodales.
 Sed famulis opus est, quorum delectus habetur,
 Ut tacite mandata ferant, mandata reportent,
 Et navem interea valeant onerare paratis.

Sic vobis gens chara Deo, terraque marique
 Ejectis, quæis & patria erubuisse videtur,
 Ecce Sacerdotum, & Præcerum pia turba ministrat!
 Hi, quæis vilescunt elata palatia cælo,
 Quæis undant servis aulæ, quos poplite flexo 200
 Supplicis os, habitumque gerens, reverenter adorat.
 Turba frequens, & siqua sui dent signa favoris
 Gaudia vix animo capit, & gavisa beatur:
 Hi quibus inservire decus, quos posse mereri
 Obsequiis, res est multo quæsitæ rogatu
 En famulas adhibere manus, dare fercula circum
 Non dubitant, cyathosque lyæo implere rubenti!
 Tantum chara valet juvenili in pectore virtus:
 Hos vobis constans animus quæsitavit honores.

Phœbus iter medium summo confecerat axe, 210
 Cum juvenes mensæ accumbunt, & Borgia primum

Fu-

Fumantes liquido crateras jure seorsim
 Distribuit: cum fumo indi sparguntur odores.
 Inde olera, & pingui condita legumina lardo
 Et fluvialis Anas, & quos educit ab ovo
 Gallina, at nequeunt fœcundas reddere Matres.
 Hic cumulum simul auxerunt armenta gregesque
 Parte sui, nam parte alia frixoria gaudent,
 Atque aliam succensa coquunt fornacula partem.
 Tum quæcumque veru lentum torquentur ad ignem 220
 In gyros acta, & pingui sunt illita succo:
 Quæ vaga per stipulas tenera cum prole Coturnix
 Pascitur, & sapidus cum Phasidis alite Turdus,
 Turtur sæpe gemens, atque hospita vallis Alauda,
 Et Scolopax longo quærens sibi pabula rostro,
 Et (quibus arrident sylvæ, & nemora alta) Palumbes:
 Lente simul condita, & dulei embammate Perdix.
 Indus adest pullus (nam sic dixere priores,
 Quando ignota olim nostris regionibus ales
 Appulit, occidua transmissum munus ab ora) 230
 Quique gradu lento, & cauda stellante superbit;
 Mire exquisitos avibus de more sapes
 Adjunxit studium, teneros juga celsa dederunt
 Capreolos, rabidos apros, leporesque fugaces.
 Non defunt quos massa cibos condita repositos
 Abscondit tumefacta sinu; quos sacchara fingunt
 Aut mergunt liquida, aut tantum insinuata palato
 Arrident; variis etiam bellaria formis,
 Salgama pastilli bucellæ liba placentæ,
 Et quæ fœmineæ condit patientia dextræ, 240
 Non temnenda addunt mensæ ornamenta secundæ.
 Sunt pyra reliquiarum autumnæ, sunt mitia poma
 Atque uvæ testæ appensæ (nam sole perustas
 Miserat in navem (ficus, & candida pini
 Germina, frondosæque nucis; nec amygdala defunt,
 Castaneæ molles, & pressi copia lactis.

Vina, sed Hispanis tantum regionibus orta

Stant vitreis distincta cadis. Non Africa jatet
 Finibus extremis, vel quæ culta insula Lufos
 Excepit gremio, nec aprico Hungaria clivo 250
 Hos ajunt superare haustus, non æquore sparsæ
 Cyclades, Ægeæ vexant ubi saxa procellæ.
 Non Samos, aut Cypria vinum tellure sepultum,
 Quodque Ragusinum producit fertile saxum,
 Et siculi colles, tepesactaque rura falerni
 Et quod nomen habet lacrymæ, quod Hetruria nutrit
 Culta sinu, & Veneti domina procul urbe reportant.
 Non opus est mensis peregrinas quærere merces;
 Possumus externos ditare: hæc vina Peraltam,
 Hæc proavi nostri Petrum dixere Ximenem; 260
 Hæc misit Malacensis ager; quæ proxima tellus
 Matrilo excurrit, nectar regale propinat.
 Tarraco campano quondam cessura lyæo
 Campanis modo præstat agris; pariterque Saguntum
 Effertur, prima ante alias celebratur Alone.
 Quid Carinenna tuos, & quid Montilla liquores,
 Quid referam Parafete tuos? si singula dicam,
 Ante diem clauso componet vesper olympo;
 Plurima quin similes avibus foecunda canoris
 Insula, dat latices, Hispano subdita scepro. 270

Hic aliquis procerum (reliqui dum talia fantur)
 Arcam aperire jubet; sunt subere clausa tenaci
 Vitrea vasa intus, tenui quæ bractea cedro
 Dividit in loculos: vobiscum hæc patria vina,
 Ferte, inquit, lentæ relevent fastidia navis.
 Nominibus signata suis mihi miserat olim
 Junctus amicitiae vinclis de rure colonus
 Mexiaco, sed plura locis America remotis
 Educit, qua parte polum non cernit Iberus.

Borgia Mexiaco rubicundum nectare vitrum 280
 Extrahit, & vobis, inquit, quos urbe remota
 Sancta Fides aluit, forsan latuisse putandum
 Hunc laticem; procul Hispano de littore missum

Vix

Vix aliquot tantum licuit gustare diebus:
 Pocula deinde locat pario cristallina disco
 Immittitque ostrum, & convivis ordine profert.
 Ordine præcessit veneranda ætate sacerdos,
 Castrius & reliqui sincero corde sodales
 Invito cessere locum; cui Borgia, notum
 Sume haustum, terras illas sudore rigasti, 290
 Forte manet reducem melior vindemia, quamvis
 Ante laboratum modo linquere cogeris agtum.

Postquam expletæ epulæ, jussit Matriona canistris
 Omnia servari, nam ferme intacta supersunt,
 Atque profectura congesta in nave locari.
 Utque escas, & vina ferunt, gratissima fassas
 Inter aquas: etiam navi sua dona ministrat
 Fons villæ ornamentum ingens, qui solis ad ortum
 Ardua de duro jactans cunabula saxo
 Profilit illimis, pura cristallinus unda, 300
 Et querulo aspergit crepitantia saxa susurro,
 Naturæ ludentis opus, dulcesque benigni
 Deliciæ ruris, quæsitum æstate levamen
 Per quem luxuriat nemus, & viridaria rident.

Castrius interea conjungit ad æthera palmas,
 Atque oculos defigit humi; sic fundere doctus
 Ante cibos de more preces, sic solvere grates.
 Post epulas, focique alterna voce reponunt.
 Ut mensa assurgunt, primum te, Borgia, prono
 Ore adeunt, meritas tanto pro munere grates 310
 Ut verbis referant, sed cum prior ipsa loquaris
 Sponte silent, ortas frænat reverentia voces.
 Et te cogit amor tales exponere questus.
 Incassum juvenes vestro servire palato
 Ipsa laboravi; nam cum tot fercula vobis
 Objicerem ante oculos, discum studiosa pararem
 Cuique suum, calices pretioso sæpius haustu
 Implerm, placet impastos discedere mensa.
 Nec renuo vos in dulces prorumpere fletus

Nam.

Namque ea lætitiæ danda indulgentia vestræ 320
 Obruat ut sensus, & inexpectata procellas
 Commoveat quandoque animo; sic dulcibus escas
 Conditas lacrymis, lacrymans simul ipsa notavi.
 Cur responsa tamen quæsi si sæpe negastis?
 Omnia tempus habent; quæ nunc Deus otia fecit
 Vobis læta fluant; præscripta silentia vestro
 A duce prudenti debent ratione teneri.
 Ille sui vindex, & inexorabilis hostis
 Se mundo eripiens hominum consortia fugit.
 Nudus enim caput, atque pedes, setasque rigentes 330
 Indutus, diro cruciabat membra flagello.
 Olli chara domus fuerat spelunca ferarum,
 Illusitque famem, vilis non expulit esca.
 Vix tamen accivit, quod cælo militet agmen
 Alliciatque animas, retrahatque a faucibus orci
 Aspectu facilis, visuque affabilis ipso
 Monstrata jubet ire via, nam legibus æquis
 Exemploque monet placidos componere mores.
 Sic etiam ora noto vultu composita modesto,
 Dejectosque oculos; tensæ laxantur habenæ, 340
 Et, ne frangatur, quandoque remittitur arcus;
 Sic recreare animos iussit Loyola fuorum.
 En geniale solum, facies pulcherrima villæ,
 Areolis distinctus ager, spatiosa viarum
 Oblectat series; saltem latera ampla domorum
 Ornata aulæis misto fulgentibus auro
 Observare juvat; nam gesta insignia servant
 Jesuadum, dulcesque instillant pectore sensus.
 Dixerat, & prono respondet Castrius ore.
 Præveni tua jussa libens, jam parce querelis 350
 Borgia, jam virides conspeximus ordine calles
 Spirantes vitam statuas, viridaria, & hortos;
 Mirati, si tristis hyems, si tempora brumæ
 Pulchra tibi servant villæ spectacula, qualis
 Vultus erit, cum veris opes emortua tellus

Exeret, & campos juvenescere coget Aprilis?
 Sæpius Oceani tremulas prospeximus undas;
 Quam nostros rapit ille oculos, & pectoris ignes!
 Nec circumfusas vicino in littore naves
 Nosse datum, dulces turbarunt lumina fletus. 360
 Nec doleas nos pauca loqui, reverentia voces
 Anxia metitur, timidi fortasse videmur
 Sed non audaces; juvenum sic postulat ætas,
 Sic nos emeriti morum docuere magistri;
 In te matris amor nimium permittere cogit,
 Sed veniam tamen ipsa dabis, prius omnia multo
 Contulimus studio, placuit concedere justam
 Libertatem animo, at medium teneamus oportet.
 Post epulas quæ sparsa domo observanda supersunt,
 Quisque modo præsens in tempus omittere gaudet. 370

Tum socii properant Matronæ solvere grates:
 Xavier accedit primus, sed primus Joseph
 Alloquitur, jam jam primas effundere voces
 Incipit, at vultus hilares & numine plena
 Corda notans, niveo lacrymantem Borgia vultum
 Linteolo abscondit, juvenesque relinquit in aula.

Illi inter sese decernunt aurea circum
 Ornamenta domus, pictasque notare figuras,
 Extollunt oculos, & primum Borgia quondam
 Jesuadum Præses tibi se Coriane, videndum 380
 Obtulit, ille novum socios transmittit in orbem
 Atque manu vastos campos vasta æquora monstrat.
 Hic mare pacificum, qua sol descendit in undas,
 Extendit sese, Limæque suburbia lambit.
 Illa novi caput Imperii ditissima sedes,
 Argentoque auroque potens, atque ubere gleba
 Lustra ævi septem memorat, cum littore sparsi
 Portenta indigenæ priscis incognita sæclis
 Viderunt mole immensas dare carbasa ventis
 Remum indignantes (constructa palatia ponto 390
 Dixissent, mediisque errantes fluctibus arces)

Mul-

Multiplicique rates noscunt coalescere trunco.
 Sed quam Jesuadæ plausu excipiuntur ovanti!
 Quis procerum, quis plebis amor! quam dulcia vivis
 Signa micant oculis, depictaque gaudia vultu!
 En Portillus adest, magna spectante corona
 Verba facit, juvenes illustri sanguine ductos
 Secum una adducens solatia porrigit ægris.
 Parte alia cultas Bocamontius edocet artes,
 Dogmata Christiadam, & patrii commercia cæli. 400
 Fontius in voces mutare Hispana latinas
 Verba docet, tanti in partem venit ipse laboris.
 Longa sedet puerorum acies, calamumque tenentes
 Dictata ex exscribunt, pendentque loquentis ab ore.
 Sacra etiam vexilla ferunt, & virginis almæ
 Effigiem, & duro pendentem stipite natum
 Per fora, per calles postquam modulamine vocum
 Laudibus extollunt divos, votisque precantur
 Ipse loco elatus spargit documenta salutis.

Lopus interea constat bis millibus agmen 410
 Urbe vigil tota; videas sudore madentem
 Æthiopum mulcere animos, crudelia cælo
 Pectora lucrari, sanctosque inducere mores.
 Jamque novis socios video Tyronibus auctos.
 Præfulis oblatum refugit Toscanus honorem
 Infula non crines, digitos non annulus ornet,
 Sed vili exclamat Loyolæ ornemur amictu.
 Regius hunc sequitur mutata veste Senator,
 Doctrina illustres, clari pietate sequuntur.

Sed jam structa domus plaudente enascitur urbe 420
 Hæc sedes fuerat colubrum, nunc regia divum,
 Hic divæ effigies, Roma quam mittit ab urbe
 Borgia, corda rapit, sacroque inflammat amore.

Cætera quid referam? Clypeis fulgentia circum
 Signa micant, surgunt insperfo sanguine palmæ,
 Et bene respondent communibus omnia votis.

Aspice, (Raymundus digito monstrante reponit)
 Quos

Quos ibi pinxit acus, populi misere Chilenſes,
 Atque ſua ſimiles optant regione colonos.
 Quadrupedem obſerva, picturaque denotat ipſa 430
 Veloci ſuperare Euros & fulmina curſu.
 Sed quæ ſcripta vides, mittuntur ab urbe Quitoſi,
 Planities ubi lata viret, ſed proxima cælo
 Montibus impoſita, & nullas ſol arduus umbras
 Efficit, atque polos diſcrimine cernit eodem.

Urbs (Marianus ait) noſtræ fuit illa cohortis
 Prima olim ſedes; ſed ſi fundamina noſtræ
 Prima cohortis amas dignoſcere longius, urbem
 Non opus eſt Limam quæſiſſe (Antonius addit)
 Aſpice ut orbe novo venientibus hospita primum 440
 Carthago ante alias ſeſe obtulit; hic ſibi nomen
 Præclaris meruere actis, bellumque potentes
 Indixere Erebo, ventis dare vela ſecundis
 Bis ſenos video, & noſtris appellere terris.

Tunc utinam poſſent voto indulgere, Leander
 Exclamat, felix jam dudum ea terra fuiſſet.
 Nonne vides quam mira gerit Claverius, illo
 Inviſas Carthago moras reparare videtur.
 Ecce domus plena aulæis ſibi facta reſervat
 Eximii oſtentare viri, quem poplite flexo 450
 (Spero equidem) pronus ſacras venerabor ad aras.

Quod nequirit tunc Lima (inſit ſic Didacus) oris
 Hoc tandem noſtris concedit Mexica tellus.
 Nam regno conſtructa novo (ſic nomine dictum)
 Bis ſeptem a primo luſtra enumeravat ortu
 Sancta Fides, caput Imperii, communibus inde
 Jeſuadas votis celebrem toto orbe phalangem
 Querit, & hoſpitibus manſuras collocat ædes.
 Præſul adeſt, reſonas videor bibula aure loquelas
 Excipere, hoc unum nequit addere pictor, at ipſa 460
 Pictura attonitos potis eſt ita fallere ſenſus.
 Secum una comitesque viæ, curiſque levamen
 Adduxiſſe viros, placido venerabilis ore

Præful ovat, proceres plaudunt, sacer inde Senatus
Annuit, & largis coacervant munera dextris.

Quis tamen o focii (quærit Vincentius) ille est
Syrmate purpureo insignis, sceptroque nitenti,
Largus opum, quas incæptas effundit in ædes?
Borgia forsan erit? Nam quando habitacula struxit
Jesuadis, (neque me vultus ea fallit imago) 470
Non adscriptus adhuc nostris, hoc fulsit amictu.

Audiit, & lepido subrisit amabilis ore
Franciscus; non ille, inquit, sed Borgia dictus
Tanto dignus avo, virtutum, & sanguinis hæres.
At primus, Franciscæ, tuum sibi nomen amavit,
Maluit iste meum, submissa voce Joannes
Addidit, & gesta Heroum celeberrima confert.

Xavier interea defixos corda sagittis
Aut truncos capite, aut saxorum mole sepultos
Jesuadas pretiosam animam exhalare notabat. 480
Visitur inde aliis mediis incedere flammis
Intra urbem, qua magna foro jacet area, cives
Mirantur, vires acuit gens barbara circum
Ignibus, arentes alimenta perennia truncos
Injicit, & magnos ramorum adjungit acervos;
Has juvenis flammas, quas non timet ille, timebat:
Ferre misertus opem, truncosque avellere dextra
Nititur, at murum conatu tangit inani.

Forte videt, Petrus, lateri qui proximus hæret,
Xaverio immaduiffe genas, hunc pelle timorem 490
Frater, ait, potius felici forte beatos
Laudibus extollas, & queis timuisse videris
Ah, precor, invideas, grata est hæc victima cælo;
Quam docuere, quo firmarunt sanguine legem.
Hic ego (signavit digito Petrus indice Mompos)
Hic ego mirabar, dum prima adoleverat ætas
Magnorum gesta Heroum; tot prodiga vitæ
Pectora, tot plenas cælesti numine mentes.
Namque ibi Jesuadam sedes ornata tabellis

Instillat pietatem animis, dum gesta suorum 500
 Exprimit, & sanctæ monuit me jungere genti.

Sed non picta meum (retulit Vincentius) acta
 Allexere animum; patria quæ semper in urbe
 Hisce oculis egomet vidi, atque domestica gentis,
 Æmulaque antiquis me clara exempla vocarunt.
 Ipse ego Jesuadas nil res curare caducas
 Servabam, oblitosque sui, oblitosque suorum,
 Ac cælo intentos cælestia spargere vidi
 Semina, nilque suis aliud præfigere curis (510
 Quam solum (ampla quidem, quærendaque præmia) Numen.

Quemque vides læto superare incendia vultu
 Innocuis cinctum flammis, cum laudis honore
 Sancta Fides memorat; socios hanc primus in urbem
 Intulit, at sanctis renuit gens barbara dictis
 Præstare obsequium, sed si velit ire per ignes
 Esse Deum, & quantum valeat Deus ipse notabunt.
 Sese offert ille intrepidus; ducuntur in amplum
 Ligna forum, furit emissis violentia flammis,
 Et circum inspergit crepitantes aura favillas:
 Ingreditur, desertque manu Venerabile Numen 520
 Affixum ligno, cælestia dicta moratus,
 Fundit in adstantes, Numenque in imagine monstrat.
 Non ausa est vestem, non lædere flamma capillos.

Nec te prætereat quantum valuere sodales
 Gentibus incultis, quas nil servare putares
 Indolis humanæ; sine lege, & rege vagatur
 Mentis inops natura, ferisque ferocior ipsis.
 Ast illi nunc plana petunt, sic nomine dictus
 Est locus, hic socios felix quinque induit ostrum
 Qui prius has sudore rigant, dein sanguine terras. 530
 Nunc rura excurrunt Casanaria, Magdalis oras,
 Et virides Metæ ripas; gentesque propinquas
 Excolere intenti, & qua lato Orinocus aquarum
 Vortice decurrit, cymbarum ad commoda mittens
 Brachium, ut immensas locupletet Amazonis undas.

Talia dicentem, sed dicere plura parantem
 Interrumpit ovans, veniam tamen obtinet ultro
 Andreas; nam veste nigra juvenilibus annis
 Depictos observat acu, quæ candida circum
 Agmina festivæ ludunt super ora columbæ 540
 Insidunt humeris, & rostro pectora monstrant.
 Tum repetit fellis soboles ignara choræas,
 Quæ semper tecta alta colit, cui sordida sedes
 Deseritur, signa antiquis Tyronibus apta,
 Oh utinam modo convenient signa omnia nostris,
 Quæ misit Deus ipse olim! nunc limine pulsi
 Dextram adjutricem nisu majore precamur.
 Hæc ait; intenti solio dum Numen ab alto
 Quatuor observant focii; stant agmina circum
 Aligerum, & proni Dominum reverenter adorant. 550
 Grata alii gemino referunt commercia mundo,
 Inducuntque preces hominum, vota anxia cordis
 Numinis ante thronum; cæli spatia ampla videres
 Thure superposito, nostris quod surgit ab aris
 Afflata, & fumo superi recreantur odore.
 Quem rabies quondam, pietas nunc immolat agnum
 Pluribus oblatum terris, sed semper eundem
 Mirantur, Divinum agnum, qui sanguine delet
 Omne scelus, sunt plura libro descripta fidei
 Nomina in obsequium magnæ collecta Parentis: 560
 Nomina sæpe legit, relegitque, & servat amanti
 Diva sinu, nam quisque sacrum bis curat in anno
 Offerri, pacto auxilio, per mutua secum
 Fœdera, cum vitam mors falce abscindet adunca,
 Expiet ut nostrum cælestis victima crimen.

Aspiciens tacito Franciscus singula vultu
 Obstupuit; plura Emmanuel, & plura Joannes,
 Pluraque sensa aperit Laurentius, ac simul omnes
 Explicuere animum; de cælo, & numine dicunt
 Colloquio alterno, sed quod pietate magistra 570
 Venerat in mentem, non quod dictabat acumen

Inge-

Ingenii, lætisque citant verba aurea Kempis.

At senior, quem canities veneranda decorat,
Mexica quem tellus superare laboribus annos
Viderat, ah fratres, inquit, pulcherrima vobis
Aulæa ostendunt vestræ decora ampla cohortis.
Hunc usum, qui nunc toto distenditur orbe,
Sancta Fides primum instituit; sub virginis almæ
Auxilio stabili coeunt pietate sodales,
Atque stipe oblata sociis jam morte peremptis 580
Ferre libenter opem curant, pia fundere vota,
Utque sacerdotes renouent miracula cœnæ.
Omnia si numeres quæ sunt renovata quotannis,
Mille octo vicibus pars est millesima tantum.
Assiduis tantum potuit clementia curis!
Aligeri nivea sub panis imagine sistunt
Symbola, proque suis virgo cultoribus orat,
Virgo simul, tutela hominum, materque tonantis;
Sic gaudet pia virgo coli, sic iusserat olim.

Dixerat, atque suas properat cognoscere terras, 590
Felices equidem, namque inter pulchrior urbes
Nobilis urbs surgit, quæ pura adlambitur unda;
Donaque naturæ prudens accrescit ab arte,
Nec tantum insignes moles, elataque cælo
Culmina, sed circum viridaria spectat, & hortos;
Culmina per fluctus grato duplicata reflexu,
Hortos (oh artis cura ingeniosa!) natantes;
Non currus auro insignes, gemmilique nitentes,
Nec cymbas numerare potes; sic commoda certant
Divitiis, cæloque homines beat aura benigno. 600
Nobilior tamen ipse locus, quod Maxima Diva
Sacrarum delapsa polo sibi iusserat aras
Æternum obsequii monumentum, & pignus amoris.
Non veræ absimilem divæ miramur Joseph
Effigiem, inspersumque rosis olet undique templum,
At Simeon properat Cinaloæ inquirere gentes
Cantabriæ regna ampla novæ, & queis nomina flores

Indiderant; quæritque polum; intuitusque sinistros
 Vertit ad occasum, rupes Caliphornia, & undas
 Objicit; at fluvium tranans, atque ardua vincens 610
 Culmina, conjunctam regna ad Borealia noscit.
 Quaque oculos volvit, celeberrima gesta suorum
 Miratus, dolet heu! non esse in parte laboris.

Tres clari studiis juvenes latera ampla propinquæ
 Conspexere domus, queis patria rura notabant.
 Montibus ex altis Paraquaria defluit unda
 Mole gravis, campoque diu spatiaturo aperto
 Indignata obicem, & vires acquirit eundo
 Effera, sexcentis postquam torrentibus aucta
 Instar abit maris, utque pari conjungitur alveo 620
 Amittit nomen, gaudetque argentea dici.
 Ecce librum in mensa casu, Bernarde, locatum
 Inspice, cuncta leges, quæ sunt descripta figuris.
 At tria, ni fallor, cerno exemplaria, sume
 Hunc, Franciscæ, illum Clemens tibi sume legendum;
 Ecce avidis capiunt objecta volumina dextris;
 Nunc latere opposito se juncti scripta revolvunt,
 Nunc aula notant; properat bibula aure Joannes,
 Hippolitus, Joachimque simul læto ore propinquant.
 Quartus, in adversa observat qui parte tabellas, 630
 Accurrit celer, & lætis applaudit Joseph
 Quanquam ætate minor, nulli virtute secundus.
 Jure quidem celebris toto Muratorius orbe
 Auctor adest titulo inscriptus, pondusque decusque
 Ipse operi adjungit; dicendi ornata venustas
 Perstat adhuc, quamquam Hispano vestitur amictu.

Per spatia ampla domus, placida dum mente vagantur,
 Bis tredecim juvenes & res & facta suorum
 Intenti observant, sonus auribus ecce propinquat;
 Tortile nam flagrum vacuas diverberat auras, 640
 Et prope fit gravior rauco stridore rotarum.
 Turbantur juvenes, clamorque domesticus augeat
 Corde metum, tenerosque incendit purpura visus.

At

At subito auditæ sedarunt pectora voces:
 Gaudia succedunt depulso inopina timore.
 Ecce Joanna venit procerum stipante corona,
 Extremumque vale teneræ dictura cohorti
 Comiter accedit! Jam vos felicibus, inquit,
 Gratulor auspiciis patria discedere terra:
 Omne solum forti patria est, vos ite per orbem, 650
 Semper idem vobis cælum est; recreabit euntes
 Felix prospectus, nova semper & altera rerum
 Alliciet facies; errant quoque sidera cælo.

Dum loquitur, famuli spumantia nectare vasa
 Mexiaco apportant; variis bellaria formis
 Adduntur; primum nutu, dein Borgia voce,
 Ut sedeant juvenes, oblataque munera sumant,
 Imperat; ipsa manu cyathum officiosa Joannæ
 Exhibet, & lepidis hilarat consortia dictis.
 Italiæ in laudes abeunt, molesque recensent 660
 Artis opus miræ, atque ævi monumenta vetusti,
 Ingenuas artes, culta ornamenta domorum,
 Tum miras telluris opes, cælique benignam
 Temperiem, dulces hominum grata indole mores.
 Tum juvenes simul invitant, callesque virentes
 Ingressi, ad pratum malunt divertere, & aura
 Liberiore frui, ut campo spatientur aperto.

Et jam majores veniunt e montibus umbræ:
 Tecta vocant iterum; pergunt ibi fallere tempus
 Colloquio alterno, cænam Matrona parari 670
 Jusserat hospitibus, juvenes tamen aula recepit
 Divisa a reliquis, qua frustra nobilis offert
 Mensa dapes, haustusque hilares; accumbere mensæ
 Possè negant pasti nimium; tum Borgia questus
 Ingeminat, solitaque excusat laude Joanna.
 Atque ait: oh juvenes, cum primum aurora rubescet
 Esse simul cunctos opus est jam nave receptos.
 Forte moras Dux ipse trahet; sed pellite curas,
 Ibitis Italiam, & portu solvetis Ibero.

Conceptos arcebo obices, pretiosa supersunt 680
 Nunc momenta; licet placidam captare quietem.
 Sic ait, & juvenes amplam comitatur in aulam,
 Et madida imbre genas felicem Borgia noctem
 Augurat: extrema est, qua vos mea viscera cernam:
 Dixit, at introrsum refluens vox faucibus hæsit,
 Unde ea quæ dixit, potius dixisse videtur;
 Advolvitque fores, & limina clausa relinquens
 Comiter ad cænam proceres invitat opimam.

Ducenda in navem juvenes quæ strata parabant
 Ordine stant longo; suadet nox humida somnos, 690
 En locus in promptu est: somno indulgisse putares;
 Falleris, huic, ajunt, erit opportuna quieti
 Incertæ mora longa viæ; nunc fundere vota
 Convenit, & nobis placatum reddere Numen.
 Nunc alia est optanda quies; quæ forte supersunt,
 Lucro apponantur votis communibus horæ.
 Urget opus, res magna agitur; cælestia nobis
 Auxilia extremo faveant obtenta periclo.

Tum vario divisa loco generosa juvenus
 Inflectit genua, & supremo ardentia sistit 700
 Corda Deo, funditque preces, atque anxia tutam
 Poscit opem; junctis templâ ad cælestia palmis
 Lumina figit humi; sacunda silentia vocis
 Pondus habent, volitant gemitus cordisque favillæ,
 Descenduntque polo placidis solatia pennis.
 Inter convivas dulcissima quilibet Heros
 Materies sermonis erat, filet anxia primum
 Borgia; ut aspexit mensæ ornamenta secundæ
 Non potuit tolerare moras, tacitoque recessu
 Subtrahitur, charam visura a limine pubem, 710
 Deficiat ne aliquid, placidique ex more quiescant.
 Læva tenet faculam, ne quid remoretur euntem
 Dextra præit, valvas aperit, vultumque silentem
 Intulit, at vacuo nullum requiescere lecto
 Attonita observans gemitum compressit obortum,

Inde

Inde oculis volitat, cunctos immobile saxum
Cernit, & in patrium flammæ transmittere cælum.
Vellet abire quidem, at placidam turbare quietem
Cogit amor, titubatque anceps in utrumque parata,
Expers consilii festina propinquat ad omnes; 720
Utque videt nullum gressus advertere, facti
Pœnitet, & madido convivis additur ore:

Dumque ipsis narrare parat quæ viderat ante,
Mecum una juvenes (nec sit mora longa) recedant ;
Petrus ait, jam pacta instat vectoribus hora ;
Ante fores aderunt ; sua sarcina cuique paretur ;
Tempus adest ; juvenes ignoto tramite ducam,
Fidere nec tenebris satis est ; sic arbitra rerum
Clara Joanna jubes ; sic te quoque, Borgia , velle
Convenit, ut laqueos & tensa illudere detur 730
Retia, tartareos tandem superabimus hostes.

Dixit, & unanimi concrescunt gaudia plausu.
Nec mora, nec requies : accitur chara juvenus,
Extremumque vale digressu instante vicissim
Congeminant, & dona addunt in pignus amoris,
Hic loquitur fletu, hic oculos defigit in illis,
Gaudia miratus vultu transfusa sereno ;
Hic filet, hic precibus sese commendat euntis,
Aut hos, aut similes edunt de pectore sensus.

Ad sacram ut dabitur venerari cominus aram 740
Loyolæ exuvias, & tecta abjecta profanis
Chara tamen cælo, domuum interiore recessu,
Quæ quondam excoluit Dux vestræ & norma cohortis,
Rebus in adversis constans mihi quærite pectus.

Gonzagæ exuvias servat studiosa juvenus,
Et domus extat adhuc cælestis conscia flammæ,
Regia candoris, venientibus hospita Divis,
Qua quondam Lodoix quamquam sine crimine vitæ,
Quæ commissa timet, dubitatque a Iudice summo
Deleri venia, diris cruciatibus anceps 750
Vindicat, ipse sui crudelis tortor & hostis.

Integer ut vitæ, scelerisque innoxia purus
 Cuncta geram, sitque horrori vel criminis umbra,
 Quærite, at in multis quod sæpe offendimus omnes
 Æquum erit, ut meritas nostri pars pessima corpus
 Causa mali tanti subeat me vindice pœnas.

Quæque etiam servat Kostkam Tyronibus urna
 Ante alias vestros rapiet (dum dicit amores
 Nescio quis) voces Petrus interrumpit, & inflat;
 Jam dextra impellit, jam cogit abire volentes: 769
 Castrus extremum vultu dat supplice grates,
 Dant pariter socii; tum voce manumque loquuntur
 Insigni virtute viri, renovantque vicissim
 Signa animi; qua deinde licet comitantur euntes,
 Ipsa diu tremula sequitur quoque Borgia voce.
 Sæpe alios aliis voluere adjungere nummos
 Matronæ, pluresque viri & generosa piorum
 Dextra Sacerdotum; sed quod satis esse putamus,
 Accepisse juvat: prono sic Castrus ore
 Infit, & oblatum constanter respuit aurum. 770

Jam ter quinque dies nascens numeraverat annus,
 Cum navem ascendunt juvenes, sed nave retenta
 Coguntur trepidi duodenas visere lucas.
 Hei mihi quam pigro labuntur sidera cursu,
 Xavier exclamat; sed quid, Vincentius inquit,
 Miraris? Lentæ brumali tempore noctes
 Ire solent, nostris emergit segnius undis,
 Et cito in adversum Titan demergitur orbem.
 Hinc longæ noctes; at si duo tempora demas
 Sacra Deo, extremæ primæque erepuscula lucis 780
 Non ego credideram dum volvitur Aquarius urnam,
 Tam longos fluxisse dies, me charta latenti
 Missa manu summum admonuit superesse malorum:
 Dum procul aspicio remos & vela moveri,
 Palpitat interno cordis penetrabile tumultu;
 Heu nova nos revocant decreta, & quisque jubetur
 Nativas habitare domos, vos Numina nostras

Fle

Flexilia in gemitus, vos talem avertite sortem
 Si quid amor, si quid nostri meruere labores,
 Nostra fides, sæpe ante aras jurata, et morque
 Sollicitus, tanto nos hinc arcete periclo.
 Dixerat, & læva cælum penetrabile votis
 Intonuit, juvenesque emissâ luce beavit.

790

Finis Libri tertii.

H E R O U M

LIBER QUARTUS.

PAnditur interea domus omnipotentis Olympi,
 Aligerosque vocat superum Pater, atque hominum Rex
 Sideream in sedem, terras unde arduus omnes
 Castraque Jesuadum adspectat, fidasque cohortes.
 Confidunt tectis biparentibus; incipit ipse:
 Cælicolæ magni, queis clarus ab hoste triumphus
 Æterna dat pace frui; regnoque potentes
 Constitui, & mea veloces ad jussa ministros:
 Sunt mihi bis tredecim florenti ætate clientes,
 Quos ego victores repetita excedere pugna 10
 Conspexi, & constare animo ad majora parato.
 Orbe novo prius afflictî, pariterque vetusto
 Sæpe renâscenti cinxerunt tempora lauro.
 Nunc statuo, ut bellum longinqua mitius ora,
 Et minus intensos subeat peregrina labores
 Fida cohors læta exemplis & voce suorum.
 Felix, quod nostro auxilio, non viribus umquam
 Fisa suis, hostem irrisit generosa juvenus,
 Et mihi multiplices tribuit decerpere palmas.

10

20

Jam satis Hesperia tentari novimus ora,
 Qua tamen ipse mihi fidissima corda paravi
 Ut modo consiliis, opibus modo prompta juvarent

Vestibus exutam, sine victu & sede cohortem.
 Pars nulla Aufoniæ dextras supplebit Iberas,
 Sed seriem abruptet, quasi mundo ignota, malorum
 Finibus Italicis soboles, quam præscia jam nunc
 Tartara formidant, quondam nova prælia surgent,
 Sed tamen a magno firmentur corda triumpho,
 Et simul instaurare animos viresque juvabit.
 Mille nocendi artes Erebo permisimus, at quos 30
 Junximus externo frustra divellere tentat
 Conatu. Jam verrit aquas, regna Itala quærit:
 Vos comites simul este viæ, finite aspera ventos
 Prælia tentare, at sævas cohibete procellas
 Undique concussam pelago submergere navem.
 Sint quoque qui monitis firmo divertere curent
 Proposito, infamis sua sint convicia linguæ,
 Mitius ista tamen, nam sunt ea tempora pacis.

Dixerat, & dociles illustrat lumine mentes:
 At subito Aligeri rapida velocius aura, 40
 (Ut jussa, & qui jussa dedit reverenter adorant,
 Læti quod valeant Domino inservire supremo!)
 Herculeo divisa sinu maris æquora lustrant.
 Vela dabat navis, properat de littore Cymba
 Invisas factura moras, turbataque ventis
 Unda procellosos volvebat in aera fluctus.

Cymbam inter, navemque locant contraria flabra
 Aligeri, tumefacta videt sua carbasa navis,
 Et mare per medium patrio discedere portu;
 Naufraga cymba timet, sine velo, & remige retro 50
 Pellitur, & citius quam vellet littora quærit.
 Tum venti posuere, levique Favonius aura
 Obstrepit, & motæ gaudet colludere puppi.

Jam procul apparet priscis celeberrima Calpe,
 Et posita Herculeis terrarum meta columnis,
 Unde Afros Europa videt, sed in æthere Titan
 Occiduus cupidos orbavit lumine nautas.
 Dum vasto Oceano sensim post terga relicto,

In vada flectebant mediis labentia terris,
 Africus inturgit, terrasque abraderc cogit 60
 Hispanas, magnoque diu trahere otia portu;
 Armeriam nostri, atque Hircum dixere priores.

Festa dies albo fulsit signanda lapillo,
 Qua quondam Alma Parens fecundior omnibus una;
 Virgo intacta simul, postquam mortalia nato
 Membra dedit, nato cœlesti ab origine ducto,
 Expiet ut maculas, quas non contraxerat umquam,
 Serviat ut legi, cui non servire tenetur,
 Et clarum nobis exemplum præbeat alto
 Consilio, sacras humilis se sistit ad aras 70
 Millica dona ferens, niveas sine felle columbas
 Vix nido egressas, timidæque recentibus alis.

Ac velut obscura faculam sibi nocte viator
 Quarit egens, mediis nam circum expansa tenebris
 Monstrat iter; sic Virgo Parens diffundit in omnes,
 Ut recta incedant virtutum exempla suarum.
 Hinc veterum pietas magnæ obsequiosa Parenti
 Candentem ceram, quæ flammæ alimenta ministrat,
 Distribui iussit, clarissima symbola ritu
 Et populis veneranda sacro, quæis mense minori 80
 Orta secunda dies memorat gesta inclyta Divæ.
 Nec tantum spargit radios, sed flamma calorem
 Diffundit, cœloque volans secum ignea fursum
 Proxima quæque rapit, circumdat, permeat, urit.
 Haud secus Alma Parens Divino incendit amore
 Corda hominum, in cælumque trahit; sic stella vocatur
 Sic merito sole induitur, supera astra coronam
 Effingunt, & Luna pedes subiecta venustat.

At quamquam Heroes venerandum accedere templum
 Solliciti, & sacris assistere ritibus optent, 90
 Invigilat navi galea metuendus, & ense
 Miles, & egressum verbis minitantibus arcet.
 Bætica terra vale, nostræ quondam hospita gentis
 Nunc hostis, non qualis eras cum provida Mater

Jesuadas servare sinu, super astra solebas
 Laudibus evehere; inque novum transmittere mundum
 Festivas inter laudes, effusa per urbem
 Turba frequens merita ampla virum vulgabat, & ipsis
 Fausa precabatur; sparsæ per littora matres
 Monstrabant digito cælesti in lege magistros. 100
 Intenti stabant pueri ingenuæque puellæ,
 Lætaque concordi resonabant æquora plausu.
 Nunc opus est celerare fugam sub nocte silenti;
 Incutit ipsa levi sonitu placida aura timorem,
 Nec latebræ tutantur iter; forte obviis hostis
 Insidias laqueosque parat; crudelis ubique
 Livor, ubique Dolus, rabido Violentia flagro
 Serpit agens, juvenesque ferit graviore procella.

Non tamen hæc teneræ lacerabant corda juventæ:
 Italiam, Italiam memorant, meta unica votis 110
 Hæc erat, ut propriæ jungatur quisque cohorti.
 Spes ea dulcis inest animo, sic lenta vicissim
 Tædia solantur, turbataque cærulea rident,
 Et verso sæpe intuitu ad cunabula solis
 Vela dabant læti, & spumas salis ære ruebant.
 Sola erat interno vestis mutata dolori;
 Ipsa tamen summo reddendâ a Præsule vestis
 Cum magno admissum reparabit scœnore damnum.
 Italiam Italiam memorant, sed ventus & unda
 Cogit in Hispanos rursus deflectere portus. 120
 Sæpe etiam nautis violentior obstitit aura,
 Sæpe etiam nullo pellebat carbasa flatu.

Quamquam inter Divas, sacris quæ cætibus adsunt
 Præsidio stabili, legum Observantia numquam
 Deseruit juvenes, tamen hos dum littore solvunt
 Parte sui latuit, potuit nec tota videri.
 Ast ubi collectos paulum requiescere curis
 Agnovit, dio collustrans lumine proram
 Constitit ante oculos, menses designat & annos
 Vestis acu Phrygia, & spatiis æqualibus horas. 130

Vascula sunt læva sabulo rubicunda minuto
 Bina ligata simul, versis hærentia labris,
 Unum alii impositum, tenuique foramine pulvis
 Effluit, alterno plenum sic ordine vitrum
 Versat in inferius quæ dona receperat ante.
 Instar euntis aquæ pluvio labentia filo,
 Sic soliti juvenes metiri tempus & horas,
 Deque die solido parva intervalla secando
 Demere particulas, superosque in vota vocare.
 Tempora sic fandi, sic tempora certa tacendi 149
 Sic studiis præscripta, & sic præscripta quieti.
 Diva libros dextra ostendit, sed mole pusillus
 Emicat ante alios; nam continet ordine leges,
 Quas natis Loyola suis præscripserat olim.

Ut primum juvenes venientem a limine Divam
 Conspexere, silent, & purpura spargitur ore;
 Tum trepidi accedunt instar commissa fatentis,
 Aut veniam orantis, sed pellite corde timores,
 Diva inquit, revocate animos felicibus ausis;
 Quæ jam præscripti folio tradenda fideli 150
 Quisque iterum relegat, memorique in mente volutet.
 Dixerat, inque sui se luminis abdidit umbras.

Quem, distante Dea, nuper scripsere libellum
 Hic dextra, tenet ille sinu, mora nulla retardat.
 Ut valeant sæpe in mentem revocare legendo.
 Quisque legit secum ipse loquens, ac talia fatur.

Nulla mihi noctis, nulla effluat hora diei,
 Quin fixo intuitu Numen contempler; in omni
 Tempore, quidquid agam, venerari Numen oportet.
 Numine digna geram, præsens videt omnia Numen. 160
 Immo etiam summo fidus venit æthere custos,
 Oh utinam indignus tanti non reddar honoris!
 Non mihi dum, vigilem (neque erit revocabile damnum)
 Tempus inane fluat, parvo merita ampla labore
 Sponte offert Numen, merito confertur eodem
 Jussa quies, septemque horas dat regula somno.

Nam-

Namque prius medium peragat quam Cynthia cursum;
 Effluit hora duplex, reliquæ pars altera noctis
 Quinque addit, tum prima animi vigilantis in altum
 Cura volet, cælo primi donentur amores. 170

Pellere jam somnos nebulamque extrudere noctis
 Sollicitus signum effingam super ora salutis;
 Dum vestes capto, regat usque modestia dextram,
 Srataque compositis distendam æqualia textis.

Tum genibus flexis Numen reverenter adorans
 Effundam brevi ore preces; vultumque manusque
 Sordibus abstergam, meque ipse sodalibus addam.

Lector adest: bibula aure sonos sensumque legentis
 Excipiam; sic mens sensim ad majora paratur.

Tum dabitur signum, & tacitæ penetralia mentis 180
 Ingrediar, jamque incipiet sordescere terra;
 Lunæ extra solisque vias super astra volabo,
 Numinis ad solium excelsum sedesque beatas
 Admissus patrio nectam commercia cælo,
 Et superum fruar alloquio; quæque ante paravi
 Discutienda animo, majori luce nitescent.
 Dulcia mulcebunt paullatim incendia pectus,
 Et mittam ardentes flammato e corde sagittas.

Has mihi delicias dabitur differre per horam
 Bis media addetur divisa parte diei, 190
 Cum semel atque iterum tacita hæc commercia quæram.

Sed superest pars quarta horæ, cum mensa paratur,
 Occupat & cæli mediam sol arduus arcem
 Nocte iterum repetenda, monent cum strata quietem.

Hic reus, hic trepidans sacra judicis ora tuebor,
 Nunc facilis, nec post mortem exorabilis ulli;
 Ut quoque Majestas mihi sit perspecta rogabo
 Numinis offensi, cælestem quærere lucem
 Cura sit, & mentis tenebras expellere, sordes
 Indagare animi, dum singula gesta recurram 200
 Sollicitus, verba expendam, sensa abdita cordis,
 Quæ peragenda forent, sed desidiosus omisi.

Tum

Tum me pœniteat, dextra tunc pectora tundam
Dum sævo intueor pendens a stipite Numen
Ni lacrymæ impediunt, ni me reverentia tardet,
Bina cruentato defigere lumina trunco.
At saltem mente observem languentia membra,
Liventes artus, laniatum vulnere pectus;
Heu mihi cor offert mihi sedem ostendit amoris,
Arguit ingratum, & redamari jure reposcit. 210
Me capite inflexo vocat, & mea crimina clausis
Advertens oculis, mihi velle ignoscere monstrat.
Brachia in amplexus revocant expansa nocentem,
Cuspide fixit amor plantas, ne terga daturum
Forte putem; ne lignum olim ferale timorem
Incutiat, post terga jacet; Deus ipse cruento
Affigi patitur trunco: quin prodigus amplo
Sanguinis effluvio sordes abstergere vellet.
Summe opifex rerum, Patrisque æterna propago,
Terra Ereboque potens, superi Regnator olympi, 220
Nonne satis fuerat donis nil tale merentem
Me cumulasse tuis, quin tot perferre labores
Unius ob noxam, qui totum ab origine prima
Corruptit mortale genus, tu criminis experts
Victima grata polo, mortemque subire cruentam
Non dubitas, quin plura pati sitibundus anhelas?
Sic animi affectus mihi das superare rebelles,
Præmia magna offers, pœnas minitaris; at una
Promissis, & parce minis, majora supersunt:
Te præbes mirum exemplar, viresque ministras, 230
Tu rapis ipse animos, tanto me vincis amore;
Oscula pronus humi figam, nec figere dignus
Sanguine conspersis pedibus, truncove propinquo.

Hæc quem Terra dedit nobis Paraquaria, Clemens
Legerat, abreptusve animo legisse putarat
Plura addens, orti turbarunt lumina fletus.
Franciscus chartam arripuit, quæ plurima desunt,
Lectâ, relectâ notat, patria translatus eadem

Fidus adesse comes lateri gaudebat, ut acri
Æmulus ingenio, sic non pietate secundus. 240

Tum memorat quæ certa piis incumbere libris
 Tempora præscribant, quæ per tabulata vagari
 Permittant, sic post epulas plena effluet hora
 Colloquio alterno, atque interdum accedere nautas
 Convenit, & monitis sanctos inducere mores.
 Sic eadem repetunt juvenes, sic omnia servant
 Temporibus præscripta suis, & quisque volutat
 Secum una memori jam fixum mente libellum.
 Nec satis est legisse semel, quando auspice Diva
 E Gaditano primum discedere portu 250
 Contigit; aut navem jactent in littora venti,
 Obsistantque diu, aut juvenes revocentur in altum
 Scripta legunt, retinentque animo documenta fideli.

Forte iterum Clemens comitum stipante corona
 Sermonem iniecit rerum, quas legerat ante,
 Lætus quod ventis properabat cymba secundis
 Nil adversum instate putans, sed terra propinquat,
 Anchora de prora jacitur, ferit æthera clamor
 Nauticus, & laxo subsidunt vela rudenti.
 At simul horribiles pelago resonare fragores 260
 Advertunt taciti Heroes, tum fulminis instar
 Igneus ecce globus malum tremefecit utrumque :
 Grandinis in morem candens volat aere ferrum
 Et secum trahere, & minitari funera credas.
 Mirantur juvenes, Clemens conclave remotum
 Solus adit, de more preces in sidera mittit,
 Castrius expellit sociorum e corde timorem;
 Ad te, Virgo Parens, juvenili Xavier ore
 Attollit vocem; senior te, Virginis Almaz
 Sponse vocat, teque unanimes, Loyola, sodales. 270

Heu fuge crudeles terras, fuge littus iniquum
 Dux navis voce ad socium conclamat acerba;
 Ille vigil clavum sublimi in puppe regebat,
 Verte alio, discede celer, fugiamus oportet

Infidias hominum, vento obluſtemur & undis.
Ecce autem juvenumque preces, pariterque laborem
Nautarum Numen pelago renuente ſecundat.

Aligeri, quibus eſt ſanctæ cuſtodia pubis
Tradita, divertunt ſine vento & remige navem,
Quin etiam in terras vento impellente propinquas. 280
Obſtupuit furor undarum, erubere procellæ,
Nec jam noſcit aquas, nec jam gens nautica ventos.
At tantum Heroes dextram agnovere latentem,
Dextram, qua ignitas direxit in aere glandes
Unde tubi ignivomi, tormentaſque bellica vires
Amittunt, ſolum fert devia flamma timorem;
Bacchari circum, non auſa attingere navem.

At navis lato Oceano jam tuta vagatur,
Barcino jam portum facili venientibus offert
Ingreſſu, ſed adhuc juvenes inopina pericli 290
Cauſa latet, ductorem adiit Raymundus, & omni
Inſtruitur rerum ſerie, petit inde ſodales
Intrepidoque animo ſubſidens talia fatur.
Jam nos, o focii, vultu metuendus & armis
Plurimus invaſit miles, ferroque minaci
Ignivomi petiere globi, queis jungitur ori
Lancea utrinque minax, & cuſpide terret acuta.
Quid galeam horribilem loricæ pondus, & haſtam,
Quid bifidos enſes memorem & rutilantia pila?
Deerat adhuc non ſolum hoſtes ſe prodere ſignis, 300
Non ſolum oſtentare minas, inferre timorem,
Quin etiam in miſerq; animo tormenta furenti
Bellica dirigere, atque inopinam intendere cladem;
Quid juvat an plures ſimus hac regione proſecti?
Sic proſugos prima excepit, quam vidimus urbem
Natalem; Sitias hæc non præviſa parabat
Damna ſuis, certa immeritam, & nil tale timentem
Aut prohibere aditu, aut ponto ſubmergere navem,
Et tuto hoſpitibus pro portu offerre ſepulchrum.
Non tamen hæc odio, ſed cæco errore peregit; 310

Dum

Dum cives ignara suos male credidit hostes,
Ad prædam & stragem Maurorum e littore missos.

Nos etiam mittere dolos, turbare quietem
Fama loquax, multoque infectos crimine finxit.
Sed nos deerat adhuc Maura de stirpe vocari
Prædones pelago errantes: dum talia fatur
Obvia cymaba volat de littore missa propinquo
(Barcino littus erat) dictis naulerus amicis
Ille, inquit, Sitias locus est, sed inhospita vobis
Queis cælum meliora ferat, sat læta colonis 320
Fertilitate loci, & vino celeberrima tellus.

Vos ignara tamen si ferro ejecit & igne,
Quæ dona offerret Sitias nativa, ministret
Barcino; sit lassis generoso plena liquore.
Amphora solamen, sit nostri pignus amoris,
Hæc ait, haud signis, haud nomine cognitus umquam
Et celer excessit, sic dextram extendit, at ipso
Delituit vultu, & nummos superaddidit octo
Forte alius, sic plura ferunt quoque munera cives.

Quatuor hastati juvenes mittuntur ab arce 330
Induti ferro, atque armis, non ore feroces
Herculeas referunt præstanti corpore vires.
Qua datur ingressus prohibent accedere quemquam
Intenti; lento figunt vestigia passu,
Concutit hasta solum, & sonitu tabulata resultant.
Non tamen elata prohibentur voce profari
Quotquot visendi studio per cæcula parvis
Circumdant ratibus; tamen hic nova prælia surgunt,
Prælia majori vires fractura periclo. (340

Qui Larium quærunt, quos nunc novus expulit orbis
Pars magna heroum hic patrios habuere penates.
Attamen hos ferro Sitias ejecit & igne,
Barcino singultu, & lacrimis infracta dolosis
Corda quatit, mulcere animos & vincere tentat.
Mater adest, laterique soror juvenilibus annis
Mæsta genas, lacrimosa oculos, resoluta capillos.

Utra-

Utraque, & una vocat genitum, vocat altera fratrem.

Ah Matrem nosce, exclamant, ah nosce sororem,

Verte gradus, cur exul inops, miser esse laboras?

Verte gradus, tecum placidis felicior annis 350

Vita fluet, tectum sit mens habitare paternum.

Ille autem digito cælum (dum talia dicunt)

Ostendit, vix pauca tamen, sed pondere plena

Subjungit, patrio (mihi credite) gaudia cælo

Nos majora manent, vera hæc confortia votis

Quæramus, regno nil nos sejunct ab illo.

Sæpe licet redeant, & talia prælia tentent,

Sponte dedere manus, victæ discedere gaudent.

Parte alia natum dictis urgebat amaris

Matris amor, binam ostendens sua viscera prolem, 360

Quamquam Heros verso contorsit lumina vultu

Defixitque solo, fratres situs ipse coegit

Cernere, nam summa navis supereminet arce,

Atque suos noscit similes in imagine vultus.

Illi autem ingenuo tollebant brachia nisu

Et charum, ah charum revocabant nomine fratrem,

Ast Heroa alium juvenili ætate disertus

Frater adit, prius ille monet, dein magna rogando

Dona offert; promissa addit, spes indicat amplas,

Damna futura notans mentem divellere firmo 370

Proposito tentat nunc vi, nunc supplice fletu.

Bis duo præteriere dies, cum surgit ab undis

Phœbus, & a patrio discedit littore pubes.

In clypeis nova signa micant, & gesta fideles

Aligeri aurato describunt omnia libro!

Dum tamen adspirat nautis levis aura Favoni,

Sæviti ab adverso violentior impetus Euri,

Et nova Pallamo cogit trahere otia navem.

Xavier ut templum portu videt, ilicet inquit,

Hoc date, vicina ut numen veneremur in æde; 380

Ecce dies Domini (sic usa indicare nomen

Christiadum pietas) cur sacro adflare ministro

Non liceat, jussuque Deo persolvere cultum?
 Dixit, at instabili vetitum discedere pinu,
 Nec mora longa fuit, Nabathæaque regna tenebat
 Eurus, & interea rabidas compresserat iras,
 Unde Caput petiere Crucis, sic nomine portus
 Dicitur, hic juvenes blandi solatia vultus
 Accipiunt, facilemque aditum gens obtulit ultro,
 Jam tremulos de fune gradus descendere pubes 390
 Conatur dextræ auxilio, atque invisere gaudens
 Templa Deum, verrit parvo liquida arva phaselo.

Ecce autem dux militiæ de turre propinqua
 Increpat, & ventis & fulminis ocyor alis
 Accelerat gressus, voces, & brachia tollens
 Littus adit; ceu qui stragem minitetur, & ictus
 Vibrat agens baculum, & vacuas diverberat auras.
 Inde minas renovat, furiisque accensus acerbis
 Curstat, & tremula vetat ultra accedere dextra.

Ac velut egressas nativa a sede columbas. 400
 Excipit ampla abies, sedem parat obvia laurus,
 Vitis amica arbor, expansum in brachia robur:
 Sic divisa cohors viridantibus hospita ramis
 Gaudet ovans, cum monte procul prospectus ab alto
 Accipiter liquidas velox interfecat auras;
 Ergo omnes timido redeunt in tecta volatu,
 Præcipientes, & adhuc tuta statione videntur
 A tergo insidias, & formidabile rostrum
 Horrere, ac sævos, queis prædam eviscerat, ungues.

Haud aliter juvenes verso in contraria lembo 410
 Arripuere fugam, celeri salsa æquora remo
 Percutiant, nec concessa potiuntur arena.
 Naucleri reduces verbis solantur amicis
 Dum procul elatum baculum, & signa alta furoris
 Observant, nam missa rapit convicia pontus.

At vos, o juvenes, magnis gens nata triumphis
 Sed quos non homines, sed quos pia Numina tantum
 Agnoscunt, sic vos patriis discedere regnis

Con-

Convenit, ut superis cor firmitus hæreat astris.
 Hæc extrema dies infida per æquora nautas 420
 Littoribus vestris plures sejungit in annos,
 Hæc eadem fines paulatim abscondit Iberos.
 Jam Rhodanus tumido a læva sese objicit alveo,
 Sed fera tempestas infensos cernere Gallos
 Impedit, a lævis venient ea lucra procellis.
 Tartareus furit ipse hostis, desperat, & ardet
 Iratusque novas artes, nova pectore versat
 Consilia, & juvenes ignarus flectere duro
 Constantes animo, vellet submergere ponto.

Sed tamen incassum fremit horridus ore cruento, 420
 Funeraque & strages animo meditatur acerbo;
 Tartareo non tanta hosti concessa potestas,
 Ut decreta Deum immutet, seriemque laborum
 Asperet, invigilant supero missa agmina cælo.
 Viribus ærumnas, viresque laboribus aptant;
 Et merita ampla notant, æternaque præmia gaudent
 Augeri, & mediis miscent solatia pœnis.

Nox erat, & cælo fulgebat luna sereno,
 Ac blande adspirans inflabat carbasa ventus;
 Forte ducem navis Clemens in puppe sedentem 430
 Aspicit, officique memor de more salutat.
 Extrahit ille tubum prius ore, & deinde reponit,
 Nam simul alloquitur statione immotus eadem
 Flatque, reflatque simul peregrino e germine fumum;
 Atque ait: ecce vadum subitis crudele procellis
 Ecce vadum miseris metuendum navibus instat.
 Fundite corde preces, cælo pia fundite vota.

Nautica turba audit voces, cingitque loquentem,
 Nullaque testatur prædicere signa timorem.
 Tum Clemens: liquida nil est incertius unda, 440
 Nec qua proveniant inopino turbine venti
 Nosse datum, gracili mors tantum est diffita ligno
 Dum mare nauta fecat; curis utatur, & arte,
 Sed tamen ut valeat sacra Judicis ora tueri

(Nam res summa agitur) semper juvat esse paratum;
 Nec tantum dum verrit aquas, dum carbasa tendit,
 Nam mors certa loco furit implacabilis omni.
 Certa incerta simul mors est, timeamus oportet,
 Et juvat ipse timor, misero dum vivimus orbe.
 Vita quid est hominum, gracilis vasto æquore lembus, 450
 Quin etiam inconstans, fugitiva & labilis unda;
 Vita mare est, res plena metu, res plena tumultu,
 Monstrorum rabie, & sævis agitata procellis,
 Syrtibus, inque omni scopulis obnoxia passu.

Tum reliqui Heroes (nam cæna expleta loquendi
 Jus dederat) charo sese junxere sodali;
 Castrius adstantes postquam colit ordine nautas,
 Felices, inquit, nautæ, sua si bona norint.
 Nam labor insanus, duris cura anxia rebus,
 Difficiles epulæ, noctesque, diesque regendo 460
 Navigio expleti merita ampla acquirere possunt.
 Utque Deo placuit pro me tot ferre labores,
 Ipse meos saltem veluti solamen amicum,
 Divinos sistam ante oculos. Si criminis expers
 Ut commissa luat Numen mea crimina pœnas
 Sponte subit, cur non patiar qui tanta patravi
 Crimina? si renuit pœnas ignobile corpus
 Quas offert male firma abies, & pontus, & unda,
 Quas vitare nequit subeat cum fœnore pœnas.
 Forte suos socios elegit ab æquore Numen 470
 Quod placuit genus hoc hominum gens nata labori.

Dixit, & unanimes multo sermone disert
 Felices etiam nautas dixere sodales,
 Quod gravium series non intermissa laborum
 Admonet æternam miseros optare quietem,
 Admonet horrorem scelerum, commissa pavere
 Crimina, pacatum precibus sibi reddere Numen.
 Ah infelices! si dum gravis ira procellæ
 Bacchatur, forte in superos verba impia jactent!
 Aut rabidi furibunda, aut fordida verba procaces! 480

Ah

Ah infelices! dum mors violenta minatur,
 Si nimium epoto turbet mens ebria vino!
 Ah infelices, si tot fastidia passi
 Venturas subeant æterno in carcere pœnas?
 Est aliquid meruisse diu; subeundaque pœna,
 Vel modo, vel quondam, cum spiritus exuet artus;
 Felix qui varii congesta pericula ponti
 Apponit lucro: tenui solatia sumptu
 Magna parat; nunc dira pati, tunc sede beata
 Deliciis superum dabitur sine fine potiri. 490

Hora sonat præscripta, silent; vox faucibus hæret
 Concepto interclusa sono, & penetralia quærunt.
 At subito nigris densari nubibus æther
 Incipit, & nautis supra caput afflitit imber
 Cæruleus, mugit rauco stridore profundum,
 Diffugiunt nitida astra, & inhorruit unda tenebris.
 Bacchantur rapidi studia in contraria venti,
 Eurus atrox Zephyrum, Boream ferus impetit Auster;
 Bella gerunt, nescit Domino cui pareat unda
 In mentes agitata altos, vallesque profundas, 500
 Fulmina præcipiti serpunt sinuosa volatu,
 Horrorem adjiciunt tonitrus, abscindere funes
 Accurrunt nautæ, laxataque rumpere vela;
 Tam celeri renuit transversa antenna labore
 Dimitti, nunc hos Ductor, nunc excitat illos,
 Vox tamen a rauco ventorum turbine fertur;
 Illi autem invigilant celeres, diroque flagello
 Accipiunt inimicum imbrem, nec figere possunt,
 Qua magis urget opus, tuto vestigia gressu.
 Inclinata ratis tremula vertigine nutat 510
 Et latus oppositum fluctus bibitura revolvit,
 Secum una pugnat, partes agitur in omnes,
 Impetere hanc tantum pelagi gravis ira videtur.
 Luxerat orta dies, neque adhuc cognoverat ortam
 Turba vigil, tanta horrebat caligine cælum;
 Quin etiam giro emenso bis circuit orbem

Lucifer, explevit cursum bis Luna minorem;
 Nec potuere dies nautæ, neque noscere noctes.
 In brevia, & syrtes, cum verberat impetus undæ
 Impegisse putant, nec qua regione ferantur 520
 Observare datur jactatis gurgite vasto.
 Nautæ incompósitos gemitus, & præscia mortis
 Non bene conceptis fundunt suspiria verbis.
 Tempestas artem superat, duroque labores,
 Siqua fuit, jam navis adest spes nulla regendæ,
 Nulla salutis adest, nil jam tentare juvabat,
 Plura tamen tentant quamvis incongrua; vitæ
 Usque adeo amissa jam spe retinemus amorem!
 Forte aliquis rapida jam jam mergendus in unda,
 Impias sacrilego convicia protulit ore, 530
 Et queritur surdos hominum ad solatia Divos.
 At taceas, precor, alter ait, qui verba propinquus
 Audiit, egregii juvenes qui nave vehuntur,
 Longe alios docuere sonos, pietatis amorem
 Tunc magis augendum summis docuere periclis;
 Quæque monent, reddunt exemplo, ut sæpe notari,
 Utiliora suo; dicturus plura rapaci
 Dividitur fluctu, dextra arripit inde rudentem
 Stratus humi, ne forte volet resupinus in æquor;
 Dum mage bacchantur sævo maria alta tumultu, 540
 Et fera tempestas violentior explicat iras,
 Pax beat Heroas summo tranquilla periclo;
 Inflectunt genua, & quamvis revolubile corpus
 Undarum impulsu partes jactetur in omnes.
 Mens immota manet, nil certæ occumbere morti
 Æstimat, aut placidum producere longius ævum.
 Numinis arbitrio sese committere gaudent,
 Orant, quod placeat superis, & sponte quiescunt.
 Ipse tuos socios procumbere cernis Joseph
 Ante pedes, veniam poscunt, commissæ fatentur, 550
 Numinis ipse vicem peragis pro Numine iudex.
 Tanta Sacerdotem decorat concessa potestas!

Castrius hinc dextra arripuit Venerabile Numen
 Affixum ligno, reliqui arripuere sodales,
 Atque ait, o focii, documenta salubria tempus
 Spargere nunc poscit; ventum spernamus & undam,
 Communis querenda salus; gens nautica nobis
 Infudat, sic nos illi infudemus oportet.

Nunc illam immensos cogit superare labores
 Ingeniosus amor vitæ, tamen altera cunctos 560
 Vita manet, quæ sine caret, quam reddere nostro
 Pendet ab arbitrio aut inter consortia Divum
 Felicem, aut miseram in flammis, nisi supplice fletu
 Curemus, dum tempus adest, abstergere sordes.
 At si tantus amor fugitivam extendere vitam,
 Pendite, quam potius curas æterna meretur.
 Ecce tui senior, potes exercere supremi
 Jura ministerii, verbisque potentibus uti,
 Et veniam scelcrum justo impertire dolori.

Nos monitis revocare animos a turbine rerum 570
 Distractos, superisque incendere pectora flammis.

Dixit, & una omnes navis tabulata requirunt;
 Jam latebras, jam proram adeunt, jam puppe vagantur,
 Et nomen Mariæ repetunt, & nomen Jesu,
 Quem dextra elatum pendentem stipite monstrant;
 Divinam ostendunt faciem, fontesque salutis
 Vulnera quinque notant; quod lancea fixit acuta
 Pectus, & interius sedem patefecit amoris,
 Perfugium cæleste vocant, a Numine Summo
 Pignus amicitiae oblatum mortalibus ægris. 580
 Semina jacta animis Divino perlita rore
 In magnam excrescunt segetem, indefessus Joseph
 Collectam a sociis cælestia in horrea mittit:

Cernere erat lacrimarum imbres, gemitusque dolentum,
 Nec modo jacturam nautas curare caduci
 Temporis, in cæloque omnes defigere curas.

At caput extulerat tenebrarum Rector ab undis,
 Ereptasque sibi prædas intentaque Divis

Vota hominum, irati lucrosa pericula ponti
 Vidit, & indoluit sævam movisse procellam. 590
 Sed magis indoluit cum gesta illustria vidit
 Aligerum conscripta manu; nam cuncta libellis
 Auratis post fata etiam servanda notantur.
 Nec minus Aligeri juvenum latera omnia cingunt
 Pars tacite alloquitur, dicendaque suggerit auri,
 Pars faculas cordi, & cælestes applicat ignes.
 Observat juvenes læto pars altera vultu,
 Et voces, sed quas tantum penetralia cordis
 Excipiunt, interdum addit; ridete procellas
 Oh juvenes, inquit, merito nova gloria vestro 600
 Deerat adhuc, nostris respondent omnia votis;
 Nos pelagi insultus, tempestatæque jubemur
 Et quæcumque Erebus moveat cohibere pericla.

Sese irrideri cognovit Rector Averni,
 Et dum se pelago desperans mergit in alto
 Horrendum fremit, & fremitu vacua ampla resultant.
 Dumque novos tonitrus timuit Nauclerus, utrinque
 Ad latus antennæ flammæ lucere volantes
 Vidit, & augurio lætus, jam vicimus, inquit,
 Sæva procella fugit, fugiunt mota æquora venti. 610
 Subrisit Clemens; alio est a fonte petenda
 Sors, quam fallaci vultis deducere signo,
 Addidit, & cælo grates solvamus oportet,
 Castrius exclamat: genibus dein nautica flexis
 Turba Deo grates missa prece solve curat.
 Et mora longa fuit, prono præcesserat ore
 Castrius, atque omnes alterna voce sequuntur.
 Inde preces iterant alta sub puppe recepti
 Heroes, multoque incensi pectus amore,
 Immensum omnipotens æternum Numen adorant, 620
 Tum grato colere animo, queis plurima debent,
 Aligeros primum, reliquosque ex ordine Divos.

Et jam nocturnas cælo dissolverat umbras
 Purpureis Aurora comis, placataque fidunt

Æquo.

Æquora, quin volucrum mulcebant aera cantus
 Aura levis puppim impellit, visumque per undas
 Delphinatorum agmen volitantem cingere navem:
 Nunc feriunt proram, celeres nunc puppe recedunt
 Nunc procul abfistunt, festoque per æquora gyro
 Nunc latera invadunt, & se velut agmine facto 630
 Agglomerant, sic mille jocos & mille choreas
 Undique festivis turmatim assultibus edunt.

Nec procul aspiciunt frondosa cacumina, montes
 Oppidaque, & longam mediis in vallibus urbem;
 Nautarumque aliquis, quam cernitis insula, vestro
 Quondam, inquit, tamen est Italo nunc subdita regi,
 Castrius accurrit, Sardamque in litoris gentem
 Prospiit, oh utinam nobis quæ proxima tellus
 Cingitur Oceano, faciles, ait, hospita portus
 Concedat! reddet, nec sit mora longa, beatum! 640
 Nuper enim sedes nostræ fuit illa cohortis;
 Oh siqua inveniam charæ vestigia turmæ
 Forte impressa solo; madido figam oscula vultu,
 Et quamvis tremulam tardet reverentia dextram
 Abradam, passu ne sint calcata profano.

Hæc ubi dicta, oculos læva deflectit & altum
 Findere aquas montem saxo prospexit acuto:
 Interius nuda expectant nemora ardua frondes,
 Et jam veris opes tenerum jactare virorem
 Incipiunt, reducis jam spargunt signa juventæ. 650
 Castaneis regio late fœcunda videtur,
 Planities fœcunda mero, nam turget apricos
 Divisa in colles, extant longo ordine pali
 Transversi, fixique solo, queis flexilis arbor
 Nunc junco defixa hæret, sed protinus altrix
 Vitibus indulget funes natura tenaces.

Africus Heroum curas, & vota secundat,
 Ajacium patet ante oculos, ubi gallica terrent
 Arma viros, spar sæ servabant littora turmæ,
 Et gentem invisam risu aspexere maligno, 660

Insultant, vultusque truces, & ferrea produnt
 Pectora; at optata paulum consistere terra,
 Instaurare sinunt vires ambage viarum
 Depressas, recipitque piis gens Corsica donis

Hic plures qui sacra eadem vexilla sequuntur
 Sorte pari ejectas læti videre cohortes
 Currere in amplexus, & prodere gaudia vultu
 Aspiceres; vestis, quam non habuere, dolentes
 Excitat affectus, sed cogit amare sodales
 Non pridem visos, nec adhuc a nomine notos. 670

Accessere omnes quotquot regione propinqua
 Vestis amor charum exilium subiisse coegit
 Atque humiles habitare casas sub paupere tecto.
 Multa super sociis rogitant, super æquore multa,
 Quæ vada sulcarunt, quo sint ex orbe profecti,
 Quas passi terra ærumnas, pelagove procellas
 Tum quos orbe novo, aut portu liquere Menestei
 Jesuadas? quæ causa etiam, quæ meta viarum?
 Quis furor invitos sacro spoliavit amictu?
 Ac dum responsa excipiunt hinc inde loquentes 680
 Ad sua certatim juvenes habitacula ducunt,
 Atque ibi Mexiacos latices postquam igne calescunt
 Supposito in cyathos agitato turbine versant.

Plurima quæ sponsum legit sibi fœmina Numen
 Clausa quidem mundo, sed jam velut hospita cæli
 In qua virginitas dos est, & candida virtus,
 Ut primum accepit (neque enim vidisse licebat)
 Adventasse viros pro cælo, & Numine passos,
 Prodigæ fundit opes, quas tempora dura relinquunt
 Et propriis manibus mittendas concoquit esseas, 690
 Et reficit vestes, & quæ studiosa voluntas
 Indagare valet, fessis solatia quærît.

Sed levis aura vocat, pellenisque a puppe carinam
 Increpat usque moras; impulsu afflanda secundo
 Vela petit; terra discedere cogit amica,
 Inde etiam quotquot Jesu vexilla sequuntur

Pro-

Protinus excedent, omnes vocat Itala tellus;
Eja agite: aspirant vestris placida æquora votis.

Qua Ligurum montes erecta cacumina cælo
Urbe procul domina reducis cunabula Phœbi 700

Prospectant, fecere cavo circumdata gyro
Lunensem maria alta sinum; tenet anchora tutas
In medio classes; duplicem parat insula velis
Ingressum, & gratos præbent salsa æquora potus,
Nam vastas illudit aquas, quæ dulcis ab imo
Unda salit fundo, servatque intacta saporem,
Si recta immittas implendum fonte lebetem.
Urbs antiqua fuit, fines qua cernis Hetruscos,
Inque sinu nomen retinet, nam cætera tempus
Abrafit, nec signa modo, aut vestigia noscis. 710

Parte alia Veneri templum sublime ditavit
Prisca superstitio; nunc arx in vertice montis
Navibus invigilat; statio bene fida carinis
Littus habet, vastumque intus videt æquore portum

Hic tandem, oh juvenes, post tot discrimina rerum
Cernitis Italiam; non est via longa per undas,
Et dabitur veterum sedes intrare Quiritum.

Cernitis Italiam, qua dulcis meta laborum,
Qua durum exilium, at longis optabile votis
Eligitur, non tam largas ad munera dextras, 720
Non cura vigilante Petrum, non corde Joannam
Magnifico nova regna dabunt, non altera demum
Sedula maternis angetur Borgia curis.

Sed tamen hic sedes, locus est habitare quietas
Sub duce quemque suo, & tranquilla pace mereri,

Non tamen hic navem casu adventasse putetis,
Mons etenim rapidus quem nunc vidistis euntes
Surgentem e pelago, montisque in vertice calles
Præcipites, scopuli immanes, atque invia saxa
Sunt via, qua vestra vos præcessere cohortes. 730
Hanc reptare senes per tot dirupta coacti,
Hanc clari tenere viri, atque animosa juvenus.

Proh

Proh quantus fudor talos manavit ad imos!
 Dumque aliis opus est duro requiescere saxo
 Ille cadit, sociumque manu trahit inde juvantem.
 Ille via sistit media, dubioque viarum
 Genua labant, tremulos quatit æger anhelitus artus;
 Nec via, nec regio nota est; formidine crecit
 Ipse labor, latet incerti quoque meta laboris.
 Et portum (vidistis enim, & memorare possis) 740
 Difficilem, qua vix parvam tenet anchora cymbam,
 Hi primi tenuere, & inhospita littora Gallus
 Seligit, ut primum exilii mutare coegit
 Hospitium, & Latias crudelis vexit in oras.
 Nam simul unitos parvis sine tegmine cymbis
 Inclusere viros, tenuem gravecolentia victum
 Salsamenta dabant, violentam parca valebat
 Irritare sitim, sed non extinguere lymphæ.
 Nocte dieque jacent, sed nec locus ipse jacendi
 Suppetit, hic flexa stando cervice recumbit, 750
 Alter in alterius declinat pectore collum;
 Sustinet ille caput manibus vertigine nutans,
 Sunt humeri fulcrum, fulcrum sunt crura sodalis.
 Quid memorem interea radiis solaribus ustos?
 Quid rapida pluvia, aut nocturno rore madentes?
 At cum præcipites inducunt frigora venti,
 Imbre flagellantur falso, modo grandinis ictu
 Percussi solas possunt opponere dextras.
 Sic octo fluxere dies, & littore nudo
 Projecta aspiceres octo centena virorum, 760
 Qui magnum argenti coguntur solvere pondus.
 Nam repetita quater pars est millesima summæ
 Unciæ; tam dira lictores lege minantur.
 Vos decet, o juvenes, quibus est in nave potestas
 Multa licet passî passos graviora vereri;
 Sed navem mutare juvat, namque ista recedet,
 Absolvitque fidem; & Latio vos littore sistit.
 Alter erit Nauclerus, & altera quæ vehat Argo

Dilectos Heroas, erunt etiam altera gesta
Nobile venturis ea vatibus argumentum. 770

Jam sol a media pronus deflexerat arce,
Cum Zephyrus placidas humeris accommodat alas,
Et blande illapsus motis obmurmurat undis;
Mole minor, sed forma agilis dat carbasa vento
Navis, & accepto deferri pondere gaudet.

Est in conspectu Tyrrenæ gentis ad Austrum,
Littore si medio observes, ditissima ferro
Insula, præcipuum quo signat nomine portum.
Huc se contulerant juvenes, cum ventus, & unda
Sublittit, inque mora cogit tres visere soles. 780

Quatuor Heroes terra potiuntur, & idem
Sublequitur numerus, numero redeunte priori;
Hæc præscripta piæ dantur solatia genti.
Donec ab oc iduis afflare Favonius oris
Incipit, & terram nautis ostendit Eoam.
Est locus ad Centum pelagi curvamine Cellas,
Portum ubi construxit Romana potentia tutum
Classibus, & frænum imposuit bacchantibus undis.

Huc tandem appulso lacrymis excepit obortis
Heroas populus, prodit quoque signa faventis 790
Non obscura animi, & resonant circum omnia plausu.
Nam fama expansis illos præcesserat alis
Docta inflare tubam, & juvenum merita ampla notarat.
Ecce autem ut primum Romani Præfulis urbem
Ingressi tenuere solum, dant oscula glebæ,
Et superis grates tanto pro munere solvunt.

Castrius oh Comites, inquit, dulcissima pubes,
Jam curæ insomnes, jam turba molesta timorum
Ancipitesque abiere metus, vestigia tuto
Jam pede calcamus; jam non vitare dolosas 800
Cogimur insidias; fugitivum ut Borgia Kostkam
Jesuadam excepit gremio, nondumque profanis
Vestibus exatam sacro decoravit amictu.
Sic nos ire licet, summoque a Præsede longis

Quæ-

Quæsitum exiliis, similem quæramus honorem.
 Hinc cælestis amor qui nos conjunxerat, idem
 Dividet, & propriæ jungemur quisque cohorti.
 Cymba parata moras renuit, per Tybridis undas
 Non opus est vento, vincet cita palmula fluctus.

Hæc ait, & dicto citius generosa juvenus 810
 Conscendit cymbam, littusque adlambere primum
 Remorum auxilio gaudet; sed pellitur Austro,
 Cum flectit clavum, & pleno subit ostia velo.

Aspicite (hac Clemens recreabat voce sodales)
 Aspicite ut falsis amittit nomen in undis
 Dictus honor Romæ, dictus regnator aquarum
 Tybris, & impatiens sisti sine lege superbus
 Ripam indignatus, rapido petat amne sepulchrum?
 Sic sæpe in nostrum non evitabile damnum 820
 Currimus incauti, cum plus confidere nostris
 Viribus, atque minus nobis timuisse videmur.
 Gloria sic mundana perit, Vincentius addit;
 Flumina ab Oceano rivis collecta minutis
 Proveniunt, Franciscus ait, patrioque recedunt
 Irrequieta antro, pelagoque recepta quiescunt.
 Sic quia principium supremo a Numine duxit
 Mens hominum, abjicitur terrenis anxia rebus;
 Vana extra Numen solatia quærit, & etrat
 Ni tandem obtineat felicem in Numine metam.
 His pectus satiatur aquis, hæc corda voluptas 830
 Demulcet, dignaque Deo dulcedine nostrum
 Semper inhexaustis animum torrentibus implet.

Talia dicta dabant, parvos cum Castrius orbes
 Exerit insertos filo, quæis norma precandi
 Divinam Matrem numero præscribitur apto.
 Sic certas iterare preces intenta fideli
 Officio dextra, & consuetas ordine laudes
 Metiri valet, ac denis intetserit altam
 Orandi formam; quam nos Regnator olympi
 Edocuit, nostro quondam cum vixit in orbe. 840

Atque

Atque ait, hanc lucem quæ jam declinat, avita
 Christiadam pietas magnæ obsequiosa parenti
 Sacravit; fuit illa orto lux septima mundo,
 Et nomen sibi servat adhuc, intendite mentes
 In cælum, elata præcedat voce Joannes;
 Una omnes, nautæque simul, sociique sequemur.
 Dixit, & alternis precibus quas supplice vultu
 Conjungunt, Divam implorant, & laudibus ornant.
 At properare videns adverso flumine cymbam
 Nescio quis, nostram defers, nauciere, ruinam 850
 Clamitat, & sacram contagia ducis in urbem.

Est locus inflexi sinuoso in margine Tybris
 Terra ferax culicum, & limo male sana palustri,
 Tecta ubi ruricolæ sibi construxere coloni.
 Moribus invigilat venerabilis ore sacerdos,
 Et sacer orator (nam tunc ita tempora poscunt)
 E rostris populo spargit documenta salutis.
 Sese ille addixit sub paupere vestis amictu
 Præceptis, Franciscæ, tuis, Pater optime gentis
 Innumeræ, quinque impressit cui stigmata quondam 860
 Dius amor; renovata Dei patientis imago
 Arguis ingratos, & calcar amantibus addens
 Cælestes nostro succendis pectore flammæ.

At funes nautæ emittunt, cymbamque propinqua
 Arbore firmarunt, quod jam nox humida cælo
 Præcipitat, suadentque cadentia sydera somnos.
 Sumpturi juvenes sub panis imagine Numen
 Delicias animi, & rebus solamen amaris,
 Mane adeunt templum: venit obvius ipse sacerdos,
 Excipit, obsequitur, laudat, testatur amorem, 870
 Veste sacra induitur, cælestem dividit escam
 Et se felicem reputat, nec cedit honori.
 Inde rogat templo assistant, dum fulmine vocis
 Exagitat vitia, & monitis gens rustica sanctis
 Instruitur: vultu Heroes sedere modesto.
 Tum sacer orator juvenum merita ampla recenset

Atque

Atque undas superasse notat, notat igne probatos,
 Arguit averfos animo, nam vespere lapso
 Mordacis forte audierat convicia linguæ,
 Pestiferumque virum dictis objurgat amaris. 880

Tandem extrema dies oritur, qua tertius anni
 Mensis abit, qua magna oculis se Roma videndam
 Objiciet, remo insudant nervosa lacertis
 Brachia, diffugiunt ripæ, jam septimus urbem
 Denotat infixus campo lapis esse propinquam.
 Castrius, oh comites, inquit, nil tale merentem
 Si regere Imperii vos me voluistis habenas,
 Quem nullæ dotes, nulla experientia dignum
 Formarat, non ista dehinc provincia vestro
 Pendet ab arbitrio; dignos optata reservat 890
 Roma duces, reddo arma meis non viribus apta.
 Invito vos ante duci, nunc sponte sodali
 Parcite; si sæpe irrepsit culpabilis error,
 Non cordis, sed mentis erat; jam supplice vultu
 Et genibus flexis veniam lacrymabilis oro.
 Nunc ego præcedam, & juvenem comitetur Joseph
 Emeritosque Patres vos adventasse monebo.
 Cum tamen impietas sancta non exulet urbe
 Et vafra commoveat donis mutabile vulgus
 Divisos cymba exire, atque inducere cymbam 900
 Obscura jam nocte juvat, quique omnia ducat
 Obvius accedet; renuentes pergite fluctus
 Scindere, multiplici gyro via longior instat.
 Hæc ait, & lacrymis reddunt responsa sodales:

Egregii juvenes, non sunt mea carmina tanti,
 Ut Romam ingressos Tyrõnum ad templâ sequantur.
 Quis dulces juvenum sensus, quis mutua Fratrum
 Gaudia mortali poterit describere cantu?
 Vos superi cives, teneræ custodia pubis,
 Dicite ut Heroas sacram vidistis ad aram, 910
 Exuviis ubi Kostka suis invitat amantes!
 Dicite delicias animi, atque incendia cordis,

Quot-

Quotque imprefferunt felicibus oscula faxis,
Quæ dulci simul imbre rigant. Penetrantia quærunt
Chara polo; jacet hic pario de marmore Kostka
Stratus humi; exhilarant cælestia gaudia vultum,
Dius amor pia corda ferit; moriturus in astra
Advolat, & patrio defigit lumina cælo,
Lumina, nam dextram Jesu patientis imago
Occupat, & scriptæ pretioso in codice leges; 920
Ut saxo vox una deest, vox defuit una
Kostkæ etiam; tantum nostris verba auribus apta
Mors rapuit, moriens vitam spirare videtur,
Atque loqui qua voce animus suavissima sistit
Vota Deo; & puros tacitus manifestat amores.
Hæc fuit illa domus vobis quondam hospita sedes,
Aligeri, qua flamma volans per tecta, per ædes
Monstrabat Kostkæ ardorem, & commercia Divum.
Hæc domus est, ubi Diva Parens in imagine chartam
Responsura sinu excepit, qua Kostka triumphum 930
Virginis Augustæ, superum plaudente senatu,
Mirari rogat ætherei novus incola regni.
Kostka quidem dignus, Mater cui traderet olim
Divinum Infantem, ut dulces obstricta vicissim
Brachia in amplexus ægro medicamina ferrent.
Dignus & Aligeros oculis mortalibus æger
Cernere, præsidium, & Divina alimenta ferentes.
Barbara præcessit dux tanti & nuntia doni.
Felices juvenes! quacumque advolvere gressus
Contingit, nova signa movent pietatis amorem, 940
Occurrunt vestri monumenta perennia Kostkæ.

Quid referam amplexus, & signa reciproca charos
Inter Tyrones! seu quos novus expulit orbis,
Seu quos Roma sinu nutrit! minus inde mereri
Contendunt, qui veste carent, qui veste beantur;
Litem movit amor; sed adhuc sub iudice lis est,
Nam sua quisque tegit, socii merita ampla recenset.

Quid referam summo juvenes a præfule visos?

H

Aspe-

Aspectu facilis, visuque affabilis omnes
 Excipit, ast illis quanta est reverentia vultu! 950
 Ante pedes tremuli cecidere, atque oscula dextræ
 Imprimere exoptant, dextra complexus eadem
 Erigit, & miros terraque, marique labores
 Commemorans, quam dura scidit violentia vestem.
 Restituit, laudatque animos servasse fideles.
 Hinc monet ut superum auxilio maturior ætas
 Consolidet, vegetasque obfirmet pectore vires.

Pignora quid referam tanto dilecta Parenti
 Ante aras, Loyola, tuas? velut æquore vasto
 Parva ratis, mens obruitur, vox faucibus hæret. 960
 Nota inflammati vobis sensa intima cordis
 Oh juvenes, mira quadam dulcedine vobis
 Posse frui, concessum, haud posse exponere verbis.
 Dumque solo strati juvenes ante ora Parentis
 Auxilium veniamque rogant, a Fratre vocantur
 Dextra qua quondam abluerat lustralibus undis
 Millia mille vices hominum, & bis millia centum:
 Hic bene cognoscunt fratres vix posse vocari,
 Nec mare, nec terras memorant, nec longa viarum
 Tædia, nec duros ultro subiisse labores. 970

Erubere tamen, sacras & Xavier aras
 Ante tuas, tua clara sequi vestigia poscunt.

Nec procul hinc moles studiosæ erecta juventæ;
 Musarum domus, atque urbis commune lyceum,
 Augustis Loyolæ aris, & Numine sacrum.
 Ætherei hic genii spirantem in marmore cingunt
 Undique Aloysium. (vix talis in arte potestas,)
 Quam pia sensa movet, superosque inspirat amores!
 Nunc licet, o juvenes, oculos attollere; vestrum
 Inspicite exemplar, morumque in imagine normam. 980
 At qui felici cineres clauduntur in urna,
 Nescio quid divinum afflant, vestrosque sub ara
 Intuitus revocant; jactas in corde sagittas
 Excipitis. sed tempus erit quo testæ beatæ

Di-

Dilecta Aligeris lente observare licebit,
 Quæ quondam incoluit Lodoix dum vita manebat;
 Nam modo Tyrones opus est Tyronibus addi.
 Nec fatis est nuper solo dignoscere vultu;
 Solliciti expectant, propriaque in veste revisent,
 Amplexu excipient, vesti mille oscula figent. 990

Sed jam vos duxit secura in littora vates:
 Sub duce quisque suo, seu sit maris æquor arandum
 Ductus erit, seu bella Erebus renovanda minetur.
 Si sine nauclero navis, sine remige puppis
 Evasit fyrtes, risit maria alta procellis,
 Si ductore carens vicit fera prælia Tyro,
 Victor & in clypeis tot gesta illustria pinxit,
 Quid miles veteranus aget? quid doctus ab usu
 Navita! quæ poterunt objecta pericula pectus
 Frangere, ut intrepidum magnos prælusit adausus! 1000
 Ite animæ fortes, vestras properate phalanges
 Solari, seu quam mediis tenet Umbria saxis,
 Sive per Æmiliam sparsas, perque oppida & urbes,
 Qua via principium ducit regnantis ad undas
 Eridani, rura Adriaco notissima ponto.

Hactenus hæc cecini, cum nostram extinguere gentem
 Borbonico poscunt magni de sanguine Reges:
 At renuit Clemens, cui tantum a Numine summo
 Arbitra confertur rerum transmissa potestas;
 Pœna dolor curæ vitalia stamina rumpunt, 1010
 Substitui tamen ipse parem, virtute probatum,
 Constantemque animo cæli novus incola poscit.
 Et qui corda movet, qui regibus imperat alto
 E solio, & vobis tanto in discrimine mirum
 Præstitit auxilium, forsitan vos juvit, ut idem
 Dēserat, & miseros hosti ludibria tradat?
 Quærentes lege obstringi sine lege vagari
 Permittet? dabit in prædam nil tale merentes?
 Absit ut hæc Domino fingam tribuenda benigno.
 Forsitan Omnipotens voto indulgere precantis 1020

Differet, & laceram ventos submergere navem
Jactabit sæva impietas; sed amabile quamvis
Differat auxilium, præsens in tempus omittet,
Dum minus expectas, ut plus confidere discas
Cum desperatis cocunt damna omnia rebus;
Forſitan extinctam dabitur lugere Parentem
Oh juvenes; ſed vivet adhuc compoſta ſepulchro;
Sic quondam Deus ipſe ſuis prædixit amicis,
Cum teneram adjuvit ſignis, dextraque potenti;
Noſque ſui ſimiles voluit, ſociosque vocari, 1030
Et vexilla dedit, qui victa a morte reſurgit,
Paſſus acerba prius. Tibi certe injurius eſſem
Summe Deus, ſi fraude Erebi, mediisque nefandis
Pertimeam, ut pereant manuum opera alta tuarum.
Hæc ſpes me recreat, recreant ſuaviſſima quondam
Edita mille locis Divinæ ſigna Parentis.

Vestrum erit, oh juvenes, ſuperum nova dona mereri
Interea inſtaurate animos, apponite lucro
Otia, venturis numquam decreſcite factis,
Quin magis, atque magis cælo vos reddite gratos. 1040

Finis Libri IV. & ultimi Heroum.

A D H E R O A S

E P I S T O L Æ.

** ~~~~~ **

E P I S T O L A I.

D I L E C T I S F R A T R I B U S

*In dominiis Magnæ Rufforum Imperatricis mirabili
Dei Providentia existentibus.*

KAL. SEPTEMBRIS MDCCLXXXIII.

PArvus Hyperboreas sine me, liber, ibis in urbes
Hei mihi! quo domino non licet ire tuo.

Nam me longa ætas, & qua sum natus in ora

Impediunt fratres inter adesse meos.

Qui sumus infensis olim sub Regibus orti,

Extingui Matrem qui petiere meam,

Prævia Regnantum nisi sit concessa facultas,

Nobis præscripta cogimur esse plaga.

Quin etiam ad segetem vestris regionibus amplam

Messores magnis viribus esse juvat.

10

Non adeo ingentes possent perferre labores,

Qui numerant vitæ lustra peracta novem.

Glorior in gremio totidem duxisse Parentis:

Dulce est felices commemorare dies.

Tunc ego dessebam curis tria lustra profanis

Exacta, ut pariter nunc duo lustra fleo.

Non ego credideram tantas in turbine vires,

Navis ut iratis obrueretur aquis.

Ipsæ solet placida spirare Favonius aura,

Attamen in nautas sævior ille fuit.

20

Una putabatur statio bene fida carinis,

H 3

Qua

Qua mille in stragem fulmina missa volant.
 Omnia jam fient, fieri quæ posse negabam:
 Pauca loqui tempus, cuncta timere jubet.
 Naufragium vobis tantum commune pepercit;
 Sustinuit parvam dextra benigna ratem.
 Dextra benigna quidem, sed quam facit ipse potentem
 Omnipotens, nobis qui favet ejus ope.
 Vos ego contemplor tuto requiescere portu;
 Nos tumidum infidis syrtibus æquor habet. 30
 Vivite felices, quibus est fortuna parata:
 Vivite, sed memores vos precor esse mei.
 Namque licet plures rapidis periere sub undis,
 Reliquias nostræ littora gentis habent.
 Quamlibet errantes animum servare fidelem
 Gratulor, & Matrem commemorare suam.
 Sed cum jura mihi statuam meliora favere,
 Hoc titulo vobis annumerandus ero.
 Namque ego pendentem cernens instare procellam,
 Mentis inops, curis irrequietus eram. 40
 Sæpe abii in lacrymas, fudi suspiria cælo;
 Sed medicina meo non erat apta malo.
 Plurima sum (fateor) constanti pectore passus:
 Major erat nostris viribus iste dolor.
 Rebus in angustis satis est (Loyola docebat)
 Si quadrante horæ sistimus ante Deum.
 Divino alloquio discas ad acerba paratus
 Conformare animum Numinis arbitrio.
 Borgia sic docuit, sic Magna Theresia natis
 Inclyta, sæcunda virginitate Parens. 50
 Miror, at exemplum non est imitabile nobis,
 Doctrina superum noscimus esse rudes.
 Forte, oh disperli fratres, virtute probati,
 Mitius hoc vobis vulnus ab arte fuit.
 Ast ego nec gemitu, nec fixis Numine curis
 Mœrorem potui dissimulare meum.
 Tu lenire potes, dixi, placabile Numen,

Hoc animi vulnus quod ferit ima mei:
Inde indulgenti dextra ad confinia cordis,
 Extrahat ut latices, vulnere fecit amor. 60
Et calamo exposuit, quæ scribere vota parabam:
 Charta triplex simili scripta cruore fuit.
Me verum semper Loyolæ agnoscere natum
 Firmavi, & strictum legibus esse suis.
Servandum fateor quidquid decernit ab alto,
 Numinis in toto qui gerit orbe vices.
Qui jubet externam rebus præscribere formam,
 Non amat internis me spoliare bonis.
Solvere vincla potest, sed non quæ sponte resumo,
 Si noscam æterno posse placere Deo. 70
Si voveam miseris succurrere semper egenis,
 Tollere onus voti, non prohibere potest.
Forte tacere jubet, socios dispergit; utrumque
 Fiet, at in leges fulmina nulla cadent.
Pastores summi, & juncti toto orbe fideles
 Has dignas summis laudibus esse notant;
Matre Dea dictante ipsas Ignatius olim
 Scripserat, & cæli signa probantis habent.
Si relictus, & testæ aufert, Dux Maximus olim
 Jam plura enumerans agmina, pauper erat. 80
Otia præscribet; sed cum tamen ipsa jubentur,
 Otia sunt merito iussa, laborque pari
Jesuadum nostris si sint consortia terris
 Destructa, & nulla detur in urbe locus:
Jesuadum pars semper ero; sub Præsidente vivam
 Si quis in Italia rite receptus erit.
Hæc mihi per mensem, dum verba potentia ad aras
 Profero, constanti sunt renovata fide.
Summe Deus, Tibi sensa animi patuere voventis:
 Sub specie panis tu mihi testis eras. 90
Finibus Italicis utinam nova testæ resurgant!
 Nec mora, pars turmæ læta recentis ero;
Sive inter montes, ubi sunt spelæa ferarum,
 H 4 Sive

Sive ubi putrescit terra palustris aqua.
 Nam mihi præ reliquis genialis habebitur ora,
 Qua socius potero fratribus esse meis.
 Integritas erit ante fores, pax aurea, candor,
 Almaque regnabit pacis amica quies.
 Ista solent vobis dulces quoque reddere curas,
 Gaudiaque in medio nata labore fluunt. 100
 Hos satis expertus metuit sibi tartarus hostes
 Sollicitus nocuos spargere ubique dolos.
 Sed si Jesuadis præscripsit tempora Numen,
 Irrita delusi cura draconis erit.
 Si mihi reddantur laceratæ insignia vestis,
 Descriptum in ælis nomen habere reor
 Qui tunc Fanensi Pastor regnabat in urbe,
 Ultro animi voluit conscius esse mei.
 Nulli promisit referenda arcana, sed aptus,
 Prospera si veniant tempora, testis erit. 110
 Tum chartam accepit, summo volat altera Patri,
 Tertia restat adhuc pectore fida comes.
 Uno fida comes servatur Epistola nexu,
 Quam mihi Jesuadum misit ab urbe Parens;
 Constantes animo natos, & ad omnia promptos
 Laudat, & ampla animi signa dedisse sui.
 Sed nullum tam clara animi monumenta dedisse:
 Parcite, si meritis gloriator ipse meis.
 Has ego dilecti laudes servare Parentis
 Glorior: afflicto dulce levamen erunt. 120
 Non ego fœcundum ingenium, non mentis acumen
 Jactito; qua tumeam, nil mihi laudis inest.
 Non ego profeci studio pietatis, & ipsa
 Lustra novem misero tempus inane fuit.
 Unica laus, canibus concessa fidelibus, omni
 Sparsa loco, quam non dissimulare queo;
 Matrem amo, quam tenero semper complectar amore:
 Pressa afflicta exul, sed mea mater erit.
 Hoc satis ostendi, cum me Benedictus amavit,
 Et

Et faciles aulae cum patuere fores. 130
Cogitur heu Princeps alienis testibus uti!
Sæpe dolus latitat, quo minus esse putes.
Sic potuere aliqui sinceram invertere mentem,
Nosceret ut fraudes, hæc mea cura fuit.
Annuit Omnipotens; quantum mihi gratia fulsit
Principis, in Matrem est tota refusa meam.
Et monumenta meas extant testantia curas:
Noster amor toto notus in orbe fuit.
Exstitit & vestris notissimus ille Polonis;
Me civem audiui sæpe vocare suum. 140
Nulla placet ratio vivendi, nulla placebit;
Qua videat Matris degener esse meæ.
Sic me non tantum numerabitis inter amicos,
Fratribus ex vestris jure notandus ero.
Sum procul, at vobis fraterno jungor amore,
Et mereor dulci fratris honore frui.
Non mea læserunt Romanæ jura procellæ,
Quique prius fueram, naufragus esse queo.
Indicis ad calcem, quo nomina vestra notantur,
Absentis socii quid vetat esse notam? 150
Non locus, aut vestis, nec inutilis officit ætas,
Immo favet; pietas nam favet ipsa seni.
Singultus lacrymæ gemitus suspiria questus
Per longum exilii me comitantur iter.
Vita invisa mihi, timeo confinia mortis:
Cuncta in mæstitiam gaudia versa fleo.
Quam facile est vobis nostrum lenire dolorem;
Quam facile est lacrymas extenuare meas!
Nam si vestra meum video inter nomina nomen,
Dulce mihi superest vivere, dulce mori. 160

POST SCRIPTUM.

Conspicuo observanda loco servatur in aula
 Qua moror, Augustæ Principis effigies.
 Hanc corde insculptam gerimus, sed imago superstes,
 Quam sua nos vinxit gratia, testis erit.
 Quem posui titulum, vestræ subjunge Matri;
 Nomen enim, per quam vivimus, istud habet.

EPIGRAMMA.

Perdere Jesuadas totus decreverat orbis:
 Sed non consilium Numinis illud erat.
 Hinc decuit cælum dextram effecisse potentem,
 Obluctante suas quæ gerat orbe vices.
 Maxima Regnantum, Catharina, a Numine lecta.
 Cæli instrumentum nobile, & orbis honor,
 Unica Divinas meruisti assumere curas,
 Una tot armatas debilitare manus.
 Quod nisu humano non sit debile nomen,
 In cælo statuit Numen, in orbe doces. 10
 Imperio sine clade tuo nova jungere regna,
 Felices populos reddere mille modis,
 Heroum est; supra Heroas, quod laudis honorem,
 Et palmas tecum dividat ipse Deus.

EPISTOLA II.

A D E O S D E M.

*Mittit duo Epigrammata ad Augustissimos Principes
Ruffiæ, & carmina panegyrica ad effigiem Magnæ
Catharinæ Rufforum Imperatricis occasione dedicandi
Artem Poeticam Ven. editam Anno 1781.*

Augustæ ad folium excelsum non ausus adire,
Ornavi dignis laudibus effigiem.
Huic ego sacravi quam scripsi vatibus Artem,
Carmina nunc fociis mitto recusa meis.
Carmina, quæ Princeps tantæ Genitricis imago
Officiis animi exceptit amabilibus.
Nec me permisit Regali figere dextræ
Oscula mellifluis dulcis in ore modis.
Curforem ostendit, per quem mea cārmina misit,
Quæ Dominæ ante oculos erubuisse reor. 10
Dotibus his Princeps & tanto Principe digna
Sponsa sibi laudes promeruere hominum.
Adriacæ vidistis aquæ, & memorare potestis,
Quam Veneta exultans plausus in urbe fuit.
Et quamquam attonitos revocent spectacula visus,
Plus cum corde oculos Hospes uterque rapit.
Discessi bina Augustis epigrammata sistens
Fausa dies animo non abitura manet.

Ad Regales Hospites.

Sæpius Adriacam Petrus decreverat urbem
Visere, qua sedem, Nobilis Hospes, amas.
Jam prope scintillant septem nitida astra Trionis,
Quæ miro irradiant lumine utrumque polum.
Quod tantum Italiæ largiris primus honorem,
Ma-

Materies omni tempore laudis erit.
 Conspicua Magni lætetur imagine Petri
 Ruffia, Te nostro pectore sculpsit amor.

* * * * *

TE Dea præferret felicius arbiter Idæ;
 Et causa, ut pomum traderet, æqua foret.
 Una Deas inter, spectabilis Hospita, fulges
 Juno animis, Pallas moribus, ore Venus.

A D E F F I G I E M

POTENTISSIMÆ MOSCORUM IMPERATRICIS,

C A T H A R I N Æ II.

Quam Vates domi suæ servare gloriatur.

EFfigies Augusta Deæ, quæ munere cæli
 Regna immensa beas septem subjecta Trioni,
 Non mihi concessum venerari cominus astrum
 In commune bonum populis felicibus ortum,
 Ornamentum orbis, lapsis optabile sæclis
 Exemplum, nostro decus, invidiamque futuris.

Ut levis umbra solet latitantem ostendere Phœbum,
 Dum nubes sese opponunt, minuuntque nitorem,
 Sic tu parte aliqua raras in imagine dotes
 Exprimis, & nostris affers solamina votis. 10

Sublime ingenium, mentis decora alta capacis,
 Magnanimique ausus, Pietas, Clementia, Candor
 Tralucet, sacrum inspirant reverenter amorem.

Hæc Fama attonitum vulgat diffusa per orbem,
 Hæc bibulas crebris implent sermonibus aures,
 Et facile agnoscunt omnes, sed plurima vates
 Noscimus, æternæ monumenta perennia laudis.

Noscimus elatâ tecum una lance sedentem

Justitiam, ut minuat justas in crimina pœnas,
 Ingenitum populis infundere legis amorem. 20
 Regnat in ore decus, Gravitas augusta supremum
 Nobilitat generosa thronum, sedet inscia fraudum
 Fronte hilari tranquilla Quies, Pax candida ridet
 Interius bellis sæpe acquisita remotis.
 Ostendit rutilis circum Victoria pennis
 Vexilla, & virides spargit toto æthere lauros.

Utque Aurora diem, qualis medio axe nitescit,
 Indicat, in Magno incepit fors provida Petro
 Immenso Imperio decus addere, cui tua debent
 Regna oculos aperire, & longum expellere somnum, 30
 Concipere illustres ausus, acquirere nomen,
 Præstare ingenio, proprias agnoscere vires,
 Induere & cultos mores, excellere in arte
 Bellandi, dubios nautis agnoscere ventos,
 Condere viâtrices, & in æquora mittere naves.
 Bellica nec tantum fuso tormenta metallo,
 Et reliqua instrumenta necis, sed nascier Urbes
 Improviso ortu, & diversis cognita ventis,
 Longinquo maria ampla sinu per inhospita sylvis
 Antra penetrare, & rerum ad commercia jungi 40
 Mirata est, superumque agnoscit Russia donum.

Attamen inceptam generoso culmine molem
 Perficere una potes, quæ Maxima jure vocaris;
 Nam quas magnanimo volvebat pectore curas
 Petrus honor Regum, cælum decrevit ut olim
 Fœmina compleret, dotisque amplumque parabat
 Ad magna ingenium; dono venit illa superno,
 Quamquam esset peregrina ortu, dignissima sceptro,
 Ad quod vota hominum, jura, & merita ampla vocabant.

Sed cum scindantur studia in contraria gentes, 50
 Non cunctis arrisit honor, quo Russia gaudet.
 Ah miseri! quis corde timor, quis pallor in ore
 Exagitat disiectum animum! suspiria morti
 Prævia vos lacerant, quæ mens minitantiæ fingit

Ful-

Fulmina, vos summo lapsos a culmine terrent.

At revoke animos; regnat Clementia, regnat
Nescia vindictæ folio CATHARINA supremo.
Non crucibus fora mœsta horrent, nec inhospita longum
Aspiciet nivibus miscere Siberia fletum.
Vita quidem cunctis, multis servantur honores, 60
Immo etiam cunctis dextræ benefacta benignæ
Ancipites animos mira dulcedine sedant.

Vive diu felix, Regnantum maxima, vive,
Vive diu felix, jam tota Europa fatetur
Quod nova consilia, atque novas in pectore servas
Mille juvandi artes: visa est Clementia tecum.
In folium ascendisse, & se extra extendere regna
Imperio subjecta tuo; sic Phœbus ab ortu
Cuncta solet recreare; ardent odia aspera terris,
Terribilique furens circum Bellona flagello 70
Regna metu implerat, terras fœdarat & undas
Sanguine, sed Pacem mittis, quæ nuntia narret
Te folio regnare, animis inde exuat iras;
Illa volat, Dominæque libens mandata faceffit.

Quin etiam quicumque novus sibi rura colonus
Appetit, huc properet; nam toto extenditur orbe
Munifico CATHARINA animo; spatia ampla locorum
Sponte offert, numerumque augere habitantibus optat
Immenso imperio, & vigilantibus addere curis
Materiam, ut plures valeat studiosa juvare. 80

Sed qui forte ausit Regni turbare quietem,
Pœnituisse opus est; belli insuperabile fulmen
Odrysi sentire hostes, radiantia tela
Et scuta & gladios tormentaue bellica vidit
Euxinus, lato implebant quæ littora tractu.
Quin refluis undis subsistere vidimus Istrum,
Quærere nec falsum bis seno flumine pontum
Dicitur, ut castris ripas, populosque timore
Impleri, & trepidæ pallefcere cornua lunæ,
Ut Russorum animos, & prælia prima notavit. 90

Arri-

Arripit inde viam, atque stuporem in gaudia vertens
Prævidet extremam, quam tandem fata parabunt,
Turcarum Imperio jam jam adventasse ruinam.

Parte alia Nomenque Tuum, vexillaque vidit
Græcia velivolas agitare per æquora naves;
Vidit, & obstupuit: quod vix venientia credent
Sæcula, posse unquam fieri quod lapsa negarent,
Sed melius noscent, quæ te, CATHARINA, capaxis
Mentis opes decorant; non ad Garamantas & Indos
Insuetam bello gentem tua dirigis arma; 100
Non prius ignotas jussisti nare per undas
Orbe novo naves, quas dum miratur euntes
Turba rudis, stupefacta silens descendere cælo
Fingit, & hæc superos habitare palatia Divos.
Sed contra Turcas, & formidabile bello
Hirsutum genus, & populum per tela per ignes
Irruere audacem, terraque marique potentem,
Ipforum in gremio, venturi certa triumphi,
Qua via nulla fugæ, classes toto æquore mittis.

Concipere hæc animo magnum foret, at simul una 110
Exequeris, nec Te prudentia cautior æquo
Illaqueat, timor ignavus non iussa retardat,
Non via difficilis, distantia nulla locorum.
Quaque jubes, præit auratis Victoria pennis,
Arma hebetat, frangitque animos, & territat hostes.

Quid referam latas concepto in codice leges
Mentis opus vastæ? ut variis regionibus aptæ,
Indole diversa populis miro ordine rerum
Convenient, lites minuant, sumptusque, dolosque
Litibus, & nocuas ad tempus inutile causas. 120
Quin timuisse minus pœnam, quam criminis umbram
Edoceant; populorum animos ad mitia ducant.
Non tormenta reum affligent, ut vera reponat,
Ne subeat certam dubio pro crimine pœnam;
Nam cum præsentis curat vitare dolores,
Nil ultra observans facta, atque infecta fatetur.

Hic

Hic Procerum servatus honor, sub lege quiescit
 Tutus inops, quem nulla unquam violentia lædet.
 Invenit optatum studiosa industria calcar,
 Inveniunt certum rerum commercia lucrum. 130

Sed prodesse parum poterant, nisi summa potestas,
 Et maternus amor, simul & vigilantia (moles
 Ut vasto Imperio radicibus hæreat imis)
 Unirent socias concordæ fœdere dextras.

Hoc mage mirantur populi, nam commoda temnens
 Non sibi, sed populis vivit CATHARINA regendis.
 Non quæ Regali facile excipiuntur in aula
 Otia, non recreare animum, non fallere tempus
 Occupat intentas aliorum ad commoda curas.

Nulla dies oritur, qua non patienter in horas, 140
 Quæ firmanda paret, maturo examine pendat.

Atque assueta simul doctos evolvere libros
 Nocturna versare manu, versare diurna,
 Instruit illa animum, & gaudet sine voce doceri.
 Consulere & plures amat; hunc sapientia dignum
 Consilio, atque alium longa experientia reddit.
 Sic propria virtute potest merita ampla notare,
 Præmia dividere, & certas præscribere normas.
 Sic studiis gravibus, studiis quoque floret amœnis
 Plurima communi celebrata Academia plausu, 150
 Exornatque novis vastas sapientibus urbes.

Jamque viri celebres, toto clarissima mundo
 Nomina, nativos gaudent mutare penates,
 Munifica ut dextra, & tanto splendore fruuntur.

Attamen hæc reliquis laus est & gloria major,
 Publica seu belli pacisque negotia tractet,
 Egregios audire viros, quos mente sagaci
 Consulit, & quod pondus habent suffragia, noscit.
 Solus enim Princeps regnat, sed munia sceptri
 Dividere, & socios curarum adhibere ministros 160
 Est opus, & qui cuncta nequit discernere visu,
 Cogitur heu! Princeps alieno fidere testi.

Hanc

Hanc tibi felicem peperit Prudentia sortem
 Prudenter primum eligere, & prudentius uti
 Taibus auxiliis, juvat experientia rerum,
 Semper & intentus mentis vigor: ac simul illos
 Cuncta notare doces, quos consuluisse videris,
 Agnoscens animi affectus, & mentis acumen.

Quos Oratores etiam regna externa mittunt,
 Nativo sermone vales audire loquentes; 170
 Te Civem putat esse suam, quicumque supremum
 Ante thronum sua senfa aperit, miratus eadem
 Cultura eloquii Te respondere paratam,
 Sic dolus omnis abest, mora nulla negotia differt.

Quin etiam in mores vigilat CATHARINA suorum,
 Exemplo præit, atque animos regionibus amplis
 Concilians dulcem inspirat virtutis amorem.

Ufus avis quondam ignotus, quem morbida luxu
 Dicitur elapso peperisse Lutetia sæclo,
 Uxorem prohibet comitem simul esse marito, 180
 Qui sponsæ alterius partes famuletur in omnes.
 Vir quoque, vix servus prope limina nobilis adstat,
 Sponte loco cedat, tectumque laremque relinquat.
 Tradita venali sic cura domestica servo est,
 Nam vitii fomes, jacturaque temporis omnem
 Occupat, enervatque animum, & torpescere cogit:
 At CATHARINA bono populorum intenta sagaci
 Invigilat cura, ne plurima gignere morum
 Damna queat nocitura lues; & provida noscit
 Quam juvet a folio minimis attendere rebus. 190
 Sic docet exemplo nunquam revocabile tempus
 Pluris habere, atque utilibus expendere curis.

Aspicias avulsos, quamquam radicibus altis
 Hærebant lusus, in quæis fortuna triumphat,
 Nullus & ingenio locus est; alimenta voracis
 Subdola avaritiæ, vitiorum immensa propago,
 Raptores auri, nunquam satiata cupido,
 Pestis opum, infames lusus, quæis Russia luxit

Pressa diu; nunc immensis discedere regnis
 Læta videt, nullum vitio servatur asylum 200
 Reginæ Augustæ studio; nec plurima passim
 Apta avidos recreare animos spectacula defunt
 Innocua, & populis curarum dulce levamen.

Nil mage difficile est, quam mutua fenora nodo
 Associare uno; & reditus augere suorum,
 Atque suos augere simul; tempusque, situmque
 Noscere, quale hominum ingenium; quas mittere merces
 Conveniat, quas externis perquirere ab oris,
 Quos juvat ante alios e terra educere fructus,
 Quasque urgere artes, quæ sedes cuilibet arti 210
 Commodior, quibus auxiliis industria crescat;
 Dumque aliis augentur opes, augentur & ipsis
 Regibus, & faciles in publica commoda cedunt.
 Sint etiam primis rerum inventoribus apta
 Præmia, quæ lucro stimulent, & honoribus ornent,
 Non tamen in simili sese exercentibus arte
 Officiant, quin merce pari sua quærere lucra
 Evaleant, virtus sic æmula concipit ausus.
 At siue ingenii partus, seu bellica virtus
 Ornetur donis, sumptus seu larga profundat 220
 Majestas, addatque suos privata voluntas,
 Extruere aut vastam, quæ surgat in æthera molem,
 Aut præbere avidæ placeat spectacula plebi,
 Principis est magni justam præscribere metam,
 Ut semper generosa manus, sed prodiga nunquam
 Spargat opes, ventura animo & præsentia volvat.

Has CATHARINA animo curas in pectore versas,
 Nec tenues curas, sed dignas Principe nosis;
 Regali præscripta animo, non meta videtur
 Præscripta, utilitas poscit cum publica sumptus. 230
 Litora vos pelagi, vos dicite fluminis oræ,
 Magnæ Urbes, stratæque viæ, vos dicite regna
 Queis amor in populos, Majestasque ampla refulget
 Expenfis; tot enim largam ostendentia dextram

Con-

Concelebrare quidem, sed non numerare potestis.

Deerat adhuc Magno monumenta perennia Petro
 Erigere, auctorem venturæ extollere molis.
 Ille quidem, qui prima tuæ fundamina laudi
 Disposuit, magno eventu dum vota secundas,
 Et comples, quas ille animo conceperat ausus, 240
 Ille quidem statua erecta tibi jungat honorem,
 Et pariter Petrus, & pariter monstreris in illa.

Ut radio pictore solet jam proximus undis
 Sol nube adversa formare parelia lucis,
 Solis ad instar eris, major quoque Petrus habetur
 Luce tua. En video montem per prata per undas
 Immensum adduci montem, oblitusque videtur
 Ponderis! at CATHARINA jubet, vehiturque libenter
 Regalem factura basim vastissima rupes!

Non Ægyptiacas Romana potentia quondam 250
 Pyramides, longasque immensa mole columnas
 Per dubium pelagus traxisse a montibus altis,
 Et dominam exornasse Urbem, fora, balnea, templa
 Jactitet, ars nostro si perdita creditur ævo,
 Russia nunc omnes instaurat & invenit artes.
 Indigena hic magnos, atque advena concipit ausus,
 Et viget ingenium, & penetrabile mentis acumen:
 Tantum Regnantis se spargit ad omnia virtus!

Haecenus attigimus laudum decora ampla Tuarum,
 Attigimus tantum; ulterius penetrare, negatur 260
 Vulgari ingenio, radiantia lumina Phæbi
 Sola quidem fixo intuitu Jovis aspicit ales.

Hæc ego sæpe tua stupefactus imagine miror,
 Hæc ego, quæ Vates mirari possumus; at laus
 Major adhuc superest, quam cunctis monstrat imago,
 In miseros pietas, & qui tralucet in ore
 Dulcis amor; distat miseris procul aula querelis,
 Majestasque ignara pati succurrere differt
 Sæpius, & folio splendescens semper ab alto
 Instillare solet populis augusta timorem 270

More ignis; micat ille procul, sed proximus urit.

Quin tamen amittat justas Reverentia leges,
 Quisquis adire cupit, nam quisquis nescit amari,
 Nescit, amatque simul: Proceres lucrantur honorem,
 Providam egenus opem; non irrita volvere certus
 Vota animo; quin non questi infortunia fortis,
 Quin etiam ablentes (dictu mirabile!) nescunt
 Extensam ab benefacta manum; generosa voluntas,
 Cor tenerum, & vigilans præcedit vota suorum.

Dicite Mortales magni lenia intima cordis, 280
 Regalem miserendi artem! Grave fulmen ab alto
 Intonuit, fratresque meos in funera duxit.
 Sæpe animus meminisse horret, nam millia septem
 Tertia pars fuerat; cuncti ludibria fortis
 Dispereunt, pulsiq; domo sine lege vagantur
 Incerti afflicti; neque erat spes ulla salutis.
 Sola vigil Mater Regina Augusta dolentes
 Prævenit, & dextram non exorata benignam
 Extendens tuta incolumes statione relinquit.
 Ut dolor abscedat, verbis solatur amicis; 290
 Ne timor exaruciet, Regali protegit umbra,
 Protegit; atque illis quotquot sua regna tenebant
 Nec tonitrum nocuisse finit, nec fulminis iram.

Oh Pietas, majorque tuo constantia sexu!
 Quam non tempus edax, quam nulla abolere vetustas
 Nec rerum casus poterunt in corde meorum
 Deterere, immo etiam, si quid mea carmina possunt,
 Semper honos, nomenque tuum, laudesque manebunt.
 Vive diu felix, namque ut tibi Nestoris annos
 Numina concedant, votis exposcimus omnes. 300

Nunc etiam permitte Tuo sub Nomine nostra
 Carmina vulgari, tanto splendore nitorem
 Accipient, & digna legi tanto Auspice fient.

Interea oh magnæ soboles dilecta Parenti,
 Imperii pariter, Virtutum & Sanguinis Hæres
 Magnanime o Princeps; exempla domestica felix

Volve animo, non externos inquirere fastos
 Est opus, ipsa oculis subjecta fidelibus hærent
 Firmius, hinc Regna Europæ exoptabilis hospes
 Dum lustras, & digna Tibi comes addita Conjux 310
 Indole Regali, & morum dulcedine clara,
 In qua virtutes æquat præstantia formæ,
 Dumque oculos, & corda rapit Par Nobile plausu
 Unanimi, Italiamque beat, sit maxima laudum,
 Quod Magnam in Nato latemur noscere Matrem.

Hæc tu sensa animo inspiras; quæ mira notavi,
 Me stimulas celebrare metro, mihi proxima semper
 Regia virtutum sedes, & nobile calcar
 Augusta effigies, vatemque domumque decoras,
 Et dum gesta offers omnem exsuperantia laudem 320
 Gesta perenne dabunt nova laudibus argumentum.

*Ex Libro: Epigrammata selecta Heroica ex Hetrusca
 lingua in Latinam versa seu: Raccolta di Sonetti
 scelti &c. a nobis edito, pag. 140. Ad Effigiem Po-
 tentissimæ Moschorum Imperatricis CATHARINÆ II.*

E P I G R A M M A.

TE decus Heroum si sæcula prima tulissent,
 Prima Deas inter connumeranda fores.
 Fabula sed veras confunderet addita laudes,
 Et dubiam in multis redderet Historiam.
 At modo, cum nobis cultissima nascitur ætas,
 Ipsa venis ævi gloria summa tui.
 Mensuramque imples tam magni Nominis, ullam
 Quin partem in factis fabula habere queat.
 Prælusit Natura aliis; divisa per omnes
 Quæ dedit, in Te una colligere instituit.
 Plurima debuerant lento decurrere passu
 Sæcula, queis tantum perficeretur opus.

E P I S T O L A III.

(*Ordine temporum prima ad Fratres in exilio; ideo Epistola IX.
incipit: Septima dispersos &c.*)

Ad Lusitanam Soc. Jesu Juventutem gratulatio

*Ob constantiam in vocatione, & Latitiam
in laboribus sufferendis.*

KAL. OCTOBRIS MDCCLX.

Illustres animæ, cælo spectata juvenus,
Deliciæ Superum, Lysiæ decus, æmula proles
Heroum, quos prisca ætas venientibus annis
Proposuit, segnesque inflammat ad ardua vires.
Imo etiam vestra exuperant merita ampla recenti
Exemplo, quod nulla hominum celebrata priorum
Gesta ferunt, nec vos unquam ventura tacebit
Posteritas; & felices nos invida dicet,
Queis datur æterna victricia tempora lauro
Cernere, queis vegetas post tanta pericula turmas
Contigit admirari, & coram audire triumphos.

Vos ego dilexi solum mihi nomine notos,
Sed clara egregios fama, atque ingentibus ausis;
Nunc longe illustrem superat præsentia famam.
Quam tenerum, quam dulce fuit tot cinctæ coronis
Agmina perspexisse! & quorum insignia totum
Facta orbem implerant! eadem mihi regula morum
A superis præscripta datur, sed dispere fructu,
Nam vobis firmas legum observantia vires
Instillat, magnosque animos, & nescia vinci 20
Pectora plena Deo, & mediis infracta periclis.
Credideram potuisse aliquid, cum primus in undas
Jactatus, corde impavido, vultuque sereno,
Venturæ signa expertus furiosa procellæ

Tyr-

Tyrrhenum Adriaco mutavi naufragus æquor.
 Sæpe mihi solamen erat, mihi gloria tantis
 Præcessisse viris, ego prælia primus, & hostis
 Sustinui occultos (neque adhuc patu're) furores.
 Sed modo cum partos superato ex hoste triumphos,
 Et juvenes vidi graviora in bella paratos, 30
 Qui ventos videre alios, aliasque procellas,
 Erubui, pectusque simul dulcedine sensi
 Undique perfusum; at tam felix esse (fatebor)
 Non merui: cum quisque mihi sua prælia, & artes
 Vincendi descripta dabat, narrantis ab ore
 Pendebam, dulcesque dabam vel nescius imbres.
 At subito (vidistis enim, & memorare potestis)
 Lumina persensi quoties madefacta, loquendo
 Materiam arripuisse novam, mihi plura roganti
 Cura fuit; neque enim ad fletus ea tempora duxi, 40
 Nam mea testari cupiebam gaudia, vestro
 Obsequio, & tenerum, quo vos amplector, amorem.
 Sic ego lætus eram, & vestra simul ipse fruebar
 Lætitia, pectus qua Numen amabile mulcet,
 Nunc etiam, dum facta animum per singula volvo,
 Sponte oculis lacrymæ erumpunt; jam dulcia Matrum
 Oscula, jam videor monitus audire paternos,
 Jam frater, jam chara soror, quæ plurima dictat
 Ingeniosus amor, fletu conjuncta doloso
 Una inter gemitus, inter suspiria miscet. 50
 Quisquis erat vel amicitia, vel sanguine junctus,
 Mille artes & mille dolos, si forte tenacem
 Proposito valeat firmo divellere mentem,
 Congerit, hinc miles, qui cingit plurimus ædem,
 Arma acuit, vultusque truces & ferrea prodit
 Pectora, jamque monet placidus, jam sæva minatur
 Militiæ Ductor, longaque in veste Senator.

Quid referam, a magno quæ venit epistola Rege
 Aptâ movere animos, quæ Prætor scripta supremus
 Addidit, & Præsul quem purpura cingit, & ostrum? 60

Commoda, divitias, lucrosaſque munia, honores
 Promittunt, facileſque aditus, ſi veſtis amiſtu
 Depoſito, patriis nolint diſcedere terris.
 Apparet pietatis opus; ne incauta juvenus
 Commaculet teneram, ſed adhuc ſine crimine, mentem
 Majorum alloquio. damnum irreparabile, dicunt,
 Imm'net; hinc fictæ ſuadent conſortia gentis
 Linquere; corrumpunt exempla domeſtica ſenſus
 Occulto illapſu, paulatim corruiſt ætas
 Flexibilis, bibuloque animo ſe ſubdola peſtis 70
 Inſinuat, ſerpiſque ignotum in corde venenum;
 Horrendo aſpectu ſeniorum ut crimina pingunt,
 Sollicitis, dum tempus adeſt, contagia curis
 Propulſanda monent, & quiſque oſtendere pergens
 Utile conſilium, variis ſimul artibus ornat.
 Ni faciant, parva exilium poſt mille labores
 Pœna foret; quiſquis Lyſia de gente miniſtret
 Solamen, vel quod miſero debetur egeno,
 Scriptave tranſmittat, tranſmiſſave ſcripta requirat,
 Vel natum amiſiſſe ſuum, charumque ſodalem 80
 Condolet, procul abſentem ſtatione remota,
 Nomina vel ſervet folio commiſſa fideli
 Mulctandus capite, & ſcleratos inter habendus.
 Nil ſimile antiquis memorandum annalibus extat!

Eja agite o juvenes, vobis patria unica cælum;
 Nunc animis opus eſt: virtutem extendite factis,
 Bella inſtant graviora: dabit Deus his quoque finem:
 Durate, & voſmet rebus ſervate ſecundis.
 Poſt varias artes, poſt tot diſcrimina rursus
 Vi prece conſilio tentantur, & inde jubentur 90
 Diſjuncti (qui juſta monent in vincula miſſis)
 Quid ſibi conſtituant, ſecreto exponere ſcripto.
 Tentamentum ingens! ſed quo fera prælia creſcunt,
 Creſcit honos, majorem & habet victoria laudem.
 Vidi ego tot dexteras injecto in peſtora ferro
 Vulnere percuiſſiſſe levi, qua præpete motu

Pro.

Proximus dat signa sui, vitamque ministrat
 Cor, sedes ubi regnat amor, tum sanguine fuso
 Exponunt animi sensus, mentemque fidelem;
 Nec viles habitus; pretiosa insignia Regis 100
 Ætherei, se posse unquam dimittere, quamvis
 Jussa minæ horrores cruciatus vincula crescant:
 Mille etiam (si tanta homini concessa potestas)
 Sustinuisse necesse generoso accensus amore
 Quisque cupit, telisque offert cor nobile, & infra
 Rubra cruentatæ subscribit nomina chartæ.

Vidi ego (nec possum sine dulci scribere fletu)
 Tot juvenes patria pulsos, lateque per undas
 Oceani profugos, hilari bella aspera primum
 Commisisse animo, & repetita deinde corona 110
 Incerti quo jussa ferant, ubi sistere detur
 Unanimes servare fidem, promissaque vota,
 Queis selecta cohors Jesu sub nomine gaudet
 Inscribi, atque Erebi victrix odia aspera ridet;
 Nam Ducis auxilio (satis est generosa voluntas)
 Certa volat nostris semper victoria castris.
 Nec meritas tibi diminuam, Rex inclyte, laudes,
 Siqua minus recte tanti sub nominis umbra
 Firmantur, tu semper ades pietatis avitæ
 Æmulus, & tecum solio clementia regnat. 120
 Multa animum latuere tuum, nec jussa ministri
 Apte implent, sic tempus erit, quo plurima noscas.
 Noscere si dabitur, si forte benignior aura
 Dissipet obscuram, qua cingeris undique, nubem

Vidi ego (lætus adhuc depascor imagine rerum)
 Imberbem turbam immanes sprevisse Gigantes,
 Et tenues cymbas, quamvis ductore carentes,
 Immensum Oceanum, & rapidas superasse procellas:
 Jam tenues plantas vel primo flore juventæ
 Lysia maturos cælo producere fructus 130
 Miratur! Vos clausæ ædes, vos carceris umbræ
 Dicite, quid juvenis superum inflammatus amore

Pof.

Possit, & hostiles frustra heu geminate furores,
 Insidias geminate, & fraudibus addite fraudes.
 Nil valuit fictis mendax infamia causis,
 Dum specie veri centena volumina prodit;
 Nil pœnæ, nil injecti valere timores,
 Dira fames, macilenta lues, & turpis egestas,
 Crudele exilium, & certis maria alta periclis.
 Mors violenta, aut vita malis adversa futuris, 140
 Non adeo tetram nobis ostendere frontem
 Affolet, ut Jesu sacra signa relinquere cogant;
 Adsumus, & vestris docti vos vincimus armis:
 Sic ajunt; & magna licet pro Numine passi,
 Nil fecisse putant: nam si majora recurrant,
 Intrepidi cuncta expectant ad cuncta parati
 Corde avido, oblitique sui, oblitique suorum,
 Ac cælo intenti: manet alta mente repositum
 Conculcare Erebi furias, tutamque salutis
 Ire viam semel arreptam; nec flectere retro, 150
 Multa licet cursum impendant; mortalibus ægris
 Nil modo difficile est, vires nam sponte ministrat
 Numen, committunt quoties pro Numine bellum
 Audendum; propriis ni fisci viribus ausint.
 Impatiens (novus ardor agit) quisque appetit ultro
 Victima grata Deo offerri, superisque sodalem
 (Namque immortalis post fata renascitur heros)
 Translatum adjungi, & perituram spernere vitam.
 Plaudite: se vobis noscit Loyola Parentem
 Numinis ante thronum: dignis Xaverius ornat 160
 Laudibus, & charos appellat Borgia natos.
 Regis amat fratres; sociis (nam convenit ætas)
 Gaudet Aloysius; fructus & Kostka tenellos
 Jactat habere sibi similes; pluresque cohortes
 Emeritæ, quæ nostra olim vexilla gerebant,
 Quo majora vident acri certamina bello
 Exultant magis, & laudum decora ampla recensent,
 Ire, redire bonos genios, qui nuncia cælo

Læta ferant, vobisque novas ad prælia vires
 Suppeditent, palmasque legant, duplicentque coronas 170
 Præmia victori, melior cum vita resurget,
 Vidimus: æternoque inscribere singula Libro.
 Vivite felices, fortunæ plaudite vestræ:
 Vivite felices; nec vestrum aliena requiro
 Facta animum stimulare: hinc vos ad grandia Numen
 Præparat, & magno jam prælulistis honore.
 Vos dignum exemplar vobis, & nobile calcar
 Ponite, forsan & hæc olim meminisse juvabit.
 Gratia sit superis, fortunatissima pubes,
 Quis placuit tantis clara instrumenta triumphis 180
 Seligere, & nobis vincendi ostendere normam:
 Vos quoque venturis nunquam decrescite factis,
 Quin potius quantum rerum experientia crescet,
 Crescat Deus amor. Quo fit maturior ætas,
 Consolidet, vegetesque obfirmet pectore vires.

EPISTOLA IV.

Discedens ab amicis, quibuscum olim convixerat in Lusitania, postquam Venetiis Bononiam ad eos invisendos accesserat.

KAL. OCTOBRIS MDCCLX.

CUM subit illius suavissima noctis imago,
 Qua mihi cum sociis contigit esse meis;
 Dum repeto noctem, qua tot mihi chara reliqui,
 Saucia corda ferit dulcis amore dolor.
 Sæpe recrudescit peramanti pectore vulnus,
 Vulnus, quod grata cuspide fixit amor:
 Nec teneo exortos (testantur lumina) fletus,
 Et videor claris fratribus usque frui.

Ite

Ite procul, quibus infano vilescit amore
Pectus, & ex nostro discite quid sit amor. 10
Non minuunt anni, aut distantia longa remittit,
Quæ pura a summo Numine flamma venit.
Jam prope tempus erat, quo me discedere cogit
Cymba paludosis nocte vehenda locis.
Non spatium fuerat, non mens satis apta parandi,
Vos, vos cura animos occupat una meos.
Hunc celer amplexu mihi stringo, amplector & illum,
Et cunctis animi divido signa mei.
Extremumque vale, simul omnia fausta precatus
Auguror in Venetas jam rediturus aquas. 20
Ter limen tetigi, ter sum revocatus ab ipso,
Indulgens animo pes mihi tardus erat.
Tum mihi flens dico: quid me mora longa retardat?
Non patitur longam cymba parata moram.
Sit satis antiquos rursus vidisse sodales,
Quamlibet hora brevis quinque fuere dies.
Molior & reditum, loca sunt modo proxima nobis,
Nec jam disjunctos tam procul orbis habet.
Vincula solve animo; discam patienter amare,
Siste precor pectus dilacerare meum; 30
Fac minus ardeat amor, distantia parva putanda est,
Æmilia a Venetis quassa putatur aquis.
Tempore jam longo vos me caruistis, amici,
Nec grave jam vobis me caruisse fuit.
Quatuor heu! vacuos hic lustra peregimus annos,
Meque sinu retinent Itala regna suo.
In Lybia tredecim vidi flavescere messes,
Communi vobis sub Duce miles eram.
Per mare, per terras, loca per diversa remoti
Dividimur; nostri muneris illud erat. 40
Nunc parere aliis, qualem decet exulis esse,
Nunc cuique officio cura vacare suo.
Una omnes patrio tandem jungemur olympo,
Mutuus æterno fœdere junget amor.

Hæc ego dum tacitus confusa mente revolve,
Paullatim sensus convaluere mei.
Quin tamen advertam, novus ore supervenit imber,
Nempe animo nubes insidet atra meo.
Hinc nova composito scintillant gaudia vultu,
Atque iterum lacrymis immauere genæ. 50
Est aliquid vidisse suos, sed ab hoste receptos
Nescio quid socios cernere majus habet?
Nam subeunt animum, quos Lysia nostra triumphos]
Vidit, ut inferni contremuere Duces:
Et palmis dextras, & tempora cincta coronis,
Et clypeos signis cerno micare novis;
Augent vestra meo facta inclita pondus amori,
Et mihi participat gloria vestra decus.
Quos habui socios, summis Heroibus æquant
Tot nuper Lysio parta trophæa solo. 60
Oh utinam lateri vobis comes additus essem,
Et scirem expertus quid bene miles agat.
Ipse triumphales vidissem assurgere lauros,
Et vinci ignavo nescia corda metu.
Non mihi tot vigilēs agitassent pectora curæ,
Nec dolor ancipiti nuntia vana forent.
Ah quoties vestrum studiosa infamia nomen
Visa est sacrilega dilacerare manu!
Jam periere hostes; scelerum damnosa propago
Dixit, & in toto substulit orbe caput; 70
Inverecunda loco impietas bacchatur in omni,
Nec vitium occulto serpit, ut ante, gradu;
Omnes jam tuto post bella quiescere regno,
(Dum semel innumerant parta trophæa) putes.
Sola ferox vindicta animos, vultumque minacem
Servat adhuc variis insidiosa modis.
Hanc circum volitant furia, quas torva flagello
Increpat, & stympulis urget acerba suis.
Rumor & in vulgus sparlit fortasse malignus:
Jesudæ castris terga dedere suis; 80

Cre-

Credere non poteram; sed tempora dura timerè
Imbuerant miseros jam genus omne mali.
Me lacrymæ matrum, me prælia blanda sororum,
Me patriæ turbat noscere quid sit amor;
Quid sine Naclero faciet, sine remige puppis,
Quæ Ductore carens prælia miles agat?
Sed quid ago? Famam (licet est male conscia veri)
Consulo, de sociis quid ferat illa meis?
Illa, mihi pugnæ locus interdicitur, inquit;
Consulere hinc dubios cogor ubique sonos: 90
Attamen ipse tuis certum sperare triumphum
Ne dubites; faciunt plurima signa fidem;
Hos inter stabilem fixit constantia sedem,
Atque comes pietas, fasque, decorque fuit.
Relligio, & reliquæ simul hic vixere sorores,
Nec scimus fratres deseruisse tuos.
Quo feror? Et vobis quid me timuisse coegit?
Res est solliciti plena timoris amor.
Parcite: debueram vestras cognoscere vires,
Nec sociare meo gaudia vestra metu. 100
Sed modo crescit amor, quantum magis ante timebam,
Major & est tales gloria amasse viros.
Hæc mecum expendo: redeunt mihi plurima menti,
Dum prope discedens doque, rogoque vale.
Hora sonat; replico amplexus: & cogor abire,
At retro aspiciens ore, manuque loquor,
Atque iterum redeo nova signa daturus amoris,
Et dubito si cui signa minora dedi.
Disjungor tandem, neque me disjungere possum,
Dimidium in vobis sponte relinquo mei. 110

E P I S T O L A V.

Ad Societatis Jesu adolescentes

*Ex Provincia Sanctæ Fidei postquam Fano
Eugubium discesserunt.*

KAL. DECEMBRIS MDCCLXVIII.

EGregii juvenes, Italas quos misit in oras
 Sancta Fides, nam sæpe suis aptissima rebus
 Nomina conveniunt; vos dogmata sacra remoto
 Electi referare orbi, prius ire decebat
 Quo Deus ipse suam Romano Præsule sedem
 Constituit, dum bella Erebus bella aspera tentat.

Adveniet justum pugnæ (ne arcessite) tempus,
 Cum fera barbaries Romanis arcibus olim
 Immane exitium, stragesque immittet acerbæ,
 Vos proculadvectos (qui non sine Numine Divum 10
 Proximioire loco sacram accessistis ad urbem)
 Prima trophæa manent, vobis servantur honores.

Jam satis experti graviora pericula sortis
 Temnere, pauperiemque trucem, rabidasque procellas,
 Plaudite; nam magnos jam prolusistis ad ausus.

Post varios casus, post tot discrimina rerum,
 Oh pia turma, Deus vobis hæc otia fecit,
 Et jubet hic tandem tuta statione potiri
 Et mentem instruere, atque novas acquirere vires.

Vos mare, vos tellus, vos summo a culmine Titan 20
 Vel misere errantes, vel diro milite cinctos
 Vidit, & in menses Phæbe ter quinque voluta
 Delituit toties, toties pleno ore recrevit,
 Et modo vos navem dirum insultantibus undis;
 Quatantum objicitur cælum undique & undique pontus,
 Qua venti campo immites bacchantur aperto

Et

Et rauco stridore fremunt, atque aspera miscent
 Prælia, nunc tenui vestos super æquora lembo
 Arbitrio undarum, stratosque sub aere vidit
 Crudeli Borea gelidos, vel rore madentes, 30
 Undantes pluvia, percussos grandinis ictu
 Difficilem languore gravi captare quietem;
 Quin etiam cymba ejectos, ut inutile pondus,
 Vos & vestra simul nuda prospexit arena.

Sed tamen interea lateri comes addita semper
 Monstrabat lata infractas constantia vires,
 Vernantem myrtum, & florem spargebat odorum,
 Quæ præerat duris vivax patientia rebus,
 Et circum placidis volitabant gaudia pennis;
 Pone sequebantur gemitus, lacrymæque dolentis 40
 Hesperia, at voces sedat prudentia nutu.
 Quid tamen antiquos iuvat hic memorare labores,
 Lætitiæque animi, & mediis infracta periclis
 Pectora? Vos clara lassos aspeximus urbe,
 Cui nomen Fortuna dedit, temploque recepta
 Servat adhuc sine honore sui vestigia cultus,
 Subjectos fœcundat agros, cælique benigna
 Temperie adjungit facilem ad commercia portum,
 Et simul ingenuos dulci fovet indole mores.

Huc tandem advecti, reliquas ut quæque per urbes 50
 Inde iret divisa cohors, longeque morati
 Acquisita diu vestris merita ampla triumphis
 Et placidum ingenium potuistis noscere gentis.
 Cernere erat juvenem Hispano de sanguine natum
 Matris ab amplexu, patriæque e finibus ultro
 Ereptum, superis qui spes devoverat omnes
 Magnarum contemptor opum, contemptor honorum,
 Insignemque virum miti sub sidere nuper
 Degentem, insuetos nostra in regione calores,
 Ignotumque pati frigus, sed pectore forti 60
 Atque hilari vultu (quamvis majora recurrant)
 Despicere objectos, aliosque optare labores,

Longævumque senem, vel quo per lustra magistro
Bis tria cælestes didicit gens barbara mores;
Officiisque gravem, cui post tot gesta decorem
Canities veneranda addit, dum tardat arena
Multa pedes, talos sudor descendit ad imos
Genua labant, tremulos quatit æger anhelitus artus,
Et tamen ex omni collectam ætate phalangem
Exultantem animis, nil fata adversa timentem 70
Nobilis urbs vidit, lacrymisque excepit obortis;
Quisque pia invidia contemplabatur euntes
Ac retro accedens laceræ dabat oscula vesti.
Cernere erat populum undantem, lateque fluentem
Per fora, per calles, per amæna suburbia gratis
Hospitibus monstrare viam, nunc fausta precari,
Nunc plausus iterare, & laudibus addere laudes.
Vestra senes madido mirantur gaudia vultu;
Mirantur juvenes, nuptæ, innuptæque puellæ,
Matronæque graves, vulgusque volubile in unum 80
Concordes, vestrum extollunt in sidera nomen.

Et quanquam insultus nuper Rubiconis ad undas
Sustinuere omnes, populique insana procacis
Jurgia, nocturnumque imbrem clausa ostia cogant
Excipere, in nostra damnum pensabitur urbe.

Si Ligurum montes, & laxa minantia cælo
Scabra juga, & nemorosa gradu superastis anhelos,
Et pedibus partem Æmiliæ, partemque sequentis
Flaminia vicisse datum, quaque ardua surgit
Lauretana Domus dono translata superno, 90
Qua Deus ipse olim mortales induit artus;
Huc revocate gradus, hæc ultima meta viarum,
Sistite, nam stabiles tantum hinc pergetis in ædes.
Gens mundo, gens chara Deo, sed ab hoste petita
Tartareo, tandem hic post tot requiesce labores.
Sic eadem cunctis vox una ex corde profecta.

Si vos Gallorum in cymbis ceu poma canistris
Angusto congesta situ per inhospita regna

K

Neptu-

Neptuni, tenuique cibo, falsoque reſecti
 (Nec relevare ſitiri conceſſum eſt munere lymphæ) 100
 Dum Phæbus, Phœbique ſoror bis quatuor orbēs
 Abſolvunt, Ligurum deſerta in littora veſti,
 Solvitis argenti nummoſ, ſeu pondera quinque!
 Si vobis per mille dolos exhausta ſupellex
 Deſicit, experti forſan crudelia fratrum
 Pectora, qui clauſa poſſent præſtare crumena
 Commoda, conſilium, & blandō ſolatia vultu.
 Mittendi haud fuerant vix digni hoc nomine fratres
 Ad magnos gravitate viroſ, ad clara triumphis
 Agmina, ut ingreſſum arcerent venientibus urbem; 110
 Atque eſcas ſummo pretio, curruſque pararent
 Solvendo imparibus; ſic longe expellitur hoſtis
 Finibuſ e patriiſ, ſic vobis crevit egeſtas:
 Vobiſ, qui magnum huc argenti pondus & auri
 Miſiſtiſ, proprio ære malum commune levatiſ,
 Nunc vicē mutata miſeriſ atque omnium egeniſ
 Nil opiſ aſſertur, nec tantis gratia doniſ
 Redditur, ignaro ſociorum Præſide, veſtraſ
 Qui dolet ærumniſ, nam ſenſuſ corde paternōſ
 Aſſervat, ſcriptiſque ſuum patefecit amorem. 120
 Non hæc monſtra quidem caſu eveniſſe putetiſ,
 Nam quibuſ ærumniſ Numen decrevit ab alto
 Inviſtoſ tentare animoſ, ſolatia fratrum
 Abſtulit, ut toto premeret voſ pondere nimbuſ.
 Sed jam tempuſ adeſt, poſitiſ requieſcere curiſ.
 Hic eritiſ; voſ mille petunt habitacula; noſtra
 Æmula ſit tantum generoſa Faventia fortis.
 Hic eritiſ; procerum in cunctoſ, & plebiſ amorem
 Conciliant merita, & poenæ cum crimina deſunt.
 Hic eritiſ; quæ ſponte latet jam plurimā virgo 130
 Sacra Deo, claraque Heroum ab origine ducta
 Se ſe operi accingit, jam læta accedit ad ignem
 Et propriiſ manibuſ mittendaſ præparat eſcaſ;
 Jamque ſtiſpe oblata ſacraſ invitāt ad araſ

Cura sacerdotum; jam vos circumdat; & omnes
Turmatim plenīs deportant mūnera dextris.
Ipsa ætate gravis mulier de paupere tecto
Exilit, & tenui caules decerpit ab horto;
Hæc parvam adjungit (sed amoris signa) monetam,
Illa offert panes, hæc rustica mūnera fructus. 140
Vocibus adjungunt facta hæc concordia pondus,
Sic omnes uno ore suum testantur amorem.

Vos modo jam stabili juvenes in sede locati
Concipite hæc animis, series immensa laborum
Excitet, ut nullo violenti turbinis ictu
In superos decrescat amor, laudesque piorum
Calcar erunt, tanquam accensæ nova pabula flammæ.
Nam sæpe in plano languenti deficit ausu,
Ardua qui novit superare cacumina montis;
Quæque feras risit navis bene facta procellas 150
Non raro extremam patitur despecta ruinam
In portu, longoque situ consumpta dehiscit.

At navem prudens reficit Naucletus, & omnes
Sedulus in partes tabulata, & carbasa tentat,
Et puppem, & proram observat, vastosque rudentes
Antennasque, altasque trabes, imamque carinam.
Sic promptus se se irato committere ponto
Nil Boream, nil sævum Austrum, nil computat Eurum.

Nescio quid magnum a vobis, quid nobile quondam
Expectant superi, in vobis sua castra probarunt 160
Felici auspicio, vestrum est ad magna parari
Gesta; quies animi, & positis blanda otia curis
Non incassum abeant, tempusque apponite lucro.
Concipite ardentes quæcumque ad prælia vires,
Ne merita ærumnis, & tanto parta labore
Desidiæ languor, somnique ignavia perdat;
Quæ tam conspicuos arbor tulit aurea flores,
Maturus edat decreto in tempore fructus.

EPISTOLA VI.

Ad Societatis Jesu adolescentes Provin-
ciæ Aragoniæ.

De peculiari B. M. V. præsidio.

KAL. MARTII MDCCLXIX.

Virgo Parens nostros dudum miserata labores
Tristitiæ dat signa suæ; si forte dolentem
Appellare licet, quæ Numine mersa supremo
Divino exhilarat divum consortia vultu.

Hinc illa ærumnas sociorum spectat Jesu
Et merita expendit, pretium fructumque laborum
Numinis ante thronum charos memorare clientes
Gaudet, & ut genitus sociorum nomine claros
Ornavit, sic illa suos Dea maxima natos
Nominat, & tanto Mater dignatur honore
Jam longa exilia & rerum discrimina passos.
Quoque videt graviora pati & crudelius angī,
Hoc magis effigiem Nati cognoscit in illis,
Et Jesu socios ad Jesum accedere gestit,
Ac propiore sequi Domini vestigia gressu.

Tum gremium ostendit, quo sarcina grata quievit
Ipse Deus, dulcesque sinus atque ubera signat,
Quæ quondam exfluxit mortalem indutus amictum
Omnipotens Infans cælesti nectare pastus;
Ora, quibus Puero sæpe oscula dulcia fixit,
Brachia in amplexus dulces adstricta vicissim,
Et reliqua instrumenta sui manifestat amoris;
Cor quoque transfixum crudeli vulnere monstrat
Designatque locum, quem tunc pertransiit ensis
Terque quaterque redux; Domini tum corde micantes
Fixa oculos: hæc corda, inquit, mortalibus ægris
Per-

Perfugium commune suis cultoribus aræ
Instar erunt, finemque ferent miserata laborum.

Tum simul in terris animi dat signa faventis;
Testis ades, Magne Ignati Pater optime gentis 30

Afflictæ: nec sacra oculos modo fallit imago.

Ante fores Templi spirantia marmora vitam
Communis noxæ expertem, morsuque draconis
Intactam referunt Divam: jacet anguis, & ore
Lethiferum rodit pomum, pedibusque prementem
Invitus patitur, sinuosa volumina torquens.

Splendidus Dea sole micat, subjecta deorsum
Sustinet adstantem media inter cornua Phœbe;
Astra ferunt rutilam in gyrum duodena coronam.

Aspicias ut teneros inspiret pectore sensus 40

Diva potens cæli? ad summos quam Numen honores

Præparat? illa oculos fulget dejecta modestos

Conjunctasque manus regna ad cælestia volvit.

Sed tamen expulsis templi custodibus, ora
Mutat, & auxilium veluti oratura supernum
Attollitque oculos, transversaquæ brachia cordi
Admovet, observant omnes (namque omnibus ultro
Prodigium patuit, nec causa incognita facti)

Ut crucis in speciem stringens ad pectora palmas
Angores animi, & sedem designat amoris. 50

Sed jam confuso reboant loca cuncta susurro,
Per fora, perque vias cunctis Dea suggerit amplam
Materiem, & crebris implet sermonibus aures.

Plurimus interea templi loca proxima miles
Custodit; populum adstantem, lateque fluentem
Expellit procul, atque aditum venientibus arcet,
Sed frustra; quis enim vulgi premere ora vel urbis
Excæcare oculos valeat, ne brachia cernant

Marmoreæ mutata Deæ, vultusque precantes?

Utque fides facto accedat venientibus annis, 60

Judicio causa excutitur, czloque negatur
Adscribi, & quæcumque ævo miranda futuro

Eveniant; & vana rudis quasi fabula vulgi
 Despicitur; sic lata auget sententia pondus,
 Dum reprobatur dubiis non convenientia verbis
 Argumenta adhibent testes, & in arte peritus
 Effigiem observans fracturam in marmore nullam
 Nullaque signa notat primam testantia formam;
 Ast occulta manus longeque peritior istud,
 Quod cernis, perfecit opus, nec plurima quæras;
 Sat loquitur signis, aliis servantur honores, 70
 Qui poterunt claris arcana agnoscere verbis.

Nescio quis mentem, quis me novus incitat ardor!
 Abripior, rapidusque feror, Balearia longe
 Littora diffugiunt; læva admiratus Iberum
 Prospicio fallis amittere nomen in undis;
 Jamque ferax altos offert Catalaunia montes,
 Barcino me facili recipit ditissima portu.
 Ingredior qua parte suos servabat alumnos
 Diva parens, sobolem egregiam, juvenesque senesque
 Emeritos: alcendo gradus, sese obvia primum 80
 Exhibet ante oculos Divæ (nec fallor) imago.
 Seu Zeufis pulchrum artis opus, seu pinxit Apelles.

Illam loci custos, ubi sacra silentia quondam
 Fas decor integritas pietas & candida virtus
 Incoluit, fixitque suam sapientia sedem.
 Hæc præses studiorum; hæc pulchri mater amoris
 Atque spei; cui mentem omnes, & corda sacrabant;
 Diva animos rapit una meos; vellem oscula plantis
 Figere pronus humi, sed me nova monstra retardant,
 Et radii e sacro, ceu fulgur amabile, vultu 90
 Emissi; velut ora movet, sed verba loquentis
 Effugiunt; cæleste melos, suavissima vocis
 Me species fallit; nec me meruisse fatebor
 Sensa introspicere, & voces agnoscere Divum;
 Ast ætate minor, magnis virtutibus heros
 Dignus erit; video juvenem tria lustra ferentem,
 Felicem juvenem! arrectis ille auribus adstat,

Ille

Ille retro amotis suspensus in aera plantis,
Deficiunt qua parte gradus, immobilis uno
Perstat in obtutu, atque oculis defixus inhæret. 100
Principio dolet illacrymans, dein gaudia præfert,
Et veluti bibit aure sonos, capit ore nitores.

Gens assueta dolo, magnarumque inscia rerum
Excudit; atque loco renuentem dimovet, auxit
Namque intenta animi virtus in corpore pondus,
Et sacra obliquos dum figit imagine vultus
Avelli dolet, atque suos suspirat amores.
Obstupere omnes, primaque in sede reponunt
Immotum juvenem; magnis clamoribus urgent,
Nil tamen advertit, vox dulcior occupat aures; 110
Vestibus arripiunt, totam sublimior implet
Cura animum, pulsam observant, venasque latentes,
Corque micans (nam corde refert signa omnia vitæ)
Sed numquam accitus tam docte exercuit artem
Cultor Apollineam, quam cum nulla arte mederi
Huic morbo, si morbus erat, se posse fatetur,
Excessumque animi cælesti ab origine ducit.
Qui tandem sacras urbis moderatur habenas,
Admonitus jubet ire virum, cui munia prudens
Dividit, officioque gravem, sociumque laboris. 120
Hic non auditis iterat tentamina verbis:
Sed tandem verbis, accito Numine, pondus
Addidit, a dulci videas emergere somno,
Stare loco immotum, seu respondere paratum,
Et faciles quo jussa ferant jam volvere gressus.
Qui puero virtutis erat morumque magister,
Atque ipsi præbere aures, veniamque solebat,
Missus in exilium, pelago jactatus & alto
Abfuerat, suppletque vices de more sacerdos.
Oh utinam mihi nota forent, quæ Diva benigno 130
Prædixit vultu, & commissa fidelibus hærent
Auribus, at nunquam nobis audita referre
Concessum, quod jura sacris vetuere ministris,

Dum tamen attonitus delector imagine rerum,
 Abripior rursus proprias revocatus in ædes;
 Sed defixa manent animo, semperque manebunt
 Visa prius: non quæ meditatur plurima cælum,
 Quid portenta ferant, quo Divæ oracula tendant,
 Agnosco, at pectus cælestia gaudia mulcent,
 Nec nisi felices promittunt omina sortes; 140
 Cum bene apud memores veteris stet gratia facti,
 Tu mihi Virgo Parens rebus solamen amaris
 Semper eris, tu certa meæ spes unica genti.
 Proh quam difficile est donis cælestibus uti!
 Nam sese insinuat concessio vana favore
 Gloria; tum sensim meritis confidere nostris
 Incipimus: pia simplicitas & candida virtus
 Ingenito splendore caret: scelera impia vitat,
 Sed non cælicolum penetrare arcana meretur.
 Oh quondam dilecte Deo felicior esses, 150
 Si sciperes minus, & felix minus ante fuisses.

Vos tamen oh juvenes, queis tecta habitare beata
 Contigit, effigiemque Deæ vultusque tueri
 Sæpius, ad rupes quondam stabula alta ferarum
 Nunc revocate animos: vestris in finibus extant
 Manrelæ rupes, nostro dilecta Parenti
 Effugia, & summis celebrata habitacula Divis.
 Nempe magisterio doctus Loyola superno
 Hic opus exegit, quod nec vis dira, nec ignes
 Nec poterit ferrum, nec edax abolere vetustas: 160
 Sed scriptor, non auctor erat, delapsaque cælo
 Conspicienda oculis sensus Dea suggerit omnes,
 Singula verba notat folio tradenda fideli
 Lumine mentem implens, mira dulcedine pectus.

Sic Divæ effigies vestris in finibus exstat,
 Cui quondam Loyola enssem, galeamque sacravit;
 Atque moras longo impastus dum tempore traxit,
 Nescius ipse sui Divaque intentus in una
 Delicias & opes, perituraque gaudia tempfit,

Fatalemque Erebo jam tunc accire cohortem 170
Decrevit, magnosque animum formavit ad ausus.

Vos equidem oh juvenes, (nec me decora alta retardant)
Alloquor, & quamvis cælo concessus ab alto
In cunctos transfertur honos, magnæque Parentis
Officia, a vobis cuncta emanasse fatemur.
Fons qui longinquos crystallinus irrigat agros
Felicem in vestris jactat regionibus ortum.
Felices urbes, felicia montibus antra!

Cuncta polus miris decorata favoribus ornat.
A prima ornavit nascentis origine turmæ, 180
Ornat adhuc, omni nam sic meruistis in ævo.
Nunc superest servare fidem, descriptaque cælo
Nomina venturis non stulte abradere noxis.
Quæ magis excolitur, magis est dilecta colono
Et magis impenso respondet terra labori.

Tarraco vos nuper primævo in flore juventæ
Excepit gremio, vultu vos Diva benigno
Servavit, largaque tegens sub veste clientes
Multa animis documenta dedit; vos fulmina belli
Tartarei timuere Duces, Diva auspice vestros 190
Ipsi hostes, dum bella augent, auxere triumphos.
Nec tantum incipiunt pugnæ tentamina; fortes
Irruit in juvenes totus exercitus armis.

Irruat: exilium, insultus, maria alta, procellæ,
Dulcis amor patriæ, suspiria blanda sororum,
Materni fletus, genitoris amabile nomen,
Et fratrum modo plena minis, modo verba querelis,
Et comitum monitus, promissaque magna faventum,
Quidquid id est, sive optandum, seu forte timendum,
Arma quidem violenta forent; quam certa triumphis 200
Nunc ea jactat ovans mendax infamia, nunc fraus
Livor, & impietas! clypeum sed Diva ministrat,
Quæ vel sponte cadunt, vel jacta retunditis arma;
Et quamquam insultus rabido permittat in hoste,
Suggerit illa paræs animos, victoriam vestro

Lin.

Linquitur arbitrio, satis est si vincere vultis.
 Quin etiam mundi illecebræ, quin gaudia vobis
 Sunt odio, & dulces reddit pia Virgo labores.
 Tanta Deæ virtus, tam cæcus in hostibus error!
 Illi nota quidem venturæ tempora pacis, 210
 Sed modo vos oculis partes comitatur in omnes,
 Auxilioque auget firmas in pectore vires,
 Nunc vos, nunc genitum subridens prospicit alto
 E folio, & roseas textit studiosa coronas,
 Alligat illa rosas, quæ non marcescere possint
 Dextra, quæ Dominum quondam recreare solebat
 Blanditiis, fortunæ hilares jam plaudite vestræ,
 Jam cælestis odor nostris diffunditur oris;
 Dextra qua quondam abstersit sudore madentem,
 Ut sua jam vobis exempla relinqueret Infans, 220
 Ne Duce Divino renuatīs ferre labores;
 Dextra qua madido lacrymas abstersit ab ore
 Dum puer heu! crimen quod jam præviderat ingens
 Hostibus in vestris, fletu plorabat amaro.

Non ego Virgo Parens, terras quas sæpe beasti,
 Atque ubi materni tot amoris signa dedisti
 Præcipuosque Duces sacræ elegisse cohortis
 Tum placuit, dignosque tibi conducere pergis
 Tot juvenes (patriam Heroum appellare licebit)
 Non ego sæpe tuo decoratas Numine terras, 230
 Quas miris dignata modis, (dum vita manebat)
 Visere, jussisti cælo instructore columnam
 Marmoream erexisse, & Te super ipsa locasti,
 Æternum auxilii monumentum, & pignus amoris;
 Terras, quas nosti sacris cultoribus aptas,
 Crediderim longo carituras tempore Divum
 Præsidio, & turmas peregrina in regna vocari,
 Sed mihi sorte datum cæli decreta vereri,
 Indagare tamen vetitum, suspiria tantum
 Emittam prostratus humi, quæque aurea messis 240
 Expectat falcem, meritis insignibus urbes,

Tot

Tot populi, tot Regna urgent vota addere votis.
 Immo etiam nostræ jamdudum assueta phalangi,
 Quam sæpe ad miseras transmisit Iberia terras
 Gens procul a nobis ultra Garamantas & Indos
 Ingemit, & magnæ supplex America Parenti
 Vota offert, precibusque preces communibus addit.

Vos tandem oh juvenes, majorum exempla secuti
 Quod Pater Omnipotens superis decreverit astris,
 Ferte hilares; sævis seu tempora dira procellis, 250
 Seu tranquilla fluant, mentem servate fidelem,
 Constantes servate animos, fidissima cælo
 Pectora, sint calcar meritis prius acta futuris.
 Inque dies major sensim & maturior annis
 Accrescat virtus; magnæ ne forte Parenti
 Displiceat charos vos dudum habuisse clientes,
 Interea exercere animos, viresque probare
 Sæpe juvat, modo venturis præludere bellis,
 Et promptum (ceu castra polo dilecta) mereri
 Auxilium, inde preces siquid mea carmina possunt 260
 Fundite; sit vestrum Divæ mihi gratia donum,
 Hinc alios tantæ dignos quoque reddite sortis.

EPISTOLA VII.

Ad Patres Societ. Jesu Provinciæ Castellæ.

*Quod vix eorum aliquis defecerit, tribuitur SS. Ignatio
 & Xaverio, quorum patria intra hujus Provinciæ
 limites continetur.*

KAL. JULII MDCCLXIX.

COncipere ardentem generoso in pectore vires;
 Et prima intrepido ruere in certamina vultu,
 Jam dudum electas laus est comitata cohortes;

Ma-

Magna quidem, non rara tamen; sed rebus amaris
 Quæ numero, quæ fine carent, cum turpis egestas,
 Et malefuada fames, fraudelque dolique maligni,
 Angustum exilium, rapido violentia cursu,
 Indocilis livor, mendax infamia bello
 Miscentur, sævisque urgent maria alta procellis,
 Quaque putabantur fessis solatia turmis 10
 Hauriri, nova se prodit seges ampla malorum:
 Tunc in militibus quamvis ad magna paratis
 Constantes servare animos, mentemque fidelem,
 Hoc opus, hic labor est; dira obsidione cohortes
 Sæpe vides alacri fossas & mœnia vultu
 Tentare, ignitosque globos flammamque volantem
 Projicere in clausos dextris audacibus hostes.
 Nec minus internam Dux imperterritus arcem
 Undique custodit, nunc hos nunc excitat illos
 Providus, & partes volat irrequietus in omnes, 20
 Damna prius reparare agilis, tum mutua damna
 Inferre, & telis inimica laceffere castra.
 Si tamen in longos bellum producit annos,
 Et simul unito glomerata pericula surgunt
 Impete, pars numero inferior se subtrahit hosti.
 Languescunt animi, vires in pectore rodunt
 Tædia, ut inficitur durum rubigine ferrum.
 Sic primos quamquam assultus formidinis expers
 Sustineat generosa cohors, nisi prælia cessent, 30
 Hæret adhuc dubiis anceps victoria pennis
 Communi dum Marte alacris pars utraque certat;
 Et forte eveniet magnos numerare triumphos,
 Tum dare terga hosti, & propriis discedere castris.
 Quid tamen ambiguis memorant vos carmina verbis,
 Egregii pietate viri: tot adire labores
 Loyolæ sobolem excelsam, tot voveré casus
 Compulit immortalis amor, ne Numine læso
 Deficerent, dum bella Erebus movet horrida, turmaz
 Namque olim Loyola acies, Dux ipse supremus 40
 In

In socios tanti diviso munere belli,
Instituit, normam expertus legesque probatas,
Et documenta dedit Ducibus servanda futuris
Tartareos contra insultus Erebiq[ue] furores:
Ne summi Rēgna alta poli, sedesque beatas
Amittant homines superum ad consortia nati.
His etenim Numen vitæ immortalis honores,
Gaudia divitias, cumulum & genus omne bonorum
Decrevit, dignis ut debita præmia factis,
Præmia magna quidem, at nobis merita ampla ministrat 50
Ipse Deus, nec tanta homini meruisse potestas.

Infernæ furia, quondam gens hospita cæli,
Invida quod summis expulsa e sedibus orcum
Nunc habitet, pœnasque animi scelerata superbi
Æternum luat, atque homini loca perditā cedat,
Bella movet, semperque inhians mortalibus omnes
Convertit sese in facies, artesque nocendi
Mille adhibet; nunc illa dolis, nunc viribus usa
Et mundi illecebras, sensusque ad inania pronos
Gaudia consortes bello sibi jungit iniquo. 60

Et quamvis homini satis est, si vincere mavult,
Nam promptum auxilium, fortesque ad prælia vires
Suggestit omnipotens summi Moderator olympi,
Immo etiam dat velle simul, dat posse roganti;
Sæpe tamen ruere in præceps tot castra videmus
Sponte sua, & pectus jaculo præbere cruento.

At Deus a summo casum miseratus acerbum
Descendit cælo mortalem indutus amictum,
Atque viam edocuit, qua nos testā alta subire
Convenit, invictusque Erebo bella aspera movit. 70
Tum socios tantorum operum, charosque sodales
Accivit; numeroque augens majore cohortem,
Sive Duces belli, seu sancta in lege magistros
Appellare velis, totum divisit in orbem.
Numinis exemplo plures labentibus annis
Surrexere Duces, lectisque cohortibus orco

Bella

Bella indixerunt miris decorata triumphis.

Hos inter postquam accivit Loyola phalangem
Tartareo prima ante alias invaditur hoste;

Vel quia servet adhuc robur cordisque vigorem 80

A Duce transfusum, quod jam conceperat ortu,

Ut plures Erebi prædas acquirat olympo;

Vel quia paullatim generosa per agmina torpor

Infinuat sese, & Numen sua castra probare

Constituens, vigilantem animum curamque paternam

Subtrahere, atque Erebo laxare videtur habenas;

Ut turmas superare sacras, quin tollere nomen

Et genus invisum, jam spe sibi fingat inani.

Jam sibi depresso lætus canit hoste triumphum,

Gaudet ovans, quod prima octo gens Lysia turmas

Expulit, & multis affinxit crimina factis. 90

Agmina quinque suis ejecit Gallia castris;

Non tamen illa viros, sed Te, Loyola, parentem

Damnavit, legesque tuas & jura refellit.

At prudens nullas signavit Iberia causas,

Quæ primos sæcunda Duces donaverat aris.

Quatuor ipsa sinu servabat læta cohortes,

In sibi subjectum septem diviserat orbem.

Quos amplæ pars magna Asiæ, quos Africa tellus,

Quosque ferax America sinu gavisâ fovebat, 100

Amisisse dolet, medioque Europa recisos

Ingemit, observans campos, ubi castra fuere.

Adde, quod exul adest magnæ pars una phalangis,

Qua liquido videre Itali Phaetonta sepulchro.

Tum quæ scylla fremit, sævitque adversa charybdis,

Et flammam eructant montes cum sulphure, turmas

Projiciunt duo regna suas, quæ prima salutant

Solis equos pelago emersos; sic hospita mundi

Italia obstrictæ visâ est decrescere genti.

Nec satis hæc: video totum nigrescere cælum, 110

Aera densari, & tetra caligine nubes

Nescio quid gravidæ nobis fatale minantur.

Im-

Impendent capiti jam jam nova fulmina nostro,
Ni Zephyrus favam, vel mitior aura procellam
Diluat, & cælo radiet lux alma sereno.

Nec mirum in nostris firmo pede sistere castris,
Cum laudes hominum, (quamvis pars altera passim
Detraheret plausus) animos, & gloria calcar
Addebant, cum grata seges sudore rigata,
Et virides fuso crescebant sanguine palmæ. 120

Tunc notos perpeffa hostes immota manebat,
Nunc dispersa tamen, parvoque inclusa theatro
Insolitis irrifa modis, passimque relicta
Militiæ lociis, & quæis pugnare solebat
Jam spoliata armis, constantem rebus in arctis
Exposcunt animum, fidumque cohortis amorem.

Loyolidæ tredecim, ter denaque castra tenebant;
Quatuor, & tredecim tantum numeranda supersunt,
Atque utinam numerus nunquam decrescat in illis,
Quin immo amissas reparent cum fenore vires. 130

Sed quacumque tamen totum dispersa per orbem
Agmina jactentur, semper fidissima cælo
Servari Loyola petit; nam sæpe malorum
Iliade oppressus, non ille laboribus unquam
Præscripsit metam, at votis optabat anhelis
Quæ reliqui timuere homines: hæc vota magister
Exemplo docuit seclis servanda futuris,
Hæc turmis documenta suis, normamque reliquit.

Tu socios inter, quamvis toto orbe remotus,
Qui primum obtinuisse locum, Franciscæ mereris; 140
Delicias, quæis sæpe tuum pia Numina pectus
Mulcebant, procul esse rogas: sed pectore forti
Plura & plura pati votis sitientibus optas,
Cum numero, cum mole graves oppressus acervo
Lætariis pluvias a cælo grandinis instar
Effluxisse cruces, ut prævia signa laborum,
Quos tibi jam Ganges, rapidusque paraverat Indus,
Prima ubi purpurei rutilant cunabula Solis.

Ergo

Ergo agite illustres animæ, clarissima gentis
 Nomina, qui proprius majorum exempla secuti 150
 Pectoris infracti reliquis monumenta dedistis;
 Vestra cohors octo plusquam centena virorum
 Describit, vix octo viri (mirabile dictu)
 Deseruere suos tam sævo in Marte sodales.
 Nostra quidem (fateor,) series numerosa cohortum
 Non adeo strictis arctatur legibus, ultro
 Dimitti, medioque valet discedere campo
 Libera, nec clausos objectant limina postes.
 Sic placuit statuisse, ineat ne prælia miles
 Invitus, meritumque addat generosa voluntas. 160
 Ut virtus animi roburque ad bella probentur
 Tyronum, studium duplici protenditur anno,
 Restat adhuc suspensa bilanx in utrumque parata,
 Hæret & in bivio miles, tria lustra merendo
 Tranfligit, ut justo librentur pondere gesta
 Singula, & ut castris tandem indelebile nomen
 Inferat; heu! nomen dudum indelebile, multis
 Horrida tempestas nunc sævo turbine radit.
 Hæc ego dum tacitus confusa mente revolvo,
 Nuper visa miki fictis prudentia signis, 170
 Sic oculos, sic illa manus, sic ora ferebat,
 Cuncta. Deæ similis, vultu composita sereno;
 Pone modum longis animi cruciatibus (inquit)
 Imminui si forte vides toto orbe cohortes;
 Partem mole gravi series inopina laborum
 Opprimit, exilium mærores vincla procellæ,
 Felices qui jam parto occubuere triumpho.
 Consilio meliore suis pars altera castris
 Subtrahitur; quid enim vegetis lenta otia prosint
 Militibus? quos non aditus, non area pugne 180
 Ulla manet; queis tela manu spes dempta gerendi?
 Sed si tantus amor prædas acquirere cælo
 Facundo sive ore tones, & fulmine linguæ
 In rostris vitia exagites; seu scribere mavis,

Romanæ ut Fidei causam tueare docendo
Seu potius monitis placide suadentibus optes
Instillare animis dulcem pietatis amorem,
Sive reos audire ultro commissa fatentes;
Aut mentem instruere, & cultam exercere juventam
Artibus ingenuis, sanctosque inducere mores, 190
Deposuisse juvat primum cum nomine vestem
Omnibus invisam; quondam fuit illa decori,
Nunc meritum & pondus factis illustribus aufert.
Quid gladium asservare juvat, quem lurida rodit
Ferrugo, quique ad nullos adhibebitur usus?
Si cultro indigeas, gladio tibi confice cultrum,
Paucula fac saltem, fieri si magna vetantur.

Talia dicentem, sed dicere plura parantem
Aversis horrere oculis, vultuque minaci
Incipio, mirorque Deam tam stulta profari. 200
Tum nares offendit odor, qui sulphuris instar
Indicat hanc larvam stygiis venisse cavernis.
Proxima servabant Lojoram scrinia, tecto
Stat capite, alatum baculo minitante Draconem
Inflammatum oculis, spumas rabido ore vomentem
Impetit; objecta terretur imagine fallax
Forma Deæ, in nigramque fremens evanuit auram.

Tum mihi cælesti delapsus Xavier aula
Constitit ante oculos; nec vana illudit imago
Ancipitem; tanta implebat dulcedine mentem, 210
Tanta serenato fulgebat gratia vultu!
Tum mihi conspicuis reteggit fallacia verbis
Consilia, & pretium ostendit, fructumque laborum,
Quæ miles non sponte subit; Deus arbiter esto,
Tum nobis offerre animos ad magna paratos
Sit fatis; utque labor, sic otia jussa probantur.
Non tamen indoleas, inquit, si plurimus agmen
Desertor forte imminuat; namque unica virtus
Non numerus cælo eligitur, damnabitur error
Infidis profugis, sed eodem castra vigore 220

Auxiliante polo constant; ea sensa magistro
 Lojola didici; & quondam dum vita manebat,
 Hæc mihi mens fuerat victuris tradita chartis;
 Exeat a castris, proprio quicumque labores
 Eligit arbitrio; si plures inficit error,
 Ad magnos satis est unum superesse triumphos;
 Unus ad extremas potuit divertere gentes,
 Ignotos penetrare Indos, atque intima tutus
 Regna Malabariæ, & postes superare Sinarum.
 Dumque Europa decem vidit flavescere messes, 230
 Me populi videre Asiæ velocius aura
 Per mare per terras per inhospita regna volantem,
 Ut decies terrarum orbem metirer eundo.
 Millia mille vices hominum, & bis millia centum
 Volve animo; tot enim ablueram lustralibus undis;
 Adde etiam plures, quos sacra ad limina duxi.
 Sed tamen electus, sed cælo missus ab alto;
 Nam cum lenta mihi præscripserat otia cælum,
 Delitui, clausique accensas pectore flammæ.
 Non oritur nostri fructus seges ampla laboris, 240
 Quamque alius nunc falce metit, debetur egeno
 Forsitan ignoto; penetralibus ille remotis
 A cælo auxilium roremque precatur & imbres.
 Sic quamvis messem multo sudore rigatam
 Colligere exoptes, vacua miserabile dextra
 Invenies lolium, nisi Numen vota secundet.
 Non iter ad superos, nisi qua nos Numen ab alto
 Evocat, hac merui, quos tu miraris honores;
 Quamvis solus amor fuerat, non præmia calcar. (250
 Quid tamen hæc? propone animo, quod imagine servas,
 Exemplar, venerare Ducem, venerare Magistrum,
 Communem venerare Patrem, vel rupe latentem
 Manresæ; vel dum viles sibi quæritat escas,
 Vel dumpannoso vestes commutat egeno,
 Sive ægros inter, pelago nunc cerne vagantem,
 Nunc terris peditem, risuque, & fuste petitum,
 Nunc

Nunc vinclis, nigraque sepultum carceris umbra.
Aspicit has inter si vos Lojola procellas,
Ipse sui dignas gaudet cognoscere turmas,
Dimittique monet, quos vili pectore nescit. 260
Tempus erit (Siculo nuper prædiximus ægro
Optatam a cælo dignati afferre salutem)
Cum selecta suis exercitus agmina ducet
Huc, illuc distincta locis! tunc sæcibus aurum
Purgatum mirum sparget toto orbe decorem.
Dixit, & in proprii se luminis occulit umbram.
Ipse diu immotus defixi lumina cælo
Auribus arrectis, & adhuc haurire videbar
Mellifluosque sonos & dulcia verba loquentis.
Inde abii in lacrymas, neque enim cognoscere plura 270
Dignus eram: hinc proprias perlustrans undique vestes,
Quamvis attritas usu, lacerasque rudesque
Amplector, stringoque sinu, tum dulcia figo
Oscula, vos (aio) tanti servanda Parentis
Signa mihi, signa obscuro servanda sepulchro,
Nec dum vita manet, nec vos post fata relinquam.

Si mihi tam dulces instillat pectore sensus
Xavier, & tenui Loyola in imaginis umbra,
Quantum erit in vestris virtus animosior oris,
Quas patrio Lojola beat, quas Xavier ortu? 280
Ipse (fatebor enim) dum me recreabat imago
Alterius, dum sensa alter divina monebat,
Vos, animæ illustres, sub eodem fidere natos
Mente simul fixos, imoque in corde tenebam.
Quos ego mirabar, tacito mihi visus uterque
Laudare, exemplumque aliis proponere nutu.
Si Patriam contemptor opum, contemptor honorum
Sponte exul, nullos iterum rediturus in annos
Deservit Lojola, illam nunc lætus ab astris
Se dignam, & multa sæcundam prole revisit. 290
Vos natos vocat ille suos, charosque sodales
Xavier, & dulci repetunt cum nomine laudes.

Si Patriæ lacrymas olim contempsit uterque
 Non odium, sed sanctus amor pia pectora movit.
 Nunc eadem pietas Patriæ suspiria coget
 Solari, flectuque undantes tergere vultus.
 Non ego quæ vestris monumenta perennia Regnis
 Vester amor memori servat pietate, canendo
 Evaleam enumerar, tui quæ signa supersunt,
 Jesuadum Princeps, quæ prima in luminis auras 300
 Eductum, quæ testâ olim videre puellum,
 Atque ubi crura iterum cultro resecanda dedisti,
 Crudelem absorbens generoso corde dolorem:
 Aut ubi causa animi dum quæris fallere tempus,
 Heroumque acta, & virtutum exempla revolvīs,
 Se pietas sensim insinuat, jamque æmula flagrat,
 Atque aliena tuis normam proponere gestis
 Diu amor tacite illapsis in pectore flammis
 Excitat, & magnos animum formavit ad ausus.
 Sæpius hic tenuere oculos consortia Divum, 310
 Hic prostratus humi supplex in vota jacebat,
 Angulus hic sævis lacerantem membra flagellis
 Viderat, hic miseris solatia præbuit ægris;
 Hic quondam hospitio exceptus, cum maluit hospes
 Esse inopum, quam Fratre domum invitante paternam
 Incolere; hic populo sparsit documenta salutis.
 Vix tamen incepti tanti memorare Parentis,
 Et nate illustis, quæ plurima, Xavier, extant
 Mille locis monumenta tuam testantia famam,
 Ecce recrudescunt peramanti vulnera corde, 320
 Et mixtus pietate dolor, quis talia volvens
 Temperet a lacrymis? sed jam solatia nostro
 Fœnore multiplici veniunt concessa dolori.
 In Natis, Loyola, tuis, in Fratribus orbis,
 Xavier, agnoscet vestros in imagine vultus.
 Quantum olim valere Duces nunc agmina monstrant,
 Tantorum Heroum tot clara exempla secuti
 Eximia virtute viri regna externa quærunt

Ex-

Expulsi, vobisque pares meruere vocari.
 Ergo agite illustres animæ, quas Patria felix
 Edidit, & dulcem precibus mihi quærite sortem, 330
 Me miserum ut natos Lojola recenseat inter,
 Xavier immeritum Fratris dignetur honore.
 Vestra meo pietas sic respondebit amori,
 Et bene promeritos de me vos esse fatebor,

EPISTOLA VIII.

Ad Socios Mexicanæ Provinciæ
 præcipue

*Ad viginti & unum minoribus, & sacris ordinibus
 nuper initiatos*

De reditu in Provinciam Augurium.

KAL. SEPTEMBRIS MDCCLXIX.

MExiaci decora alta soli, qui ditia nuper
 Regna colebatis septem subiecta trioni.
 Hic varios creat unda sinus, & plurima nautis
 Insula tardat iter; tellus hic inde propinqua
 Cogit in adversum vigili deflectere clavo.
 Parte alia fluctus longo Caliphornia tractu
 Dividit, extremosque abscondit inhospita fines.
 Hic mare pacificum sævis immune procellis
 Spectat utrumque polum, & nostro commercia ponto
 Vix servat, non visa Italibus ubi sidera fulgent; 10
 Sed cur longe abeo? Vestras redeamus ad oras.
 Hic ubi gens quondam argento ditissima & auro
 Imperium late extendit, sedesque locavit,
 Postquam multiplici confusa idiomate turrim
 Deseruit, monumenta animi imperfecta superbi,
 Hic ubi terra offert sapidos uberrima fructus

Europæ ignotos, segetes duplicantur in anno,
 Versicoloratis colles & culmina gemmis
 Splendescunt; pretiosa suis nemora ardua sylvis
 Intonsum caput ad cæli confinia tollunt,
 Vivida caruleæ transmittunt lumina conchæ 20
 Naturæ ludentis opus, quæ mobilis auræ
 Alatas mira depinxit veste phalanges.
 Temperiem cæli faciles comitantur ad usus
 Orta salutiferis passim medicamina campis;
 Nec tantum dives, qua se spectabile prodit,
 Ridet ubique solum, sed si cava viscera quæras,
 Imensas abscondit opes, queis ditat Iberus
 Sæpe percussio venientes æquora classes.
 Quid referam mediis quæsitum a fluctibus usum?
 Et geminas a rivo urbes, & versa deorsum 30
 Tempia domos calles elata palatia, moles
 Conspicuo ostentare joco, cæu quæque triumphum
 Jactitet, & primum ducat sibi laudis honorem?
 Sive undam observes, tot ligna domosque vagantes
 Miraris, queis nec numerum nec nomina quæras.
 Sive urbem, qua mundities, qua splendida rerum
 Pompa nitet, Procerum vilescit vestibus aurum,
 Vilescunt gemmæ, queis crinem & pectus inumbrant
 Matronæ, tu nexa simul parva astra putares
 Descendisse polo, & varios sumpsisse colores. 40
 Tum jubar emittunt rapida velocius aura
 Innumeri currus: retinet pulcherrima fixos
 Forma oculos; auriga rotat dum tortile flagrum.
 Ignescunt patulæ nares, & compare motu
 Incedunt, flecluntque viam mira arte jugales.
 Divitias cuncta ostendunt & cuncta decorem.

Sed quid ego! maiora vocant; vos parcite vati,
 Extenuat magnas humili si carmine laudes.
 Namque per ignotos audax Hispania fluctus
 Vix ubi detexit priscis abscondita seclis 50
 Regna, novumque orbem, vestras Dea maxima terras
 Fle-

Elegit delapsa polo, quo regna bearet
Cætera, Mexiacis folium sibi fixit in oris.
Hic miris affata modis sibi templa fac æri
Jussit, divinos promens in imagine vultus.
Servanda æternum populis ea signa reliquit
Electis, signa auxilii manifesta perennis.
Florum inimica lues, crudeli frigore terras
Obdurabat hyems, glaciemque ferebat & imbres;
Cum placuit Divæ placituram imponere legem; 60
Utque fidem adstrueret, non incussura timorem
Monstra adhibet, sed grata oculis miracula profert.
Rustica simplicitas timida vix excipit aure
Imperium, documenta fidem testantia quærit.
Profert Diva rosas, intacti signa pudoris.
Ante alios Divæ placuere rosaria flores;
Nam rosa contactum spinis armata profanum
Longe arcet, frondes inter studiosa decorem
Servat, & in mediis se pulchrior explicat umbris,
Cum solis petitur radiis evanida languet. 70
Quas Superum Regina suo sub nomine gentes,
Et gremio excepit, vestris committere curis
Decrevit magnæ soboles divina Parentis.
O animæ illustres, o gens gratissima cælo!
Quod tanto Omnipotens vos sit dignatus honore
Gratulor, at factæ laudum seges ampla recenti
Exoritur, quod vos acri certamine dignos
Noverit, & longo sibi pectora fida probarit
Exilio, quique exilium comitantur acerbum
Non intermisso gravium torrente laborum. 80

Ac veluti fulvum purgatur in ignibus aurum,
Et pretium acquirit, quamvis pretiosius omnes
Naturæ sætus primo superaverit ortu;
Namque metallorum spernens ignobile vulgus
Dotibus eximiis, luce & meliore superbit.
Haud secus ex hominum cum vos pia Numina cætu
Elegere aliis fidei morumque magistros,

Appellare aurum, atque iterum appellare licebit
 Mexiaci decora alta soli, clarissima mundi
 Astra novi: Patriam vos cæca in nocte sepultam 90
 Lustrastis: vos illi oculos lucemque dedistis.
 Per vos humanos didicit gens barbara mores,
 Per vos recta sequi, per vos meliora doceri
 Indociles gaudent populi, spelæa ferarum
 Quæ fuerant, fidei nunc culta novalia florent.
 Si quæ tot meritis inerant, expellere fæces
 Nunc placuit Superis, & reddere purius aurum:
 Quis vetat ærumnas torquentem dicere flammam?

Nec cunctis superare datum tot ubique procellas
 Turmatim exortas: o terque quaterque beati, 100
 Quis ante ora Patrum domuum interiore recessu,
 Aut lato oceano, aut dira obsidione cohortum
 Contigit oppetere, & longas evadere pœnas?
 Quas aliqui forsan (nullum sit in omine pondus)
 Ferre diu nequeant, clypeoque micante triumphis
 Emeriti, sibi dedecori, multisque dolori
 Vertantur, si quos medio in certamine cogat
 Libertatis amor Regis vexilla supremi
 Deferere, atque hosti & sociis dare terga relictis.

Vos animæ fortes, magni generosa propago 110
 Lojolæ; ceu palma Indis sat nota colonis
 Pondere pressa gravi, nam tunc animosior auras
 Surgit in æthereas, & vertice tangit olympum,
 Durate, & longis animum servate periclis.
 Interea afflicti populi, gens indiga vestro
 Auxilio, nova regna suis viduata ministris
 Singultus lacrimas gemitus suspiria questus
 Emittunt cælo, & votis ardentibus orant.

Quid potuere, aiunt, in te committere tantum;
 Summe Deus? quondam errantes nemora invia circum 120
 Nunc ultro secura greges in ovilia juncti?
 Quod scelus invisum tua nunc mitissima movit
 Pectora, ut arceres ægræ medicamina turmæ?

Pastua subtraheres ovibus, finesque Magistros
Avelli! tantæ ne animis cælestibus iræ!
Quid si nulla polo terrarum cura fuisset,
Incertoque Deus sineret fluere omnia casu?
Crimen erat bibulas præbere docentibus aures,
Et patrium nemus & priscos deponere mores?
Quærere templa Deum, & præsens agnoscere Numen? 130
Crimen erat vigili documenta salubria vitæ
Custodire animo, & morum sine labe tueri
Candorem, nescire dolos, nec texere fraudes?
Lojolidæ secum auxilium, secumque levamen
Doctrina & pietate ferunt, quocumque repulsi
Crudeli exilio, qua sint ratione ferendi
Et norunt, & nos possent docuisse labores.
Sed nobis hæc pœna venit, nec Iberia jactes
Substituisse locum: non adjutoribus istis
Tempus eget; quid enim venalia pectora nostrum 140
Mittis in auxilium, nec nos, sed nostra requirunt?
Utque minora vident, avido quæ commoda primum
Concepere animo, nostris discedere terris
Festinant: hac arte placent; abeuntibus ultro
Plaudimus: afferre hæc tantum solatia possunt.
Longe alius inerat nostris pastoribus ardor.
Quisque suas noscebat oves, ad amabile vocis
Imperium, nunc damna greges nocitura cavebant,
Nunc tuta irriguis ducebant otia pratis.
Non lupus insidias ausus sub luce maligna 150
Moliri, non ungue ferox rapidissima saltu
Versicolor tigris, rictu non ursa cruento.
Sic quacumque ibant teneri cum matribus agni,
Fons erat irriguus, nitidis argenteus undis,
Læta ministrabant lactentes pascua campi;
Et silvæ, & sapidi nemora inter agrestia fructus:
Nobis dempta quies; illis mutata laborum
Area: jam soliti merita ampla acquirere gaudent.
Talia dicentes; sed dicere plura parantes

Missa

Missa serenato recreant solatia cælo. 160
Intonuit læva, & radios via lactea fudit
Solis ad invidiam qua parte intermicat Argos.
Non mihi fas audita loqui, non visa referre;
Nam signa humanos superant cælestia sensus.
Dicite Mexiæ gentes portenta favente
Sparsa polo; vidistis enim, & memorare potestis.
Mecum una Genius (quamvis toto orbe remotos)
Lunæ extra solisque vias vos contulit, alto
Lucida sublimes calcavimus astra volatu.
Vidimus æthereum placide surgentibus æquor 170
Fluctibus, & navem ventis dare vela secundis.
Plurimus ad proram nigranti in veste sodalis
Visa prius notis memorabat littora terris;
Parte alia vitro ornatæ, pennisque volantum
Veste rudi procul implebant cava littora gentes;
Exultare animis, altos intendere plausus
Certatim aspiceres, depictæque gaudia vultu:
Candida ut elatis agitabant lintea dextris,
Dum festiva alii tollebant brachia cælo.
Vir quoque non habitu dispar, venerabilis ore, 180
Æthere suspensus medio navemque suosque
Prospicit, arboreo ostendens de cortice syrma;
Quondam vestis erat, superum sed munere dignum
Cælestes afferre rosas, dextraque superna
Depingi, nunc longe alios servatur in usus.
Quæque expressa rudi Divæ Genitricis imago
Syrmate conspicitur, veluti vaga sidera Titan
Luce sua abscondit: sic partem illuminat omnem
Sic radiis cælum, sic navem & littora complet.
Ad genitum, adversa qui sceptrum nube tenebat 190
Visa loqui, intenta vix hæc excepimus aure:
Sunt mihi ter septem florenti ætate clientes,
Quos ego: cælestes rapuerunt cætera cantus.
Nam simul Aligeri lætis per inane choreis
Mulcebant aures dulci modulamine vocum.

Vos tamen in medio potui dignoscere cætu,
Egregii Juvenes, a Præsule nuper inunctos
Ante aras, superisque novo jam munere sacros.
Vos ore interea prospexit Diva benigno,
Vos versis in navem oculis signaverat Infans 210
Indice; majori conspergens lumine vultus.
At miserum! dum me rerum pascebat imago
Latior, ex oculis citius disparuit aura.

Eja agite æthereis dudum notissima regnis
Nomina chara Deo, divinæ chara Parenti,
Deliciæ Superum, atque albo signata lapillo.
Vos claros pietate viros, juvenesque, senesque
Emeritos, vos vos populi regna oppida & urbes
Expectant, certis subscribunt Numina signis.
Ibitis, & veteres dabitur renovare labores. 210
Terra inculta diu majorem exercita messem
Proferet, ostendent exempla domestica normam,
Et quamvis avido parebunt arva colono;
Gratum opus agricolæ præstabitis inde supremo,
Qui segetem electam cælestia in horrea condet.
Quin etiam exultabit ovis redeunte magistro,
Dulcibus accurrent læti balatibus agni.
Ibitis, & notos vultus nota ora revisent
Mexiaci populi, clypeoque inglorius albo
Nullus erit, regnis merita acquisita remotis 220
Agnoscent, veteresque juvabit sumere curas.
Ibitis edocti natu majoribus: audax
Non aquila indoleat timidam generasse columbam,
Qua senior signata olim vestigia monstrat,
Secum una Juvenes ausu majore videbit
Ignotas tentare vias, & Numen in omnem
Ferre locum, Divæque pios extendere cultus.

Vos ego, quos dulci ter septem expressit amore
Meilissus Puer, & versis subrisit ocellis,
Contemplor reliquos claris præcedere gestis. 230
Chrismate queis sacro concessum est numinis alti

Exer-

Exercere vices, quos cælo Præful ad aras
 Addixit, dum vasa manu tractanda fideli
 Tradidit, & superum referentem oracula librum;
 Imposuitque manus venerando indutus amictu,
 Augusto in templo, montisque in vertice Præful,
 Candida cui nomen fecit sine felle columba.
 Auguror ex cunctis vates felicia signis.

Quin etiam scelerum veniam indulgere dolenti,
 Et Numen placare dedit mortalibus ægris. 240
 Nec satis hæc: micat ante omnes concessa potestas
 Maxima, namque homini (vix verba potentia profert)
 Filius ipse Dei, rerumque creator obedit;
 Divinumque latet sub panis imagine corpus,
 Sub specie vini, qui fluxit corpore sanguis,
 Et panem, nec jam panem (mirabile dictu)
 Et vinum, nec jam vinum, sed Numen adoras.
 Hæc portenta fides oculis contraria noscit.

At vos Mexiaci populi, si nubila currunt
 Tempora, si sævis lacerantur rura procellis, 250
 Si crudelis hiems glaciemque geluque minatur,
 Depressos revocate animos; cum scœnore cælum
 Præparat auxilium, & præsens in tempus omittit.
 Ut postquam injecit fulcato in rure colonus
 Semina; dum veniant auratæ tempora messis,
 Discedit, non ille suos curare labores
 Cernitur, at falcem tacitus disponit aduncam.
 Haud aliter vestro documenta salubria cordi
 Lojolidæ injecere prius, nunc provida cælo
 Vota ferunt, reduces demum seges ampla vocabit; 260
 Mutua collecto tunc crescent gaudia fructu.
 Spes ea, (nam justum adveniet, ne arcessite tempus,
 Nec legem, aut certos cælo præscribite fines,)
 Desertas soletur oves oviumque Magistros.
 Vestrum erit interea superum decreta mereri.

E P I S T O L A IX.

Ad omnes Societ. JESU

*Hispanos, & Lusitanos in Statu Pontificio præcipue in
Æmilia degentes, cum aliis sex Epistolis ad aliqua-
rum Provinciarum socios jam pridem transmissis.*

KAL. JANUARIS MDCCLXX.

SEptima disperfos quærit mea littera fratres
Littera consilii fida ministra mei.
Ultima præcedet reliquas comitata sorores,
Ultima sit quamvis, nuntia prima feret.
Qua, nisi mi dederint, careo miser ipse, salutem,
Poscere sollicitus, mittere cogit amor.
Vade salutatum, quæ nunc mihi sola supersunt
Gaudia, pars animæ pluris habenda meæ.
Vade, sed inculta qualem decet exulis esse
Veste: rudes habitus flebile tempus amat. 10
Nec doleas mitti sparsis sine lege capillis;
Hæc etiam dominus signa doloris habet.
Dumque per Æmiliæ peregrina vagaberis urbes,
Oppida cum parvis quære minora locis;
Quacumque invenies nigra sub veste sodales,
Te supplex oculis liste legenda suis.
At cave fallaci ne quis simuletur amictu,
Imputet ut reliquis, quæ male stultus agit.
Seria nec timeas, quamquam verearis oportet,
Quæ retegés placidis ora benigna modis. 20
Nec similem quo te scripsi mirare colorem;
Ille color vestem, cætera candor habet.
Sic lacera sub veste latent & paupere tecto
Integritas vitæ delitiæque animi.
Neve parum possis agnoscere, respice vultus;
Irridet sensus externa turba pios.

Strin-

Stringitur ad collum flexo curvamine vestis,
 Zona ligat mediam, cætera verrit humum.
 Pendentes lateri globulos quoque zona precantes
 Servat in obsequium, maxima Diva, tuum. 30
 Inde fluunt manicæ, & corpus, non brachia cingit
 Quæ longa antè vestis aperta cadit.
 Per fora per calles per amæna vagantibus arva,
 Si caput excipias, omnia syrma tegit,
 Tum solito gravior supereminet oragalerus, &
 Ne radiis Titan lædat, & imbre polus.
 Sive domum ascendas, libris incumbere cernes,
 Poplite vel flexo Numinis ante pedes.
 Invenies binos lento procedere gressu,
 Si media occurras conspicienda via; 40
 Demissos observa oculos, si pallida forsan
 Ora notas, macies si cavat ægra genas
 Aspice ut indubiis prodant sua gaudia signis,
 Quæ mihi tu rediens prodita signa refer.
 Solamen misero est socios habuisse dolorum,
 Sed tua solamen nuncia majus habent.
 Nam mala quæ patimur, qua sint ratione ferenda
 Ostendunt, miris instruimurque modis.
 Ne te importuno mediis sermonibus infer
 Carmine, consilium resque locusque dabunt. 50
 Si poteris vacuo tradi, si forte legendo
 Annuat, atque prius lecta relecta probet.
 Versus & ad comites hilari subrideat ore
 Sume animum, & reliquum promelibenter opus.
 Ipsa minor (dices) septemque extrema sororum
 A domino mittor duxque comesque viæ.
 Ille suum scriptis bis ter patefecit amorem,
 Idem, quo flagrat, me quoque scripsit amor.
 Nunc mecum adjungit, quos sparserat ante libellos
 Tempore non uno, multiplicique loco.
 Nempe suos quondam celebravit carmine Lufos
 Quos prius ingrata noverat in Patria.

Altera constantem laudavit Epistola pubem,
Laudibus eximiis digna juventa fuit.
Alloquar ipse tamen, pro me non ipsa loquaris,
Indue personam, littera missa, meam.
Adde, quod aspectu dum læta frueris amico
Fingam animo fratres inter adesse meos.
Quod mea si dulci mens pascitur anxia fraude,
Quære celer Domino gaudia, rumpe moras. 70
Qui mea nil sensi miseræ infortunia sortis,
Quamlibet obrueret dira procella caput.
Naufragio sæpe creptum nova corripit unda,
Nec satis est primis procubuisse malis.
Attamen in vestros mens angitur ægra dolores,
Atque aliena minus, quam mea damna fero.
Nulla (nec indigeo) pro me solamina quæro,
Sed cruciat vester pectora nostra dolor.
Effera jam victum fors me doluisse coegit,
Vestra levat pietas, me mala vestra gravant. 80
Sic vos lætitiæ, sic vos mihi caussa doloris,
Quod durum fertis, quod bene fertis onus.
Vix meus hic aliqua dolor est medicabilis arte,
Dulce tamen vati Musa levamen erit.
Illa dat alternas audire & reddere voces,
Me rapit, & variis dat simul esse locis.
Dum fera Lojolidas, tempestas jactat, ab oris
Oh utinam ejiceret Lysia sola suis!
Credideram miseris metam advenisse laborum,
Irrita spes sævo turbine nostra fuit. 90
Luxerat interea variis agitata procellis
Gallia, & in toto spargitur orbe furor.
Lojolidas propriis tandem arcet Iberia regnis,
Et qui Borbonico sanguine sceptrum gerunt.
Vidimus insignes meritis, virtute probatos
Quos Sancta ex alio miserat orbe Fides.
Sex decies primum, tum centum aspeximus urbe
Fanensi tardos sollicitare gradus.

Sudor enim vultu , totoque in corpore languor
 Cogebat media sæpe federe via. 100
 Plaudere commotos venientibus undique cives
 Vidimus , & larga mittere dona manu .
 Sors mihi concessit blandi solatia vultus
 Afferre , atque animi prodere signa mei .
 Hospitium & viles lassis invenimus escas ,
 Tempore difficili quas dare possit amor .
 Non humeris puduit fructus portare recentes ,
 Non olera , & truncos ligna cremanda rudes .
 Non piguit totas morituro impendere noctes ,
 Et feretrum longa sustinuisse via. 110
 Oh utinam possem , quod me potuisse recordor ,
 Ferre opportunum providus auxilium !
 At terra ejecti ventis agitamur iniquis ;
 Nos eadem jam jam naufraga puppis habet .
 Hinc tandem Eugubium petiit generosa juvenus ,
 Et stabilem clara fixit in urbe domum .
 Planitiem in mediis ibi montibus Umbria jactat ,
 Fæcundoque nives ridet amæna solo .
 Tertia jam notos quæsit epistola fratres :
 Sic laudum scriptor , sic quoque testis eram . 120
 Restabant nostræ monumenta perennia fortis ,
 Seu nova mirari , seu prius acta velim .
 Multiplici nam Virgo Parens in imagine nobis
 Præbuit auxilii publica signa sui .
 Tunc ego , quos mittit variis Aragonia regnis
 Alloquor , & meritos littera quarta petit .
 Quam Dea dilexit , communes reddit honores
 Gens clara , & merito nos beat illa suo .
 Littera quinta viros fortissima pectora quærit ,
 Æmula communis proximiora Ducis. 130
 Quam patrio Lojola ornat , quam Xavier ortu ,
 Felicem extollunt carmina nostra plagam .
 Cur ego non potui cunctis solamen amicum
 Præstare , & famulas saltem adhibere manus .
 Ba-

Bajulus ipse forem , madidos seu tergere vultus,
Seu lassos effret cura lavare pedes,
Excutienda foret seu pulvere fordida vestis,
Seu parva opposito ccena paranda foco.
Dulces amplexus atque oscula dulcia vesti
Felix , nec tanto dignus honore , darem. 140
Vos ego Mexiacas potui juvisse cohortes,
Quamvis longinquo diffitus ipse loco.
Sacra ministerio jam dudum offerre supremo
Impatiens multis pectoris ardor erat.
Præsulis officium, promptamque in munere dextram :
Inveni : eventum vota habuere suum.
Quin etiam tenero accitos excepit amore,
Teستا parat, curis in vigilatque piis.
Fas erat ut justas retulisset epistola grates,
Quæ fuerat musis ultima cura meis. 150
Cur tamen in reliquos tacuit mea musa sodales,
Cur medium abrumpo desidiosus iter?
An minus urget amor? Credam minus acta mereri?
Absit me tanti criminis esse reum.
Justa quidem, diversa tamen me causa coegit
Irrigui steriles claudere fontis aquas.
Communes eadem repetent modo carmina laudes,
Idem mutato nomine cantus erit?
Vos ego contemplor pariles felicibus ausis,
Inque omni messes nascitur æqua loco. 160
Unde tibi transmissa putes, quicumque revolvīs
Transmissa ad fratres carmina nostra tuos.
Res ibi laudari quibus es laudabilis ipse,
Ut vultum in speculo, sic tua gesta vides.
Sive juvat socios, seu charos dicere fratres,
Invenit similes, plus quoque fecit amor.
Inque suis vestros miror cum laude triumphos,
Gloria victori par modo vestra fuit.
Fronde pari vobis præcinxit tempora lauras,
In clypeis eadem signa notata micant. 170

Interdum moneo, nec sunt mea carmina tanti,
Ut credam eximios posse monere viros.
*Qui monet ut facias, quod jam facis, ipse monendo
Laudat, & hortatu comprobat acta suo.*
Ast aliqua si parte juvo, communis in omnes
Defluat utilitas, ut quoque vatis amor.
Hæc tu sensa meo, mea littera, nomine dices,
Nec Domino quo te mittit, adire licet.
Est aliquid claros meritis vidisse sodales,
Noscere disjunctos nomine quemque suo. 180
Tunc ego penderem cupidus narrantis ab ore;
Nunc hos, nunc illos quærere cura foret.
Colloquia in multam sinerent producere noctem,
Frustra asservaret mensa parata dapes.
Quid tamen in vacuas vota irrita mittimus auras?
Titillant animum gaudia ficta meum.
Sic vana abreptam demulcent somnia mentem,
Illuso crescit sed magis inde dolor.
Effigiem tu ferto mei, mea littera, cordis;
Quodque incompta ferunt carmina, corde legent. 120
Igne flagrare vident? vos hunc incenditis ignem,
Pergite felices usque animare rogos.
Sic ubi submisso mea nuntia diceris ore,
Cede locum, & socias conscia prome tuas.
Ostende & titulos revolutis ordine chartis,
Et loca quæ forsan posse placere putas.
Lectorem observa, si quæ laudanda fatetur,
Excusans verso quod tamen ungue notat:
Sæpe quidem & justis forsan culpabere causis,
Sed non ingenium, carmina dicat amor. 200
Carmina lætitiâ scribentis & otia quærunt,
Sæpius at reliquis me fera jactat hiems.
Dumque hæret, dices: lacrymæ fecere lituras,
Nec bene sunt tremula carmina scripta manu.
Bis tria lustra dedit studiis gravioribus auctor,
Et desueta novum musa peregit opus.

Non

Non sterile ingenium vates excusat in ampla
 Materie; ast inopem copia longa facit.
 Plura quidem subeunt cum mens gratissima tractat;
 Tum sponte effusis defluit imber aquis. 210
 Mille obtrudit amor, nullo tamen ordine; sensus,
 Ad limam impatiens quos revocare vetat.
 Pluraque facundus, quæ suggerit, impedit idem
 Scribere; quin longas increpat usque moras.
 Ergo age veloces superindue, littera; pennas;
 Sic jubet alatus, non modo cæcus amor:
 Currere si mavis, haud foccum, haud posce cothurnum;
 Non est conveniens luctibus ille decor.
 Musa licet claudam te miserit impare gressu,
 Clauda potes jussas ire redire vias. 220
 Impigra quære meos, mea viscera, quære sodales,
 Quemque minus cures quærere, nullus erit.
 Nomina cuncta redux, & res & gesta meorum
 Fida mihi referes; vosque valete precor.
 Vos ego, vos omnes iterumque iterumque saluto,
 Gaudia solamen deliciasque meas:

EPISTOLA X.

Ad quosdam Socios pie credulos

*Qui caelestibus indiciis vel parum exploratis; vel
 male intellectis tempus exilii metiri
 arbitrantur.*

KAL. APRILIS MDCCLXX.

Siqua videbuntur felicibus omina signis,
 Sunt ea prudenti suscipienda fide.
 Nam mea Carmelo transmissa oracula mulcent
 Pectora, & Escobar quos dedit ore sonos.

Sic ille officio sutor, cognomine sanctus,
Sic alii, longus quos numerare labor.
Quid referam illustres monumenta domestica testes?
Extant veridica scripta notata manu.
Nec satis hæc: superis vox sæpe loquentibus aures
Demulcet, variis visa favere modis. 10
Æqua piis precibus cæli responsa feruntur,
Certaque præsidii dant quoque signa sui.
Antiquis addunt ea facta recentia pondus,
Spes vetus indiciis crescit adaucta novis.
Sed tamen oh Juvenes, quos non satis instruit ætas,
Queisque senum pietas credula forte nocet:
Quæcumque eveniant, dubiam suspendite mentem,
Promptaque supremo sistite corda Deo.
Forte aliquis longos sibi tristitia fingit in annos,
Exanimatque suo pectora nostra metu. 20
Judice sic alio jam proxima meta laborum
Imminet, & patrios jam prope cernit agros.
Quidquid id est, servate animos inutrumque paratos,
Sive carere malis, seu nova damna pati.
Parcite sed certas illi præscribere leges,
Qui tacita fortis temperat arte vices.
Adveniet justum, sed non arcessite, tempus,
Quo multo spiret parta labore quies.
Si tamen hanc vobis, vel sera nepotibus ætas
Afferet, hæc soli res patet una Deo. 30
Forte dies numerat certis pia sæmina signis,
Quæ putat a superis se didicisse prius.
Mentis in excessu, quæ sæpe in pectore versat,
Credidit indicio vaticinata poli.
Anxia sollicitum pietas testatur amorem;
Quod cupit, in promptu nam sibi fingit amor.
Plura quidem portenta dedit spectabile cælum:
Sic certum est nobis invigilare Deum.
Res hominum stabili pia numina lege gubernant;
Jamque favor variis, jam patet ira modis. 40

Quæ tamen irarum, quæ tempora certa favoris
Immineant, nobis delituisse juvat.
Sic meritum incertæ constans patientia fortis
Obtinet arbitrio sponte relicta Dei.
Scilicet ut fulvum purgatur in ignibus aurum,
Sic simili Numen, quos amat, arte probat.
Vivite felices; seu tempora dira procellis,
Seu fluat occiduis aura benigna plagis.
Numina qua ducunt, date vela, impellite remos,
Erigite ignavi nescia corda metus. 50
Invigilat vestræ superum clementia navi,
Ridete insanas, queis agitur, aquas.
Ite animæ fortes; satis est generosa voluntas,
Turbata ut felix per vada navis eat.
At vobis quandoque animus languescere sensim
Incipit, & mentem tædia forte gravant.
Scimus, & hanc veniam petimusque, damusque vicissim,
Nec semper constat qui solet esse vigor.
Tum sibi blanditur; causas mens anxia quærit,
Ut finem ærumnis credat adesse suis. 60
Nescio quas vacuo sibi construit æthere moles,
Quas liquidas sicco jam pede fulcat aquas.
Gaudia propositis fingit, sed inania, factis:
Quæ vera optaret, vera fuisse probat.
Qui misere abreptus luctatur gurgite vasto
Naufragus, & mortem sæpius ore bibit,
Nescius ipse sui jam pervia quæque tenaci,
Sive juvent, prendit, seu nocitura manu.
Haud aliter quæcumque polus det signa faventis,
Et quæ quisque alius signa dedisse putet. 70
Vos animo abripitis, placituraque sensa notatis;
Heu nimium vestris gens lacerata malis!
Si juvat afflicti solatia quærere rebus,
Cænofo pudeat fonte levare sitim.
Quid mage delectat media inter prælia turmas,
Quam præclara Ducis cernere facta sui?

A Duce si noscant cerni, & peramanter haberi,
Ut merita expendens præmia certa paret;
Non animosa cohors pacem, aut nova prælia mavult:
Cura sub arbitrio linquitur illa Ducis. 80
Talìa sint vestris quærenda levamina pœnis,
Sic nunquam inficiet pectora vestra dolor.
Crescant arumnæ, crescent quoque gaudia, & ipsa
Dulcior evadet post mala longa quies.
Non quæsita aderit, sed Numine missa supremo,
Et merito dabitur pœna quiesque pari.
Ergo agite, & cursu nullam proponite metam:
Quo pede quis cœpit, sic bene semper eat.
Qui solis cursum observat lunæque labores,
Qui vaga convexi suspicit astra poli; 90
Esto dies horas menses describat & annos,
Plura addat vulgo non bene nota rudi.
Quin etiam eventus varios, jam prospera, jamque
Adversa instabili proferat augurio.
Lunæ extra solisque vias, sublimius astris
Ad summum, oh juvenes, vos licet ire thronum.
Hic animum penitus totamque immergite mentem,
Tempora non quærit Numine fixus amor.
Jamque dies annos menses numerare pudebit;
Vos una afficiet cura placere Deo. 100

E P I S T O L A X I.

Ad socios Provinciæ Aragoniæ.

*Vates Eridano gratulatur, quod illos
prope exceperit.*

KAL. MAJI MDGCLXX.

O D E.

NON te superbis currere fluctibus
Credam, quod alto vidimus æthere
Frænarc defuetum jugales

Præcipiti Phaetonta casu.

Late albicantes margine populi

Servant fororum nomina flentium,

Torvoque prospectu rapaces

(Dum supero micat axe Titan)

Horrescit undas, pectore faucius

Adhuc paterno; tergaque vindice

Flagellat ictu, & contumaces

Urget equos crepitante flagro.

Honore posthac invida præstito

Te cuncta dicent flumina maximum;

Et sponte regalem coronam

Officio meliore cedent.

Esto profundè flumen Amazonum

Excurrat audax Oceani æmulus,

Et quotquot insignes Iberi

Orbe novo secuere lembis;

Septena Nilus computet ostia,

Pactolus æstu defluat aureo,

Et gemmifer Ganges, & alta

Tigris eat violenter unda,

M 4

Te

IO

20

Te major ornat gloria, nec decus
Commune jactas. Quid vaga flumina

Superbientes sæpe fluctus

Et nimium celebres Poetis

Risere dotes? Divite riserat

Iberus urna, dum memorabile

Præbere nomen jactitabat

Imperio, eximiæque genti.

Sed hæc paternis finibus exulat,

Tuasque ripas excolit hospita

Umbram daturas (qua propinquant)

Perge celer recreare frondes.

Defessa strati membra sub arbuto

Dudum negatam difficili via

Captant quietem; dum jocosis

Per salices levis aura pennis

Circum susurro ludit amabili,

Et læta gaudet rura, favonius

Qua spargit emissos odores

Innocuo exhilarare furto.

Mirare vultus, claraque maximos

Inter labores pectora fortium,

Ex oris aspectu datura

Magnum animæ indicium eminentis.

Præcincta cernes tempora laureis,

Tumultuoso nescia turbine

Vinci malorum castra, & albo

Promeritas adamante turmas

Dudum notari: famaue posteris

Transmissa laudum semper erit memor,

Cæloque dilectam phalangem

Ingenio & pietate claram

Vidisse quondam sera nepotibus

Narrabit ætas, quod tibi proximam

Selegit urbem, quod quietas

Hic statuit peregrina sedes.

30

40

50

60

Dum

Dum Phœbus orbem lumine cinxerit,
 Dum clara virtus laudibus obviam
 Præbebit ansam; te futurum
 Laude nova celebrabit ævum.
 Tu mitte fluctus falsa per æquora
 Utrumque lambens Italiæ latus;
 Vadumque nautis æstuosum
 Et Rhodani properantis undas
 Relinque dextra, tum Balearia
 Et Barcinoni proxima littora
 Solare fluctu ludibundo,
 Nec redeas, nisi forte pontus
 Per larga terræ viscera devium
 Te cogat urnam jam prius agnitam
 Ascendere, ut gyro remenso
 Has iterum potiaris oras.

70

EPISTOLA XII.

Ad socios Provinciæ Aragoniæ

*Hortatur, ut reduces prope Iberum laudes canant
 Eridani.*

ERidanum laudare juvat; vos docta parate
 Carmina, queis refluas sistet Iberus aquas.
 Ibitis, & regi fluviorum addentur honores,
 Aureaque in vestra fiet arena cheli.
 Bicolor æthereas ubi populus occupat auras,
 Et tremit illapso mobilis amne salix.
 Carpit iter liquidum dictus regnator aquarum
 (Sic vos jam reduces plectra sonare reor.)
 Cærulea cum veste senem sub rupe jacentem
 Fingite, seu mittit, sive vehatur aquis.

10

Cin-

Cingite fronde caput, sit vas quoque brachia subtus,
Quod versum e labro fontis ad instar erit.
Cæsaries intonsa madet multo obsita limo,
Barba impexa cadit, fœdat & imbre sinus.
Acquirat cursu vires, & crescit eundo,
Et tumidum pluvix nixque soluta facit.
Ille prius Ligurum falsas procul aspicit undas,
Tum petit Adriacas immoriturus aquas.
Mensus & Italiam qua latior Alpibus hæret,
Planitiem immensam post juga celsa petit. 20
Qua properat despectat agros, campisque minatur,
Ripa sed inscriptam cogit inire viam.
Quo tamen abripior! magnis ea cura Poetis
Imminet, & lætis plaudet Iberus aquis.
Addere si lubeat Grajum mendacia, fluctus
Fingite longe auctos Heliadum lacrymis.
Fingite demersum liquido Phaetonta sepulchro,
Fingite quæ menti suggeret alma quies.
Proxima conspicuæ memorate palatia ripæ.
Fertilis optatas addite ruris opes, 30
Deliciasque loci; cum forte autumnus & æstas
Tædia deserta linquere in urbe monet.
Lignea sæpe domus rapidis supernatet undis,
Quam fixo adstringat dura catena situ.
Sit rota, quæ celerem semper volvatur in orbem;
Trita intus fiat panibus apta ceres.
Quæque abeunt, redeuntque graves, describite cimbæ,
Seu celeres remus, seu levis aura ferat.
Sive etiam, rapidæ ne retrahat impetus undæ,
Commendet funis mobile pondus equo. 40
Nam sæpe aspicitis tot ligna, ut montibus altis
Translata in liquidas sylva putetur aquas.
Nec vos prætereant quæ sunt piscantibus artes,
Copia quæ major piscibus esse solet.
Prima inter lautas acipenser fercula mensas,
Truta inter lapidas annumeranda dapes.

Dici-

Dicite quos hamus pisces, quos retia fallunt,
 Quos avidus dives, quos sibi pauper emit.
 Et memorare juvet pleno cum gurgite flumen
 Intumet, & ripis damna minantur aquæ. 50
 Quanta sit attentis hominum solertia curis,
 Dira arcem credas obsidione premi.
 Arma ferunt celeres, noctuque diuque per altas
 Invigilat ripas irrequieta cohors.
 Sic nemo accedit stulto temerarius ausu,
 Nec temere impingunt, si ferat unda, trabes.
 Cum madeat tellus violentius impete quassa
 Continuo, strages parvula rima feret.
 Cætera vos reduces patria sub vite canetis,
 Carmina non audent addere nostra metus. 60
 Nam multo inferior summis Ferraria lymphis,
 Aggere multiplici, quas timet, arcet aquas.
 Dum tamen hæc docto celebrabitis omnia cantu,
 Dicite: in augurio præscius ille fuit.
 Tempore difficili vos sum veneratus amicos;
 Este, precor, memores tempus in omne mei.

EPISTOLA XIII.

Ad dulcissimum Amicum

D. Augustinum Mugnos,

IDIBUS APRILIS MDCCLXXII.

Constantes Guatimala viros, rectique tenaces
 Procreat: hæc patriæ laus venit æqua tuis.
 Jesuadum plures dederant sua nomina castris,
 Nunquam delendis nomina scripta notis.
 Nam turbo exoriens plures abiisse coegit;
 Nullus at ex vobis transfuga sponte fuit.

Per

Perque quater centum tyronum ad limina leucas.
(Tam procul a regno Mexica terra tuo est.)

Hos pietas & honor duxit, servareque primo
Ingressu statuunt tempus in omne fidem. 10

Non durum exilium, aut series diuturna laborum
Debilitare animos, nec potuere minæ.

Non tibi decrescit laus, Augustine, quod omnes
Sit simul in cives distribuenda tuos.

E P I S T O L A XIV.

Stanislaus Kostka Societatis Jesu Tyro

*Tyronibus suis dulcissimis ex Provinciis America
Salutem.*

KAL. AUGUSTI MDCCLXX.

QUam legitis, demissa polo ceu pignus amoris
Avolat in vestras littera missa manus.

Vos ego flos superum Tyronum gloria, virtus
Queis matura suum contigit ante diem;

Vos docui teneris quid gratia possit in annis,
Almaque Jesuadum quam sit amanda Parens.

Vos ego Tyrones Tyro quoque Kostka saluto,
Quamque prius tenui, gratulor ire viam.

Aligerum pennis animi constantia vestri,
Qua se cumque orbis promit uterque, volat. 10

Littera nostra uni gratissima sarcina fertur,
Ordine qui reliquis nobiliore præest.

Sæpe adsunt, merita ampla notant, viresque ministrant,
Mutua sensa animi ferre referre solent.

Atque illi, quibus est custodia tradita vestrum,
Ad socios mittunt nuntia læta suos.

No-

Nomina vestra volant toto notissima celo.
 Laus vestra in laudem vertitur ampla meam.
 Fingite me superos hilari circumdare vultu,
 Claraque mirificis gesta notare modis. 20
 Ille refert vestra ut virtus se fortior ipsa
 Reppulit assultus, quos tulit orbe novo;
 Hic, pietas ut vestra ratem lustraverit ipsam,
 Et Tyrocinii fecerit esse domum.
 Sed magis illa oculis superum victoria risit,
 Quæ vestro tantum Marte relata fuit.
 Nam procul amotis ducibus morumque magistris
 Tyronum in pugna Dux sibi quisque fuit.
 Hic intentatum quid Iberia vestra reliquit,
 Ut raperet matri pignora chara suæ? 30
 Præmia promisit fallax, pœnasque minata est;
 Nil promissa tamen, nil valere minæ.
 Spe major, majorque metu constantia vicit,
 Tentata innumeris nec superata modis.
 Vos quoque materno pepulit violentia nido,
 Et tulit implumes non sua mater aves.
 Ipsa noverca tamen, victam se fassa, remisit
 Matris in optatum pignora læta sinum.
 Gratulor hanc illi sobolem, mihi pœne gemellam,
 Assequitur factis quæ mea facta suis. 40
 Diva Parens placido me jussit amabilis ore
 Jesuadum matrem matris habere loco.
 Hæc mihi sollicito quæsita ambage viarum;
 Hæc fuerat votis unica meta meis.
 Exul eram, sacra venientem excepit in urbe
 Borgia, & optatis annuit ipse meis.
 Exilio par causa fuit, sed gloria vobis
 Major, ut exilii vos mage pressit onus.
 Non ultra Oceanum peregrinas quærere terras,
 Non pelagi insultus ferre necesse fuit. 50
 Vos patrios fines & dulcia linquitis arva,
 Ver ubi perpetua fertilitate viret;

Fœta ubi conjungit flores cum fructibus arbor;
Et flavescentes bis videt annus agros.
Quos nunquam in veteri gustabitis orbe saporēs,
Sponte sua tellus dives ubique parat.
Ligna quoque; & frutices, & odoræ in vallibus herbæ,
Utilia in vestris; his pretiosa plagis.
Nobile cum gemmis argenti pondus & auri;
Terra affert utero fertilis usque suo. 60
Omnia liquistis; quin linquere plura juvaret;
Et semel obstrictam sustinuisse fidem.
Non ego maternos timui contemnere fletus,
Et quas addiderant scripta paterna minas.
Non tamen incussit metuenda potentia regum;
Militis arma feri; vel ducis ira metum.
Mens erat objectos ultro superare labores:
Quæ facerem, lociis facta fuere meis.
Hæc (fateor) mater vobis electa meretur;
At meritum in vestro majus amore fuit. 70
Principibus dilecta viris, dilecta supremis
Ordinibus toto sparserat orbe jubar.
Crescebat pietate simul; crescebat honore;
Et sua primævus pinxerat ora nitor.
At modo vulneribus sædata; oppressa ruinis;
Nobilis est tantum cladibus ipsa suis.
Vestra sed in matrem pietas firmissima constat;
Quamlibet incertis exulet acta locis.
Nec tamen hoc verbis superum Regina disertis
Visa palam vobis jussit; opemque tulit. 80
Me frustra insequitur frater mihi cominus instans;
Nam prohibet vultus noscere Diva meos.
Tortile dum flagrum vacuas diverberat aures;
Diva renitentes sistere jussit equos.
Quoque beat vultu superos; cælumque serenat;
Sese oculis sistit conspicienda meis.
Eque sinu puerum (quid enim felicius unquam?)
Tradit in amplexus officiosa meos.

Ille mihi lætus teneris subridet ocellis,
 Dignatus dulces addere blanditias. 20
 At vobis Deus ipse sui manifesta favoris,
 Ut meritum augeret, pignora nulla dedit:
 Et quamvis mulcet tacita dulcedine pectus,
 Mira adjutrices occulit arte manus.
 Ille vigor tamen; atque animi insatiabilis ardor,
 Maxima qui passos plura fitire dabat.
 Illa quies; vestroque in corde infusa voluptas,
 Turbine dum sævo dura minatur hiems.
 Et dum bella fremunt, generoso in pectore virtus,
 Numinis auxilium signa ferentis erant. 100
 Sæpe quidem vestro Numen fuit ore locutum,
 Et fuit incertæ duxque comesque viæ.
 Ipse ego dum populos peregrinaque regna viderem,
 Quæsieram solidos in pietate Duces.
 Sed tamen interdum miseras intravimus urbes,
 Queis placuit veram deseruisse fidem.
 Luximus; at præsens auxit solamina cælum,
 Nec, qui prava tamen me monuisset, erat.
 At vos impietas conata est fallere, sacro
 Ore locuta, solet quo Deus ipse loqui. 110
 Vertere terga Deo, spretumque revifere mundum;
 Ipsi, qui mundum deseruere, jubent.
 Debuèrant ultro currentibus addere calcar,
 Et prohibent refugos in sua damna pedes.
 Vix fuerat juvenum tot opertas noscere fraudes;
 Non bene noscit ovis, quem tegit agna lupum.
 Tot laqueos inter tuto vestigia gressu
 Figere, præcipiti rectius ire via
 Signa magisterii fuerant manifesta superni,
 Et mira ignotæ semita lucis erat.
 Invenit facilem vultum, dextramque benignam
 Numen, ut abjectis larga tulisset opem. 120
 Sive vir ignotus, seu vos pia fœmina quærat,
 Numinis hoc fuerat cuncta moventis opus.
 Nil

Nil vobis (vidistis enim, & memorare potestis)
Defuit, & cæli tunc mage fullit amor.
Sed nova tum superis spectacula grata fuistis,
Paupere cum placuit delituisse domo.
Quæque sub austero foret optima norma magistro,
Sponte sua inunctum quisque subibat onus. 130
Tunc ego, vos pelagus, dixi, poscent socia agmina:
Eja agite in Latias flectite vela plagas.
Nec genitum mater retrahat properare volentem,
Felices nautas altera mater habet.
Ut puppem impellat placidæ commissimus auræ,
Non obices Gallus, non Iber ipse ferat.
Sed fidei sedem sit prima invisere cura,
Atque ædem, cineres qua tegit urna meos.
Corda minus puro nunquam fœdabat amore,
Ardebatque sacro, me prope quisquis erat. 140
Nunc eadem exuviis in vos viget insita virtus,
Queis mage sunt donis corda parata meis.
Sed jam nota cohors, alio quos orbe reliquit,
Expectat socios; nec mora, adesse videt.
Dumque alius lassus parat oscula figere plantis,
Obvia in amplexus brachia tendit amor.
Impedit huic fletus, quæ plurima mente revolvit
Prodere, at eloquio doctior ille suo est.
Ite animæ fortes, applaudit euntibus æther,
Fausa quidem superi, quæ memorentur, habent. 150
Vos Lojola vocat natos, & nomina lætus
Servat in auratis conspicienda notis.
Perque triumphales eadem vexilla gerentes,
Prole nova exultans itque reditque manus.
Xavier a regnis nunquam male pulsus eoīs,
Laudat in occiduis agmina fida plagis.
Quin etiam celebrat, quos jam videt ipse triumphos,
Et sibi vicina præmia sede parat.
Non mihi concessum, qua vos pia Numina ducant,
Pandere, & inceptum quo bene tendat iter. 160

Hæc

Hæc mihi materies oritur dulcissima fandi,
 Cum memorat Kōstkā Borgia sæpe suum.
 Borgia me tenero quondam dilexit amore,
 Nunc etiam in similes viscera patris habet.
 Regis ut optaret vestris regionibus exul
 Barbara supremo ducere corda Deo;
 Sed quamquam patrio sudavit messor in agro
 Par sibi præfixæ messis, & ampla fuit,
 Messis & ut vestris respondeat altera votis,
 Sæpius ante thronum supplice voce rogat. 170
 Interea Gonzaga suos appellat, & ætas
 Nescio quid magnum juris habere solet.
 Lis est pulchra tamen; nec enim pervenit ad annos!
 Fortè meos aliquis, quem vocat ille suum.
 Nam teneram Lodoix, teneram quoque Kōstka juventam
 Diligit, affectu lætus uterque pari.
 Unde suos juvenes per me Gonzaga salutat,
 Ceu sua sit vobis littera missa, cupit.
 Quin etiam emeritæ quot sunt super astra cohortes,
 Quis eadem pietas, par quoque vestis erat, 180
 Nomine communi mittatur epistola poscunt,
 Et vobis lauros post fera bella parant.
 Sedibus e superis dum singula gesta notamus,
 Vestrum est materiem suppeditare novam.
 Nec satis in stadio felicem intendere cursum,
 Qui potuit metam prendere, victor erit.

EPISTOLA XV.

Clarissimo viro fratri dulcissimo Didaco Josepho
Fuenzalida Prov. Chilensis

Auctoris carmina ad socios transmissa laudanti.

KAL. AUGUSTI MCCLXXII.

Diligit oppressus curarum mole viator
Ad-riguas queruli sistere fontis aquas.
Hic tacitus causas confusa in mente doloris
Ruminat; hic lacrymis sæpius ora rigat.
Sed si forsan avis viridantibus hospita ramis
Advolet argutos edere docta sonos,
Ille animos sensim revocat dulcedine captus,
Et dolet infractam deposuisse lyram.
Nam melos aereum, vocisque plicatilis audax
Impetus ex animo tristitia sensa fugant. 10
Haud aliter nostrum tua mulsit epistola pectus,
Et videor studiis redditus esse meis.
Hactenus errantes solitus laudare sodales
(Dignaque multiplicis plurima laudis erant.)
Cum modo tot plagas, inflictaque vulnera matri
Aspicerem, sensus procubuerunt mei.
Sæpius ad ripas labentis in arva Metauri,
Qua perit in falsis tortile flumen aquis,
Delitui nigro intonsæ sub tegmine quercus,
Mollis ubi prunum præparat herba solum. 20
Intentus numerare comas, vel in arbore glandes,
Tot mala, dicebam, chara parens patitur.
Et velut in fluvio levis unda impellitur unda,
Sic mala succedunt multiplicata malis.
Gramina si campo, aut flores meditabar odoros,
Hæc nova solliciti causa timoris erant.

Vel

Vel sunt esca gregis, vel eas succidet aratrum;
 Vitaque marcescet sole, vel imbre brevis.
 Sic timeo extremam sociis instare ruinam,
 Quæritur innumeris nostra ruina modis. 30
 Proxima languenti lustro quoque littora passu,
 Et nova conspectus turbat imago meos.
 Aggere multiplici tenues contemplor arenas;
 Et totidem ærumnis jam reor inde premi.
 Quandoque horribiles agitantur in æquore fluctus,
 Parque animo sævit mæsta procella meo.
 Nescio quid timeam, timeo tanten omnia demens:
 Fluctuat ancipiti spes quoque mista metu.
 Parce Parens si plus justo timuisse videbor,
 Nam prævula prius tela minus feriunt. 40
 Parcite vos fratres (quo nomine gloriator idem)
 Vestra fides equidem gloria Matris erit.
 Per mare, per terras, per inhospita regna vagantem
 Non puduit fido semper amore sequi.
 Hactenus invicti fidum servastis amorem,
 Quæque gerenda manent, tot bene gesta probant.
 At si forte aliquis charæ dare terga Parenti
 Ausus, in ærumnis deseruitque suis,
 Non equidem non noster erat, nec nomina cælo
 Servat inauratis conspicienda notis. 50
 Proximus heu letho quot erunt solatia cordi
 Dulcia, si Jesu nomine dignus ero!
 Nil timeo: quamvis sacro spoliemur amictu,
 Noscet adhuc Mater vel sine veste suos.
 Jactet sæva minas torvo violentia vultu;
 Tollere opes, artus dilacerare potest;
 Non tamen illa animo potis est imponere legem,
 Qui meruit Princeps arbiter esse sui.
 Quo feror! ad charos revocem mea dicta Chilenfes,
 Quos novisse prius fors mihi magna foret. 60
 Namque per Æmilix quum forte erravimus urbes
 Noscere solliciti nomine quemque suo,

Non possum, quin mistus eat dulcedine fletus,
 Delicias animi commemorare mei.
 Pervenit quo vestra cohors sibi castra locavit,
 Et dolui incessu tam celer esse meo.
 Oh utinam traxisse moras per longa liceret
 Tempora! quam brevis est tunc mihi visa dies!
 Est aliquid claram meritis agnoscere gentem,
 Sed quam dulce illam posse vocare suam! 70
 Nempe senes, quos canities veneranda decorat,
 Doctrina insignes, officiisque graves;
 Et juvenes pariter, quos fervida concitat ætas,
 Agnovi dignos nomine Jesuadum.
 Aspectu facilis, visuque affabilis ipso
 Quisque animi certat prodere signa sui,
 Vidi ego lætitiæ circum per tecta vagantem,
 Et dulces risus, ingenuosque jocos.
 Integritas prima ante alias, & candida virtus
 Ante fores custos utraque clavis erat. 80
 Ingredior: mihi dilectos concordia fratres
 Convocat, & gressus accelerare monet.
 Cætera quid referam? Cælo delapsa videntur
 Numina, & hic stabilem constituisse domum.
 Unica delituit tecto patientia vultu,
 Sed Solem incassum nubila densa tegunt.
 Sic quamvis per vestra celer sim castra vagatus,
 Hæret adhuc animo gratia tanta meo.
 Hæret, & hærebit, dum spiritus hos reget artus,
 Genisque meo semper corde Chilenſis erit. 90
 Cum modo tot nobis minitetur fama ruinas,
 Obstupui vitæ nescius ipse meæ.
 Plurima desuetus conscripsi carmina vates,
 Et celebrare meos dulce levamen erat.
 Nunc tamen ex digitis calamum cecidisse notavi,
 Torpida mens hæsit, diriguere manus.
 At revocare animos soli potuere Chilenſes,
 Me vaga fama gravat, me tua scripta levant.
 Nam-

Namque animo pietas, & tot bene gesta recurrunt,
Et videor charis fratribus usque frui. 100
Unde tibi grates, quod me mihi reddere possis,
Lætus ago; at laudes texere siste meas.
Quid memorare juvat victuris tradita chartis
Scripta, quibus sacra notus in urbe fui?
Quod mihi conspiciis plausisset honoribus olim
Felsina, quod clari me coluere viri?
Non clarum ingenio, non me pietate colebant:
Casus in humanis plurima rebus habet.
Tempus erat felix, quo me Benedictus amavit,
Et socium studiis addidit ipse suis. 110
Tum potui Helvetias peragraré acceptus in urbes,
Germanas potui lætus adire plagas.
Commisere etiam mihi magna negotia reges.
Principis hoc fecit gratia, fecit amor.
Hoc etiam mihi non merito, sed sorte benigna
Contigit; haud tanto dignus amore fui.
Forſitan hoc uno potui laudabilis eſſe,
Quod nullus nostro læsus ab ore dolet.
Eſt aliquid nullis anſam præbere querelis,
Nec maculis angî, queis premit aula viros. 120
Scis equidem quam plena dolis, quam fraudibus aula;
Ut mare, ſic ſcopulis officiit aula ſuis.
Fraude carent proceres, recta eſt in Principe virtus;
Cogitur at dubiis fidere plura viris.
Turba minor ſatagens alienis creſcere damnis,
Quiſque ſtudet ſocio forte nocere pari.
Nec meruere fidem blandi fallacia vultus
Officia, & liquidis illita verba favis.
Si quem forte ſuo Princeps dignetur amore
De reliquis ſolitum non ſine laude loqui; 130
Qui ſibi præ reliquis commiſſa negotia tractet
Nec mage præſtantem quærat habere locum.
Hunc laudes: hanc me laudem meruiſſe fatebor;
Sic aula potui per duo luſtra frui.

Sic ego Jesuadas sacra procul urbe remotos
 Sæpe libens potui mille juvare modis.
 Mexica quos tellus, & quos Paraquaria misit,
 Quosque novo pariter misit ab orbe Quitum;
 Brasila quos regio, & longo Maranonia tractu,
 Æmula qua pelago flumina profiliunt; 140
 Qui segetes videre Asiæ, & celebrata Sinarum
 Mænia, quos fovit culta Manilla sinu;
 Quos etiam misit patriis Hispania regnis,
 Excepi prompto sedulus officio.
 Sæpius ad magnam deduxi Principis Aulam,
 Colloquia in longum mutua tempus erant.
 Quam prolint faciles aditus, & mollia fandi
 Tempora, ab eventu res ratioque probat.
 Sic socios nullo adstantum renuente juvabam,
 Immo adjutrices sæpe dedere manus. 150
 Vos ego, vos dulces, mea viscera chara, Chilenfes
 Tempore felici noscere debueram.
 Vos ego (quod doleo) fero novisse fatebor,
 Quando animi nequeo prodere signa mei.
 Nil modo verba juvant, facile arripiuntur ab aura,
 Juncta tamen factis nobile pondus habent.
 Parcite, nam fulmen mihi venit ab arce remota,
 Cum nullum incuteret Roma benigna metum.
 Lysia me (sociis cum damna extrema pararet)
 Censuit arbitriis posse nocere suis. 160
 Hinc me cauta jubet primum discedere Roma,
 Hinc series nostris incipit orta malis.
 Vos equidem invideo passos graviora sodales,
 Mi tamen est aliquid, quod reliqui invideant.
 Tot claris pietate viris præcedere, & inter
 Dispersos merui primus habere locum;
 Naufragium commune fuit, sed tempore in uno
 Non omnes rapida projiciuntur aqua.
 Quod mea plus fuerit series diuturna laborum,
 Firmius hinc matrem cogor amare meam. 170

Vulneribus quamquam fœdata, oppressa ruinis,
 Plus probat illa suos, p'us quod ametur, habet.
 Cum præstans, cum dives erat, dileximus illam;
 Nunc laceram atque inopem d'ervuisse pudet.
 Atque ea sensa tenent chari generosa Chilenfes,
 Hac ego non dispar mente Chilenfis ero.
 Unde meos nullus poterat mulcere dolores,
 Vos nisi pars animæ pluriſ habenda meæ.
 Gens ea ut abrumpam diuturna silentia fecit,
 Quam servo in cordis nobiliore sinu. 180
 Adde quod irrigui dum me Sulmonis alumnus
 Mulcebat, (versu sic mihi visus eras.)
 Altera, cui similem misisset Horatius olim,
 Venit ab ignota littera missa manu.
 Sed Lyra, nec, quamvis lateat me dextera, fallor,
 Tam gratis modulis pulsa, Chilenfis erat.
 Ille mihi dotes, quibus est laudabilis auctor,
 Applicat & felix me super astra vehit.
 Tu modo cum primo me sis dignatus honore,
 Perge, precor, partes sponte subire meas 190
 Utere consilio, vatemque inquire latentem,
 Ut potes, & grates nomine solve meo.
 Ut frustra occulitur densa inter nubila Phœbus,
 Sic facile ingenio proditur ille suo.
 Nec pigeat pro me reliquos invisere fratres,
 Dimidiumque animæ, deliciasque meas.
 Nomine fausta meo, precor, omnibus omnia dicas;
 Pignora amicitiz divide cuique meæ.

POST SCRIPTUM.

Carmina, quæ scripsit magnorum gloria vatum
 Atque mihi veteri junctus amicitia,
 Mitto libens: si compta minus sub veste Quiritum,
 Cognita trans alpes pluribus esse queunt.

S O N E T T O.

Cadrà se così in^e Ciel si trova scritto,
 La gran Colonna, che tant'ombra ha stesa,
 Cadrà pur troppo, ma l'altrui delitto
 Nell'urtarla farà la sua difesa.

Già le sacrate chiavi, e il regal dritto
 Sprezza la turba ad atterrarla intesa,
 E furor detta l'esecrando editto,
 Ch'onor le reca con l'ingiusta offesa.
 Cadrà ma con valor, ma senza affanno,
 E contenta di se, carica d'onore
 Meno il suo sentirà, che l'altrui danno.

Infin cadrà così, che al gran fragore
 Scuoterassi la Chiesa, e si vedranno
 Gir sciolti i vizj, e trionfar l'errore.

V E R S I O.

Si laxare Erebo Numen decrevit habenas,
 Magna columna cadet, quæ tantam sparferat umbram;
 Heu cadet, ast expers vitii, laudabilis ipso
 Deteget impingens aliena piacula casu.

Romulei sacra jura fori, & regalia jura
 Spernit iniqua cohors, quæ molem sternere curat;
 Vulgat & edicium furor execrabile, at ingens
 Gloria ab injusto bacchantum turbine crescit.

Heu cadet, at virtute potens, ignara timoris,
 Læta suis meritis, & honorum accincta manipulis
 Damna aliena quidem, non propria damna dolebit,
 Atque ita procumbet, strepitu ut concussa sonoro
 Nutabunt pia templa Deum, & formidine dempta
 Impietas victrix, dirusque vagabitur error.

EPISTOLA XVI.

*Confidenter monet aliquot socios de defectibus eorum,
in responsis ad unam ex præcedentibus
Epistolis.*

KAL. APRILIS MDCCLXIX.

GRatulor, oh juvenes, quod sint mea carmina tanti,
Ut possint claris lecta placere viris.
Quin etiam gratos voluistis promere sensus,
Plurima proque uno mittere scripta lubet.
Miratus facile ingenium, miratus amorem
Illa oculis volvi lecta relecta meis.
Dicitis ingenuo si quid damnetur in illis
(Quod sincera fides postulat,) ore notem,
Non renuo, neque enim tantum laudanda juvenus,
Devia sed rectam sæpe monenda viam. 10
Forsan adulator, si laudem cuncta, videbor.
Hinc orta ex merito laus mage grata venit.
Hoc decet officium natu majoribus: ætas
Non edocta usu gaudet habere Ducem.
At quinque addicti studiis per lustra severis
Romulea dudum fregimus urbe lyram.
Carmina defueto veniunt elanguida vati,
Ut matura minus carmina vestra fluunt.
Quid tamen ætatem mihi fingitis esse senilem?
Cum lustrum undecimum vix numerare queam. 20
Oscula num placidis senis est fixisse labellis,
Qualia tincta ostro labra puellus habet?
Languida quin potius, tremuloque cadentia flexu,
Nec jam nativo visa colore forent.
Non Divam amplecti decuit gravitate senili;
Hæc signa obsequii læta juvena ferat.

Oscu-

Oscula nec manibus libare senilibus unquam
Virgo pudica solet, sed procul esse viro.
 In superos cur tanta seni concessa potestas,
 Mittere ut aligerum regna per ampla queat. 30
 Dum *venerande senex* me carmina vestra vocarunt,
 Penna nimis velox voce in utraque fuit.
 Omina si vestræ potui felicia genti
 Promere, non Divæ posse jubere reor.
 Sæpe Deas liquido vates incedere cælo,
 Nubibus impositas nunquam equitare vident.
 Sed pueros canna dicam luisse palustri,
 Nam veram incessu noscimus esse Deam.
 His errasse parum est: non excusabilis error,
 Forsitan & vobis non bene notus adest. 40
 Vestra mihi tribuunt immensas carmina laudes,
 Me nimis egregium dicitis esse virum.
 Demite sincerum quò vos amplector amorem,
 Jesuadasque omnes, laus mihi nulla venit.
 Forte meum nomen per regna volavit, & urbes,
 Non meritum, at fortis (credite) ludus erat.
 Laudum *fama* gemit sub pondere pressa mearum,
 Dicitis, at melius fessa canendo foret.
 Non humeros oneri subdit quasi bajulus; alas
 Sed quatit inflato dum replet ore tubam. 50
 Nullus apud latios unquam *submersus amoris*
Vortice (si memini) dicitur esse sui.
Thure superposito non urite laudis acervam,
 Sena Venusini non ea vatis erant.
 Ingenium Hispanos, promptæque audacia mentis
 Sæpe extra fines, lege vetante, rapit.
 Gratulor: in sterili non sunt medicamina campo,
 Ars tamen in nimium luxuriante valet.
 Discite ab experto; sub eodem sidere natus
 Utilis in vestro gloriator esse malo. 60
 Est modus in rebus; vivo placet impetus æstro;
 Sed deceat claris semita trita viris.

Res quoque non tantum, sed habent sua pondera voces,

Legibus obstricta est musa ligata suis.

Verba licet cultis dilecta Quiritibus olim,

Omnia non ideo versibus apta fluunt.

Atque suus sit cuique locus, namque altera fine

Altera principio versus amare solet.

Quæ decuit magnos permissa licentia vates,

Sumere vix alius, nec fine labe potest.

70

Sumitis intrepidi: per vos urbs inclyta partem

Abscissam queritur nominis esse sui.

Primaque Lojolæ, & pariter sine lege secunda

Corripitur, longas sed tamen ulus habet

Immo etiam voces, quas aurea protulit ætas,

Longe alio afficitis, quam jubet illa, sono.

Sic nova verba placent, sed non concessa Latinis,

Quæque unquam nullo vidimus esse loco.

Horret in obscura peregrinus nocte viator,

Sint quoque lectori lucida sensa suo.

80

Tædia confuso nascuntur ab ordine vocum,

Vox licet ex puro quolibet amne fluat.

Quo genere optarent, quo flecti nomina casu

Per vos interdum demeruisse dolent.

Parcite si nimium videor transcurrere metam,

Et pressus magnis crimina parva noto.

Hæc ego si monitor monitus prius ipse fuisset

Forsthan ingenua doctior arte forem.

Et fateor quandoque bonus dormitat Homerus,

Nec pariter pulchris floribus arva nitent.

90

Quin potius miror pressos torrente malorum

Carmina turbato sic cecinisse animo.

An canet in mediis jactatus nauta procellis,

Aut miser in sylva quem lupo ore petit?

Tempus erit cum læta pium dabit otia Numen,

Pura quies vates ingenibus facit.

Est aliquid studiis tranquilla mente vacare

Sponte sua facili carmen ab ore venit.

Sæ-

Sæpius ad limam si quid revocare paramus
 In promptu est doctos consuluisse libros. 100
 Cultior exactos numerabit musa labores,
 Singula materies carmina laudis erunt,
 Vos Venulinus Olor vates Pelignus, & ipse
 Virgilius noscent cantibus esse pares.

E P I S T O L A XVII.

Clarissimo Viro Joanni de Offuna.

*Snadet vates ut Baticæ Provinciæ laudes describat,
 seque tanto oneri imparem fatetur.*

KAL. NOVEMBRIS MDCCLXX.

HÆC tua sollicitas fert littera missa querelas,
 Sed quo debuerat, non pede fecit iter.
 Luna quater latuit, pleno quater orbe recrevit;
 Dum volat in nostras segnior ipsa manus.
 Non tamen ille error suus est; erravimus ambo;
 Illa sequebatur, sed fuga nostra fuit.
 Sedulus exilio positos in visere fratres
 Per loca Flaminix proximiora via,
 Seu qua stravit iter per inhospita viscera montis
 Nescia inaccessos Roma timere obices. 10
 Congestos montes vix parvus separat amnis,
 Et mage difficilis redditur amne via.
 Clausit iter rupes, quam parva in frustra secare
 Exigit expensas, & novus esset obex.
 Flaminius medio jubet amplum aperire foramen,
 Per quod tres currus insimul ire queant.
 Gens ubi castaneis mensam pro fructibus ornat,
 Hortorumque locum plurima quercus habet.
 Seu

Sed tamen interdum visæ decrefcere rupes,
Et nitidæ valles post juga celfa virent. 20
Seu qua vicino fervent commercia portu,
Et strepit, & lambit mobilis unda pedes.
Altera, dum vehimur curru, rota fulcat arenam,
Circum ludentes altera scindit aquas.
Delitui nimium, sed quæ solatia pectus
Mulserunt, justæ causa fuere moræ.
Hoc unum deerat, quod me recrearet eundo,
Ingenii partus carmina ferre tui.
Sæpe ego seu patulæ recubans sub tegmine fagi,
Seu nitida herbofo qua salit unda tofo, 30
Stratus humi curas, & tædia longa levarem,
Et possem adventu gratior esse meo.
Attamen erubui, quod me, dulcissime, laudas;
Sed tibi si placeam, laus mea major erit.
Me socios celebrasse probas, communia noscis
Argumenta animi qualiacumque mei.
Quodque meis demum fileatur Bætica libris,
Jure doles; nostro carmine digna fuit.
Ipsa propinqua fuit, cum patria regna tenerem,
Exilii pariter sede propinqua manet. 40
Sat merita agnosco, seu dum mea Lysia stabat,
Seu postquam donis exul alenda gemit.
Nota mihi pietas, constantia nota tuorum,
Cum tandem obrueret dira procella caput.
Bætica si meruit primas numerarier inter,
In quibus effulfit Relligionis amor,
Est aliqua ingrato meritum exprobrare voluptas;
Hac tantum gaudes, dulcis amice, frui.
Nec satis est laudasse pares ad prælia dextras,
Præmia sunt gestis cuique ferenda suis. 50
Arguis; inque animo suspectum credis amorem;
Visa est suspicio pondus habere suum.
Quis sibi dilectos alienis laudibus ornet,
Nec repetat variis nomina chara modis!

Dilige: sponte sua venient in carmina laudes;
 Indicium cordis verba latentis erunt.
 Ista, vel illa cohors magnis celebrata triumphis
 Præcipuum ante alias jactat habere decus.
 Si reliquas pariter super astra extollere dicas,
 Laus certe est nomen conticuisse minor. 60
 Adde quod ut taceas aliqua ratione moveris;
 Nec causam, ut saltem pauca loquaris, habes.
 Hæc ego perpendi, cum me tua littera somno
 Admonuit dudum procubuisse gravi.
 Debueram fateor causas vitare doloris,
 Et non materies questubus esse tuis.
 Sic non ignarum titulo reprehendis inani;
 Quod superest, veniam supplice voce rogo.
 Et veniam meruit quisquis commissa fatetur,
 Purpureus meruit qui subit ora rubor. 70
 Oranti veniam indulget placabile Numen;
 Parcere cælestis te quoque norma docet.
 Adde quod & factum liquid peceavimus illo,
 Vix tua quod pietas parcere possit, habet.
 Nescius in trivio quo tendat calle viator,
 Non pœna est dignus, si male flectat iter.
 Sic sincera nequit culpabilis esse voluntas,
 Forsitan erravit, sed sine labe fuit.
 Non penitus mens est objectum avellere crimen,
 Imminuam crimen sed tamen ipse meum. 80
 Criminis ipse quidem non ultima causa fuisti,
 Inde prius monitor forte monendus eris.
 Ipse ego te novi (quid doctam abscondere dextram,
 Nomina quid dudum clara tacere juvat?)
 Non equidem ex vultu; nam tunc ego plura docerer,
 Sed fama & scriptis, culte poeta, tuis.
 Scripta animi vera effigies, & mentis imago
 Lecta relecta oculis sæpe fuere meis.
 Ingenii dotes, atque aurea sensa notavi,
 Te novi, egregium vatibus esse decus. 90

Mittere Virgilio possit quis carmina? dixi,
 Nasonem imparibus possit adire modis?
 At aliæ simili florent quoque laude cohortes;
 Non horum potui cernere scripta virum.
 Orpheus interfit; quis fila sonantia pulset?
 Zeuxis adest; captum dextra relinquat opus;
 Jure quidem timeas, sed si non noveris illos,
 Nulla verecundi signa timoris habes;
 Est aliquid proprias interdum agnoscere vires,
 Limite sic certo rura colonus arat. 100
 Sic ego non omnes potui celebrare cohortes;
 Majus onus nostris viribus illud erat.
 Erubui non posse omnes includere versu,
 Nec paria obsequii signa dedisse mei.
 Tunc bene selegi, mihi quæ magis apta putabam,
 Defuit & scriptis ultima lima meis.
 Sed tamen audendum, quæ sensa incondita chartis
 Dextra repugnabat tradere, suasit amor.
 Charta quidem timuit magnos aditura Poetas,
 At Domino tandem paruit illa suo. 110
 Nec voluit Dominus, quos fama noverat ante
 Non bene purgatis lædere carminibus.
 Sic amor in reliquos, in te reverentia, nostrum
 Expedit ille audax, ista moratur opus.
 Heu mihi, cur timidum fecit vicinia vatem!
 Debuit illa meam sollicitare lyram.
 Et mage laudari, quæ sunt mage nota, juvaret,
 Hæc foret officiis debita cura meis.
 Bætica quæ primos meruit sibi laudis honores,
 Prima quod a Patria sede repulsa fuit. 120
 Bætica cui primas debet quoque Lysia curas,
 Quærit enim damno commoda nostra suo.
 Et placuit reliquis ea norma cohortibus; omnes
 Fluminis instar erant, fons tamen illa fuit.
 Sed cum non potuit donis, nos Bætica ditat
 Exemplis; faciunt tot monumenta fidem.

Quam

Quam bene tyrones morum docuere magistri:
 Inclyta difficili tempore gesta probant.
 Scinduntur vestes, animus sed perstitit idem,
 Sola quibus summo cura placere Deo. 130
 Scilicet una omnes objecta pericula temnunt,
 Seu prope contingat, seu procul esse suis.
 Pars etenim Ausonias ultro venit exul in oras,
 Pars manet hostili dux sibi quisque solo.
 Quid referam Heroas, quos ultima protulit ætas,
 Vidimus auratis nomina scripta modis.
 Egregios cecini pietate, insignibus ausis,
 Doctrina ingenio Religione viros.
 Nempe bipartiti cum celsa cacumina montis
 Incolerem, & reliquis ductor ad illa forem: 140
 Cum placidas vatum leges & jura docerem,
 Sæpe erat in fratres musa disertata meos.
 Sæpe tuas, Padial, repetebam in carmine laudes,
 Nam fuerat gestis Lysia plena tuis.
 Lysia succensi narrabat pectoris ignes,
 Ora inflammatum, purpureumque genas
 Dum fora, dum calles Divinus obambulat Infans,
 Et fugit amplexus devius inde tuos.
 Jamque tenere putas, sed amabilis ore puellus
 Labitur arridens flexilis e manibus. 150
 Hac fovet arte tuum, atque eludere fingit amorem,
 Et procul ipse oculis, corde propinquus adest.
 Ecce preces recitas; volvens in codice chartas
 Implicat atque tegit dextra tenella notas.
 Urget opus, peragenda vocant, properare juberis,
 Obvius opposito corpore claudit iter.
 Felix! quo superi omnipotens regnator olympi
 Miscere innocuos gaudet ubique jocos.
 Tu quoque non ævo dispar non urbe remotus,
 Sæpe meo Tamaris carmine notus eras. 160
 Sæpe etiam doctis cecini clarissima fastis
 Nomina, & ingenio jam celebrata suo:

Nam

Nam modo me Sanchez, modo me Granata docebat
 Quam bene convenient ingenium & pietas;
 Tum mea musa Lugum; quem purpura cinxit & ostrum,
 Romulea summum novit in urbe decus.
 Doctorem eximium novit te, magne Suarez,
 Nulla tamen meritis laus venit æqua tuis.
 Patria regna prius, tum Roma, & Lybia dotes
 Admirata tuas vidit, & obstupuit! 170
 Vivis adhuc fama toto notissimus orbe,
 Pars orbis tanto non satis una viro.
 Obtinuit palmam tecum mea patria felix,
 Et stabilem clara figit in urbe domum.
 Hos ego laudavi; atque aliis quoque Bætica fultit,
 Argutis cecinit quos lyra nostra modis.
 Inde meum agnosces blande placatus amorem,
 Agnosces crimen non minus ipse tuum.
 Si tibi tam faciles instillant carmina sensus,
 Si nitidas fundit vena perennis aquas, 180
 Cur opus hoc differs victuris tradere chartis,
 Et tota dignum posteritate legi?
 Miretur ventura ætas, quot Bætica quondam
 Protulit afflatos Numine terra viros.
 Ut mihi cura fuit plures celebrare cohortes,
 Tu reliquas doctis felige carminibus.
 Sic opus evadet, duplex quod compleat author,
 Nomen & in titulo Bætica prima ferat.
 Quin pretium obscuris (mihi crede) laboribus addes,
 Scriptis adjungas si tua scripta meis. 190
 Non tantum expressos jactat pictura colores,
 Sed variata umbris ipsa tabella placet.
 Si forte est aliquid quo carmina nostra probentur,
 Hæc tibi materies addita laudis erit.
 Gemma licet niteat fulvo pretiosior auro,
 Cincta auro spargit clarius illa jubar;
 Ergo age rumpe moras, generosos concipe fœtus,
 Increpat invisas Bætica quæsta moras.

Ergo age: non propriæ laus est suspecta cohortis,
 Materies laudum nam mage nota tibi est. 200
 Segnius irritant animos demissa per aures;
 Quæ celebras, oculis visa fuere tuis.
 Otia quid profunt? magna exercere vetamur;
 Fallamus solidos, qua licet arte, dies.
 Mille modis pressos solemur carmine fratres,
 Sit saltem hac felix utilitate labor.
 Nec me culpabis, cum sis culpabilis ipse,
 Quin gaude exemplis evigilare meis,
 Oh me felicem, si dum mea crimina purgo,
 Te somni obtineam pœnituisse tui! 210
 Respuat usque meos quamquam tua Bætica versus,
 Ipsa mihi grates, quod celebretur, aget:
 Est aliquid cecinisse prius, nam sæpe cicuta
 Excitat argutas pastor ineptus aves.
 Adde quod illa mihi laus est & gloria major,
 Bætica quod monitu sit celebrata meo.

E P I S T O L A XVIII.

Ad Amicum.

De sociis suæ Provinciæ desertoribus.

KAL. DECEMBRIS MDCLXXII.

DUlcis amice doles: iusta est tibi causa doloris,
 Quem pietas animi, quem movet intus amor.
 Nempe doles socios eadem vexilla gerentes
 Sæpius indecori terga dedisse fuga.
 Nec satis est magnos dudum superasse labores,
 Nec satis est primis prævaluisse malis.
 Clara triumphali cinxerunt tempora lauro,
 Victrici numerant parta trophæa manu.
 Vidimus heu! pulchras sensim marcescere frondes,
 Et periit clypeis, qui fuit ante, color. 10
 Car.

Carmina collectos laudarunt nostra triumphos,
 Tristia nunc miseri signa doloris habent.
 Promisere tamen mentem servare fidelem,
 Obtulerant summo corda parata Deo.
 Forte aliquis fidum monuit desertor amicum
 Dux fuit exemplo noxius ille suo.
 Hæccine pacta fides? Ut quid jurastis ad aras
 Affigi sacrae per tria vota cruci?
 Anne Deo audetis fallaci illudere verbo?
 Spernere sic Numen Numinis ante oculos? 20
 Plus valet insidians (neque enim reputemus amantem)
 Plus valet infida transfuga consilio?
 Forte negat præsul quæ concedenda putatis,
 Forte senex vultus induit ille truces?
 Forte comes dicta vos pungero visus acerbo,
 Forte placet vetitas ire redire vias?
 Plura (fatebor enim) vitæ nova forma recentis
 Damna tulit; virtus nec satis est solita.
 Heu nimium in fratres cælestis frigit ardor,
 Mentem implet nummorum usus & arbitrium. 30
 Nec valet imperii moderari præsul habenas,
 Et, ne vilescant provida iussa, tacet.
 Quorsum ego? non vobis exempla domestica desunt,
 Ut mala vos retrahunt, sic bene gesta trahant.
 Ah frustra in reliquos mala vestra refunditis; elca
 Infirmitate stomacho nulla salubris erit.
 Cautior incedas, si quis modo devius errat,
 Sic aliquid vitiis utilitatis inest.
 Felix, quem faciunt aliena pericula cautum;
 Felix, qui, socio desipiente, sapit, 40
 Ipsa ubi lethiferos extraxit aranea succos,
 Mellifluum noscit sugere nectar apes.
 Adde quod a nobis vitium plerumque resultat;
 Fallere sic mentem somnia vana queunt,
 Falleris heu! viridi si perspicis obvia vitro;
 Obvia nam viridi tincta colore putas,

Sed tamen est aliquid, quod plus caveamus oportet,
Ne misere in fyrtes naufraga navis eat.

Sæpe parum cautos fallax muliercula sensus
Obruit, officiis insidiosa suis.

Heu miseri! cur tanta oculis concessa potestas?
Cur primum hæc blandis vocibus ausa loqui?

Atque erit æternæ vobis spes ulla salutis;
Qui promissa Deo venditis hoc pretio?

Sed placet alloquium, pietas, & gratia fandi,
(Dicitis) haud animum noxius urit amor.

Heu miseri! siquis paleas admoverit igni,
Has frustra in tristes nolit abire rogos.

Nec fatis est puram sceleris conducere mentem,
Tange picem, & tingi te pice velle nega.

Gutta cavat lapidem non vi, sed sæpe cadendo,
Sic sensim illecebræ debilitant animos.

Et facile impingit, qui per declivia montis
Ruptaque præcipiti vortice tentat iter.

Haud scelus est, inquis, cautam invisisse puellam;
Mens tantum alloquio fallere tempus erat.

Heu stolidum! misera quot sic periere ruina!
At facer, exclamas, usque minister ero.

Hoc magis indoleo, quod ab illa pergis ad aras;
Excipe matronam nobilitate gravem.

Illa patrocínio poterit te sæpe juvare,
Consilio poteris discere plura suo.

Ah timeas siquis fratrum consortia vitat,
Non observatus si velit ire domos.

Se nempe a fociis (quos ante fidelis amabat.)
Vix uno accito, subtrahere incipiunt.

Nulla domi placuere, foris solatîa quærunt,
Sed medicina suo non erit apta malo.

Sic visco capiuntur aves, sic retia fallunt,
Subdola sic pisces attrahit esca vado.

Se miserum agnoscit postquam diglutiit hamum
Piscis, & a fociis deviat ille suis.

Sed

Sed quacunque tamen veniant ab origine causæ,
 Tempestatem animi prævia signa notant.
 Nescio quid secum confusa mente revolvit,
 Sunt oculi torvi, triste supercilium.
 Quæsitus tacet, aut verba interrupta reponit,
 Et facilis querulos occupat ira sonos.
 Cur cito deperiit festivo gratia vultu?
 Et lepor ingenuus cumque lepore jocus? 90
 Lætitia, & mæror (nisi sit male tracta voluntas)
 Crede mihi, nostro pendet ab arbitrio.
 Nocte dieque vigil sudat venator in agris,
 Per juga per valles itque reditque celer.
 Et qui forte labor mihi non tolerabilis esset,
 Ipse voluptatem deliciasque vocat.
 Narrat ovans celeres cursu superasse molossos,
 Narrat ovans prædam nigra per antra sequi.
 Quisque animo discat certas imponere leges; 100
 Arbiter ipse potest (si velit) esse sui.
 Adde quod a superis quæ præmia certa parantur,
 Præmia sunt quovis digna labore peti.
 Aspice quam tenui properamus ad ardua lucro;
 Nec cupido injiciunt ulla pericla metus.
 Non timet incerto committere carbasa vento
 Navita, & arbitrio fata minantis aquæ.
 Sole sub ardenti falcem quoque messor aduncam
 Versat, ut exustos depopuletur agros.
 Miles in immensos se projicit ipse labores;
 In tela, in gladios permeat intrepidus. 110
 Nos, superis lectum quod cælo militat agmen
 Infidi tanto possumus esse duci?
 Causa mali tanti non me latet; otia mentem
 Enervant, ut non mota putrescit aqua.
 Sic lenta ærugo consumit inutile ferrum,
 Clausa diu vestis roditur a tineâ.
 Riserat instantes navis bene sarta procellas,
 Firma diu in placidis sæpe fatiscit aquis.

Otia virtutum pestis, mœroris origo,
 Expandant faciles ad scelus omne fores. 120
 Otia sit tollas, periire cupidinis arcus,
 Et redit in pectus, qui fuit ante vigor.
 Altera pars precibus, pars temporis altera libris,
 Sitque pio sua pars dedita colloquio.
 Debita pars superis inter consortia divum
 Si deerit, miserum certâ ruina manet.
 Hic sese ipse Deus præbet mortalibus ægris,
 Fallaces Erebi detegit insidias.
 Hic mentem illustrat, vegetosque in pectore sensus
 Obfirmat, spargit munere largus opem. 130
 Non renuam lento binos incedere gressu,
 Aere cum lubeat liberiore frui.
 Deque die solido parva intervalla secando,
 Sæpe juvat (fateor) demere particulam.
 Et laxare arcum, atque animi instaurare vigorem,
 Jactura haud dici temporis illa potest.
 Stratus humi vires reparat sub fronde viator,
 Ut petat inceptam fortior inde viam.
 Sic decet in ludo sine damno impendere tempus,
 Lætior ut curis mens vacet inde aliis. 140
 Sumite materiam vestris modo viribus aptam,
 Inque suo studio quilibet emineat.
 Proluat hic frõntem salienti Castalis unda,
 Prona bipartiti quæ juga montis alit.
 Nam mihi mens fuerat studiis per lustra severis
 Quatuor addicto deposuisse lyram.
 Et tamen afflicto sola hæc solatia restant,
 Et desueta vetus musa resumpsit opus.
 Tullius huic placeat; sensim facundior ore
 Nunc sensa ad limam ter revocanda notet. 150
 Ille renitentes quærat cum Cæsare Gallos,
 Romana hunc recreet Livius historia.
 Si cupias numerum, mensuram, & pondera rerum
 Noscere, quasque artes docta mathesis amat;
 Li-

Linea cum puncto, variisque triangula formis,
 Inventa assidui prima laboris erunt.
 Dividere in partes discas non sectile punctum,
 Non intellectis scribere sensa notis.
 In tenui charta tandem vastissima tellus
 Parebit, numeris subjicienda tuis. 160
 Et liquido oceano, & lato spatia bere cælo,
 Multa scies vulgi vix ea digna fide.
 Quæque scies certa constabunt plurima lege,
 Nec poterit dictis error inesse tuis.
 Pluribus arridet naturæ inquirere leges,
 Causam ex effectu noscere quamque suo.
 Seu qua discordes veniunt ab origine venti;
 Cur jacet iratus tela trifurca polus;
 Qua veniant motus terræ; quid ad æthera montes
 Eruent flammæ sulphura saxa picem; 170
 Qui fiat pluvialis aqua; ut concreta figuras
 Sæpe eadem varias fingit, & inde cadit;
 Hauriat a pelago fluvius quo tramite lymphas,
 Cur vaga deposito permeet unda sale;
 Attrahat an tellus puram, fonsque inde resultet,
 An sola hic pluvia dote perennis eat;
 An terra internis dum sublevat ignibus undam,
 E nebula in guttas fontibus illa fluat;
 Cur pelagus fluctu intumeat, sensimque refluxu
 Decrescat, quid alat fertilis in gremio; 180
 Ut lucem effundat radio septemplex Titan,
 Et lucis sit pars inde reflexa color;
 Et juvat ignotæ scrutari viscera terræ:
 Sive ignes clausos, sive metalla petas.
 Et juvat æthereos perpendere cominus orbes,
 An prodesse homini, sive nocere queant.
 Ut nostris sint visa oculis, quæ sidera cernis,
 Volve animo quot sint sæcula lapsa prius.
 Cur aliqua ex astris radiorum furta reflectunt,
 Cur aliqua ovali circumiere via; 190

Cur varii solis cursus, Lunæque labores;
 Cur tristis longo crine cometa redit;
 Attrahat ut corpus se se, retrahatque vicissim,
 Motu ut subsistant corpora cuncta suo;
 Nec procera arbor tantum, sed inutilis herba,
 Utilia assiduæ pabula mentis erit.
 Ordine quo succos prius ebibat, inde ministret
 Vitales radix, curque late scat humi;
 Quot sint caule tibi, folium quo textile nexu
 Crescat in ornatum luxuriantis agri; 200
 Quot florum species, seu flos tibi rideat uno
 Seu micet indutus multiplici folio;
 Pulvere deciduo sæcunda ut semina reddat,
 Et ceræ artificii furta ministret api.
 Per juga per valles mens sæpius ampla vagetur,
 Quærat & omnigenas ingeniosa feras.
 Parvula ut exemplo est magni formica laboris,
 Et victum æstivo tempore cauta paret.
 Occupet ipsa animum tenuissima turba volantum,
 Musca latens quercu, mellis & auctor apis. 250
 Plurimus & vermis, qui jam quasi mortuus alas
 Induit, ut vermes innuba gignat avis.
 Rinoceros, Elephas, quos Ganges mittit, & Indus,
 Africa quos sylvis educat ulla suis.
 Sævus aper, Leo magnanimus, rapidissima Tigris,
 Dama celer, Vulpes subdola, & Ursa ferox.
 Cur Cervum celer insequitur, Leporemque Molossus;
 Mus quoque cur Felem, cur fugit Agna Lupum?
 Quis volucres docuit variæ modulamina vocis,
 Et se se instanti frigore subtrahere; 220
 Quisque feras docuit solamina quærere vitæ,
 Et quis in hostiles suggerit arma dolos;
 Quæ simul in terris, liquidoque animalia ponto
 Degere amant; sola, quæ spatiantur aqua.
 Noscere si nequeas, saltem indagare voluptas
 Quæ rerum nobis conditor exhibuit,

Si fortasse juvât Românas discere leges,
Te plura authorum scripta diserta vocant.
Si magis arridet summi penetralia cæli
Quærere, divinæ noscere mentis opes; 230
Arcanum Triadis, seu cur ante omnia Numen
Sæcula, progenies æqua coæva patri
Tempore præscripto statuit de Virgine nasci,
Nec renuit tormenta inter acerba mori.
Hæc & plura amplam mulcent sublimia mentem,
Hæc studii cupido digna placere viro.
Quæ dictante Deo fervant documenta salutis.
Et sacra sincera tradita scripta fide.
Nocturna versate manu, versate diurna,
Sint, precor, attentis lecta relecta oculis. 240
Siquis ovile fugit (postquam lustralibus undis
Abluti, electi pars fumus una gregis)
Nec tantum fraude implicitus male devius errat,
Ast alios extra pascua sana trahit:
Tum monitor validis discat rationibus uti,
Et certa insperfos detegat arte dolos.
Altera, quæ rectos homini sapientia mores
Quodque leve ostendit, quod grave erimen, erit.
Altera, divinæ quæ ducit ad oscula dextræ,
Et cor a nobis abripit, atque animum, 250
Deliciasque affert ceu prælibamina cæli,
Sordeat ut toto quidquid in orbe placet.
Utraque erit nostris solamina dulcia curis,
Ne longo exilio tempus inane fluat.
Crede mihi; doctis superest incumbere libris:
Hoc tantum miseris tempora dura sinunt.
Hoc precor, admoneas, sic otia tollere quæras,
Utilis admonitu sic potes esse tuo.
Forte aliquis rapidas passus jam corde procellas,
Te duce tranquillos exiget inde dies. 260
Otia si tollas, socios lucraberis omnes,
Et quisque in medio turbine salvus erit.

EPISTOLA XIX.

Dulcissimo Amico

*Ignatio Maldonato Soc. Jesu Mexicano ut Fanum
Bononia redeat.*

IV. IDUS FEBRUARII MCCLXXIV.

Dulcis amice redi, nec te tua Felsina lentum
Detineat curas digna fovere tuas.
Innumeros, licet invitus, fuge cautus amicos,
Nam plus (crede mihi) vita salusque valent.
Vidi ego stagnantes ea per confinia valles,
Nec nisi pestiferus fœtor, & horror erat.
Heu macies vultu, totoque in corpore pallor
Aeris infecti tristia signa ferunt.
Rusticus exesi vix usum nescit aratri,
Nota olim tremula vix movet arma manu. 10
Qua seges auratis quondam florebat aristis,
Cænosa fluitat canna palustris aqua.
Et pisces hamo nunc fallere gaudet adunco,
Qua juvenis visco sæpe fefellit aves.
At procul a nostris mala sunt ea finibus, inquis,
Hic tenuis placida defluit amnis aqua.
Non hic magnates non hic mutabile vulgus
Anxia solliciti signa timoris habent.
Hic geniale forum, consortia læta frequentat,
Et celeri populus ludere gaudet equo. 20
Sæpe theatrales gens hic videt exera lusus,
Miraturque simul commoda, & urbis opes.
Adde quod hic stabilem posuit sapientia sedem,
Est aliquid doctos inter adesse viros.
Tot mihi vel patria, vel amore, aut sanguine juncti,
Aspice ubi fixam constituere domum.
Atque ego plus sapiam? cunctis prudentior esto.
Forte inquis, tanti me precor haud facias.
Dul-

Dulcis amice redi, nec te pietatis imago
Detineat; dulci solve pedes laqueo. 30
Est pietas non esse pium; medicamine nullo
Vita redit; si abeas, sæpe redire potes.
Sed tibi, quo vitæ revocat modo cura, redire
Convenit; hoc si quis diligit, admoneat.
Ni redeas, celeres solatia vestra sequentur
Cum gemitu lacrymæ, cumque labore dolor.
Aspicias ut macies iterum depascitur artus,
Atque suo stomachus deficit officio
Cuncta quidem renuens alimenta palustribus arvis,
Forſan & orta etiam frigidior solo. 40
Aspicias ut scabies, nudo cum pectore vulgus
Tranſilit, informem turpat acerba cutem;
Informesque manus, & sordida brachia pauper
Extendit, querulo dum petit ore cibos?
Vina calent nimium gypſo cænosa paterno,
Nulla ſcatet puræ venæ ſalubris aquæ.
Quot (dolor heu!) ſocios amiſit Mexica tellus!
Viribus hic alii procubuerunt ſuis.
Tot, quibus in vultu riſit florentior ætas,
Pallida languenti corpore membra movent. 50
Sive quod huc veniant miti ſub ſidere nati,
Sive ſit a culpa cauſa petenda loci.
Nec te lata movent avidæ ſpectacula gentis;
Soluſ amas fratres inter adeſſe tuos.
Hi quoque ſi mediis latuiſſent alpibus, alpes
Urbs tibi magnifica charior urbe forent.
Si tibi nunc proſunt conſortia docta virorum,
Non renuam; at ſupplent edita ſcripta vices.
Sit bona temperies, non ſit quoque noxiuſ aer: 60
Felices aliis auguror ire dies.
Sed bona temperies populofam haud conſtruit urbem;
Quin dudum aſſuetos quælibet ora juvat.
Sub nivibus, qua parte trahit ſua plauſtra Bootes,
Regia Ruſſorum ſemiſepulta latet.

Urbs

Urbs magna Æthiopum, qua sol violentius urit;
 Immanes rabido despicit ore feras.
 Non ego cum diris celebrem regionibus urbem
 Confero; namque Italos aura benigna beat.
 Sed mihi si noceat, (sit quælibet aura salubris)
 Æthiopum aut Rufforum urbis habenda loco. 70
 Et calor & frigus, quod non superare videris,
 Si patrium est, nullo corda timore ferit.
 Jure quidem Ruffo regio borealis amatur,
 Jure quidem Æthiopi torrida zona placet.
 Terra salubris erit, qua me genuere parentes,
 Qua cum lacte hausî prima elementa puer.
 At te primâ videt prodire in luminis auras,
 Terra ferax, aer purus, amœnus ager.
 Non vos tristis hiems, non arida concutit æstas:
 Tellus perpetuo vere profundit opes. 80
 Non similem invenies Italîs in finibus: illam
 Selige, dissimilis quæ minus esse potest.
 Acer hiems, ubi nunc degis, crudelius angit;
 Atque æstas putridis noxiâ fœtet aquis.
 Stagna licet vestros non lambant proxima muros,
 Est aliquid tanto non procul esse malo.
 Adde quod ulterius quacunque advolvere gressus
 Cogaris, obliquas hinc petis inde vias.
 Parte sui magna premitur Ferraria lymphis,
 Effera nec Venetis unda pepercit agris. 90
 Quid juvat afflictum pestem observare propinquam?
 Est alio potius vita tuenda loco.
 Oh utinam cum Mexiacis venistis ab oris,
 Hæc vestro exiliô meta petenda foret!
 Urbs tota exciperet venientes hospita plausu,
 Offerret fartas obsequiosa domos.
 Hic vili pretio quæsitâ alimenta parantur;
 Nec cupit externas sobria mensa dapes.
 Fortunæ domus apta fuit, qua pomifer arbor
 Curvatur, Bacchus regnat, & alma Ceres. 100
 Quæ

Quæ reliquas divisa beant, hic juncta videbis,
 Et potes Italiæ dicere delicias.
 Quodque magis mirum, vel quæ de colle propinquo
 Labilis in nostrum ducitur unda forum,
 Vel quæ clausa diu puteis servatur opacis,
 Quæque oriens falsas vix prope tangit aquas.
 Te te ipsum appello: Tibi nulla salubrior omni
 Æmilia, nullo visa docente fuit.
 Bis etenim casu nostras appulsus in oras
 Visus es antiquis convaluisse malis. 110
 Me forte, ajebas, fallit gratissimus error?
 Demulcent animum somnia vana meum?
 Æger eram; prisca sensi juvenescere vires;
 En valeo: & morbus (non ego fallor) abit.
 Gratia sit superis: hanc me duxistis in urbem,
 Ut redeat vestro munere parta salus.
 Gratia sit vobis Fanensem habitantibus urbem,
 Cernitis obtenti causa fuisse boni.
 Nam si me teneat sedes male sana Pisauri,
 Nam si me teneat Felsina magna sinu, 120
 Sive diu vivam, seu sim moriturus, & æger,
 Hoc tantum norunt exilii focii.
 At Fani proceres, dum me placido ore salutant,
 In media gaudent sistere sæpe via.
 An valeam, inquirunt; tum me comitantur euntem
 Per fora per calles, exhilarantque animum.
 Sive movere juvat lentos ad littora gressus,
 Qua fluit & refluit questubus unda suis.
 Seu qua recta urbem rivus petit, unde propinquus
 Oceano saltu præcipitante ruit. 130
 Si placeat, querulas comitari possumus undas;
 Arboribus septus callis utrinque patet;
 Cingere si placeat sinuoso mœnia gyro;
 Si campos, planum qua via sternit iter;
 Seu juvat in valles gressus revocare propinquas:
 Omnia sunt genio cuilibet apta suo.

Gratia sit vobis Fanensem habitantibus urbem;
 Digna quidem est Dominis terra beata suis.
 Dum mihi mens fuerit, dum spiritus hos reget artus,
 Semper ero vestri tempus in omne memor. 140
 Dulcis amice redi, nam quæ tibi scribere possum,
 Gratulor a verbis jam didicisse tuis.
 Una est quæ lentum possit te causa morari,
 Me forte ignarum displicuisse tibi.
 Si tibi displicui, mentis fuit error; at idem
 Semper in ingenuo candor adest animo.
 Si tibi displicui, non tu dulcissime debes
 Delicti pœnas ipse subire mei.
 Parce tamen si suspicio me fallit inanis,
 Cum tu sponte etiam non redamatus ames. 150
 Quisquis amat, dulcem culpæ ignarus amicum
 Adscribit culpæ (si qua notanda) suæ.
 Nec renuam: exilii socios mage diligis exul;
 Non huc noster amor, sed tua vita vocat.
 Plus quoque ament alii, sed sum felicior illis,
 Quod mihi Fanensi contigit esse solo.
 Tempora si numeres, bene quæ numeramus amantes,
 Non venit ante suum nostra querela diem.
 Debueras charos festinus visere fratres,
 Nec sinere antiqui signa redire mali. 160
 Principiis obsta: sero medicina paratur,
 Cum mala per longas invaluere moras.
 Cum jam tabescas, in te tabescimus ambo,
 Et me destituit, qui fuit ante, vigor.
 Ergo age. Te citius redeunte, vigeamus ambo;
 Nil mihi rescribas, attamen ipse veni.

EPISTOLA XX.

Sanctissimo D. N. Pio VI. P. O. M.

*Ob insignia Regum Lusitaniæ pietatis officia
in Domino exultanti.*

KAL. JANUARIi MDCCLXXX.

SANCTE Parens, sanctæ decus urbis & arbiter orbis,
 Nomine post quintum, nulli pietate secundus,
 Tempore difficili concessum a Numine donum,
 Maeste animis, jam te cælum penetrabile votis
 Solatur, dulcesque, Petri quas pronus ad aras
 Versasti, lacrymæ placarunt Numinis iras.
 Flebitur iratum Numen, gaudetque rogari,
 Plus quoque, si summus fundat pia vota sacerdos.

Unius ob culpam dudum tua vota fefellit
 Lysia, sed gentis virtus in corde manebat 10
 Ingenita, & tecum populi doluere fideles.
 In cælum jaculata piis suspiria votis
 Effectu caruere diu: qui nuper ab alto
 Regnabat folio, quanquam pietatis avitæ
 Æmulus extiterit, cæca caligine tectus
 Non potuit claram populis diffundere lucem:
 Proh quantum nocuere doli! mendacia quantum
 Ingenuos audent Regnantum invertere sensus!
 Quam grave calliditas affert infida periculum!
 Nunc nova (nec fallor) regnantibus astra relucet; 20
 Te Regina Deo atque Tibi fidissima, Te Rex
 Cui nullum pietate parem nostra edidit ætas,
 Clavigerum agnoscit cæli, munusque gerentem
 Numinis, Hæredem Petri, Regemque sacrorum,
 Ter Caput augustum, & decus immortale tiaræ.
 Aspice, quam late tot sese extendat in oras

Lu.

Lusiadum imperium, qua sol cunabula lustrat,
 Qua medium conscendit iter, qua pronus in undas
 Occiduas caput immergit; qua lumina spargit,
 Dum premimur nocte obscura; regionibus amplis 30
 Sæpe tuum resonat sanctum & venerabile nomen,
 Nota patent cunctis laudum argumenta tuarum.
 Non timet (interdicta prius) se prodere signis
 Conspicuis in communem reverentia Patrem.
 Teque senes juvenesque colunt; teneræque puellæ,
 Matronæque graves hilarant undantia plausu
 Compita, Teque Pium factis & nomine clamant.
 Cumque tuo repetunt Regum sacra nomina: pastor
 Has voces, dum curat oves, seu rura colonus,
 Excipit, & cælo grates acturus amico, 40
 Ille levem baculum, hic curvum deponit aratrum,
 Et genibus flexis Numen reverenter adorat.
 Vivat io, clamant populi; resonabilis echo
 Festivas repetit voces; nemora alta resultant,
 Atque Pium juga celsa sonant, vallesque profundæ.
 Interea choreas soboles pennata volantum
 Explicat, & bibulas mulcet concentibus aures;
 Irrigui fontes, grato levis aura susurro
 Lætitiæ dare signa suæ, dare signa videntur
 Ridentes prato flores, & in arbore fructus. 50
 Undique conjiceres diffundere gaudia Numen.
 Spirabant ubi cuncta metus, solatia spirant.
 Tempestas furiosa abiit, lux alma refulsit,
 Felices rediere dies, tantum omnibus unus
 Restat adhuc dolor, antiqui meminisse doloris.
 Proh dolor! Immanes tigres tota urbe vagari
 Vidimus, & toto disperdere ovilia regno,
 Vidimus in sacris misceri cœtibus urfos.
 Proh dolor! innocuam sine crimine ducere vitam
 Crimen erat, longo exilio, seu carcere dignum, 60
 Crimen inauditum, vinclis & morte piandum.
 Vos animæ illustres, Lysiis decora addita fastis,
 Quas

Quas toga nobilitat, quas infula sacra coronat,
 Quisq;ue triumphales exornant tempora lauri,
 Dicite, quas meruit virtus innoxia pœnas;
 Dicite, nam ventura aliis præstare negabunt
 Sæcla fidem; subiistis enim, & memorare potestis.
 Fas, decor, integritas, legum observantia, candor,
 Intemerata æquo librat quæ pondere lancem
 Justitia, & dubiis solers prudentia rebus, 70
 Nec sedem sibi concessam, nec nomina servant;
 In quorum subiere locum fraudesque, minæque,
 Et rabies violenta, & amor sceleratus habendi.
 Gratia sit superis: redeunt sua nomina rebus.
 Auspiciis confisa tuis, regumque favore
 Religio sacris nuper vix abdita templis
 (Abdita, nam sævis hinc est expulsa ministris)
 Libera per calles, per celsa palatia vultus
 Exerit, & veteres cum plausu acquirit honores.
 Hasque, Pium exclamans, voces proferre videtur. 90
 Vive sacri caput imperii, Sanctissime Princeps,
 A superis Tibi concessum minitantibus undis,
 Atque inter sævas ex omni parte procellas
 Per brevias & syrtes tutam deducere navem.
 Vive diu; felix per Te modo redditur orbi
 Communi medicina malo, mortalibus ægris
 Opportuna salus, rebus solamen amaris;
 Vive diu, de Te meditatur plurima cælum,
 Atque tuis majora parat solatia votis.
 Tecum una sincera fides, una aurea tecum 100
 Pax regnat, non illa quidem dilecta profanis,
 Ut valeant impune minis & fraudibus uti:
 Sed quam factus homo secum delapsus ab alto
 Attulit Omnipotens, mundoque in pignus amoris
 Præbuit, atque suis redditurus in astra reliquit.
 Perge preces offerre Deo; perge oscula plantis
 Figere, qua Petri claves ostendit imago;
 Numinis ante thronum petit ille, ad Numinis aras

Quod petis; utque Tibi Deus annuat, ipse precatur.
 Ac velut Ægæis Turcas Pius alter in oris 110
 Devicit, quanquam Romæ interiore recessu
 Seclusus, non cura ducum, non militis arma,
 Sed lacrymæ, & gemitus certum peperere triumphum;
 Haud aliter dum bella greges graviora fideles
 Exturbant (heu bella quidem civilia dicam!
 Inque sinu matris fraterno agitata furore!)
 Tu virtute prius, tum fletu sacra movente
 Numina, felici reddes nos pace beatos.
 Tempus erit, cum tuta greges in ovilia juncti,
 Dulcia dum placidi libabunt pabula; dicent, 120
 Hos precibus nobis Pius acquisivit honores.

E P I S T O L A XXI.

Eminentissimo ac Reverendissimo Principi

Joanni Baptistæ

S. R. E. Card. Rezzonico

SS. D. N. Pii VI. a supplicibus libellis.

KAL. APRILIS MDCCLXX.

Gratia sit superis: Pius alta in sede locatus
 Te focium curis gaudet habere suis.
 Ut qui supplicibus promunt sua vota libellis,
 Certius audiri, te referente, queant.
 Accessu facilis visuque affabilis omnes
 Excipis, optatam ferre paratus opem.
 Sic renovant populi magni Clementis amorem,
 Dum simili fulges dignus honore nepos.
 Jam non Euganeis læti spatiamur agris,
 Jam non veloces experiemur equos. 10

Jam

Jam non in longas cœnam producere noctes,
Colloquio alterno dum fluit hora, datur;
Non posthac Veneto duces blanda otia rure:
Te curæ assiduæ, Te vocat orbis amor.
Non Tibi, sed vives aliis: Te sospite, nostro
Oh utinam excurrant plurima lustra bono.
Publica privatis præponere commoda debent,
Quos Deus in tanto lucis honore locat.
Hoc tecum, memini, crebro sermone terebam
Argumentum, alius nec tibi sensus erat. 20
Sic tibi formabat mentis penetralia Numen;
Hæc fuerant animo semina jacta tuo.
Sæpe quidem dictis tua me recreabat in illis
Pura fides, animi candor, honoris apex.
Sæpe quidem mecum faveant huic tempora dixi,
Et fors tam digno sit quoque digna viro.
Felix, oh nimium felix, cui Numina donant
Viribus ingenii fidere posse sui.
Audior, & nostris cælum penetrabile votis
Annuit: assiduæ jam valere preces. 30
Vive diu: sic vota orbis communia poscunt,
Maxima sic nostræ gloria sortis erit.
Sed mihi sunt tituli, cur longe ardentius edam
Vota, nec absistam tendere in astra manus.
Nomine delector, quo me dignaris, amici;
Nec dulce hoc unquam nomen inane fuit.
Et tamen est aliquid, quo plus Tibi plaudere lætor,
Quo mea felici vulnere corda feris.
Protegis invisam toto nunc orbe cohortem,
Qua scriptum nomen gloriôr esse meum. 40
Protegis afflictam toto nunc orbe Parentem,
Quæ mihi lactanti prima elementa dedit.
Dilacerant materna magis fera vulnera natos,
Quam si nostromet pectore fixa forent.
Atque licet plures nostra infortunia damnent,
Pectora non tangit nobiliora dolor.

Et si forte aliquos tangit, Prudentia fallax
 Impedit affectus proderè signa sui. 50
 Ipse inter paucos toto numeraberis orbe,
 Cui non incutiunt tempora dura metum.
 Mille juvandi artes versas, atque omnibus idem,
 Queis fortuna favet, queis nocet ipsa, juvas.
 Sed primi nunquam auxilio caruere, secundi
 Quo magis afflicti plus tua corda movent.
 Si tamen impietas nunquam satiata dolores
 Augeat, & miseros in nova damna trahat,
 Multiplici titulo cura misereris amanti,
 Quæque probet supero Numen in axe, geris: 60
 Nam modo si regnat tenebrarum insana potestas,
 Forsan tempus erit, quo face pulsa cadat.
 Tunc Tibi crescet honos, ubi nunc minor esse videtur:
 More triumphantis fama superstes erit.

E P I S T O L A XXII.

Ad Eminentissimum, ac Reverendissimum Principem

D. Alexandrum Cardinalem Mattei Romana purpura
 Ferrariæ decoratum a Pio VI. P. M.
 in reditu ex Germania.

*Quo tempore vates Fano Venetias discessurus
 graviter aegrotabat.*

KAL. FEBRUARII MDCCLXXII.

JAM prope tempus erat, cum me discedere Fano
 Impatiens Venetæ suaserat urbis amor:
 Vos eritis testes, qui me novistis, amici,
 Quam sincera animi sint ea sensa mei:
 Interea in Dominam redeuntem accepimus urbem;
 Numinis in toto qui gerit orbe vices.

Illum exultanti suscepit Austria plausu,
 Gens Veneta undantes densat ubique vias.
 Quacumque incedit, properans cum paupere dives
 Lætitiæ lacrymis cernuus arva rigat. 10
 Æmiliam ingressus fluviorum a Rege superbam
 Culta ubi planities fertilitate viret;
 Cernit Alexandrum Romano a sanguine clarum,
 Commissum mira qui regit arte gregem;
 Salesio similis populos dulcedine cogit,
 Tam vigiles monitus, quam pia gesta sequi:
 Hunc decorare Pius Romano destinat Ostro,
 Nec patitur solitas gratia digna moras;
 Illum Purpurei decus immortale Senatus,
 Ipsa, qua populos instruit, urbe creat. 20
 Festivos inter plausus & gaudia gentis,
 Tot meritis exemplum unicum in orbe fuit.
 Oh me felicem! dixi, nam veste recenti
 Oscula pronus humi sæpe iterata dabo,
 Quam mora grata viam impedit! Ferraria votis
 Nunquam adeo cupidis aspicienda fuit.
 Me nunquam Adriacas quæsisse libentius undas
 Contigit; urget amor, jam properare libet.
 Proh quam vota hominum fallacia! quo mage felix
 Esse reor, cœpi tunc magis esse miser. 30
 Heu! violenta febris tenuous depascitur artus,
 Fatales addens insidiosa minas.
 Nam redit alternis cum frigore mista diebus,
 Nec profunt medica pocula mista manu.
 Paulatim impatiens metiri tempus & horas
 Affidet, & mortem signa ferentis habet.
 Vix ubi decrescit frigus, febris altera mittit,
 Et nova depulso frigore flamma venit.
 Vix tremor ossa quatit, calor obuius occupat artus,
 Signaque sunt longo continuata malo. 40
 Ut morerem animo semper mala corporis addunt,
 Pœna mihi duplici sævior hoste venit.

Visus abesse dolor, sed rodens pectora languor,
 Deliquiumque animi damna doloris habent.
 Fessa caput tremula nutans vertigine cogit
 Semper in invisio membra jacere toro.
 Unica restabant misero solaria, noctem
 Aut aliqua somno fallere parte diem.
 Somnus abit, mihi longa dies, quasi mensis & annus,
 Unde novus crescit, cum sonat hora, labor. 50
 Quæque solent rapido noctes decurrere passu,
 Credideram hybernis noctibus esse pares.
 Immo etiam noctes memoro, qua volvitur axis.
 Dum cælum obscurum plaustra Bootis arant.
 Somne quies animi, curarum dulce levamen,
 Somne veni: partes commiserantis age.
 Tu solus lenire potes tot tædia, dixi,
 Irrita sed misere vota precantis erant.
 Tum vires reparare cibo monuistis amici,
 Nil curæ assiduæ, nil valere preces. 60
 Nil mihi, dum vigiles alimenta salubria fertis,
 Quod magis impasto displicuisset, erat.
 Quælibet esca animum vel solo nomine turbat:
 Conjice, quam cruciet, si venit ante oculos.
 Potus aqua tantum mihi sumitur, arida fauces
 Nam sitis excruiat, viscera tosta calor.
 Impastum transire dies, producere noctes
 Insomnem cogunt tot mala mista simul.
 Tot mala mista simul tristes in corde procellas
 Exagitant, parvam mergere visa ratem. 76
 Cynthia bis latuit, pleno bis ore recrevit,
 Navis adhuc rabidis fluctuat acta Notis.
 Cum demum in syrtes timuit confracta perire,
 Imminuit vires dira procella suas.
 Tertius effusus vomitus qui provocet haustus,
 Estraxit causas, quæ latuere, mali.
 Gratia sit superis, cælo miserante revixi,
 Alma quies animi signa salutis erant.

Febris abit, redeunt somni, non displicet esca;
Paulatim & sensus convaluere mei. 80
Signa tamen morbi quamvis lugubria restant,
Fatalem satis est deposuisse metum.
Lenta salus redeat, sed lætus pergere possum
Quo me ducit amor, quo mea vota ferunt.
Et color & macies Venetis reparabitur undis,
Temperies forti convenit illa meæ.
Interea vatem Ferraria læta morantem
Aspiciet sortem commemorare suam.
Hic depicta omni discernens gaudia vultu
Præteriti morbi non memor esse queo. 90
Jam felix ego sum, qui laudibus addere laudes,
Quamquam inopem reddat copia, lætus amo.
Vive diu, atque iterum, præsul Sanctissime, clamant,
Vive diu, hæc cunctis vox sonat una locis.
Hæc sonat in triviis, foribusque, viisque propinquis,
Hæc eadem in templis cum prece mista sonat.
Hanc juvenis matrona, senex, hanc quælibet ætas,
Hanc studio repetit sexus uterque pari.
Vive, Pater, miseri clamant, pietatis alylum,
Urbis honor, procerum gloria, plebis amor 100
Plausus adhuc constans elapso tempore monstrat
Quantum ex sincero corde profectus erat.
Non intermissis ultro me plausibus addam,
Ultro communis pars ero lætitiæ.
Purpureæ accurram mille oscula figere vesti,
Plura animi cupidus prodere signa mei.

EPISTOLA XXIII.

De Fello SS. Cordis Jesu.

*Ad Eminentiss. ac Reverendiss. Principem Card.
Aloysium Valenti Gonzaga.*

VENETIIS IDIBUS AUGUSTI MDCCLXXXV.

UT nova succedunt transactis tempora seclis,
 Sic nova mortales damna salutis habent.
 Sæpe lues oritur priscis ignota, vel ipsa
 Opprimit insolitis jam prius orta modis.
 Unde novos succos hominum solertia quærit,
 Virtutem aut varia notus ab arte capit:
 Sic Deus Omnipotens vigilat mortalibus ægris,
 Quæcunque in mores serpat iniqua lues;
 Seu vulgata prius medicamina suggerit orbi,
 Sive eadem variis applicat ipse modis. 10
 Mittit & inde habiles exemplo & voce ministros,
 Ut præcant aliis ad bene gesta duces.
 Viscera nunc patris, nunc judicis ora severi
 Induit, & partes semper amantis agit.
 Ah quoties nostri pulsat clausa ostia cordis!
 Et præsens semper sæpe repulsus adest.
 Factus homo nobis potumque cibumque propinans,
 Non uti stimulo nobiliore potest.
 Ante sacras aras cum verba potentia profert
 Mysta sacer, passum nos monet esse Deum. 20
 Ut valeat nobis moriendo acquirere vitam,
 Ipse oblata Patri victima sponte cadit.
 Sanguine vult proprio nostras abstergere fordes;
 Servat adhuc fontes quinque salutis amor.
 Utque paret sedem nobis, ascendit in astra
 Orbe manens, ut nos ducat in astra comes.
 Equis erit tantum qui non agnoscat amorem,
 Et media in flamma frigidus esse velit?

Nec

Nec præstet quod vulgari debetur amico
Obsequium, & lateri spernat adesse suo? 30
Abdita majestas præbet metuentibus ansam,
Nosque ornat meritis obsequiosa fides.
Summe Deus, quando donum cæleste parabas,
Quam sævo afflictum vulnere pectus erat!
Plurimus objicitur cæco temerarius ausu,
Fœda quibus veniet purus in ora cibus
Quot Judæ socios larvata fronte videbas
Sacrilego Dominum tradere corde suum?
Hostia projicitur pedibus calcanda profanis,
Et vasa infami diripienda manu. 40
Si quis erit non tanta audax horrenda patrare
Crimina, vix tanti noscet amoris opus.
Quæ pauca agnovit dono fruitura superno
Pectora, Divino prævalere animo.
Sum forte ex illis qui tunc perdulce levamen,
An qui tunc Domino causa doloris erant?
Oh soboles æquæva Patri, mea sensa videbas,
Nec latebræ cordis delituere mei.
Gens homines ingrata sumus; de tigride nati
Credimur, & duro pectus ab ære riget. 50
Sed divina tamen nescit patientia metas,
Nos vocat innumeris ingeniosa modis.
En Dominus, qui nostra libens consortia quærit,
Ut valeat donis nos recreare suis.
Deliciasque suas nobiscum habitare vocavit
Obsequiis cinctus qui beat alta poli.
Solutus in æde sacra longas decurrere noctes,
Quod magis est, longos aspicit ire dies.
Si veniat nostras vix cognitus hospes in oras,
Longe aliis signis excipiendus erit. 60
En chorus aligerum cælo descendere gaudet,
Et circum admirans officiosus adest.
Dedecus humani cordis! vaga cura propinquo
Distrahit huc illuc nos simul esse Deo.

Si

Si quis adit templum (raro tamen effluit hora)
 Jam revocare gradus tædia longa monent.
 Fingis amare quidem; at nunquam mora longa videtur,
 Si focius nobis dulcis amicus adest.
 Dum loquimur, si forte velit responsa negare,
 Responsa ingenuus noscere gaudet amor. 70
 Plurima dulcis amor nova semper & altera menti
 Suggestit, atque eadem sensa libens repetit.
 Cumque suis ultro quicumque moratur amicis
 Nil animo poterit gratius esse tuo.
 Quam celer accedis! sed cum discedere debes,
 Indulgens animo pes tibi tardus erit.
 Hæc cum divino si signa ostendis amico,
 Incipis ætherea jam modo sorte frui.
 Heu dolor! in tanta cœpit frigescere flamma
 Orbis, ut alpina cum nive torpet hyems. 80
 Sæpe tamen labente anno vult Numen amorem,
 Ut corda incendat, nos celebrare suum.
 Ut bene cognoscant homines mirabile donum,
 Divino jussu est instituenda dies.
 Ecce acuit vires hominum insensissimus hostis,
 Ut tantum impediat, qua valet arte, bonum.
 Atque homines inter semper ferus invenit orcus
 Proh dolor! auxilium qui dare sponte velint.
 Sit mundo despecta licet, dux sœmina facti
 Mittitur, at vires qui jubet, ille dabit. 90
 Illa hominum atque erebi congesta obstacula vincit,
 Præscripta est Roma sacra probante dies.
 Cum divina parat nobis convivia Numen,
 Emoritur summo victima facta Patri.
 Tunc pietas hominum lacrymis immerfa jacebat,
 Spinea ferta notans vincla flagella crucem.
 Hebdomadis tum quinta dies jam sole sepulto
 Viderat hoc nostræ grande salutis opus.
 Postquam præcipuos Domini celebramus honores,
 Namque oritur, patitur, victor in astra subit, 100
 Di-

Divinum emittit, quod compleat omnia, Flamen,
 Et stabile imperium lex nova in orbe locat.
 Octava hebdomada post hæc lux quinta recurrens
 Tota in divino munere læta fluit.
 Floribus inspersis pietas generosa triumphat,
 Per fora per calles Numen adire vides;
 Dives, inops, cum Rege humilis, cum plebe sacerdos
 Accensas faculas suppliance voce ferunt.
 Attamen hæc reliquo pietas frigescit in anno,
 Unde novos stimulos addere Numen amat. 110
 Si bene cognoscant divini incendia cordis,
 Cogentur simili corda flagrare rogo.
 Tunc bene cognoscent potumque cibumque supernum,
 Immensum, excellens quam sit amoris opus.
 Et quod cæca hominum peccat vecordia, nostri
 Supplere obsequiis fructus amoris erit.
 Felix, o nimium felix, cui Numen ab alto
 Dignatur sensus primum aperire suos.
 Eligit infirma, ut confundat fortia, Numen,
 Ad tantum eligeris, virgo fidelis, opus. 120
 Cernere flammæ meruisti vulnera cordis,
 Noscere quam dulci Numen amore flagret.
 Sub specie vini, sub panis imagine quales
 Excitet affectus cælica flamma, vides.
 Igne pari flagras; sic quo minus apta videris,
 Contra erebum vires omnipotentis habes.
 Fœmina talis erat, cui jam commiserat olim
 Festum ingens Dominus corporis ipse sui.
 Non hæc commisit doctrina & acumine claris,
 Officiis opibus nobilitate viris. 130
 Utraque nota Deo, quamvis incognita mundo,
 Semper erit populo concelebranda pio.
 Illa reluctantes homines, erebumque frementem
 Vicit, & effectum vota habuere suum.
 Tu non dissimiles gaudes superasse procellas,
 Et summo palmas cernis ab axe tuas.

Jam pietas hominum, quod lancea fixit acuto
 Vulnere, cor dulci Religione colit.
 Postquam divinæ celebrat miracula cœnæ,
 Donec in octava sol fugat astra die, 140
 Illucet stabilita dies, quo festa recurrunt
 Annua divini cordis in obsequium.
 Plaudite mortales, vobis hoc nobile calcar
 Providus ante oculos exhibet ipse Deus.
 Discite quid sit amor, nec vos redamare pigebit,
 A Domino in vestrum sunt ea gesta bonum.
 Hic latus ostendens vultu suavissimus, inquit,
 Do tibi cor, fili, da mihi sponte tuum.
 Quid dare differtis? nihil est pretiosius illo
 Munere, nil vestro vilius esse potest. 150
 Exultate animis, jam laus erit esse superbos,
 Quod sibi nos tanto Numen amore velit.
 At tu purpurei decus immortale Senatus,
 Quem vigilem agnoscit clara Ravenna Patrem;
 Mantua quem Romæ primis donavit ab annis,
 Ut clarum toto lumen in orbe fores.
 Tu potes exemplo, non tantum exponere dictis
 Pectore quid nostro vulnus amoris agat.
 Nam cor divinum (memini) sermonibus apta
 Materies nostris mutua sæpe fuit. 160
 Sæpe animi affectus & dulcia sensa notabam
 Reddita ab exemplis utiliora tuis.
 Communi invigilare bono, & Tibi maxima laudum
 Non tibi, sed reliquis vivere semper erat
 Si qua tamen vacuum permiserat otia tempus,
 Cum te circumdat lata corona virum,
 Dulce argumentum, quo nos incendere gaudes,
 Et quod corde foves semper, in ora redit.
 Perge, favere Deo sacrae jam redditus urbi,
 Luceat ingenium cum pietate tuum. 170
 Luceat: urbe sacra divini cordis ofores
 (Credere quis posset talia?) forsan habes.

E P I S T O L A X X I V .

AD CLARISSIMUM VIRUM

MARCHIONEM JACOBUM RIPANTI

SANCTISSIMÆ DEI GENITRICIS

PATIENTI FILIO OCCURRENTIS

D O L O R E S

E X P O N I T

NICANDER JASSEUS P. A.

KALENDIS MARTII MDCCLXXXV.

E P I G R A M M A .

POscis ut immensi gladio transfixa doloris
 Diva Parens versu sit celebranda meo.
 Una dies charam mihi subtulit atra Parentem:
 Deleat ut nomen, sævit ubique furor.
 Heu furor! heu quamvis paullum mitescere cæpit,
 Spes dudum optatæ nulla salutis adest.
 Sustulit una dies ter septem millia fratrum:
 Conjice quot jaculis dilacerandus eram!
 Sic ego conceptas possum describere pœnas;
 Nam nimis expertum dira procella docet.
 Sed non Divinæ pœnas æquare Parentis,
 Non homini verbis posse referre datur.
 Attamen audendum: quæ tunc mihi dulce levamen,
 Materies operis nunc Dea Mater erit.

CAR.

C A R M E N.

Fluctuat ut navis pelago concussa furenti,
 Dum cælum minitatur atrox, & turbidus aer
 Nigrescit, rauco magis fridore profundum,
 Hac illac reboant tonitrus, lateque per auras
 Fulmina præcipiti serpunt sinuosa volatu,
 Dum sibi discordes per inhospita cærula venti
 Bacchantur, rapidoque agitant maria ampla tumultu
 In montes cumulata altos vallesque profundas:
 Haud aliter lacero sentis in corde procellas
 Crudeles, afflicta Parens, jactata dolorum 10
 Vortice inexhausto, dum tot ludibria passum
 Observare doles dulcem tua viscera Natum
 Undantes inter populos, circumque frementes.
 Quisque novas artes, nova pectore dira revolvit
 Consilia, ut stimulante odio stimulante furore
 Immaculatum agnum excruciet nil tale merentem.
 Sputa minas alapas funes convicia dumos
 Infixos capiti, liventes conspicias artus,
 Languentes oculos, tot signa impressa flagellis,
 Sanguineos rivos, pressum sub pondere corpus. 20
 Sic tibi, mœsta Parens, Genitus se se obvius offert,
 Qui beat aspectu superos, & Patris imago,
 Æternæ splendor lucis, speciosior idem
 Omnibus, Aligeri quem contemplarier optant,
 Qui mare, qui terram, & cæli spatia ampla potenti
 Condidit imperio, & solo regit omnia nutu.
 Tantæ molis erat mundum reparare cadentem!
 Ah memini quando infantem sub rupe jacentem
 Vidisti; at quamvis puerilia membra laceſſat
 Ventus, & in puero crucient mala frigora Matrem, 30
 Ipsa pio amplexu potuisti stringere Natum,
 Nectareum præbere haustum, atque illudere ventis
 Veste superposita: quin bruta animalia circum

Ore

Ore foveat tepido, & Dominum agnovisse videntur:
 Conventus superi auditi: testantur amorem
 Pastores noctu vigiles, & rustica sistunt
 Munera: longinquo properant oriente Dynastæ,
 Inflectunt genua, & posito diademate summum
 Thure Deum, Regemque auro, myrrhaque fatentur
 Mortalem; dona ante pedes jecere Puelli, 40
 Queis pretium adjunxit pietas. Verba omnia confers
 Corde tuo, & servans præscriptam a Numine legem
 Religiosa offers niveas sine felle columbas.
 Anna tibi poterat, Simeon quoque jungere causas
 Lætitiæ; in puero cæli promissa fatentes
 Impleri; heu! Simeon cælesti lumine plenus,
 Qui nunc te cruciat penetranti cuspide, & intus
 In tua corda furit, gladium prædixit acutum.

Jam nova tempestas properat; sed provida cæli
 Admonitu procul excedis, charumque periclo 50
 Subtrahis instanti, & quærens loca proxima Nilo
 Crudelem infantum stragem, regisque tyranni
 Sævitiem miserata doles; sed blanda voluptas
 Naufragio e tanto tenerum emeruisse puellum,
 Posse frui Nato, atque Deo inservire propinquo.

Creverat, & patria quamvis fabrilis tractet
 Urbe faber, sponsoque tuo se sponte laborum
 Adjungat comitem, quanta dulcedine vestros
 Implebat sensus! domus illa angusta profanis
 Creditur, at vobis visum est descendere cælum,
 Deliciisque frui Superum: stant agmina circum 60
 Aligerum, & Tecum pariter, Natoque beantur.
 Si vestris (quanta est illis reverentia!) jussis
 Filius ipse Dei, rerumque creator obedit,
 Hoc mage vestra sacris incendit pectora flammis.

Heu memini, quando Solyma perquiris in urbe
 Amissum juvenem, & quanto percussa dolore
 Per fora per calles, donec lux tertia fulsit.
 At reperis tandem circum admirante corona

Plu-

Plurima de cælo narrantem, & mira docentem
 Doctrina ætatem superante: immotus in orbem 70
 Quilque oculis fixis pendet dicentis ab ore,
 Attonitosque animos stupefacta silentia produnt,
 Dum responsa dari nunquam prævisa notantur,
 Et quæsitæ simul nulli solvenda reponi.
 Cum sponso licet amissa tunc prole dolebas,
 Nil meus infauftum potuit præfaga timere.
 Sic tibi post longum succedunt gaudia luctum,
 Gaudia ter septem non imminuenda per annos.

Jamque abit, & populo spargens documenta salutis
 Cæcis vilum aperit, surdis accommodat aures, 80
 In vitam extinctos revocat, jam dulce levamen
 Afflictos, recreatque vigor jam pristinus ægros,

Sed modo jactatum furibundo in gurgite cernis;
 Qua pelagus rabidas violentior explicat iras,
 Hunc fera tempestas jam jam submergit, & ulium
 Non potis es ferre auxilium jactata vicissim
 Tempestate pari, & fluctu divisa furenti.
 Sanguineos saltem rivos, o Diva, liceret
 Linteolo excipere, & gelidum luctamine mortis
 Blande indulgenti sudorem abstergere dextra. 90

Vos Genii ætherei, cælestia munera, nubes
 Ferte citi, vos opposito velamine Matri
 Triste oculis simulacrum! ah nunc subducite Natum.
 Sistite, namque illam, Genitum qui misit in orbem,
 Participem in tanto voluit simul esse labore.

Ah saltem, dum cæca animis audacia sævit,
 Sumite vindictam; noscat temeraria regno
 Sese exturbari tenebrarum insana potestas.
 Sistite: vindictam decretum in tempus omittit
 Numen, & interea complenda oracula Vatum. 100
 Prospicit e cælo, & Geniti merita ampla recenset.
 Quin neque vindictam, quoties sua crimina noscant
 Carnifices, potius veniam mitissimus idem,
 Qui patitur Dominus, mediis cruciatibus offert.

Vos

Vos potius, qui non flentem, sed cuncta notantem
 Mente pia aspicitis, dum contra immobilis adstat,
 Vos quibus haud tantæ sunt corda capacia pœnæ,
 Continuas saltem lacrymas effundite; major
 Causa movet: pariter Genito, charæque Parenti:
 Crimina nostra augent, plusquam tormenta, dolores. 110
 Plangite vos potius, ratio nam fortior urget,
 Plangite mortales; si vestras concitat iras
 Carnificum scelerata cohors, in crimina surgat
 Vestra furor; quod membra Deo, quod viscera Matri
 Vulnere tot lacerent, agnoscite causa fuisse.
 Tu quoque plange, meis qui præbes versibus aures,
 Hoc utinam exemplo potius, quam carmine discas.
 Si videas hominem diris cruciatibus angī
 Ante oculos Matris, quæ sensu agitetur amaro;
 Sit licet ignotus, quales in pectore sensus 120
 Commovet? ipse virum, quo non dilectior alter,
 Aspicias, & Matrem, qua non dilectior unquam
 Altera in orbe fuit, neque erit labentibus annis,
 Dum plura emensus describet sæcula Titan,
 Dum sine fine dies supero fulgebit olympo.
 Atque oculis siccis potes observare dolentes?
 Vel tua corda rigent triplici circumdata ferro,
 Aspide somnifera, aut sæva es de tigride natus,
 Si stupido humani torpent in pectore sensus.
 Audior; Ecce gravi circum præcordia languet 130
 Commotus mœrore animus, cor palpitat intus,
 Ora madent; signa internæ manifesta procellæ.
 Eja age: Sanguineus toto de corpore sudor
 Currere debuerat, quem forsitan anxia Virgo
 Ante crucem effudit; Non tam generosa requiro
 Sensa animi, at saltem prodant miserantis amorem
 Mollia qui duplices venient in lumina fontes.
 An potero infelix, & iniquo pondere pressus
 Tot scelerum, indignus venia, tot causa dolorum
 Jucundos transire dies, curisque solutos, 140
 Dum

Dum video quam mœsta dolet, quæ Numinis una
 Filia Sponsa Parens felici sorte vocatur ?
 Quam chorus Aligerum Reginam agnoscere gessit,
 Quæ facit, ut charam possum appellare Parentem ;
 Vita salus medicina hominum, perdulce levamen,
 Sedula in auxilium, & misero spes unica mundo ?
 Unica vel minimæ sordis quæ splenduit expers ?
 Nunc decus humani generis, Triadique propinqua
 Munificæ in cælo regnat facta arbitra dextræ.
 Quid Natæ Sponsæ Matri Deus ipse negabit ? 150
 Pende prius qualis patitur : quicumque vaganti
 Sese animo obijciat factis illustribus Heros,
 Aut Regina potens, in qua merita ampla triumphant,
 Forma oris, vigor ingenii, facundia linguæ,
 Nobilitas generosa atavum, atque opulencia rerum,
 Nil reputa, nam sola omnes longo ordine vincit.
 Tum cumulum immensum, & causas expende dolorum,
 Incipiet sensim durum mollescere pectus,
 Et quamquam injusso, madefient lumina fletu.

Sic afflicta nimis patitur cum Numine Mater ! 160
 Mutuus auget amor pœnas, & vulnera reddit
 Sæva magis. Fuerat quondam sincera voluptas
 Dulcis amor, qui sæpe animos curasque levabat,
 Dulcis amor fuerat ; nunc cum lictoribus ipsis
 Aspera conjungit sævas in fœdera dextras,
 Ut Nato magis accrescat Matrique dolores ;
 Quin populo infano crudeliôr esse videtur.

Corde quidem Geniti (neque adhuc cor lancea fixit,
 Non lacero, at Matri summum allatura dolorem)
 Signat amor summas peracuta cuspide pœnas, 170
 Quæ cunctis mortem afferrent, quas noscere tantum
 Virgo afflicta potest, & quod videt omnia Numen,
 Cor quoque maternum clavis penetrabile reddit ;
 Jam quinque impressit distento vulnera labro.
 Plura minora etiam sparsa rubicunda cruore,
 Sertaque disposuit pungentibus aspera dumis,

Omnia-

Omniaque adjunxit necis instrumenta; sed ipsa,
 Quæ patitur tormenta Parens, nova vulnera corde
 Infigunt Geniti: dum summum auxere dolorem
 In Nato, adjungunt nova vulnera corde Parentis. 180

Una movere oculos Domino concessa facultas.
 En nova maternum feriunt quæ spicula pectus!
 Ad te chara Parens oculos advolvit amantes,
 Inque tuis legit immensas, quas corde procellas
 Mæsta agitas: dolet inde magis, quando anxia moeres:
 Quod doleat, magis inde doles; sic mutua crescunt
 Vulnera, & alterius sic auget uterque dolores
 Semper forte pari; atque minus sentire videtur
 Quisque suos: tanto tanta est in amore potestas!
 Ac veluti puncto specularia concava in uno 190
 Collectos radios jactu inflammante retorquent,
 Non secus auget amor duplici ratione laborem,
 Teque novis penetrat jaculis; & acerbius angit,
 Sive oculis oculi, seu corda reciproca se se
 Cordibus objiciant, atque omnia corde recepta
 Prævisas ipso plus augent corpore pœnas,
 Plus lacerant conjuncta simul; sic Christus in horto
 Omnia prospectu dum contemplatur in uno,
 Deficiens, & tanto oneri succumbere visus
 Sanguineo sudore solum consperfit, & inter 200
 Languentes gemitus calicem prospexit amarum.
 Mittit, anhelantem qui consoletur, ab alto
 Numen; & instantem timuit Deus ipse procellam,
 Cui modo per partes se forti pectore subdit.

Nulla ætas, pars nulla orbis tot vulnera vidit
 Juncta simul Natum cruciari ante ora Parentis;
 Nulla ætas, pars nulla orbis pia pectora charæ
 Agnovit Matris totidem concussa procellis.
 Oh Mater lacerata nimis! Tantum ipse dolores
 Accrescit Genitus, quantum est mage dignus amore: 210
 Crescit amore dolor; quæ plus dilexerit unquam
 Nulla fuit genitrix, nec plus redamata vicissim.

Oh si Divus amor sensus mihi suggerat aptos,
 Materni ut possim cordis penetrare recessus!
 Nemo tamen similes poterit dignoscere pœnas,
 Si Genitum excipias: solus te vincit in illis,
 Solus quid sit amor, quot sint in amore dolores
 Noscit, & exemplo docuit constanter amare.

Ah saltem immentos posses sopire tumultus
 Effusis lacrymis! tenues resolutus in imbres 220
 Mitescit dolor; at quoties sine limite sævit,
 Obstupet exterius, turbatque impedit omnes
 Conatus animi; dum pallida mittit in ora
 Signa sui, mœstam premit alto in corde procellam
 Acer, & a nullo imminui medicamine quærit.

Ah Tibi, non Genito tanto in mœrore negatur
 Solamen mortis; quamvis solamen amarum,
 Unica mors ferret tantis oblivia curis.
 Mors diuturna quidem est tanto superesse dolori.
 Heu! vives, o mœsta Parens, sed vivere mortis 230
 Instar erit: tua vita animum violentius anget;
 Ante oculos semper Geniti morientis imago
 Observanda aderit; dum singula mente revolves
 Instrumenta necis, toto cruciaberis ævo:
 Corde tuo defixus erit, dum vita manebit,
 Cuspide qui gladius Te nunc penetravit acuta:
 Vulnere, dum vives, semper morieris eodem.
 Non ea vita quidem, sed mors renovata vocetur.
 Oh quantum potuere hominum scelera impia! quanto
 Numen amat pretio nostram reparare ruinam! 240
 Maternasque suis voluit conjungere pœnas.
 Majores dixisse velim: reverentia voces
 Impedit, at saltem majores tempore dicam,
 Atque ita majores, ut quæ divisa supremum
 Nunc patitur Numen, semper te juncta cruentent,
 Qua ratione semel Dominum simul omnia passum
 Interiore animi sensu conspeximus horto.

Ah nosco quæ, mœsta Parens, nova sensa ministrat
 In-

Ingeniosus amor cruciandi, ut spicula vibret
 Acrius, & pœnæ, valeant si crescere, crescant. 250
 Nam tibi, quos summos concedere posset honores,
 Concessit genitum sine Matre ante omnia Numen
 Tempora, præscripto te Matrem in tempore legit
 Factus homo sine patre Deus; tibi nobile sceptrum
 Indulsit, terra efficiens cæloque potentem,
 Et solium excelsum suprema in sede paravit,
 Sed tu posse pati, Mater dilecta: dedisti,
 Non aliud, dare quod posses, mortalis habebas.
 Ah nimium nunc posse pati tua viscera cernis,
 Atque trahi Genitum furibundæ victima plebis 260
 Ad loca supplicii! Quot sensa augere dolorem
 Apta ministrat amor! Sed cum decreta Parentis
 Æterna hæc jubeant, nova pugna in pectore surgit,
 Et novus ardenti cruciatus crescit amore.

Nonne satis fuerat Te pro mortalibus olim
 Tot lacrymas fudisse antro, tenerumque cruorem,
 Tot reliquo vitæ spatio tolerasse labores?
 Nate, inquis, nobis satis est (advertite gentes)
 Non Domino: nam cum sit opus quodcumque valoris
 Immensi, superat pretium, non æquat amorem. 270

Oh amor in mediis nunquam satiabile pœnis!
 Ipse pati magis atque magis sitibundus anhelat
 Filius; unde pares nutris in pectore sensus.
 Aut facit, aut similes amor invenit: inter utrumque
 Ille præsit semper; Tu proxima semper inhæres;
 Ille docet, tanto tu sola es digna magistro.
 Idque doles quod amas; oh nunquam audita doloris
 Causa tui! Oh ratio nobis incognita amandi!
 Sed cum plura pati nequeat post fata superstes
 Numen, inauditam sapiens excogitat artem, 280
 Qua nova constantis documenta iterentur amoris,
 Ostendetque suas divina potentia vires,
 Namque novo stimulo ut donum observemus acerbæ
 Mortis, in æternum statuit memorabile pignus,

Quo simul in cælo Patri sua vulnera monstret,
 Et comes in terris potumque cibumque salubrem
 Se se ipsum efficiat, validum munimen in hostem
 Mortiferum, ut vitam, quam pro mortalibus offert,
 Acquirat miseris, certamque rogantibus ultro
 Præstet opem accessu facilis cupidusque favendi. 290
 Tantum Divino potuere incendia corde!

Quas Dominus miras in amore exercuit artes,
 Mens humana nequit cognoscere; sed tamen istam
 Concipere Aligerum haud posset sapientius agmen.
 Partem opere in tanto Te, Diva, habuisse fatemur,
 Nam genitus mortis victor, æditurus in astra,
 Ut clarum nobis monumentum adjungat amoris
 Quod sibi dulce magis fuerat, super omnia charum,
 Quam vix posset amor desertam relinquere, Matrem.
 Liquit, ut afflictis adsit pia Mater in orbe, 300
 Et prima edoceat donis cælestibus uti.

Illa suis similes instillat pectore sensus;
 Qua dius ratione cibus, qua sumitur haustus
 Instruit, & natis vigilans fausta omnia quærit.
 Nos pia Mater amas; sed amas super omnia Natum,
 Atque probare tamen Nati generosa dolores
 Cogersis, horribilique illatam in stipite mortem,
 Per Te Divino nunc est oblata Parenti
 Victima, Te nostræ sortis vult esse ministram
 Ipse Deus: simul ille tuos Natiq[ue] dolores | 310
 Excipiens, mundo veniam placabilis offert.
 Quod renovata monent sacræ miracula Cœnæ.

Atque sacerdoti, vix verba potentia profert,
 Quod non Diva parens, quod non valere cohortes
 Angelicæ, concessus honor tam mira patrandi
 Prodigia, & longe humanas superantia vires.
 Panis erat, nec jam panem, sed Numen adoro,
 Non vinum, at calicem pretioso sanguine plenum.
 Hæc portenta Fides oculis contraria nescit.

Divæ hominum officio, cælesti ut pane fruatur, 320
 In-

Indiget, utque frui discat, Diva indiget orbis.

Sacrilego tamen ore hominum quot millia Mater
Anxia sumpturos cælestem prævidet escam!

Atque in mortiferum medicamina certa venenum
Vertere! dum moriens ea signa perennia mortis
Numen amans temnenda videt, majora benignum
Excruciant tormenta animum; plus consona Mater,
Plus Genitus mæret, quos angit acerbius ipsa
Morte dolor; mirum dictu! quos conspicias enses
Materno corde infixos, & vulnera septem, 330

Hoc titulo adjungunt summum graviora dolorem.
Quid magis heu! Natum, matremque affliget amantem,
Quam sponte oblatam damnum execrabile mortem
Noscere laturam ingratis, tormenta subire
Irrita, sanguineos frustra profundere rivos?

Nec panem Angelicum, per quem renovantur amoris
Tot signa immensi, torpentibus addere calcar?

Qui divina tamen digni ad convivia currunt,
Hos amat ante alios pia Virgo, & honoribus ornat.
Ipsa propinqua Deo in cælis, non hic mage chara 340
Tecta habitat quam corda hominum, quando hospite tanto
Nos digna efficitur; satis est sincera voluntas;
Non quæ debemus, solum quæ possumus, optat,
Cætera nam supplet, tantoque fruemur honore.

Sic ego Divini recolens mysteria doni
Contemplor quanto domini patientis amore
Ardeat alma Parens, quam nos imitemur oportet.
Namque amor in Genitum quo plus in pectore pœnas
Materno exacuit, plus summum ostendit amorem
In miseros homines æterno fulmine dignos, 350
Quis tua, quis Nati conjunctim vulnera donas.

Nescio quis mentem, quis me novus incitat ardor!
Abripior, sacramque feror delatus in ædem,
Qua mihi Relligio expressam mira arte tabellam
Ostendit; frustra visus intendere conor,
Nam cupidi lacrymis oculi impediuntur abortis.

Conabor tamen. Heu! summum testata dolorem
 Objicitur mihi Diva Parens, cui vulnera corde
 Alte infixæ hærent gladii septemplicis ictu.

Fatidico primum Simeon sanctissimus ore 360
 Defixit: sævus crudeli lege secundum
 Herodes, cum tot pueris transfigere pectus
 Jussit, ut excidio Numen moreretur in illo.
 At gladius lacerat qui tertius ordine pectus,
 Amissus templo defixit amabilis Infans.
 Si plagas conferre juvat, quæ parte sinistra
 Conspicio, quamquam nostros superantia sensus
 Incutiant tormenta animo, tractuque profundo
 Purpureos latices sacris ardentia flammis
 Vulnera transmittant, solam penetrasse videntur 370
 Corde superficiem: tanta est nova causa dolorum!
 Nam quæ dilacerant totum, & penetralia quærunt,
 Quattuor a dextra capulo distincta cruento
 Ostendunt gladios patientis imagine Nati
 Signatos. Cum prima Deum Tibi nuntia narrant,
 Virgo Parens, vinctum adduci sub nocte silenti.
 Ducitur heu! sævi velut agnus in ore leonis.
 Dum pede nunc celeri properas, atque obvia cernis
 Quæ patitur; fert ille crucem, at graviore laborat
 Pondere nostrorum scelerum; neque noscere charum 380
 Nunc oculis concessum, at noscunt viscera Natum.
 Se vermem appellat, species humana recedit.
 Heu tantum adscitæ fœdant contagia culpæ!

Quam varii affectus lacerato in pectore fervent
 Diva Parens! constanter amas, reverenter adoras,
 Atque simul miserata doles, mortemque cruentam
 Cum Genito excipiens ultro, tanquam una voluntas
 Inter utrumque foret, summo obsequiosa Parenti
 Ingrata pro gente offers. Quis talia cernens
 Temperet a lacrymis, nec cura agitetur acerba? 390
 Restat adhuc duplex gladius, cum cernis atroci
 Affigi ligno, & latrones inter in altum

At.

Attolli, cum tot pressum cruciatibus illam,
 Quam dederas, cernis pretiosam effundere vitam,
 Et tradi obscuro liventia membra sepulcro.

Ipse ego jam similes videor sentire dolores;
 Me pariter septem laniato vulnera corde
 Exanimant: tamen heu! timeo, ne frigeat intus
 Pœna salutaris; si sim mihi redditus ipsi,
 Sensim evanescent dociles in pectore sensus, 400
 Quos mihi Relligio cura instillavit amanti.

Te precor, o constans mihi sis comes addita semper,
 Meme, adsum, tu Sancta fave, simul instrue mentem,
 Et simul ure tuis mihi pectoris intima flammis,
 Chara comes: non corde meo, non mente recedas,
 Relligio, sacramque animo studiosa tabellam
 Depinge, ut tantas cognoscam ab imagine pœnas.

Oh me felicem, ut tanti sum causa doloris
 Ob sceleris noxam, si recto corde Parenti
 Condoleam, & Domini pro me patientis amoris 410
 Respondere queam! Oh utinam mihi profluat imber
 Ex oculis, quantum effudit Deus ipse cruoris.
 Nos moriente Deo in genitos sibi Mater adoptat:
 Maternæ curæ emoriens nos stipite ab alto
 Commendat Natus: Divam comitemur oportet
 In planctu, & similem foveamus corde dolorem.
 Quæque dolorum expers Genitum prius edidit antro,
 In Cruce facta Parens hominum tot passa dolores,
 Poscit ut una omnes gemitu comitemur acerbo
 Angores, quæis nostra luit scelera impia Natus; 420
 Ut quos Divino fratrum dignatur honore,
 Servet amans, proprioque abstergat sanguine sordes.
 O felix liceat peccatum dicere, talem
 Quod traxit fratrem e cælo, & sine criminis umbra
 Substituit nobis dignam ipso Numine Matrem!
 Quid mirum Angelicis homines committere curis,
 Quos voluit pretio sibi tanto acquirere Numen,
 Quæis Geniti vitam donat, pœnasque Parentis?

Oh

Oh quantum mortale genus nova Mater amabit (430)
Commisſum a Domino! oh quanto gens parta labore eſt!

At vos, o gravium turba exoptata dolorum,
Singultus lacrymæ gemitus ſuſpiria curæ,
Accelerate gradus, nunc vos hæc tempora poſcunt;
Alma Parens, Deus ipſe Deus vos pectore toto
Excipit, & nobis ceu pignus amabile donat.
Eja agite, & veſtros in me convertite niſus,
Reddite divinis mihi cor penetrabile telis,
Hinc doleam tanto oppreſſam mœrore Parentem;
Plus doleam tam dira pati venerabile Numen;
Quod patitur pro me, major ſit cauſa dolendi; 440
Maxima, quod tanti tot ſigna aſpernor amoris,
Vulnere materno graviora in pectore figens.
Tum Matri in tantis fuerant ſolatia pœnis
Acquiſita ſalus hominum. Qui projicit ultro
Tot merita, omne aufert a dulci Matre levamen.

EPISTOLA XXV.

Ad dulciſſimum amicum Andream Camacho Quitenſem.

Rogat ut præcedentem deſcriptionem Dolorum B. V. M. una cum Vate ſimul offerat CL. VIRO MARCHIONI RIPANTI, ut vir nobiliſſimus libentius accipiat ingenti donum ſocii pietate conjunctum. Deſcribit vates amici ſui tenerum in B. V. M. ſeptem gladiis tranſfixam amorem, deinde plurimos in barbaris ad fidem reducendis per 18. annos ſemper indefeſſos atque utiliſſimos labores commemorat.

KALENDIS MARTII MDCCLXXXV.

Accipe Divinæ pœnas referencia Matris
Carmina: ſunt animo ſæpe terenda tuo.
Illa ſibi claro de ſanguine poſtulat heros,
Qui meruit dudum vatibus eſſe decus:

No-

Nobilitate piis qui moribus addit honorem,
Doctrina pariter notus & ingenio.
Mens erat egregiam vatum exercere coronam,
Materia hæc illo prima iubente fuit.
Jure decus vatum, quæis tam felicia quærit
Auspicia, & doctos & facit esse pios. 10
Quis vetat ut tecum communia munera reddam?
Sic Mæcenatis sunt mage digna mei.
Si probat ingenium vatis, dum sistimus ambo
Carmina, plus pietas grata sodalis erit.
Nam tu Virgineos quoties Andrea dolores
Mente agitas, animi signa dolentis habes.
Vel videas sacram effigiem, vel sermo recurat,
Languet amore animus, fletibus ora madent.
Qua genua inflexus, qua stando, aut sede moraris,
Obvia diversis pendet imago locis. 20
Atque ubi per montes, per inhospita lustra volasti,
Barbara sollicitus reddere corda Deo,
Solus eras, sed Diva comes, sed Diva levamen,
Præsidiumque tibi tempus in omne fuit.
Suggestere & voces, & vocibus addere pondus
Sedula Divinæ cura Parentis erat.
Spicula dum jaciunt, ne sint lethalia curat;
Quodque nocere solet, Diva salubre facit.
Auspice sub tanta subito mansuescere cæpit
Gens fera, & imposito subdere colla iugo. 30
Sexus uterque rudi fert sola indusia textis;
Fœmina, ne volitent libera, fune ligat.
Una adhibet proprias, proprias pars altera voces,
Ut pariter difert moribus, ore, sono.
Sic studii patiens duplex idioma doceris,
Ut charo valeas utilis esse gregi.
Orbe novo mirum est ratio diversa loquendi
Quam prope conjunctos diffociet populos!
Solus inaccessu per plurima lustra recessu
Pastor amans, dulcis norma, magister eras. 40

Erigis & templum, nec cui sit forte dicandum

Hæres; cui debes omnia, corde geris.

Virginis effigies transfixo corde locatur:

Illâ dedit templo nomen & illâ decus.

Inde adjutricem meruisti agnoscere dextram,

Nec minus & reliquis, quam tibi chara fuit.

Inque homines conversa putes animalia silvæ,

Et stabilem pura religione gregem.

Cor quoque Divinum, sedes ubi regnat amoris,

Accensum flammis templa secunda beat. 30

Ut caperes sâpidos nemora inter agrestia fructus,

Non erat ars curis aptior ulla tuis.

Arva inculta diu parent sæcunda colono,

Nec fallax quovis tempore messis erat.

Hic me musa vetat vestros celebrare triumphos

Prælia qui geritis sanguinolenta duces.

Gloria militibus magna est, pars altera sorti

Debetur, pretii vestra minoris erit.

Arma æquare solo, seu subdere corpora possunt,

Sed pietas animos officiosa domat. 60

Ignotam vobis vincendi exercuit artem

Andreas, populi vita, salusque sui.

Dux sine militibus telis spoliatus & auro:

Sed Numen præsens, & Dea Mater erat.

Post duo lustra annos tredecim numerabat, & ausu

Magnanimo invictos induit ille animos.

Vix licuit celebrare sacræ miracula cœnæ,

Obtinet errantes quærere pastor oves.

Qua nulla apparet per iniquos semita lucos,

Ignotas aliis non timet ire plagas. 70

Partem orbis decimam cæli metitur ad ortum;

Hæc fuit immensæ meta petita viæ.

Tigris, aper, coluber vestes mirantur in illo,

Simia & in sylvis plittacus esca fuit.

Hic homines feritate truces, & corpora nudos,

Et nulla imbutos religione videt.

Non

Non dominum agnoscunt, stolidi sine lege vagantur ;
Innocuos mores pectora cruda docet.

Si jaculis feriant, si cœco carcere trudent,
Corda modis sensim mulcet amabilibus. 80

Nunc cultrum, nunc donat acum, vitrumque nitescens,
Ac subiecta Deo corpora veste tegit.

Dividit in duplicem diverso idiomate pagum,
Quos populos cœlo conciliare potest.

Tertia pars fixam prope flumen, & altera sedem
Millia post passum bis duodena locat.

Non illis America locis saxa ulla ministrat,
Quamquam alias soleat marmoris esse ferax.

Non calcem, aut lateres potuit cognoscere gentis
Barbaries, palmis texere sueta domos. 90

Sed lateres aptare docet ; conchylia, donum
Fluminis, electæ munia calcis agunt.

Sic potuit duplex super astra extollere templum,
Quod latum exornet pago in utroque forum.

Pago in utroque sacrum celebrat, cum sæpe recurrit
Festa dies, rapido fit brevis amne via.

Ut redeat, spissis opus est incedere sylvis,
Nec pedibus nudis terra ministrat equos.

Nulla die vel nocte quies, sed pluris habetur
Immensa exundans utilitate labor. 100

Sæpius infensa crocodilum a tigride quæri
(Qua procul ante oculos fluminis ora patet)

Vidisti crudele simul certamen inire ;
Ille ore immenso, saltibus ista ferox.

Contigit hic colubrum sylva vidisse propinqua ;
Et salit horribili pallor in ora metu.

Nam caput humano majus, sed forma lacertæ
Quadraginta ulnis reptile corpus erat ;

Spumantes tabo rictus, linguamque trifulcam
Sanguineos dentes, fœdaque membra movet. 110

Scintillant oculi, & flammam eructare videntur :

Cuncta ferox monstrum signa minantis habet.

Sæpe

Sæpe Tibi noctu placida inter somnia terror
 Suscitatur, & nocuo credis inesse loco.
 Quod sæpe occurrit tigris, non causa timorum;
 Gens assueta fugat, vel bene docta necat.
 Sed raro aspicitur prægrandi corpore serpens;
 (Sex etenim cubitis longus ubique patet.)
 Observare semel potuisti ex omnibus illam,
 Quæ fera non toto major in orbe oritur. 120
 Clauserat ille viam transverso corpore, & ingens
 (Exortis comitum vocibus) arbor erat.
 Nam passim exurgit vestris regionibus arbor
 Tangere visa procul frondibus astra suis.
 Bisque decem palmis truncus lunatur in orbem;
 Mensura horrendi corporis illa fuit.
 Et caput, & densis in sylvis cauda latebat;
 Hic placuit, quos dat sylva, parare cibos.
 Tum silice excutiunt collectis frondibus ignem,
 Et prope non notam ponitur olla feram. 130
 Difficili saltu pars dorsum ascendit in altum,
 Arbor, ait, quantis usibus apta foret!
 Incipit illa tamen calefacta ex igne moveri,
 Ecce *jacummama*, ajunt, effugite effugite.
 Observate locum caudæ; si proximus ori
 Quisque fugit, nocuis flatibus attrahitur,
 Illa greges, armenta, homines hac devorat arte,
 Optatam in prædam currere lenta nequit.
 Magnum elephanta Afri jactent, Asiæque recessus
 Immenso colubri vix levis esca foret. 140
 Tu dentes frustra optasti, nam millia passum
 Sexcenta a pago contigit esse tuo.
 Hæc & plura instant vestra in regione pericla,
 Sed promptum invigilat Numen in auxilium.
 Novi ego Jesuadem, qui flatu attractus in ora
 Serpentis morti proximus esse dolet.
 Sed sylvæ impediunt transversaque ligna volantem,
 Stratus inæquali sæpe cadebat humi.

Vix

Vix comes accurrens gladio diverberat auram,
Se potuit celeri furrupuisse fugam. 150
Tu similes tutus potuisti habitare recessus;
Fit labor alma quies, & metus omnis abest.
Proh quam difficile est tales habuisse colonos,
Queis nimio exoritur parta labore seges!
Orbe novo geniale solum, cælique benigna
Temperies, quovis tempore veris opes
Corda beant, animos recreant, quin viscera terræ
Divitias gaudent multiplicare suas,
Nunquam frigus iners, nunquam æstas tædia gignit,
Cultura tenui ridet ubique solum. 160
Sed loca sunt etiam perituræ obnoxia vitæ,
Solut ad hæc potis est ducere divus amor.
Hæc, Andrea, tuis placuit præscribere curis,
Nec per plura fugis figere lustra domum.
Hic carnes mane occisæ sub nocte putrescunt,
Tempore servatur fluminis esca pari.
Quin mistura salis citius putrescere cogit,
Extenuata pigro membra calore madent.
Potus aquæ semper ceu sit calefactus ad ignem,
Irritare potest, non relevare sitim. 170
Hic defunt, aliis quæ sunt animalia terris
Utilia, & nocuis terret ubique nemus.
Urbs fuerat quondam, qua montes proxima tellus
Explicat: hic nescit barbara turba duces.
Hic arcem Hispani (sed jam duo sæcla volarunt)
Jactabant munitam hostium ab insidiis.
Extruxere domos, quin plurima templa locosque,
Queis Christo sponsæ virginitate placent.
Mœnia præsiidiis & multo milite cingunt;
Nil, si cuncta notas, tutius esse putes. 180
Sed fera barbaries potuit vestigia molis
Perdere, nocte una sternere cuncta solo.
Fœmina quæque fuit, dextræ sit præda rapacis,
Mors rapuit cunctos sanguinolenta viros.

Has nunquam Hispani potuere revifere terras:
Molliet effrænes fed tua fama viros.

Namque fues mittit bis fex dux primus, & orat,
Ut stabilem instituas per fua regna domum

Cymba parata vocat, duplici ftant ordire remi;

Miffa cohors pago caufa timoris erat.

190

Mole gygantea vultu non corde minantur;

Pro clypeo pennas rubra miniftrat avis,

Membra coloratis horrent depicta figuris,

Longaque robustas occupat hafta manus.

Te charo amplexu Dux excipit, ilicet omnes

Quotquot habent pueros, ut beet unda, ferunt.

Te femper nobifcum optamus, non noftra requiris,

Quærere fed nobis commoda vera cupis.

Hæc vox una fuit: qui geftant arma, recedant;

Victima nam noftri certa furoris erunt.

200

Sed placidam, quam voce doces & moribus æquis,

Optamus legem difcere, dogma fequi.

Ergo veni, aut faltem fimiles tibi, quære fodales,

Qui rectam oftendant, qua licet ire, viam.

Oh nova vincendi ratio! Tu, dulcis amice,

Tu nos lucrari pectora cruda doces.

Simplicitas, candor, cunctis fubjecta voluntas,

Cura aliorum ultro maxima, nulla fui,

Officiofus amor, fitis indefeffa laborum,

Nulla quies, vultu cum gravitate lepor.

210

Hæc dotes animi crudelia pectora vincunt,

Atque trahunt faciles ad pia fensa feras.

Hæc fama ignotis mulcet regionibus aures,

Et focios ardet quifquis habere tuos.

Sic fegetem immenfam cupidis mefforibus offers:

Aft heu! meffores tecum abihere fimul.

Heu dolor! aft animos fatis eft offerre paratos,

Cætera fupremo Numen ab axe regat.

Interea ftupidus tua gefta illuftria miror,

Quique Deo pariter lucra dedere, noto.

220

Quot-

Quotquot erant, cælo donas lustralibus undis;
 Obvia quot venient agmina læta polo!
 Andrea, hæc nobis peperisti gaudia, dicent:
 Sæpe sonat nostro nomen in ore tuum.
 Hinc tua gesta volant toto celeberrima cælo,
 Magna tuis curis turba beata sumus.
 Has habitare domos fors maxima, summa voluptas,
 Ut præeant plures mittere, qualis erit?
 Felix illa fuit, qua te conspeximus, hora;
 Fessus eras, felix sed labor ille fuit. 230
 Quæ tot fecisti, quæ tot facienda parabas,
 Adscriptis meritis Numen ab axe tuis.
 Atque luent pœnas, dum præmia magna potiris,
 Qui tantum artifices impediere bonum:
 Namque indefessus ter sextum Rector in annum
 Consilium patris, viscera matris habes.
 Mœstus adhuc procul esse doles, verba anxia fletu
 Injusso hæc miscens (sæpe ego testis eram:)
 Induerem celeres & lætus & impiger alas,
 Visere desertos si licuisset agros. 240
 Currere in amplexus, extendere brachia collo
 Cura quidem in natis, in Patre prima foret.
 Quando ego non timui graviora pericula sylvis,
 Cur timeam stabiles per vada falsa notos?
 Jam detecta via est adverso flumine nautis,
 Si superent rapidas post mare Atlantis aquas.
 Difficilis fuerat Quitenſi ex urbe profecto;
 Sit quæcumque tamen, sat mihi dulcis erit.
 Forte emptæ pereunt divino sanguine gentes;
 Forte opportunam ferre daretur opem. 250
 Quid mihi si defint perituræ commoda vitæ,
 Messis ubi domino provenit ampla meo?
 Ire juvat nudis pedibus, me munere lactis,
 Vino, & triticeo pane carere juvat.
 Non vitulos, non terra boves pecudesque ministrat,
 Sed donant pisces flumina, & aer aves.

Plurima det fructus arbor; medicamina plantæ:
 Ultima sunt alimenta, ultima cura salus.
 Obvia nec terret saltu rapidissima tigris,
 Turba potens jaculis est mihi fida comes. 260
 Hæc tua vota animum cruciant, Andrea, neque ullum
 Itala quæ verrant regna, levamen habent.
 Jure quidem nil dulce magis, nil charius unquam,
 Quam cruce pendenti posse placere Deo.
 Per te cognoscunt, quam sit venerabile Numen,
 Quos voluit pretium sanguinis esse sui.
 Cognoscunt animum, quo Mater amabilis omnes
 Excipit, & genito pignora chara facit.
 Nam septem enumeras in virgine matre dolores,
 Et discunt placido pectore ferre suos. 270
 Artibus ut variis sanctos inducere mores
 Insulas, felix obtinet esse labor.
 Virginis immensos versas in corde dolores,
 Quam precibus supplex in tua vota trahis.
 Hinc si Diva Parens faciles tibi porrigit aures,
 Me dignum tanto redde patrocínio.
 Pignora amicitiae me plura dedisse fateris:
 Grande mihi lucrum, si dabis istud, erit.

AD S. IGNATIUM DE LOYOLA

Precatio.

SAncte Parens (non dulce neges & amabile nomen)
 Dum cecini, præsens tu mihi semper eras.
 Namque amor in Fratres, in Te reverentia supplex
 Dictabant tremula carmina scripta manu.
 Si forsan nostri tibi displicuere labores,
 Hæc mea præ cunctis maxima pœna foret;
 Ast animum agnoscis purum, mentemque fidelem;
 Ut pius excuses, viscera patris habes.
 Oh merear semper Tibi filius esse! tuoque
 Intactum libro nomen habere meum.

PRO

PRO TOTIUS OPERIS CORONIDE.

Fabula moralis sub titulo: *de Pulchro.*

Germanice scripta ab Illustriss. Equite de Nicolai a secretis Augustissimi Imperialis Principis totius Russiæ Gallicæ & Italice typis edita, quam vates in compendium expositam Jesuitis applicandam esse existimat.

O Mne tulit punctum qui miscuit utile dulci;
 O vatum immortale decus, seu ludere cantu,
 Seu placet historias ad normam effingere morum;
 A te jam didici, rerum pulcherrima quæ sit?
 Quam Patris imperio regali sanguine fratres
 Quattuor insudant emenso acquirere mundo,
 Solliciti non divitiis non parcere curis;
 Te sequor, & juvenum varios casusque vicesque
 Versibus expono. Ut patrios subiere penates
 Jam reduces, proceresque simul populi que vocantur 10
 Judicis ut subeant munus, sceptrumque futurum
 Hæredi acquirat, quæ res mage pulchra probetur.
 Junior ipse locum nullo renuente priorem
 Obtinuit; tanta est inter concordia fratres!
 Novit ab indiciis, dum lustrat regna Canopi,
 Phœnicis mortem post sæcula quinque propinquam;
 Innuba dum vivit, loca gentibus invia quærit,
 Post mortem fœcunda parens cunabula condit
 In tumulo, hic frondes & ligna adjungit odora
 Urenda a solis radio, dum concutit alas. 20
 Inde futurus avis tosta a pinguedine vermis
 Exoritur, similisque brevi fit tempore matri.
 Jamque Arabum excurrit montes sylvasque latentes
 Regalis soboles, curamque intendit in unam
 Edoctus, potuitque optata forte potiri.
 En Phœnix patet ante oculos avis unica mundo,

Naturæ ludentis opus, qua jure superbit
 Ingeniosa suas jactans ostendere vires.
 Forma decor motus majestas gratia cantus
 Arripuerè animos, ratio speciosa colorum 30
 Scintillat, variatque adversa luce nitorem.
 Quod magis est, assueta locis latitare remotis
 Non renuit circum undantis consortia gentis.
 Vive diu, exclamant populi, vive inclyte Princeps,
 Nil mage gratum oculis, toto nil pulchrius orbe.
 Jamque octo fluxere dies, studiosa redire
 Fœmina juncta viro, pueri, ingenuæque puellæ
 Ornamenta prius non observata notabant.

Friguit interea cupidæ admiratio gentis,
 Et sensim, quamvis pictorum expressa tabellis, 40
 Amisit primos volucrum celeberrima plausus.
 Jamque abeunt bis quinque dies; quid præbeat alter
 Expectant; primi eventus fecere timorem,
 Atque inquit: Non naturæ, sed quærere præstat
 Artis opus, natura suos creat arbitra fœtus
 Nunc nocuos, nunc deformes; si gramina vestit
 Floribus, & montes sylvis, si lumine solem,
 Et noctu stellis ornat spectabile cælum,
 Non homini acquirit laudem, non crescit honore.
 Egregium tamen artis opus ceu nobile calcar 50
 Ingeniis monstrat quantum valet æmula virtus,
 Quid valet assiduis humana industria curis.

Spirantes vitam statuas in marmore sculpsit
 Praxiteles, cui laude parem non protulit unquam
 Fœcunda ingeniis, studiorum mater & altrix
 Græcia, sed statua sese superavit in una.
 Hic Frinem nimium dilexerat, illa magistræ
 Poscit opus dextræ, nec amantibus ulla negantur.
 Selige, Praxiteles: tu selige, vafra reponit
 Fœmina, namque operis dotes ignorat & artem; 60
 Forsitan ille timet sibi charum perdere marmor.
 Sed tandem edocuit meditantem industria Frinem;
 Curat

Curat ut absenti flammis ardere penates
 Nuntia falsa volent: venit ille citatior Euro,
 Exclamans: saltem statuam servemus amoris,
 Cætera dispereant. Frines, pelle, obvia, dixit,
 Pelle metus; jam selegi; tum nobile donum
 Sponte offert sculptor, fraudem admiratus & artem,
 Ac fama in Græcis mansit celeberrima fastis.

Dixerat, & cunctos tenuere silentia; fixo 70
 Intuitu statuam observant, tum murmure rauco
 Secum una stupidi submissa voce loquuntur:
 Quam dulcis, dicunt, facies! quæ gratia frontis!
 Quam corda alliciunt oculi! quam mista decore
 Oris amabilitas! quæ membris grata venustas!
 Quam bene composito respondent singula nexu!
 Ars modo naturam longe superare videtur,
 Non dedit ipsa loqui, sed quod nequit addere, supplet;
 Labra movere putas, & sum, mihi dicere visus, (80
 Dulcis amor, penetratque animum nova forma loquendi.

Rex jubet, ut sculptor properet clarissimus arte,
 Aulæ servitio addictus; videt ille figuram
 Marmoream, fixos oculos per singula versans,
 Hinc taciturnus abit ceu vulnere punctus acerbo.
 Quo pergis? non te jussi tua prodere sensa?
 Rex ait: ille tremens, neque adhuc sibi redditus alta
 Voce rude ingenium, dextramque incusat inertem;
 Mille, inquit, pergo statuas in frustra secare,
 Quas tanto ornavi studio; mea saxa propinquo
 Marmore vilescunt, priscæ me iudice gentes 90
 Artifices habuere Deos, vel forsan ab astris
 Hoc voluit cælum nobis emittere donum.

Si pueros demas, phœnix amisit honores,
 Quamvis non tanto marmor clamore probatur.
 Primores cultique viri spectabile pignus
 Sæpius observant; jam nulla frequentia plebis,
 Sed dignam statuam communi laude fatetur.

Ortu post primum, sed tertius ordine frater

Optatum defert tectum velamine pignus;
 Atque ait: in vero quaesitum agnoscere pulchrum 100
 Quis dubitat? non est oculis, non auribus unquam
 Danda fides, namque unus amat quod despicit alter.
 Altius electo quaerenda est regula pulchro.
 Mens hominis, pars nobilior, pars optima nostri
 Inquirens semper verum, oblectatur in illo.
 Per mare per terras per sidera saepe vagatur
 Libera, despiciens obices, ignara morari;
 Mensuram, numerumque simul cum pondere rerum
 Effectus causasque notat; quin moribus æquam
 Dat normam, in summum quæ sit reverentia Numen, 110
 Et quæ felicem reddunt consortia vitam.
 Hæ recreant animos, & reddunt utile tempus,
 Quæque placere queunt menti, perquirere præstat.
 Regna omnes celebrant, in quæ sapientia floret;
 Quæ jacuere diu populis ignota propinquis,
 Tam bello quam pace homini bona cuncta ministrat;
 Floruit Ægyptus quondam, nunc Græcia floret,
 Nam doctos tot regna Indo contermina libros
 Projecere manu; nostris vicinior oris
 Forte fuit prima Zoroastes laude magister. 120
 Scripta peregrinis remanent intacta rapinis,
 Sed sacro semota loco, quæ cernere tantum
 Parva manus valet & nimium selecta magorum.
 Hæc potui furto eripere, & felicia sensim
 Cura hominum nostris acquireret commoda regnis.
 Tum numerat cursus varios, curasque, laboresque
 Innumeros, tantum ut posset deferre volumen.
 Obstupuere diu: studiis gens dedita plausus
 Edidit; at Proceres librum damnare videntur;
 Judicium plebs ferre nequit, sed regibus, inquit, 130
 Incumbit dare jura, & justas condere leges,
 Communi vigilare bono, sic attinet ipsis
 Non expectato pretium dignoscere dono.
 Opportuna libro præscribitur hora legendo:

Quæ

Quæ Logice præcepta dabat, quæ culta Mathesis
 Conspicua ostendit, primis placuere diebus.
 Sæpe etiam relegi morum documenta rogarunt;
 Qui rerum auctori per nos debentur honores
 Elicuere pios fletus; Princepsque probari
 Dum sua dona videt, pondus rationibus addit, 140
 Et meritum extollit, versatque in corde triumphum.
 Cum tamen ad rerum causas, terraque marique
 Et cælo immenso effectus divertit in amplos
 Circuitus auctor, subito discordia mentes
 Incendens variis turbat sermonibus urbem.
 Crescit ubique fragor; dices odia aspera nasci;
 Cætera vix potuit compresso audire tumultu
 Doctorum selecta cohors, populusque per urbem
 Ignorans quæ vera probet, nova dogmata vulgat.

Tum Rex: indigno pretio, dulcissime fili, 150
 Obtinuisse libram jactas; pro marmore frater
 Doliolos bis quinque auri solvisse triumphat.
 Omnia sint potius folio transcripta fideli,
 Atque loco sacro justis optabile causis
 Restituatur opus; linquat sapientia fontes
 Diffusiva sui, & dominis servemus honorem.
 Sic jura a nobis poscunt, sic poscit honestas.
 Perplacuit populis æqui sententia regis,
 Nec minus in charum geniti reverentia patrem.

Restat adhuc ortu major, qui fratribus ultro 160
 Ultimus esse loco indulget, totamque per urbem
 Præbuit incertis cupidam sermonibus ansam.
 Quæ nova jam remanent populo ostendenda fluenti?
 (Hæc vox una fuit) non quid natura, quid artes,
 Quid mentis cultura ferat, jam vidimus omnes?

Expectata dies aderat, cum Principe gentes
 Conveniunt citius solito, nam tanta cupido
 Visendi: donum optatum cortina tegebat,
 Omnes intentis oculis, vultuque silenti
 Expectant, velumque in partes scinditur æquas. 170

Ecce senex gravis aspectu, venerabilis ore
 Rugosa latus facie, qua dulcis honestas,
 Ingenuus lepor, & pietas habitare videtur.
 Candida cæsaries, vilis sed limpida vestis
 Exornant ætate gravem, gestuque decorum.
 Obstupuit Rex ipse prius, cum fratribus omnes
 Obstupuere simul; tum Regis filius inquit.
 Quærere debueram quæ sit pulcherrima rerum;
 Cuncta probo cedunt homini; quem cernitis, olim
 Vester erat, sed quinque retro percurrere lustra 180
 Convenit; exponam vobis placitura, favete.

Cum Pater imperii moderandas sumpsit habenas
 Egregium virtute virum, quem tempore in omni
 Consultabat avus, (primum appellare Ministrum
 Usus habet) folio invenit, regique propinquum.
 Majorem fama observans, claroque sagacem
 Ingenio, indefessum animis, curaque fidelem,
 Lætus sorte sua plures servavit in annos.
 Hunc Proceres decus imperii, fidusque vocabant
 Laudibus innumeris, qui per commercia rerum 190
 Intendunt lucro, qui scindunt rura coloni,
 Artifices, populique patrem; sed viscera matris
 Turba inopum, afflictæ viduæ, tenerique pupilli
 Experti charæ libabant oscula dextræ.
 Crimina quam nostris fuerint incognita regnis
 Cum planctu memorastis adhuc; quam læta fluebant
 Tempora! nunquam hostes nobis indicere bellum
 Sunt ausi; vixit legum observantia nullo
 Juncta metu; ardebant omnes virtutis amore,
 Nec tot divitiis populus, nec regia fulsit, 200
 Nec vili pretio fruges & copia rerum
 Unquam tanta fuit, nos aurea sæcla vocemus.
 Ipse tamen solus populo cum divite pauper
 Tantum ut prodesset, nummorum agnoverat usus.
 Cum dilecta Parens socialia vincula junxit,
 Quot fraudes (vidistis enim & numerare potestis)
 Tur-

Turbarunt sortem imperii, quam fida ministri
 Heu nimium impexo valuit prudentia facto!
 Perfidus Agrintus cætu stipulatus iniquo
 Privare auxilio populos, regemque ministro 210
 Emerito, potuitque relicta in sede locari.

Cætera prætereo, veterem renovare dolorem
 Mens refugit: patuere doli, & scelera impia nobis
 Tecta diu, instabant graviora pericula regno:
 Mille cruces, tormenta, ictus, mortisque cruentæ
 Omne genus vix pœna foret; sed præcius ipse
 Subtrahitur veloce fuga, quin magna latentem
 Præmia detegere aut populorum industria posset.

Sed cura majore Eglon perquiritur; ille,
 Clamabant populi, amissos acquireret honores; 220
 Eglonem exoptant, latuit tamen omnibus Eglon,
 Et charam populi vitam amisisse putarunt.

Nunc iter exponam, atque faventis munera fortis.
 Postquam ego transieram vasti confinia regni
 Per juga per valles, nemora inter agrestia callem,
 Qua pateat brevior magnas accessus ad urbes,
 Quærere sollicitus, sed pagos cuncta per omnes
 Explorare avido tandem pervenit ad aures,
 Non procul exciso mediis in rupibus antro
 Longævum esse virum, qui rustica egentibus offert 230
 Munera, consilium dubiis, mœstisque levamen.

Tum servis jubeo, ut lateant, & magna revolvens
 Advolo; vixque senex venientem a limine cernit,
 Obstupet illacrymans, & me reverenter adorat,
 Quæ fors deserti te duxit ad invia montis,
 Atque errare monet per tot loca plena periclis?
 Hoc mihi solamen, quod in hac regione vaganti
 Utilis esse queo; requiesce, & fercula sume.
 Obstupui, dulcesque modos, vultumque decorum
 Et gratas pariter mihi visum agnoscere voces. 240
 Cognovi tandem Eglonem. Te flevimus, ajo:
 Vivis adhuc? Astra influxu duxere benigno

Felicem: haud renuas in patria regna redire.
 Te populi exoptant, longoque madentia fletu
 Mille inter plausus absterges lumina Regi.

Proximus est morti lustris a quattuor æger,
 Cui pia promissi assiduis solamina curis;
 Sic Eglon: tibi fausta precor, mea postulat ætas
 Hic procul a curis mihi vivere; at omnia, dixi,
 Omnia tempus habent; nunc te comitabor ad ægrum, 250
 Me socium excipias, a te modo vivere discam.
 Jamque abeunt. Eglon cocto fert iuscula pullo,
 Pulmentum, & longo servata a tempore poma.
 Agrintum princeps ingressu agnovit in ipso.
 Contremuit miser Agrintus: si quærere fontem
 Post tot lustra lubet ... Vocem interrumpit uterque:
 Pone metus, ajunt, viget his pax candida sylvis.
 Tranquilli redeunt vultus, noctuque diuque
 Agrintum curavit Eglon ceu sedula mater.
 Quodque etiam possent morituro afferre levamen, 260
 Dulcis erat studuisse labor; tandem impete morbi
 Exhalare animam aspiciens, ut floribus ornet,
 Involvit corpus, frondes inspergit odoras,
 Quoque potest urna erecta tumulavit honore.

Omnia contemplor, novi pietate fideli
 Eglonem per lustra hosti jam quattuor ægro
 Intervisse ultro; puris qua sensibus Eglon
 Læto animo, culpæ ignarus, servator honesti
 Fugerat, ille sibi insensus, corda intima punctus
 Pondere tot scelerum oppressus per inhospitale semper 270
 Deviat, & nunquam lat delituisse putabat.
 Errat utrinque amens, sed tandem lassus & æger
 Stratus humi jacet esca feris; quem forte gementem
 Rusticus inveniens casum miseratus acerbum
 Ad celebrem pietate virum deducit Eglonem.
 Horruit Agrintus, jamjam dare colla securi
 Pertimuit, corpus vinclis, & pectora ferro.
 Sume animos, Eglon clamat, depone timorem,

Sume

Sume animos, repetit; veterum obliviscere rerum,
Et locus & tempus sincerum inspirat amorem; 280
Sic docuit natura parens, sic postulat æquum.

At satis est: nam plura mihi narranda supersunt,
Sed lacrymæ accelerant, & præsens in tempus omitto.
Eglonem mecum adduxi; quos semper amavit,
Cernere lætus ovat, sed agrestem linquere pacem
Sæpe repugnabat, tandem fors prospera vicit.

Ostendant alii phœnicem, & marmore dignum
Artis opus, doctosque libros; ostendere præstat
Eglonem; mage nil gratum, nil pulchrius illo.
Vester amor, tranquilla salus, dulcissimus Eglon, 290
Deliciæ regni, votis optatus anhelis
Ecce adstat: mage nil gratum, nil pulchrius illo.

Dum loquitur, siluere omnes: Eglonis in ore
Non intermisso defigunt lumina fletu,
Et sensim veteris noscunt vestigia formæ.
Rex sua cum lacrymis miscens solatia corde
Palpitat, Eglonem an videat seu somniet anceps.

Cætera, quæ populo Regina abeunte solebat
Visere, vix magnum Eglonem prope novit adesse,
Advolat impatiens charæ defigere dextræ 300
Oscula, & injussos addebant lumina fletus.
Descendit Rex ipse throno, amplexuque ministrum
Sæpius adstringit, nec se disjungere possunt.
Exultante animo occurrunt, sed stringere vestem
Vis fratres potuere manu; dant oscula signis
Missa procul, Regina senem cum Rege tenebant.
Vive, Eglon, clamant populi; dulcissimus Eglon
Vivit adhuc, vivetque diu, vive euge, triumphæ:
Vivat Eglon, repetunt omnes, dulcissimus Eglon,
Per fora per calles resonat cum plausibus echo, 310
Vivat io, ter vivat io, vive euge, triumphæ.
Vir probus, exclamant, certe est pulcherrima rerum.
Quam bene magnatum plausus imitantur egeni
Artifices, miseri, sparsique in rure coloni!

Rex,

Rex, procures, populus nil pulchrius esse fatentur,
Et tantæ auctori cedit victoria fortis.

Hactenus exposui, quæ tu, cultissime vates
Scriptorum decus eximium, documenta dedisti,
Dum nitide expendis rerum pulcherrima quæ sit.

Hoc opus unanimi excepit Germania plausu; 320
Gallia quod gaudet, quod gaudet Hetruria prælo
Subdere, cur Latio non est sermone legendum?

Narrata ingeniti multum amifere leporis,
Dum tua carminibus restringere sensa paravi,
Ut male cænosa solem discernimus unda.

Cum tamen Eglonem factò meditabar in omni
Vindictæ ignarum, semperque favere paratum,
Qui tandem ad veteres merito revocatur honores,
Jesuadasolvebam animo, quos plurima terris
Regna jubent procul effesuis, sed Magna supremo 330
E folio Catharina vocat. Tu cætera confer.

F I N I S .

INDEX ET NOTÆ.

Dedicatio DD. Principi Potentim.	pag. 3
Auctoris monitum.	7
Carminis Epici argumentum.	8
Heroum lib. 1.	9

** ~~~~~ **

Versu 1. *Gesta. Exordium, seu propositio. Constantia juvenum, honor cohortis cui ad cripti unt. Non fraudibus seduci, aut minis deterreri possunt. Nulla culpa Regibus tribuenda, qui felicitatem subditorum serio quarunt.*

v. 15. *Diva. Invocatur Deipara, cujus auxilio filii sui vexilla juvenes fidei constantia sequuntur, ut vatem dirigat in bello describendo antiquis vatibus ignoto. Sanctos vocamus Divos eo sensu quo in sacris litteris: Ego dixi Dii estis, & dedit eis potestatem filios Dei fieri. Sic etiam aliquando Numina pro angelis numine plenis, qui divina decreta exequuntur.*

v. 39. *Urbs. Portus S. Maria a Trojanis fundatus auctore Menesitheo Ænæ jocio.*

v. 50. *Dum mare. Omina, quæ Trojanos allexere ad urbem construendam. Vaticinium de novo orbe detegendo post 27. sæcula ab excidio Trojæ, ac de fide catholica introducenda.*

v. 66. *Quæ prope. Portus S. Maria, & portus Gadi-tanus (Cadice) in eodem sinu frequentes sunt navibus ab occidente appulsi.*

v. 72. *Huc. In portu S. Maria conveniunt juvenes veste religio a per vim dimissa.*

v. 91. *Ut miles. Credi vix poterat tyrones sibi derelictos tantam animi constantiam servaturos.*

v. 106. *Castrius. Castrius reliquos prævenit de sociis valde sollicitus. Indutus non veste sua inambulat solus littus, rogat auram, ut suspiria sua deserat ad socios, ad P. Generalem Roma, ad Provincialem Eugubii; mare ut eum in Italiam transmittat; flores mente ruminat a planta avulsos.*

v. 145. *Talis. Affectus animi oculis expressi.*

v. 148. *At Zephyrus. Prævia virtutum signa. Fides & Spes Castrium solantur: ejus socios conducit Charitas.*

v. 157. *Hanc tenui. Fides lineo amictu videretur induta, nisi vestis lucidissima fulgor aliud suaderet. Oculis vela-*

velamine coopertis plura videt, calicem cum Hostia (myserium Fidei) ostendit dextra, sinistra Dominica passionis instrumenta.

v. 169. Altera. Spes intentis in calum oculis, cum vesse, quæ ex Smaragdo ductili videtur, depictis floribus fructiferis & anchora.

v. 178. Obstupuit. Castrum timidum virtutes consolantur. Nisi ultro expellantur, ducunt in calum, quo tamen non ingrediuntur. Sed Charitas sistit animas ante Dei thronum, & corpora redemptiva in calo semper comitabitur.

v. 203. Aurea. Describitur Charitas, quæ socios ad Castrum conducit. Eius lux est reflexa, quia a Deo accepta ad nos per charitatem transmissa.

v. 212. Vix ubi pervenit. Charitas omnes inflammat, maculas abstergit, & aliarum virtutum splendorem auget. Irridetur Gracia quod tres Charites finxerit.

v. 223. Castrus. Dubitat Castrus, an primum Divam, an socios salutet; incitat eum Charitas, ut sodales suos amplectatur.

v. 230. Non ultra. Fides, Spes, & Charitas ex effluibus dignoscuntur.

v. 233. Tum genibus. Tyrones gratias agunt Deo, quod tandem convenerint. Rogant non quietem, sed auxilium.

v. 248. Hæc ubi dicta. Dum ad urbem properant, de præteritis laboribus lati inter se confabulantur.

v. 266. Longa via est. Perveniunt domum. Fores non ostendunt intus domus Religiosas, quas habitaverant. Supellex pauperrima, sedilia roseis lignis imparia &c.

v. 276. Quas epulas. Paratur men a pro temporis conditione.

v. 281. Tum senior. Josephus Cattaneus Mexicanus ætatis 48. annorum sacerdos, sed tyro aliis proponit, ut unus in superiorem eligatur.

v. 315. Dixerat. Omnes letantur, & Castrum oculis signant, dum ipse mentem per omnes versans, cogitat cui sit laturus suffragium.

v. 323. Ut suspensa. Tunc verbis stimulant, ut inunctum munus suscipiat.

v. 331. Talia dicta. Castrus dubitat an somniet.

v. 337. Tanta ne vos. Ut electionem dissuadeat, proponit ætatem inexpertam, & aliorum merita, ex quibus sacerdos, diaconus, annis maturiores &c.

v. 361.

v. 361. Interea placidis. Divinus spiritus videtur approbasse electionem; tanto solatio juvenes affecti.

v. 364. Castrius. Castrius domestica munia distribuit.

v. 376. Forfitan in teneram. Mirabilis juvenum lætitia.

v. 387. Integritas. Omnes virtutes cum ipsis habitant.

v. 399. Tempus erat. P. Joseph Cattaneus Mexicanus ardet desiderio emittendi vota, cum biennium jam absolvisset. Gaudet de superioris electione &c.

v. 410. Erubuit Præsul. Castrius cum dignum asserit emittendi vota, sed cum facultatem non habeat, a præsule, qui erat in Portu S. Maria, per litteras occulto transmissas eam obtinuit. Monet ut per octo dies peragat exercitia spiritualia S. Ignatii.

v. 421. Quid referam? Exultat Joseph, & ex proprio nomine sumit occasionem invocandi S. Josephum.

v. 426. Sed postquam. Post octo dies incidit Festum Nativitatis D. N., qua describitur. Sequenti nocte incipit Xavier Iguaregui omnium junior ex eadem patria S. Francisci Xaverii, & junior S. Stanislao peragere exercitia spiritualia, ut vota emittat die 3. Januarii 1769. simul cum Fr. Antonio Carranca Coadjut. temporali ejusdem Provincia S. Fidei. Simon Augustinus Peruanus vota emiserat in urbe Arcos, tredecim alii in urbe Asta vulgo Xares. Facultatem concessere, qui in portu S. Maria superiorum vices pro tempore gerebant. Novem in Italia triennium completuri erant, Castrius cum quatuor Eugubii, ubi erat Provincia S. Fidei, alii quattuor ex Provincia Mexicana & Paraquaria Bononia & Faventia.

v. 488. Cætera quid referam? Mirum tot juvenes ita se gessisse. Castrius viginti annos natus in urbe S. Fidei ante ingressum in societatem per triennium Philosophia, per aliud triennium Theologia, per aliud Juri Canonico incubuit.

v. 507. Viderat. Rector Furiarum (Plutonem nominare non audent) concilium convocat, ut hos juvenes sibi invidiosos dissipet.

v. 516. Est in secessu. Locus concilii describitur horribilis.

v. 550. Gens nobis. Rector averni queritur S. Ignatium contra eum primum novem, tum sexaginta socios collegisse, qui nunc ad viginti & unum millia excrevere.

v. 557.

v. 557. Nec quas obliquo. Circa polus Sol lucet ex obliquo, ubi sunt stelle Bootes.

v. 561. Æthiopes. Jesuita ignotos Nili fontes detexerunt.

v. 567. Quid mirum? Excurrunt Africam Asiam & Americam.

v. 576. Jam vobis. Trigēses sexies exilio pulsī sunt, sed cum gloria revocati.

v. 584. Nil mihi. Inferno Rectori nil magis cordi, quam Hispanos Jesuitas perdere; ab illis enim primi duces, primi Sancti &c. Dolet viginti sex juvenes seduci non posse; timet &c.

v. 600. Dixit. Signa desperati animi. Aliqua Furia ad eum locutura accedunt.

v. 611. Ceu cum dira tonat. Rumor confusus inter furias, velut cum venti, pluvia, tonitrus, & torrentes simul bacchantur. Furie habent cerasas pro capillis.

v. 628. Forte. Infamia, Invidia, Livor & Fraudes deerant in concilio dæmonum: eorum adventu omnes tacent. Infamia vocatur Larva, quia, cum sit nigra, calce dealbatur; cum sit celerrima, videtur lenta.

v. 653. Illa graves. Narrat complures a se inventos, qui Jesuitas ultro calumniantur; neque opus fuit illis malum animum occultare.

v. 674. Sic homines. Scriptis facile ingenuos decipiunt, etiam in Regum aulis, & Magnatum palatiis.

v. 688. At modo. Infamia frustra conatur Tyrones decipere, timet ex illis desumi argumentum scripta & obreptationes esse calumniosas, proponit unicum remedium Violentiam mitti, ut juvenes sub pœna capitis separari jubentur. Violentiam comitantur furia, sed illa omnium celerrima precedit.

v. 730. Interea. Tunc temporis virtutes Theologica, quæ juvenes primum unitos comitata sunt, & morales, quæ cum ipsis habitabant, auxilio erant. Clementia matris officium sibi assumpsit.

v. 737. Borgia prima fuit. Juvenes commendat primum Exc. D. Anna Maria de Borgia Nepti S. Francisci Borgia.

v. 743. At Matrona. Juvenes alloqui lacrymis impeditur, recolens quantum Regibus fuerit charus S. Franciscus seu Prorex, seu Jesuita. Sed animos addit Clementia.

v. 752. Felices. At Exc. Borgia S. Franciscum excepisset.

cepisse *S. Kostkam* exulem, nunc cernere de calo juvenes a multo longiore exilio quarentes abscisam vestem; interea Deum observare animum, non vestem, quia etiam *S. Borgia* jam a *S. Ignatio* in Societatem admissus primis quatuor annis in suo palatio vixit saculari veste. Addit suos Majores semper *Jeuitis* fuisse, sed dolet hunc amorem non servare Principes & Magnates, qui a *S. Francisco Borgia* proveniunt. Omnes enim *Europæ* Principes ab eo per sœminas descendunt.

v. 778. Sed quid ego. *Laudes Majorum* pro suis non habet; *Jesuitas* amat non *Majorum* exemplo, sed propria indole; si felices amavit, amare perget infelices: tunc enim verus amor dignoscitur. Ipsa etiam nimis adversam fortunam experta, miseris amat succurrere.

v. 794. Dum loquitur. *R. D. Petrus* offert *centum* pondera (ita vocantur nummi argentei unius uncie) quinquaginta sua, & quinquaginta a fratre missa; alios indicat, qui totidem circiter parant, & alium, qui sexcenta donare statuit. *Juvenes* pecuniam nolunt accipere. *Petrus* indicat circumstantias, in quibus versantur. Tandem addit eos ducturum ad nobilem & divitem *Matronam*, que eos expectat. Gaudet *Exc. Borgia*, & impedit ne *Castrinus* ipsi gratias agat.

v. 833. Oh nostris miserata malis. *Castrinus* dum abit, gratias agit *Exc. Borgia*. Notetur versus Tam primum juvenes.

v. 845. Jamque abeunt. *D. Petrus* eos ducit ad *Exc. Joannam*. Describitur nobilis palatii ingressus. Generosa *Exc. Joanna* allocutio, prudens *Castrii* responsio. Notetur parenthesis: cur ora rubescunt?

v. 898. Jamque diem. *Vespere domum* redeuntes juvenes invigilat *Castrinus* ne precibus & corporis afflictationibus excedant.

v. 905. Tyronum interea. *Tyronum* pietas civibus materiam loquendi præbet. *Faventium* & *detrabentium* *animi* comparantur duobus exercitiis inter se propinquis.

v. 944. *Borgia. Exc. Borgia* cupit seriem laborum a *Tyronibus* audire, eorum præcipuos benefactores ad se vocat, &c.

Heroum lib. II.

pag. 36

v. 1. Conticuere. Incipit *Castrii* narratio, innuit plura incommoda senes subiisse.

v. 24. At si tantus amor. Exordium sumit a communis sociorum expulsionem.

S

v. 38.

v. 38. Est tibi. Describitur *America*, & in ea quatuor regiones, ex quibus tyrones projecti sunt. *America* fere aequalis tribus mundi partibus simul unitis. Ab Oriente & Occidente lato Oceano a cetero orbe divisa. Verus polos continuata; & ad polos incognita.

v. 53. Decrescunt. In medio *America* pelagus magnum finum efficit, & ut Mare Atlanticum cum Pacifico non communicet, impedit angustum telluris objectum, vulgo Stretto di Panama. Ex quo ad sinistram vides Imperium Mexiacum, ad dexteram seu meridiem post mensem itineris terrestris semper ascendendo ad urbem S. Fidei pervenies, post Limam devenies caput Imperii Peruviani ad Mare Pacificum. Si deinde queras flumen argenteum (vulgo della Plata) ubi primum obtinet nomen, nempe Paraguai, invenies provinciam Paraquariam valde distantem ab utroque mari Atlantico, & Pacifico. Vix flumina Paraguai, & Uraguai sexcentis aliis aucta fluviiis conjunguntur; vocatur flumen della Plata, quod mare non falsum appellari posset.

v. 90. Forte per ambages. *Excusat* se Castrius, quod narrationis initium ex industria videatur differre.

v. 96. Jam late. Incipit narratio: Describitur auro-ra diei primi Augusti; pulsatur ad fores: dubitant Tyrones an aliquis infirmus Sacerdotem vocet; veniunt milites, dubitant an aliquis scelestus perquiratur. Incipit mira in Tyronibus constantia.

v. 132. Nec satis est. Judex inter alios fert *secum* P. Priorem Dominicanorum, ut Tyrones secum deserat; legitur regium decretum; relinquitur Tyronibus eligendi libertas.

v. 139. Oh Pater. Juvenum latitiae in laboribus, & dolor quod suo ductui relinquuntur.

v. 149. Quin etiam. Describitur Libertas, qua Tyronibus apparet.

v. 172. Talia dicentem. A Tyronibus expellitur, alii obturant aures, alii eam vinciunt. Vincula & ligata Deo in victimam offertur.

v. 200. Hæc ubi. Expositis periculis, qua libertati attulit peccatum Ada, stabiliunt Tyrones unum semper in superiorem eligere, & horarum distributionem religiose servare.

v. 213. Quinta dies. Post quinque dies venit Prætor magno comitatu.

v. 218. Ah juvenes. Prætoris allocutio ad Tyrones. Post

Post biennium desunt adhuc quindecim anni ad solemnem professionem.

v. 249. Dixerat. Scorsim juvenes interrogat. Ipsi unanimes confidentiam in Deo collocant, negant a patria terrestri discessum vocari exilium. Vestem se nunquam amissuros sperant, dolent non prius societatem esse ingressos.

v. 283. Talia. Metus & periculum amittendi vestem omnium lacrymas movet.

v. 291. Jam satis. Prator ipse lacrymatur, & se excusans discedit.

v. 299. Septimia. Post septem dies redeunt in tyrocinium. Pulchra comparatio ad Tyronum gaudium exprimendum: Templo accedere prohibentur. In domestico Sattello vota renovant, P. Thomas Villas monet socios in exilium abiisse &c.

v. 341. Tumi medias. Vili & incommodo equitatu ad Hondam a militibus ducuntur, per montes & yllus; inde ingrediuntur cymbam angustam & sine tecto, sed latissimi quia charum in Tyrocino magistrum Honda inveniunt.

v. 356. Nautarum. Nullam in itinere molestiam sentiunt invento magistro, cui tribuunt tam brevi tempore profecisse. Maxima laus hęc P. Dominici Scribani Itali Placentini, qui saepe fuit magister novitiorum post magistrum & ante & post provincialatum & ex procuratore Romanam misso rediit, iterum magister novitiorum: Duo Tyrones ob infirmitatem & urbe S. Fidei non potuerunt Tuncam pervenire, & ibi apud profunum hominem detenti, deinde ad suos restituti cum illis veniunt in Hispaniam, ubi tandem e societate discedunt.

v. 375. Jamque aliam. In Alompos cymba mutatur: Prima Augusti ad Dominicanos deferuntur, octava iter quinquaginta dierum ad portum maritimum incipiunt. Describitur urbs, & portus Carthaginiis, ad quam perveniunt die 26. Septembris, quo mense dies noctibus sunt aequales.

v. 394. Tum mihi. Describitur Fortuna, quæ Castrio in somniis apparet; in qua neque forma, neque dona Castrio placere:

v. 423. Quæque tuos socios. Eadem navis dicta Victoria Tyrones duxerat ex Hispania, & nunc in Hispaniam deportat: In hac parva navi collecti sunt 54, in alia majori 88. Jesuita vela daturi 17. Octobris Post viginti duo dies itineris immorabuntur in Avana diebus 45.

In itinere moriuntur duo seniores, unus Tyronum in portu Avana. Prædicat fortuna reliqua via incommoda, infirmitates, & procellas.

v. 449. Attamen. Die 24. Decembr. Avana excedunt, 25. Febr. 1768. Gaditanum portum ingrediuntur, & 27. Febr. descendunt in portum S. Mariæ. Si uno die protraheretur iter, omnes in mari fame perirent.

v. 465. Nec tamen. Fortuna prædicat in Hispania pericula, sed Tyrones tandem Romam ituros, & decretis celi expostis in Dea formam mutata disparuit. Tunc Castrius socios Tyrones amplectitur, reliquos vero vix adire potuit, immo in portu Avana neque loqui, neque cernere concessum.

v. 490. Non ego. Noti sunt Exc. Borgia labores & incommoda navigationis, quamvis in navi honorificis famulantium obsequiis stipata fuerit. In hac navigatione tres sunt mortui, ex quibus unus tyro.

v. 507. Hanc urbem. Vix ad suos in portu S. Mariæ delati, subito ad cætum cujusdam ordinis Religiosi ducuntur, ubi virtutis specie tentantur: mirum est juvenes inexpertes tot dolos novisse, tot pericula superasse.

v. 533. Jamque octo juvenes. Omnium gaudia in adventu octo Tyronum ex Paraquaria. Jam numero 26. statuunt exercitia S. Ignatii clam peragere, & per octo dies fruuntur pace. Tum Prætor venit, & tria regia decreta indicat. I. Qui volunt permanere Jesuita, subibunt perpetuum exilium. II. Si unquam redeant, morte plectentur, III. Eadem pœna Tyronibus est, si vestem libere non deponant.

v. 560. Obstupuere omnes. Omnes miram constantiam profitentur. Præsul Religiosus iras suas patefecit; regius Prætor, cum solus juvenes alloquitur, eos mirifice laudat.

v. 585. Tum comites. Discedit Prætor, & per duos menses a ministris regis decernuntur, sed a viris Religiosis artibus tentantur, quæ vix credi possunt. Adduntur alii novem ex aliis provinciis, unde sunt 35.

v. 610. Finge animo pubem. A Deo non tantum vires ad constantiam, sed intelligentiam, ne decipiantur, videntur Tyrones accepisse, ut unus ex illis viris Religiosis prius perceptor, tandem ingenue professus est.

v. 621. Ultimus. Tyro, qui octo tantum dies in novitiatu fuerat, a consanguineis voce & scripto frustra tentatur.

v. 639. Mensis erat. Mense Maio in Alzam mittuntur.

duo juvenes supra asinos male lectos, milites eos in equis comitantur. Prætor sapius Tyrones enumerat, asperissime juvenes alloquitur, S. Franciscum Borgia irreligiose nominat.

v. 677. Forte aderat. Diversi affectus spectantium. Vir Religiosus Canes infernales nominat juvenes, Matrona nobilis cum domo statim ejicit.

v. 684. Hic iterum. In quadam domo Religiosa viginti sex includuntur, in qua omnia ipsis desunt, sed, quod vix credi possit, negatur absolutio, & SS. Eucharistia ob suppositum peccatum non petendi a Societate Jesu dimissionem. Describitur hoc factum incredibile.

v. 728. Tum placet. Eligunt Tyrones unum inter se, cui animi angustias aperiant, hoc detegunt Religios, moment Prætozem, qui electum alio mittit, remanentibus indicit, ut tandem eligant futuram vitæ formam; crescunt domesticæ persecutiones.

v. 738. Illuxit. Accedit Prætor, ut Tyronum animos exploret, omnes constantes invenit exceptis duobus. Vir Religiosus illis irascitur, quod in horto, quo separatim vocantur, inter se confabulentur. Mira fuit temporalis Coadjutoris, facundia; contempserat ille suorum litteras in portu S. Mariæ, nunc pariter respicit nobilis viri litteras, & Religiosis viris prava suadentibus semper recitat verba libri Thomæ a Kempis de contemptu mundi opponit.

v. 762. Forfitan. Nil magis Tyrones cruciabat, quam plures e senioribus Societatem deseruisse, ut illis fingebatur.

v. 772. Tum juvenis. Ad hunc summum dolorem evitandum venit juvenis speciali Dei auxilio, qui optabat in Societatem ingredi, finxit se unius fratrem, & adeo inimicum se Jesuitis ostendit, ut superior Ordinis non dubitaverit illo uti socio ad Tyronum animos superandos. Hic juvenis in lingua Catalaunica satis instructus potuit falsa tanquam vera asserere; sed verbis abstrusis & Assè ignotis detegere veritatem. Describitur hac lepida confabulatio.

v. 826. Tartaræ. Tartaræ furia instruunt Prætozem; ostendunt plures, qui Societatem reliquerant; fingunt multos procul transeuntes fuisse Jesuitas, vocant columbas qui corvorum vestem in Societate in candidam commutarent.

Si aliquis vero ex Jesuitis fuerat, ad illos ducuntur, qui tamen erubescunt, & vix lacrymas comprimunt, pauci tamen cum veste amorem exuisse ostendunt. In hac ultima persecutione Patres Carmelitani Calceati Tyronibus semper favere.

v. 870. Viderat. *Miseratio videns hanc maximam juvenum angustiam in eorum auxilium accurrit. Tres pauperes invenit, quos ipsa reddit habiles. Omnia nitide describuntur.*

v. 920. Sic Divæ auxilio, *A Diva multa habent com-
moda, nec mirum, si ex 35. tantum remanent victores 26.
Neque hostium victoria laudem meretur.*

v. 934. Mexiacam. *P. Marques Mexicanus in Portu
S. Mariae vices agit Provincialis, concedit quattuordecim
Tyronibus facultatem emittendi vota, & monet Praetorem
per epistolam non posse Tyronibus vim inferri, quia jam
sunt Jesuita.*

v. 951. Ac veluti. *Comparatio hominis, prope quem
fulmen cecidit. Ita Praetor accepta epistola veritatem in-
quit, omnem vigilantiam adhibet, & aula ministros monet.*

v. 971. Septima lux tandem. *Post duos menses, nempe
7. Decembr. ante fores adium Religiosorum Tyronibus
vestes exuuntur, qui sientes eas deponunt. Videtur Mis-
eratio ex Asia in Portum S. Mariae juvenes praece-
ssisse, qui ulterius eam Asia non sunt experti.*

v. 991. Felices. *Computantur felices, quia simul esse
possunt, & in portum S. Mariae se transferri statuunt. Vil-
licus accitus ad suppellectilem deferendam horruit, non ta-
men auriga: tanta erant plebis convicia in juvenes, quae
Castrius praecedens non audivit. Sed summopere fuit affi-
ctus ob jociorum moram, timens nova infortunia. Eos ta-
men appropinquare videns latissimus accepit.*

v. 1024. Huc tandem. *In portu S. Mariae generosos
animos inveniunt.*

Heroum Liber III.

pag. 65

v. 1. Incluta. *Adstantium admiratio ob res a Castrio
narratas. Exc. Borgia omnes rogat, ut statim curent na-
vem conducere ad deducendos in Italiam Tyrones.*

v. 27. Vidi ego. *Videt furias minarum plenas, ut ju-
venes in paternas domos deferantur, & pietatis impetu ab-
repta juvenum fugam accelerat.*

v. 54. Tu mecum interea. *Omnes rogat, praecipue Exc.
Joan.*

Joannam, ut hanc curam suscipiat, quod si sequenti die evenire nequeat, rogat ut permittant juvenes ad convivium invitare in villa litori propinqua, & ipsamet, quamquam ignara, cibos statuit parare. Interea Vincentius admonet propinquiorem socium jam solem esse sepultum, & ideo non esse tempus immorandi extra domum.

v. 89. *Quamquam. Exc. Joanna subrisit, laudat Exc. Borgia studium, precibus Tyronum rem commendat, diem adhuc superesse notat, Petrum jubet ut illico navem querat.*

v. 109. *Emicat interea. Narrantur quæ cum nauclero Anglo, & Hispano evenerunt; deinde poetica fictione prandium in civitate exhibitum describitur in villa.*

v. 163. *Qua mare prospectant. Cum Exc. Borgia divitiis non abundet, supponitur villam antiquæ pompa multum amississe.*

v. 196. *Sic vobis. Honor Tyronibus impertitus.*

v. 210. *Phœbus iter medium. Magnificum prandium more hispanico.*

v. 247. *Vina. Indicantur celebriora vina hispanica, unde non est opus vina querere ex Capite bona spei in Africa, vel vinum Tokai ex Hungaria, nec ex Græcia, ubi Ciprium vinum per plures annos sub terra sepultum summe æstimatur &c. Inter vina Hispania celeberrima ponitur ultimo Canaria ex insula avibus hujus nominis fecunda. De Tarraconis vino ait Martialis cedere Campano, sed certe vinum Sitias prope Tarraconem superat non Campanum olim celebre, sed plurima alia.*

v. 271. *Hic aliquis procerum. Vinum Mexicanum celebre in illis partibus, sed difficile extra Mexicum in America bibitur. Vinum ex Chile, ex quo videtur polus Antarcticus, quem neque Hispani, neque Europæi vident, est pariter in illis partibus optimum.*

v. 293. *Postquam expletæ epulæ. Plurima jubet in navem transferri Exc. Borgia cum dolis vini & aquæ &c.*

v. 305. *Castrius interea. Solvunt Deo grates post mensam; quesius benevolentia pleni ab Exc. Borgia, responso opportuna; volunt omnes benefactrici gratias agere, illa, ne lacrymantem videant, subtrahitur.*

v. 377. *Illi inter sese. Omnes juvenes ad aulea observanda convertuntur. Corianus ex Peruana Provincia videt S. Franci cum Borgia acu pictum, qui anno 1557. mittit duodecim socios Limam anno 35. fundationis ipsius. Mirati sunt Peruviani, cujus imperii Lima erat caput, naves immensæ molis, quæ ante solum nota erat cymba unius*

ligni excavati. Excepti sunt Jesuita summo plausu. (Vt de Sachinum lib. 4.) Inducantur PP. Portilli, Baccamontii, Tontii, & Lopezii labores.

v. 414. Jamque novis. *Toscanus in Limana Ecclesia Cathedrali Decanus Episcopatum recusat, & simul cum regio senatore societatem ingreditur. Erigitur Ecclesia in loco dicto Colubrum, ad quam S. Franc. de Borgia mittit imaginem B. M. V. ab exemplari a S. Luca depicto.*

v. 427. Aspice. *Raymundus Casanova ex provincia S. Fidei notat oratores ex Chile & Quitto Limam missos, ut Jesuitas obtruncant. Chilenes equi velocitate celeberrimi. Urbs Quitensis supra montes altissimos, ita ut celebres montes Cordigliera inferiores sint; habet perpetuum ver sub æquinoctiali circulo.*

v. 436. Urbs. *Marianus Constant meminit provinciam suam S. Fidei olim cum Quitensi eandem fuisse, sed Antonius Salens observat primordia Provincia S. Fidei desumi posse a primis illis Patribus Limam missis, quia duodecim ad Carthaginensem portum appulere, etsi non omnes Limam pervenerint. Dolet Leander Gonzales non fuisse Carthagine diu immoratos, & Ven. Petri Claverii gesta innuit. De hoc jam Ecclesia decrevit constare de virtutibus heroicis.*

v. 452. Quod nequit tunc Lima. *Didacus Sebastianus narrat Collegium S. Fidei initium habuisse anno 70. ab ea urbe condita a PP. ex Mexico ab Episcopo delatis, qui in Europam missi cum sociis rediere anno 1604. quo & Collegium & conviculus incipiunt.*

v. 466. Quis tamen, o focii. *Vincentius Sans observat virum S. Franc. Borgia similem Seminarii S. Fidei fundationem pecunia liberaliter juvantem. Respondet Franciscus Carchanus esse Proregem ipsius S. Borgia nepotem. Latatur Joannes Petit Proregem nomen Joannem habuisse sui similem.*

v. 478. Xavier interea. *Observat Xavier Iguarequi omnium junior plures sue provincie martyres. Unum inter flammis adeo bene depictum, ut compassione motus ligna sentet remove, sed Petrus Castrius ex urbe Mompos hac exempla cum movisse ait ad societatem ingrediendam; Vincentius a Castro ex urbe S. Fidei reponit non antiqua exempla cum movisse, sed ea quæ in Jesuitis sua ætatis observabat. Tum exponit factum Servi Dei P. Figuera, qui a barbaris pro signo veritatis doctrine quam predicabat ita quasi in medio flammarum exposuit.*

v. 536. Talia. *Andreas Villa gaudet observans Tyr-
nes olim in Novitiatu Tunchensi columbis cinctos in testi-
monium innocentie.*

v. 548. Hæc ait. *Quattuor Fratres Coadjutores S. Fi-
dei haud intelligunt picturam, quam intenti observant,
& inter se conferunt recitando verba libri Thomæ a
Kempiis.*

v. 573. At senior. *Picturam explicat P. Cattaneus
ex Prov. Mexicana. In Provincia S. Fidei ortum habuit
sodalitas B. V. de Soccorso, ubi singuli celebrari curant
duo sacra unum pro vivis, aliud pro defunctis. Sacrificia
nunc in toto orbe ad octo milliones ascendunt. Instituta
est sodalitas a P. Petro Vurais jussu ejusdem B. V. Poe-
ta diutius immoratus est in rebus ad Provinciam S. Fi-
dei spectantibus, quia ad illam major Tyronum pars at-
tinet.*

v. 590. Dixerat. *Ipse P. Josephus Cattaneus, & Si-
mcon Augustinus ex Provincia Mexicana monumenta sua
provincie observant, primo urbem pulcherrimam, & tem-
plum B. V., deinde aliquas missiones, & animadvertunt Ca-
liphorniam non esse insulam, ut prius estimabatur.*

v. 604. Tres clari. *Bernardus Acona, Franciscus
Urreola, & Clemens Baigorri. Omnes Americani. Vident
tria exemplaria operis Muratorii: il Christianesimo felice;
legunt per summa capita, & omnia cum pictura conve-
nire observant. Legentibus accedunt quattuor Fratres Co-
adjutores ejusdem Provincia de Paraguai, Joannes Pius,
Joachinus Triberin, Hipolytus Urbina, Josephus Elgue-
zabal. Liber erat ex Italica in Hispanicam linguam ni-
tide traductus.*

v. 637. Per spatia. *Juvenes repentino sono conterriti,
sed adventu Exc. D. Joanna subito recreati.*

v. 654. Dum loquitur. *Affertur omnibus potio ciocco-
late. Injicitur sermo de laudibus Italie, quam juvenes adi-
turi sunt; & per villam insimul spatiantur.*

v. 668. Et jam majores. *Redeunt domum ante occa-
sum Solis, paratur cœna viris nobilebus: negant se juvenes
nimium pastos posse mensa assidere; monet Exc. Joanna ut
somno indulgeant, quia ea nocte in navem ire debent, &
securos reddit de proxima profectione in Italiam; Exc. Bor-
gia præ amoris teneritudine vix felicem quietem augurari
valet, & procures ad cœnam deducit.*

v. 689. Ducenda in navem. *Strata hic erant pro navi
parata, sed juvenes statuunt orationi incumbere ad caleste*

auxilium obtinendum: interea de illis conviva loquuntur: Exc. Borgia ad eos invisendos subtrahitur, affectus varii describuntur, dum videt eos orationi mentali non somno indulgere, narratura quæ viderat a D. Petro interrumpitur, qui juvenes ad navem vocat, lassus omnia direxisse jussu & consilio Exc. Joanne. Affectus varii Procerum in eorum discussu

v. 740. *Ad sacram. Omnes vocant, ut juvenes ad aras S. Ignatii, S. Aloy. i Gonzæge, S. Stanislai preces fiant, D. Petrus urget voce & vi ut di cedant; ultima Procerum amoris signa erga juvenes, & ut Exc. Joanna semper genero um animam ostendat, ita Exc. Borgia tene-ritudinem, & compassionis signa exprimit.*

v. 771. *Jam ter quinque dies. Die quintadecima Januarii ascendunt navem, sed duodecim diebus in portu immorantur. Dolet aliquis noctes esse nimis longas, sed alius reponit nil mirum hierno tempore noctes esse longas; dies autem sibi longos videri; habuerat etiam ecreto missam epistolam de periculo imminente, nempe ut juberentur in paternas domos distribui.*

Heroum Lib. IV.

pag. 87

v. 1. *Panditur. Deus juvenum preces exaudit, Angelos vocat, ad eos allocutio.*

v. 20. *Jam satis. In Hispania juvenes munificentiam experti sunt, quam in Italia non experientur; in Italia quietem, quæ in Hispania illis defuit.*

v. 39. *Dixerat. Aligeri veniunt in portum Gaditanum: cymba ex portu mittitur ad reducendos juvenes, Angeli jubent ventos inter cymbam & navem collocari, unde cymba in portu citissime redit, navis iter suum sancte prosequitur.*

v. 54. *Jam procul. Eadem die 27. Januarii discedunt a portu, ingrediuntur Mediterraneum Sole jam occiduo. Hispanie terras adlambunt, & Almeria morantur, quæ Alagnus Portus, & Hircus a pri cis appellata fuit. Juvenes 2. Februarii vellunt ad templum descendere ut festum Purificationis B. V. celebrarent, sed prohibentur.*

v. 93. *Brætica terra vale. Cum reliquatur pars Hispaniæ, quæ Brætica appellatur, hanc vates alloquitur conferens quam diverso modo nunc Jesuitæ ab ea di cedunt, atque ante discedebant ex portu Gaditano Missionarii ad Americam.*

v. 143. Quamquam inter Divas. Describitur legum observantia religiosa, cujus pars in exacta horarum distributione consistit. Hæc pars latere debet occasione ingrediendi navem, & itineris marini incipiendo ob temporis confusonem, sed inculpabilem.

v. 145. Ut primum juvenes. Juvenes visa Dea erubescunt, sed ab ea sublevantur; monet ut solam divitionis horarum attente relegant, quod omnes peragunt.

v. 157. Nulla mihi. Primum monitum de presentia Dei, & Angeli tutelariorum custodia; cura non amittendi tempus, ipse somnus ex obedientia merito non caret, qui septem horis protrahitur incipiens a decima ante mediam noctem.

v. 171. Pellere jam somnos. Cum e somno surgimus, quid in cubiculo faciendum.

v. 173. Lector adest. Subito ad sacellum ad spiritualem lectionem, & inde ad horam orationis mentalis, quæ deinde intra diem per mediam horam repetitur; & per quadrantem ante prandium & alium quadrantem ante cubitum peragendo examen conscientie.

v. 195. Hic reus. Partes examinis conscientie indicantur. Sed cum altius legisset Clemens ob fervorem animi, ad excitandum commissorum dolorem, Christi passionem memorat, & tenera exclamatione in lacrymas abit, unde Franciscus Urreola ex eadem provincia chartam accipiens reliqua legit prout scripta erant. Quam omnes juvenes sapiens deinde relegerunt vel dum prospere navigant, vel dum quiescunt.

v. 254. Forte iterum Clemens. Cum Clemens de hoc argumento sermonem injiceret, navis a ventis inopinato impulsu in terram accedens tormentis bellicis impetitur. Varii juvenum affectus.

v. 271. Heu fuge. Dux navis inter nautarum voces jubet a portu discedere: ventus obstat: Dei auxilium.

v. 278. Aligeri. Tam facile a portu ventis & undis obstantibus discedunt, ut Angelorum opera dimoveri videantur: eorum etiam curam fuisse ne tormenta bellica eis vel minimum nocerent.

v. 288. At navis. Raymundus a Duce navis instruitur de causa explosionis tormentorum, quam sociis narrat. Nempe quod ex oppido Sitias, ad quod impetu ventorum navis accedebat, crediti sunt predones Mauri. Memorat Raymundus eos sepe a militibus caelos lanceis & armis, sed semper animo placido, nunc vero impetitos ad montem:

plura illis apposta fuisse crimina, sed nunquam crimen pirata maritimi. Dum hac narrat, ex Barcinone venit obviam cymba, & affert magnam amphoram vini ex Sitias, quod celeberrimum est, memorant periculum, in quo juvenes fuerant ex ignorantia populi, & addit octo monetas argenteas ponderis uncia.

v. 330. Quattuor hastati. Mittuntur milites ad navem, ut invigilent, ne quis ad navem perveniat, vel ab ea discedat. Sed non prohibetur ex cymbis alloqui. Si Sitias bello violento juvenes exceperit, Barcino amoris arma adhibens periculosus juvenes invadit. Plures ex Tyronibus sunt ex hac urbe, & comitatu. Innuuntur tria hujusmodi pralia, in quibus arma suggerebat amor.

v. 372. Bis duo. Post quattuor dies Barcinone discedunt, & veniunt Palamos, ubi die dominica prohibentur sacro assidere.

v. 385. Nec mora longa fuit. Ex Pallamos veniunt ad caput Crucis, vulgo Cadaques. Hic datur facultas descendendi ad terram, sed dux militum vulgo Alcaide baculo & minis a littore vociferans eos impedit. Comparatio columbarum accipit rem longe visum fugientium.

v. 416. At vos. Allocutio ad juvenes, dum Hispania fines ultimo relinquunt. Gallia littora ob horridam tempestatem non vident.

v. 428. Nox erat. Inter navis ducem, & Clementem confabulatio. Dux jurens herbam dictam tabacco insere vadam periculorum ait, vulgo Golfo di Leone. Nauta accedentes nulla signa procella esse ajunt. Occasionem sumit Clemens differendi quantum nauta debent esse ad mortem dispositi. Accedunt alii Tyrones, & nautarum felicitatem notant, si sciant uti laboribus suis.

v. 491. Hora sonat præscripta. Datur signum hora elapsa post cœnam, qua finitur tempus confabulandi. Juvenes statim silent, & in suam interiorem mansionem revertuntur. Oritur ex improvise gravis tempestas per biduum. Hac de cribitur. Inde nautarum timores & gemitus. Unius blasphemiam alius corrigit Tyronum documenta memorans, dum nauclos separat unda supra navem irruens.

v. 546. Dum mage bacchantur. Tyronum quietes. Apud scitum Sacerdotem peccata sua confitentur. Casirius eos monet, ut nautas ad pœnitentiam excitent, & sacerdos confessiones excipiat, crucifixi domini imaginem manu deferentes ubique excurrunt, & juvenum cura nautis mirifice profunt.

v. 587. At Caput. *Dolet Rector Averni tempestatem excitasse, præcipue observans Angelos juvenum labores aureo libro notare, immo faculus cordi eorum applicare, & verba suggerere, & demum fausta promittere.*

v. 604. Sese irrideri. *Mergitur rabie plenus Rector Averni. Apparet in navi flamma, quam vocant Santelmo. Monet Caspius perperam illi procella finem attribui, & ut solvant Deo grates flexis genibus eum omnes imitantur.*

v. 623. Et jam. *Primo mane Delphines nautis obsequuntur. Sardiniam vident olim Hispania subditam. Cum Corsica sit vicina, gaudet Caspius hac occasione videndi loca, ubi sua provincia Patres primum exilium sunt passi. Vident Corsicam.*

v. 657. Africus. *Ajacium perveniunt; ubi Gallorum truces vultus, sed non hostiles experiuntur. Permittitur in urbem descendere, Corsi plura benevolentia signa ostendunt; aliqui Jesuite, qui ibi adhuc restabant accurrunt ad Tyrones inviendos, inter teneros amplexus plura inquirunt. &c. Moniales plura sercula eisdem officiosa mittunt.*

v. 693. Sed levis aura. *Abeunt a Corsica, unde omnes alii Jesuite brevi abituri sunt. Veniunt ad portum Veneris in ingressu sinus Lumen's vulgo il porto della Specie. Hunc spatiosum portum securum reddit insula in egressu; in medio mari scaturit fons aquæ dulcissima satis profunde, sed hauriri non potest. Luna civitas Etruria olim fuit prope hunc portum, cui nomen dedit. Ubi dicitur, Urbe procul domina intelligitur Genua, cujus dominio spectat portus della Specie in sua ditionis confinis versus Etruriam.*

v. 715. Hic tandem. *Gaudet vates jam Tyrones ad Italiam tandem appulos, ubi non invenient munificentiam, quam in portu S. Mariae sunt experti, sed experientur magnum levamen degendo inter reliquos fratres.*

v. 726. Non tamen. *Notat ex particulari Dei providentia hac parte navigasse, ut inter Ciennam & Portum Veneris observare possent æperos montes & littora deserta, ad quæ Jesuite suarum provinciarum delati sunt a Gallis ex Corsica: Innuit summas angustias per octo navigationis dies, & tamen coacti sunt Jesuite solvere quatuor mille uncias argenti pro personis vix 800. quatuor siccitas quasi poma in canistro degerent, sine operimento per octo dies vitæ tenui & nocivo.*

v. 764. Vos decet. *Debent juvenes animo recolere multo leviora esse passos. In portu Veneris mutant navem.*

v. 776. Est in conspectu. *Veniunt ad portum Ferrarium*

rium in insula Elba, ubi sunt celebres ferri fodina. Hic tribus diebus immorantur, & propitio vento ad Centum cellas appellant. In hac prima urbe Status Pontificii mira subito ex latitu & devotione terram deosculantur, plura amoris signa experiuntur.

v. 797. Castrius. Castrius socios alloquitur, & solatur. Deinde cymba per Ostia propitio vento Tibriam ingrediuntur. Clemens flumen comparat cum hominibus in damnum proprium ruentibus; Vincentius cum caduca hominum gloria; Franciscus cum corde hominis semper inquieto nisi in Deo immergatur. Castrius coronam B. V. accipiens socios monet eam simul recitare, quod dies Sabbathi hoc obsequium a Tyronibus, & nautis postulat, & ita ad pagum vespere perveniunt.

v. 849. At properare. Dum rusticus videt cymbam appropinquantem, irriorio vultu ad nauclerum exclamat: portate la peste a Roma? Concionator forte transiens hac verba audit. Juvenes ea nocte in cymba dormiunt. Primo mane ad parœciam accedunt, cum sit dies Dominica ad SS. Eucharistiam excipiendam. Parochus obviam accurrens plura benevolentia signa ostendit; per se ipsum vult illis celestem panem distribuere; eos rogat ut concioni intersint: cum enim esset tempus quadragesimale, concionatorem tunc habebant pium Religiosum ex ordine S. Francisci. Tyrones benevolo Parocho satisfaciunt, & concionator propositis Tyronibus populo pro virtutis norma in eorum laudes effunditur, & probatos per ignem & aquam exaltans, arguit aversos animo, & mordacem virum zelo plenus coram reprehendit.

v. 881. Tandem. Ultima die Martii Romam ingrediuntur. Castrius veniam rogat, quod male gessit Præfidis munus. Proponit terrestri itinere cum P. Josepho Cattaneo eos Romam præcedere, ut superiores moneat de ipsorum adventu.

v. 905. Egregii Juvenes. Testatur vates verba sibi deesse ad exprimendos juvenum sensus ante aras S. Stanislaï Koska. Describitur inde cubiculum, ubi mortuus est; inde reciproca inter Tyrones Americanos & Romanos solatia. Accessus ad P. Generalem jam rescripta vesse; ejus humanitas. Affectus apud aras S. Ignatii & Xaverii in templo Domus Professe, tum ad aram S. Aloysii in templo S. Ignatii Collegii & Universitatis Gregoriana. Nequeunt juvenes hac occasione invisere cubiculum, ubi vivit & mortuus est S. Aloysius, quia a Tyronibus Romanis

nis anxie expectantur, ut restitutam vestem deo sculentur.
 v. 1006. Hactenus hæc. *Poema concinnatum, cum Clemens XIII. Societatis extinctionem postulantibus negavit, atque præ morore occubuis e videtur. Pro certo existimat vates Sanctum Pontificem Deum rogaturum, ut sibi substituat aliquem, qui Societati saveat. Non enim evenire posse sibi persuadet, ut tot signa divini auxilii hunc effectum aliquando non sortiantur, etiam si societas mortua, vel prope mortua cen'eatur.*

AD HEROAS EPISTOLÆ.

Epistola I. Dilectis Fratribus in Dominiis Magnæ Russorum Imperatricis mirabili Dei providentia existentibus pag. 117
 Epistola II. ad eosdem. 123

v. 1. Augustæ ad solium. *Vates, qui in prima epistola transcripsit epigramma, quod adjunxit imagini Augustæ Catharina II. septem distichis prout existimat satis eleganter expressis, nunc adjungit poema, quo opus suum eidem Augustæ dedicavit: cum epigrammatibus, quos simul obtulit Augustis Principibus.*

v. 10. Quæ Dominæ. *Ante oculos quidem Augustæ Imperatricis carmina debuerunt erubescere.*

Ad effigiem &c.

pag. 124

v. 27. Utque aurora. *Felicitas Russorum incipit a Magna Petro, sed complementum habuit a Maxima Catharina. Aferuntur causæ.*

v. 94. Parte alia. *Classis Moschorum in Arcipelago res esita omni admiratione major, ut nihil poeta exaggerare possit.*

v. 116. Quid referam. *Leges pro populis tam diffitis & tam diversis sunt opus magna mentis, & magna prudentiæ; & clementia tormenta prohibere, ad extorquendam criminum confessionem.*

v. 178. Usus avis. *Descriptio soliti usus, qui clappo saculo natus Parisiis in Europa urbes propagatus est, ideo nostris avis & atavis ignotus, vulgo Cavalier fervente. Deinde usus ludorum, vulgo giochi d'azzardo. Utrumque usum, seu abum extirpavit zelus & prudentia imperantis.*

v. 236. Deerat adhuc. *Digna basis statue Equestris Magni Petri, digna cura Maxima Catharina. Rupes terrestri & maritimo itinere longe deportanda erat ponderis*

trium millionum librarum 20. unciarum, unde quinque millionum librarum Italarum. Architectus Comes Marinus Carburus Cephalonia, qui Parisiis anno 1777. Historiam cu a figuris nitide vulgavit.

v. 239. Hactenus. *Hinc vates locum habet commemorandi Augustissime Domina in Fratres suos protectionem, quam nitide describit a versu. Discite mortales.*

Epistola III. Ad Lusitanam Soc. Jesu Juventutem gratulatio. pag. 234

v. 1. Illustres. *Hac est prima epistola ad fratres in exilio.*

v. 22. Credideram. *Minister Carvaglio timens, ne auctor nimis acceptus Benedicto XIV. impedimento esset ad ea, quæ contra Jesuitas meditabatur, curavit eorundem Jesuitarum opera, annuente etiam aula Lusitana eum Roma expellere. Postea hoc ipsum objectavit Jesuitis, quod utrum innocentem percuti fuerint. Unde auctor juxta illum fuit unus innocens ex Lusitanis, omnes enim, qui in dominiis Lusitania & Status Pontificii degebant, viri factuosi in ejus diplomatis declarati erant. Sane qui Lusitani tunc temporis Venetiis aderant, aut interpretatam aut expressam habuerant facultatem loquendi cum auctore, ut Comesarius Franciscanus Exc. Oratoris Regis Catholicis; sed loqui cum Jesuitis in Statu Pontificio erat Lusitanis prohibitum poena capitis.*

v. 95. Vidi ego. *Mirum exemplum constantia unanims.*

Epistola IV. Ad amicos, quibuscum olim convixit in Lusitania. pag. 139

Epistola V. Ad Societ. Jesu adolescentes Provinc. S. Fidei. pag. 143

v. 82. Et quamquam insultus. *Indicantur, quæ passi sunt Cænes, ubi sub dio coacti sunt tota nocte quiescere. Bononia enim curru non ab illis quæso abeuntes necesse fuit eum brevi dimittere ex defectu pecunie solvenda. Unde totum iter pedibus, immo sine indusis, vel sudore squallidis peractum est.*

v. 97. Si vos. *Indicatur navigatio ex Corsica ad littora desertæ Genuensis Status, quæ etiam innuitur Heroum lib. 4. v. 726. Deinde inhumanas, licet ex imprudentia fratrum Coadjutorum Bononiæ.*

Epistola VI. Ad Societ. Jesu adolescentes Provincie Aragonie. pag. 148

v. 30. Testis ades, Magne Ignati. *In facie templi Collegii Soc. Jesu Majoricæ sunt duæ statue marmoreæ, una S.*

S. Ignatii, alia B. Virg. sine labe concepta; ideo dicitur S. Ignatium esse testem. Inde narratur factum mirabile, quod vates describit prout a pluribus viris fide dignis audivit, & de quo apud se attestationem in scripto habet a viro satis noto in tota Hispania, qui vixit & mortuus est magna sanctitatis opinione, nec minoris prudentia & doctrina, nempe P. Petro Calatayud. Habuit deinde occasionem loquendi cum viris fidedignissimis, qui ex Majorica venerant in Italiam, & veritatem facti asseruere prout describitur. Vates ex Majorica rapitur Barcinonem & narrat aliud factum, de cujus certitudine non est adeo certus, sed non obstat quod juvenis ibi indicatus, non ea sanctitatis signa, qua expectari deberent, inde præbuerit; fuit enim semper optimis moribus præditus, ut omnes testantur, sed ecclesiasticos fastos refertos habemus gratiis spiritualibus alicui concessis, qui ob vanam gloriam facile illabentem similes ulterius gratias non merentur, quamvis boni permanent. De cætero vates solam eam fidem exigit, qua viro probo & sincero debetur.

v. 152. Vos tamen. Transit vates ad alias celebres imagines B. V. in Provincia Aragonensi: Ad eam qua Manresa colitur: Ad aliam de Monteferrato, ubi S. Ignatius militia arma deponens per plures dies in extasim raptus est. Et demum ad B. V. de Columna, seu de Pilar, qua Deipara vivens apparuit.

Epistola VII. ad PP. Soc. Jesu Provinciæ Castellæ. pag. 155.

v. 103. Adde. Cum epistola scripta fuit, expulsi erant Lusitani, Hispani, Siculi, & Neapolitani, in quibus duobus regnis est Scylla & Charibdis; & pars provinciæ ubi transit Padus, in quo fingitur sepultam Phætonis, nempe Jesuitæ ex Parma & Placentia.

v. 203. Proxima servabant. Imago hujusmodi S. Ignatii daemonibus terribilis esse solet.

v. 208. Tum mihi. Pulchra S. Xaverii allocutio: Deinde de ipso & S. Ignatii exempla.

v. 216. Sit satis. Otium & labor ejusdem sunt meriti, si obedientia, vel divina dispositioni conformentur.

v. 223. Hæc mihi. Ita constat ex epistolis S. Xaverii.

Epistola VIII. ad socios Mexicanæ Provinciæ. pag. 166

v. 47. Sed quid ego? Virgo SS. novi mundi patrocinium suscipiens in Mexicano regno templum erigi jubet.

v. 140. Tempus eget. Nimis notum est, quomodo se gesse-

gesserunt Missionarii, qui, ut supplerent Jesuitas, in Americam missi sunt.

v. 159. Talia dicentes. *Post populorum lacrymas, vaticinium poeticum de Missionariorum reditu.*

v. 228. Vos ego, Primi, qui sacris ordinibus initiati sunt, viginti & unus juvenes ex hac provincia Britinorii, qua civitas supra montem sita est, ab Illustr. & Reverendissimo Domino Francisco Columbani, & domi sue perhumane detenti, & usque ad sacerdotium promoti procurante auctore epistola.

Epistola IX. Ad omnes Societ. Jesu &c. pag. 173

v. 27. Stringitur ad collum. *Describitur vestis Jesuitarum, quam multi finxerunt, ut incantatos fallerent.*

v. 55. Ipsa minor. *Hæc septima epistola debet prior se legendam exhibere, tum alias sex epistolas offerre exponens qua occasione scriptæ sunt. Prima duæ ad Lusitanos.*

v. 119. Tertia jam notos. *Tertia ad Socios Provincie S. Fidei, Inde quarta & quinta.*

v. 141. Vos ego. *Occasio sexta epistola.*

Epistola X. ad quosdam socios pie credulos. pag. 179

v. 3. Nam mea. *De predicationibus S. Theresæ, & V. Marina de Escobar non est dubium, & de aliquibus aliis.*

v. 89. Qui solis cursum. *Tempus præscribere ad Mathematicos spectat; ad servos Dei attinet in Deo confidere, & ad omnia esse paratos.*

Epistola XI. Ad socios Provincie Aragonie de laudibus Eridani. pag. 183

v. 5. Late albicantes. *Sorores Phaetonis in populos conversa ad ripas Eridani continuo lacrymantur.*

v. 68. Vadumque. *Vulgo Golfo di Leone. Deinde aque Eridani jam salæ solum possunt redire, si eas terra absorbeat, ad loca, ubi nascitur Eridanus.*

Epistola XII. Ad socios Prov. Aragonie, ut laudes canant Eridani. pag. 185

Epistola XIII. Ad dalcissimam Amicum D. Augustinum Magnos. pag. 187

Epistola XIV. Stanislaus Kostka Soc. Jesu Tyro tyronibus &c. pag. 188

Epistola XV. Clariss. Viro Didaco Josepho Fuenfaldia Prov. Chilensis. pag. 194

Epistola XVI. Confidenter monet aliquor socios &c. pag. 200

v. 19. Quid tamen. *Si modo vates scripserit, canere possit.*

posset ; Jam ter quinque valent lustra vocare senem .
Epistola XVII. Clarissimo Viro Joanni de Ossuna
&c. pag. 204.

v. 121. Bœtica, cui , *Provincia Bœtica ad juvandos Lusitanos exules in Italia uno ferculo quotidie omnes suos privare ultro voluit* , quod deinceps plures in Europa, & in America provincia imitata sunt. Mira fuit Hispanorum pietas erga Lusitanos ; nam libros & plura etiam sibi necessaria cum superiorum facultate vendiderunt , ut multas possent eleemosynas accumulare .

v. 127. Quam bene . In hac provincia Tyrones mira constantiæ & pietatis exempla exercuere , quod in pluribus etiam evenit .

v. 137. Egregios cecini . Anno 1740. cum Rhetorices præcepta Eboræ traderem , plures insignes viros ex hac provincia celebravi publicis Academicis exercitationibus , de quo plura videri possunt in duobus tomis Artis poetica Venetiis edita anno 1781. apud hæredes Constantini .

Epistola XVIII. Ad amicum , de fociis suæ provincie desertoribus . pag. 210

v. 49. Sæpe parum cautos . Prima ruina viri religiosi est confidentia etiam casta , & pia cum persona diversi sexus ,

v. 73. Ah timeas . Cum vir religiosus amat potius cum externis loqui , quam cum suis , signum est proxima spiritualis ruina .

v. 113. Causa mali tanti . Otium est origo spiritualis dissipationis ; cum modo Jesuitis sit quasi necessarium , potest in summam animæ utilitatem verti , præcipue orationi mentali incumbendo ; deinde non negata animo honesta recreatione illis studiis se quisque applicet , quæ suo genio magis arrident .

v. 143. Proluat . Poësis , Eloquentia , Historia , Physica .

v. 173. Hauriat . Tres opiniones circa fontium originem . Deinde color &c.

v. 187. Ut nostris . Aliquot sidera post quinque mille annos ab hominibus videri judicat Bo. covich , & aliqui Astronomi . Quod si verum sit , conjice quam a nobis plus distent quam Sol , qui paucis minutis postquam apparuit , a nobis videtur .

v. 195. Nec procera arbor . Botanica . Ex florum pulvere , quo semen sæcundatur , apes conspiciunt ceram . Inde transit vates ad indagandam animalium naturam .

v. 227. Si fortasse . Jus Canonicum , Theologia speculativa , Scripturalis , Politica , Moralis , Ascetica .

Epi-

Epistola XIX. Dulcissimo amico Ignatio Maldona-	pag. 218
to.	
Epistola XX. SS. D. N. Pio VI. P. O. M. ob infi-	pag. 223
gnia &c.	
Epistola XXI. Emin. ac Rever. Principi Joanni Ba-	pag. 226
ptiste S. R. E. Cardinali Rezzonico.	
Epistola XXII. Ad Emin. ac Reverendiss. Princi-	pag. 228
pem Alexandrum Mattei.	
Epistola XXIII. De Feste SS. Cordis Jesu ad Emin.	pag. 232
& Reverendiss. Principem Aloysium Valenti Gon-	
zaga.	
Epistola XXIV. Ad Cl. Virum Marchionem Jaco-	pag. 237
bum Ripanti.	
Carmen.	pag. 238

v. 61. *Pariter pro simul.*

v. 134. *Currere. Ex S. Cecilio M. habemus B. V. ante crucem sanguineas lacrymas sudisse, quod opponi videtur opinioni Patrum communiori: Stantem lego, flentem non lego, sed dicerem Patres de solita plorandi ratione esse locutos; immo ita exprimi videtur summus dolor in completionem delicatissima, & perfectissima, ut de Salvatore in horto testatur Evangelium; congruum enim erat B. V. non solum ex multis aliis titulis a Patribus expressis, sed etiam ipsa sanguinis effusione fuisse Corredemptricem. Vide opusculum P. Jo. Eusebii Nieremberg: De amore erga B. V. M. Cap. 14. ex quo etiam sequentes notas extraximus. Deinde notandum B. V. esse Reginam Martyrum, & in Missa Septem Dolorum expresse dicit: Felices sensus B. V. quæ sub cruce Domini martyrii palmam meruit obtinere. Immo S. Isidorus serm. 3. de Assumpt. addit: Si gladius usque ad animam pervenit, quando ad Crucem stetit, etiam plusquam martyr fuit. Fateor dici posse B. V. plusquam Martyrem, quia multo magis cruciant tormenta animi quam corporis: fateor subire martyrium qui moritur pro Christo sine effusione sanguinis; tot enim martyres in mare & in fornaces jactati gloriosum subierunt martyrium: sed pro certo habeo Sanctissimam Dei genitricem filium suum imitatum etiam in hoc redimendi modo, nempe per martyrium tormentorum animæ, quæ in nulla alia pura creatura majora unquam fuisse, & in ipsa etiam sanguinis effusione, ad quam summus dolor corporalis, & anxia cordis agitatio coegit.*

v. 164. *Non lacerò. In transfixione lateris Christi nullum ipse dolorem sensit, utpote mortuus; sed in corde Virg.*

Virg. hunc dolorum maximum fuisse plures affirmant.

v. 171. Quæ cunctis. Juxta S. Bernardum, si dolores interni B. V. in omnes creaturas dividerentur, qualibet pars in singulis sufficeret, ut omnes ex animi dolore morentur; unde vita B. V. in tanta cordis diuturna afflictione est tribuenda speciali Dei gratia, & etiam constitutioni corporis omnium creaturarum excepto Christo perfectissima; ex quo etiam provenit, quod intenso dolorum multo sit major, quam concipere possimus; ideoque inferius: Nostros superantia sensus.

v. 237. Vulnere. Juxta S. Bernardinum dolores B. V. a primo assensu divina incarnationi incœpere; cum enim nosceret futuram geniti in cruce passionem, & labores innumeros, intensissimo animi dolore in eadem crucifixus fuit, & ita semper tota vita permansit, eo mater supra omnes dolorosa, quo supra omnes creaturas amantissima.

v. 340. Ipsa. Non solum B. V. digne accedentes ad Eucharistiam speciali dilectione protegit, sed sæpe venerationis signa visa est ipsis exhibere. Vide Nicremberg.

Epistola XXV, Ad dulcissimum amicum Andream Camacho.

pag. 250

v. 67. Vix licuit. Vix ex privilegio potuit anno ætatis 23. celebrare sacrum, facultatem obtinuit ab Episcopo & Provinciali ejus patris ad missiones proficiscendi. Placebit lectori itineris narratio. Equitavit octo dies per montes asperissimos usque ad flumen, deinde nudis pedibus diebus quindecim per vias valde difficiles inter sylvas & arbores nimium spissos, tum per flumen in Canoïs (cymbis unius ligni excavati) sex diebus amne præcipiti, deinde in magnum flumen dictum Pytaza, post alios quattuor dies navigationis ingressus pagum S. Thomæ de Andoas, hic invenit Missionarium Germanicum P. Henricum Franzen, a quo didicit linguam generalem per trimestre. Inde cum neophytis Americanis per 28. dies pedibus nudis, & per 12. dies in Canoïs contra cursum fluminis, deinde iterum post 25. dies itineris pedibus nudis ingressus loca habitata a natione Murata, quam totam in pagum collegit, & Christi militia adscripsit per decem annos; hac occasione amicitiam contraxit cum primo Cazichio nationis Xivaros, & ultra linguam generalem opus fuit discere linguam nationis Muratæ, & Xivarorum inter se valde diversas.

v. 69. Qua nulla. Ut Lector cognoscat difficultatem iter faciendi per ea loca, & quod semper pedibus opus est pergere, notet arbores aliquando tam junctas esse, ut vix locum

locum transeundi permittant, deinde residuum loci silvis & arbusculis implicatur, quod idem invenies si sequenti anno redeas. Unde opus est cum neophytis, qui securibus & bipennibus viam aperiant, lente prosequi: terra enim feracissima subito viam occupat: Et cum via ad frequentem usum aptari debet, magna expensæ requiruntur: In itinere D. Camacho singuli neophyti ferebant secures, arcum, & sacculum cum farina flava, vulgo gran Turco; communiter victus erant psittaci & simia.

v. 93. Sic potuit. Extruxit D. Andrea Camacho in natione Murata templum B. V. Dolorum gladius transfixæ die 24. Junii 1755., & templum SS. Cordis Jesu in natione Xivaros die 24. Julii 1762. Prima natio vix mille animas continebat: omnes sunt in pagum uniti, & mirabili innocentia vivebant. Secunda vasta & populoa, & ob viciniam contracta amicitia cum primo Cazichio; seu Rege nomine Mazutaca baptizatis quingentis parvulis, & ad duo millia in pagum unitis spem dabant, ut omnes ad fidem & vitam civilem reducerentur, sed tunc temporis indictum est Jesuitis exilium.

Dici potest Missionarius non solum nationis Xivaros & Muratas, sed etiam Andoas, Zimigæ, Pinches, Roaimainas, Gafes, Comacoris, Ytremojoris, Nevas, Uspas, Arazas, Yoinoris, Ycheconegoris, & Pavos; Ha omnes nationes in pagum præcipue Andoas conveniebant.

v. 101. Sæpius. In hoc duello unus vincitur, sed semper dubia est victoria. Crocodili in illis locis & plurimi & magni sunt, forte aliquantum diversi ab illis, quos Nilus educat. Vocantur Caiman. Dentes asimantur ad medicamen.

v. 105. Contigit hic: Hic coluber vocatur in illis locis Japuana: habet circæa quadraginta cubitos longitudinis (notetur quod cubiti hispani Vara habent quattuor palmos, & italice Braccia tres) Crassitudo colubri erat ut corpus pueri. Oris vero forma sicut lacerta, sed horribilis. Colubri sex ulnarum seu cubitorum sunt frequentes in illis sylvis.

v. 117. Sed raro. Magna serpens, quæ ibi vocatur Jacummama. Rarissima est, & ego solum cum tribus viris locutus sum, qui eam viderunt, sed vix tota apparet, quia inter sylvas pars magna corporis latet. Crassitudo corporis ad palmos viginti in circuitu extenditur, ita ut magnum arboris truncum existiment viatores, qui alias etiam similes arbores aliquando solo aquatas inveniunt. Si eminus videtur os, nullum est periculum, quia nimis lente progreditur ob immensam molem; & ob densas sylvas atque arbores

boreis unitas. Nōvi Roma P. Carolum Brentanum Germanum tunc Procuratorem sua provincie, qui per annos undeviginti fuit Missionarius, & inde Provincialis. Hic in Missionibus in sat is magna distantia se sensit attrahi, cognovit esse serpentis flatum, sed cogebatur, dum locus erat, illuc advolare cadendo ob sylvas impeditentes, sed tunc etiam versus attrahentem serpentem semper invitus ferebatur. Unus ex neophyitis cucurrit cum gladio ad scindendum aerem, clamando: fugiat, & ille ab eo periculo se subtraxit. In factō quod narramus D. Camacho cum aliis fugiebant verus os serpentis, sed cito adverterunt. Potuit etiam magnus offis ex carne mista cum herbis veneficis occidere serpentem, ut post duos annos ipsi innotuit, sed frustra dentes obtinere quævit, quisummo opere æstimantur plus quam ebur. Certe illa attractio est mirabilis; neque dubium, hunc serpentem esse maximum animalium terrestrium.

v. 161. Sed loca. Antiquissima communiter est regio novæ orbis, sed sunt loca qualia hic ad litteram describuntur.

v. 173. Urbs fuerat. Civitas Logroño ab Hispanis fundata in Provincia Xivatos, quam barbari suos duces sequuti, feroces & bellicosos destruxerunt. Non multum distabat Primus velut Imperator, ut diximus, & D. Camacho, & ex notitiis, quas habuit mist cymbam ad eum invitandum, & duodecim suis dono &c. Opus fuit facultate tam a Regiis Ministris, quam a Superioribus Societatis, ut illuc pergeret, quia inhibitum erat ob ferociam nationis. Non solum D. Camacho secundam Ecclesiam ibi fundavit, sed aucto in dies numero cum superioribus agebant, ut alios operarios mitteret, sed tunc temporis indictum est exilium, ut distat est. Non hic est intemperies aeris, ut in alio pago, quia incipiunt montes.

Ad S. Ignatium de Loyola Precatio. pag. 258

Pro totius operis coronide Fabula moralis. pag. 259

v. 2. O vatam. *Artem nostram poeticam, de qua jam locuti sumus Ep. 2. ad Heroas, laudibus clarissimi vatis D. Nicolai coronavimus, quem Germania Arctostum nuncupare jure merito oportuit. Vide tom. 2. pag. 460., & Epigramma sequenti pagina.*

v. 209. Impius Agrintas (anagrammate ingratus) dignum nomen est Viri scelerati, a quo. Eglon Anag. Longe nimium distat. Stipulatus corrige stipatus; cetera benignus lector excusabit, & corriget.

F I N I S.

MAG 2020554









